

1000/B/1

A x q

5305
C E N S V R A
L I B R O R V M
HIPPOCRATEORVM

Q V A
VERI A FALSIS
I N T E G R I A S V P P O S I T I S
S E G R E G A N T V R .

COLLEGIT EX OPTIMIS QVIBVSQVE
AVCTORIBVS

EROTIANO, GALENO, HIER. MERCVRIALI,
FOËSIO, CLERICO, IO. ALBERT. FA-
BRICIO, HALLERO
ALIISQVE

OMNIA RECENSUIT, DIIVDICAVIT
NOVVMQVE IN ORDINEM REDEGIT

D. CHRISTIAN. GODOFREDVS GRVNER.



VRATISLAVIAE 1772.
APVD IOANNEM FRIDERICVM KORNIVM SENIOREM.

SENECA

Ep. XXXIII. p. 106. et Ep. LXIV. p. 186. ed. Lipf.

Qui alium sequitur, nihil inuenit, immo nec quaerit. Quid ergo? Non ibo per priorum vestigia? Ego vero utar via veteri, sed si propiorem planioremque inuenero, hanc muniam. Qui ante nos ista mouerunt non domini nostri, sed duces sunt. Patet omnibus veritas, nondum est occupata: Multum ex illa etiam futuris relictum est. — Veneror itaque inuenta sapientum inuentoresque; Adire, tanquam multorum hereditatem, iuuat. Mihi ista acquisita, mihi laborata sunt. Sed agamus bonum patrem familiae. Faciamus ampliora, quae accepimus. Maior ista hereditas a me ad posteros transeat. Multum adhuc restat operis multumque restabit, nec ulli nato post mille secula praeccludetur occasio aliquid adhuc adiciendi.



ILLVSTRISSIMO

ATQVE

EXCELLENTISSIMO DOMINO

D O M I N O

CAROLO GEORGIO

HENRICO DE HOYM

POTENTISSIMI BORVSSORVM REGIS

ADMINISTRO STATVS ET BELLINTIMO,

ADMINISTRO REDITVVM SILESIAE REGIO

CET. CET.

DYNASTAE TERRARVM DYRNEVRTH,

ARNOLDSMÜHL

CET. CET.

D O M I N O S V O L O N G E

CLEMENTISSIMO

MAECENATI LITTERARVM MAXIMO

H O C
PIETATIS ET OBSERVANTIAE
MONIMENTVM

QVAM SVBMISSISSIME ATQVE DEMISSISSIME

OFFERT

CHRISTIANVS GODOFREDVS GRVNER.

ILLVSTRISIME
DOMINE CLEMENTISIME.

*F*retus favore illo singulari, *DOMINE ILLVSTRISIME*,
quo in omnis doctrinae ambitum
literarumque cultores ferri et
tantum non rapi videris, eaque compulsus ani-
mi altitudine, qua omnium utilitati et patriae
commodis consultum esse cupis, non potui non
hanc meam qualemcunque opellam nominis *TVI*
inscribere magnitudini. Intuetur enim in *TE*,
tanquam praeclarissimum administri status exem-
plum, optimus quisque, nec ullum unquam

*TVORVM gloriae debitissimam. Ego vero
precibus ardentissimis faustoque cum omine et
vitae TVAE, LECTISSIMAE CONIV-
GIS, SOBOLIS SVAVISSIMAE con-
stantiam, et salutis perpetuitatem a Deo appre-
cor, atque omni, qua par est, animi observantia et
quam submississime TE rogatum velim, DOMI-
NE ILLVSTRISIME, ut TVO me pa-
trocinio et fauore, quo nihil mihi antiquius, ni-
hil prius, nunquam censeas indignissimum*

NOMINIS TVI ILLVSTRISIMI

Vratislaviae
XIII. Calend. Septembres.
CLD ID CCLXXI.

obseruantissimus cultor

Christianus Godofredus Gruner.



LECTORI BENEVOLO

S. P.

D. CHRIST. GODOFR. GRVNER.

Nullius facile graeci medici tam praeclara monumenta sunt, in quibus legendis melius, omne tempus suum atque studium possint maioriq[ue] cum comodo collocare ii, qui medicinae dant operam, quam in Hippocrateis, in primisque his, quae ad naturae exemplum adumbrata et expressa quasi sunt.

Orationis enim genus, etsi perbreue est multisque in locis, si Dis placet, obscurum videtur, tamen ex intelligentium peritorumque iudicio tam dilucidum est, tam venustum tamque argumentis accommodatum, nihil vt supra. Rerum vero ipsarum ea est multitudo atque praestantia, vt ab horum librorum lectione non possis non doctior et ad artis *πραγματείαν* magis idoneus recedere,

Neque (fatebor enim) satis mirari possum, quid sit, quod, monumentis magni huius viri neglectis atque posthabitis, ad riuulos hinc inde deductos eosque sane turbidos auidi decurramus, et beneficii tanti tamque eximii turpiter profecto immemores illa dona non spernimus modo, nostraque cura putamus indignissima, verum etiam in hunc diuinum senem omni malorum conuicio- rumque genere debacchamur. Quod si non est iniuste agere, quid tandem sit, iuxta cum ignarissimis ignoro.

P R A E F A T I O.

Multi enim si qua his HIPPOCRATIS magni momentis contineri intellexerint aut supposita et interpolata, aut doctrinae placitis, quibus hodie utimur, non ex asse respondentia, omnia illico, negligentia dicam, an incertitia, proiicienda tineisque et blattis relinquenda putant. Equidem non is sum, qui falsa his libris quaedam admista esse negem, neque multa sane melius nostra hac aetate legi explicarique doctius posse concedam; Sed videant id genus homines, ne quid temere et indicta causa agant, seque dent turpiter. Nec enim quicquid nobili HIPPOCRATIS magni nomine solet circumferri, semper diuino seni adsignandum est, cum et orationis forma et argumentorum veritas multum haud raro a se inuicem abhorreant, nec viri docti probique persona dignum est, promiscue quaeuis aut amplecti, aut contemnere, sed potius adfensum sustinendo veterum scripta, ut fas est, audire, si naturae consentiant, et recentiorum inuentis uti, si qua in re curatius plenisque versati sint.

Quare cum tanti momenti sit intelligere, *veri an falsi, integri an suppositi et interpolati hi diuini senis libri sint*, et non possint non signa quaedam adhiberi, quibus, tanquam fundamento, inniti hoc in dilectu tuto possis, non spero solum, verum etiam confido, fore, ut nostra haec opera, quam in Hippocrateorum librorum aut integritate approbanda, aut falsitate demonstranda collocauimus, aequis ac intelligentibus harum rerum arbitris haud displiceat.

Quo in negotio etsi multi, iique longe clarissimi viri ante nos versati sint, quibus palmam dare non vereor, atque horum facile principes et sint et habeantur necesse sit *Ludovicus Lemosius* atque *Hieronymus Mercurialis*, tamen non potui non hanc nostram qualemcunque opellam in vulgus edere. Vterque enim labor nunquam ad manus venit, quicquid operae in anquirendo consumimus et tantum non perdidimus, adeoque in malam partem

P R A E F A T I O.

tem puto nemo interpretabitur, si horum virorum nomina hac in scriptione aut perraro occurrant, aut ex aliorum auctoritate cuncta proferantur, cui, dici vix potest, quam inuitus in statuendo rei cuiusque pretio soleo fidem adhibere. Lubrica enim (crede mihi experto) haec est auctoritas manca et omnium longe inconstantissima.

Post horum fata an quis alius hanc librorum Hippocrateorum auctoritatem atque pretium consilio deditaque opera sibi sumserit vendicandum, ignorare me profiteor. Id vnum scio, multos, eosque hoc in litterarum genere versatissimos graues ob causas huic rei tam arduae tantisque obsessae difficultatibus accingere se noluisse, sed potius eorum more, qui in elato aliquo collocati loco inferiora dimetiuntur quidem oculis, at vero re ipsa viam conficere non audent, in Io. Henr. Schulzii^{a)} votum inisse pedibus: *Vtinam doctus aliquis vir, ad examen seuerè reuocatis omnibus, quae iam passim de hoc argumento dicta sunt aut dici ulterius possint, planum medicinae Hippocraticae studiosis faciat, ex quibus potissimum libris genuinam eius mentem adsequi possint. Quod nisi fiat, de HIPPOCRATE omnia incerta manebunt, nec ratio patebit, qua debeant manifeste inter se pugnantia conciliari aut vera HIPPOCRATIS sententia discerni possit.*

Cui voto, tantum abest, vt leui hac scriptiuncula prae ceteris respondiſſe mihi videar, vt etiam multa leuius, quam par erat, dicta, multa manca et imperfecta facile largiar esse adiuncta, partim quod naturam in tribuendis ingenii dotibus non adeo fautricem expertus sim, partim quod in tanta veterum scriptorum penuria et contentione ne licuit quidem mihi esse tam felici puluerulentum quorundam, quos in votis habueram, situm atque squalorem contractum abstergere, tineisque nec opinato dicere inducias.

Mouit ea nos res, vt, quae hac de re dudum senseramus, ea, nunc et veteris illius hominis memoriam ab obli-

a) Hist. Medicin. Per. I. Sect. III. c. 1. §. 23. p. 218.

P R A E F A T I O.

obliuione vendicando, et bene factorum magnitudinem denuo commemorando foras dare nobis potissimum sumeremus. In quo tamen negotio ita versatus sum, vt, *praemissis iis notis, quibus veros Hippocrateos libros a falsis internosci facile posse putem, vniuersa hac doctrina* viam meliorem mihi planioremque communirem. Sunt autem illae notae atque *Χαρακτῆρες*, quos adhibendos duximus, *brevitas orationis, argumentorum dignitas atque conspiratio, ratiociniorum denique paucitas.* Plures enim adferre nec placuit, nec fas fuit, cum in perpaucos fane libros, qui praeclaro HIPPOCRATIS nomine ac gloria cupiunt delitescere, harum notarum vis atque auctoritas cadere posse videatur, adeoque, si haec omnia spectes, non miraberis fane, quid sit, quod vix ac ne vix quidem tertiam partem ab hac pernicio capitali vendicandam existimarimus.

Multae enim fuerunt caussae, quae nos prohiberent, quo minus in *Hieronimi Mercurialis*, similitudinem hos libros denuo et iterum distribueremus, et prouti aut elaborati satis, HIPPOCRATE viuo, essent atque editi, aut paene affecti aliorum industria male sedula interpolati, ita etiam varios constitueremus ordines. Illud enim, vt mihi videtur, dialecticorum repugnat placitis, neque rei naturae satis respondet, cum non, nisi vnum id locum habere possit, vt aut vere HIPPOCRATIS hi libri sint, aut non sint, nulla studii tam minute philosophandi habita ratione. Quod cum earum notarum beneficio, quas adhibendas hoc in dilectu duximus, fieri possit facillime, ecquis, tam demens atque baro est, vt in hoc *Mercurialis* lubrico semper agitari et huc illuc ferri velit?

Neque tamen quis sibi inducat in animum, temere haec et oscitanter me fouisse in sinu quasi atque incogitantem effutiisse, neglectis aliorum virorum studiis aut spre-
tis. Multum enim sane taedii laborisque in tot tantisque veterum recentiorumque scriptorum monumentis euoluendis, perlegendis, et optimis quibusque apum more no-
strae

P R A E F A T I O.

strae huic scriptiunculae insinuandis fuit nobis deuorandum. *Galen*i enim opera quam vasta sunt! quam operosa! Et nihilo tamen secius nos nec piguit ea diurna nocturnaue manu versare, cum tanti hac in re momenti sit eius auctoritas, et dux quasi atque coryphaeus ille habendus sit, neque hoc auctoritatis splendore hebetati tantum ei semper fidei habuimus, quantum *Hieron. Mercurialis*.

Sui enim saepe numero tam immemor *Galenus* est, ut in eius decretis tuto semperque acquiescere haud liceat, adeoque nec veritus sum, si per rei naturam fas erat, in aliam quamcunque sententiam ingredi.

Ad hanc vero librorum Hippocrateorum aut auctoritatem confirmandam, aut vilitatem demonstrandam vti haud raro sumus doctorum virorum testimoniis, *Thucydidis*, *Erotiani*, *Caelii Aureliani*, *Luciani*, *Galen*i, *Athenaei*, *Suidae*, quibus si inter recentiores prae ceteris adiunxeris *Hieronymum Mercurialem*, *Foësum*, *Jo. Albert. Fabricium*, *Clericum*, *Io. Henr. Schulzium*, *Hallerum*, alios, non inique profecto feres, tot tantorumque virorum nominibus, tanquam stellulis, scriptiunculam hanc esse interstinctam. Non enim (crede mihi) tam abiectae mentis sum, ut ingenii doctrinaeque ostentandae gratia in alienos fines vagari ausim, id quod sane viri docti persona videtur indignissimum, neque in seculi nostri consuetudinem ac leuitatem sic effusus atque pronus sum, ut, aliorum, qui ante nos praeclare hoc in argumento versati sunt, laboribus aut ne commemorandis quidem, aut saltem obiter, nominis mihi gloriam velim comparatam. Illud enim ut dedecet virum grauem, ita etiam summa est iniuria.

In re enim ista, quae historici potius persona, quam grammatici digna est, omnia omnino aliorum innituntur testimoniis, tanquam fundamento; quae si temere ac imprudenter sustuleris, aut negligentius praetermiseris, dici vix potest, quam mancae et mutilae id genus scriptiones, quam vaga et lubrica earum fides sit. Argumenti enim dignitas hinc attollitur incredibiliter, lectorique via quasi prae-

P R A E F A T I O.

praemunitur facilius ad perspicendum, cum quid docti ante nos homines hoc de argumento senserint, tum qua de causa haud raro ab eorum partibus stare recusarimus. Quae si vera sunt, et quis est, qui negare audeat? eane, amabo, digni sumus reprehensione, quae nobis nuper fuit has ob ineptias subeunda? Minime gentium, sed audiamus potius hac de re friuola, si Dis placet, magnique viri persona haud digna Galeni^{b)} sententiam: Ἀυτὴ καὶ δικαία τε ἐστὶν αἶμα καὶ πρέπασα τοῖς ὀτιῶν ἀγαθὸν ἐξευρέσι τιμὴ, μήτε κατακερύφειν τὰ εὐρέματα αὐτῶν, μήτ' ἀγνοεῖν τοῖς ἀνθρώποις, ἀλλ' αὐτὰ τε φαίνεσθαι, τὴν δ' εὐρέσαν μέθοδον γινώσκεισθαι. *Hoc est iustum simulque decens praemium eorum, qui quodcunque tandem in vita bonum inuenerunt, ut inuenta ipsorum non occultentur, neque hominibus sint ignota, sed tum ipsa appareant, tum ratio et methodus, quae ipsa inuenit, cognoscatur.*

Ne quis vero sibi persuadeat, hac scriptione commodis eorum tantum, qui in academiis medicinae dant operam, prospicere nos atque consultum velle, non id effecimus solum, ut, quam fieri poterat breuissime, libri cuiuscunque Hippocratici aut auctoritatem confirmaremus, aut ex rei natura scriptorumque fide demonstraremus vilitatem, verum etiam et breuem explicationem adiecimus, et earum rerum, quae nisi utilitati, ornamento saltem medico esse possint, dilectum breuiter existimauimus adumbrandum. Nam cum cuiusque artificis sit originem artis, quam colat, et progressus, quos subinde laetius succrescens ceperit, nosse penitus, ut exinde fructus hauriat vberrimos ad artis pomœria aut vltèrius proferenda, aut saltem, quam fieri possit bellissime, eius opera expolienda, ecquod, facinus tam nefarium est tamque inauditum, si qua aut illustrandi argumenti gratia, aut ut lectoris animo laxamenti quid daremus, ex his elegantiorum litterarum studiis repetimus?

Neque

b) Difficult. Respirat. I. i. p. 246. T. VII. ed. opp. HIPPOCR. et Gal. Charter.

P R A E F A T I O.

Neque hic constitit nostrum inferuendi studium, sed si per argumentum licuit, etiam quaedam alia existimauimus immiscenda quasque delibanda, quae etsi iure suo videantur abesse posse, tamen et res doctorum virorum oculis dignas continent, et nostrae in Hippocrateos libros consumendae operae vel maxime consentanea sunt. Quorum in numero, ut hoc utar, est prae ceteris magna illa quidem, at praeclara tamen nec illaudabilis disceptatio, HIPPOCRATES corpora humana dissectuerit, nec ne? Qua in re ut nobis haud licuit ab magnorum virorum stare partibus, ita etiam non potuimus non hac in scriptione veritati semper dare omnia, testimoniis aliorum aut nihil, aut oppido parum, nisi sic melius et probabiliter dixisse haec omnia videremur. Hinc si quos celebritate nominis conspicuos tanti haud videar aestimasse, quanti ob praeclara sua in literas facinora mereantur, dabunt profecto id animi nostri simplicitati atque candori, sibi que velim persuadeant, nullum unquam tempus fore, quo, quantum per virium mearum imbecillitatem fieri possit, tantum eorum laudibus cumuli loco addere non constitutum sit animo.

Accedit et illud, quod multorum utilitati et commodis consulturi, a quorum bibliothecis nonnullae operum Hippocrateorum editiones absunt quam longissime, varias vario tempore in vulgus datas cuiusque libri fronti praefiximus, (nos saltem multas ob causas Lindenianam potissimum duximus adhibendam) adeoque doctorum virorum voluntati et arbitrio permisimus, quam prae ceteris in hoc nostro libello diiudicando sequi placeat. Non enim eorum iudicia detrecto, sed opto, modo iusta sint, nec ex praeeiudicatarum opinionum vanitate deducta. Id unum rogo meminerint, laborem hunc iuuenilem esse, nec forsitan sic limatum atque perpolitum, qualem eruditum veteranumque decet hominem.

Quae scriptio si punctum tulisse videatur, nec omni approbatione indigna, constitutum nobiscum est animo denuo ad *fragmenta veterum medicorum* propius accedere,

P R A E F A T I O.

ac in iis colligendis, et illustrandis paene versari vnice. Quae res vt perardua est viriumque nostrarum imbecillitati haud satis consentanea, ita etiam quoscunque litteratura veteris studiosos rogatos etiam atque etiam velim, vt beneuole hoc onus praegrande alleuent. Fecerunt id iam ea, qua solent, humanitate *Daniel Guilielmus Trillerus*, *Senex Venerabilis*, et *Reiske V. Cl.* quorum alteri vitam nestoream atque post tantos tamque praeclare exantlatos labores rudem optamus, alteri vero in strenuam veterum scriptorum aemulationem nato ea omnia ex animo apprecamur, quibus ob sua in litteras elegantiores bene facta est dignissimus. Ambo autem vt me amare studiorumque suorum copia atque praestantia pergant pro viribus adiuuare, id est, quod perhumaniter rogo. Sed haec haecenus.

Praefationem enim scribo, non elucubrationem, adeoque tuum erit, L. B. legere atque videre, quid re ipsa sit praestitum. Vale, et placide de labore hoc iuuenili iudica, et si quid operarum incuria aut male sit expressum, aut temere mutatum, hoc nostrae dabis absentiae locique longinquitati. Vale iterum et faue. Scripsi Vratislaviae XIII. Calend. Septembres. cIo Io CCLXXI.



INDEX

CAPITVLM.

CAPVT I.

*De uniuerſa rerum, quibus librorum Hippocrateo-
rum vis atque auctoritas continetur, explica-
tione.* pag. I

SECTIO I.

*De modo, quo veris falſi libri potuerint immi-
ſceri.* 5

SECTIO II.

*De notis iis, quibus Hippocrateorum integritas
poſſit internofci.* II

SECTIO III.

*De testimoniis veterum recentiorumque ſcripto-
rum, quoad hanc librorum Hippocrateorum
auctoritatem.* 23

**

CAPVT

CAPVT II.

De genuinis HIPPOCRATIS magni libris, in quos breuitas grauitasque orationis atque ratiociniorum paucitas cadere videtur. p. 39

CAPVT III.

De suppositis HIPPOCRATIS magni libris, qui et subtilius, quam par erat, scripti sunt, et reliquis Hippocrateis monimentis repugnant. 73





C E N S V R A
LIBRORVM HIPPOCRATEORVM

Q V A
V E R I A F A L S I S,
I N T E G R I A S V P P O S I T I S
S E G R E G A N T V R.

C A P V T I.

De vniuersa rerum, quibus librorum Hippocrateorum vis atque auctoritas continetur, explicatione.

§. I.

Encomium HIPPOCRATIS.



ogitanti mihi saepenumero et memoria HIPPOCRATIS auctoritatem repetenti, quam multis abhinc seculis scio tantam fuisse, vt cum ii, qui propius ab eius aetate ^{a)} afuerunt, sapientiae praestan-

a) Auct. Ep. Paeti ad Artaxerx. in calc. opp. Hipp. p. 898. Tom. II. ed. Lind. Οὗτος θεία φύσις κέχρηται, καὶ ἐκ μικρῶν καὶ ἰδιωτικῶν εἰς μεγάλα καὶ τεχνικὰ προήγαγε τὴν ἰατρικὴν. — Ἔστος πατὴρ υἱοῦ, ἔστος σωτὴρ, ἔστος ἀκισνώδης, ἔστος ἀπλῶς ἡγεμὼν τῆς θεοπροπῆς ἐπιστήμης. Hic diuina natura

praestantiam satis efferre laudibus non potuerint, tum qui patrum memoria eam eruditionis doctrinaeque magnitudinem essent consecuti, ut recte de rebus statuere posse putarentur, perbeati fuisse illi videri solent, qui inter diuini senis monimenta habitantes in artis salutaris adyta interioresque recessus penetrabant, et cum principis huius in medicina viri vestigiis insisterent, tanta cum nominis gloria morborum crudelitates debellabant, ut, si quis iam tuto et iucunde valitudinem aut amissam reuocare voluerit, aut labefactatam confirmare, non possit non in eorum similitudinem HIPPOCRATEM ducem sequi. Hic enim, ut olim de *Epicuro Lucretius* ^{b)}).

Ingenio

praeditus est, et ex paruis atque vulgaribus ad magna et artificiosa medicinam euexit. — Hic est sanitatis pater, hic seruator, hic dolorum curator, in summa, hic diuinae scientiae particeps. conf. Suidas in voc. Ἱπποκράτης, p. 1269. T. I. ed. PORTI. Macrobius in Somn. Scipion. L. I. 6. p. m. 41. ed. Lugd. in primis vero Antholog. Graec. T. I. 39. Tit. εἰς ἰατρούς.

Ἱπποκράτης Φάος ἦν μερόπων, καὶ σώετο λαῶν
Ἐθνεα, καὶ νεκύων ἦν σπάνις ἐν αἰθήρῃ.

*Lux hominum, HIPPOCRATES, populos tutatus,
in orco*

Fecit, ut umbrarum copia rara foret.

Plura HIPPOCRATIS encomia apud veteres aequae atque recentiores scriptores obuia, si cuius scire interfit, adeat, quaeso, Io. Meibomii Commentat. in Iusiurand. HIPPOCR. c. 21. p. m. 207. sequi. conf. S. Cypriani Ep. 76. p. 153. ed. Paris. 1666. ubi mysteriis christianorum initiatos *clinicos* vocari malle perhibet. Hinc: *Non inuenio, inquit, unde hoc nomen adsumant, nisi forte qui plura et secretiora legerunt apud HIPPOCRATEM, — καὶ πάλιν ἱστὸς* istosprehenderunt.

b) L. III.

Ingenio superauit et omnes

Praestrinxit, stellas exortus ut aethereus sol,

adeoque, nisi me omnia fallunt, recte haec Suidae ^{c)} ad HIPPOCRATEM inagnum referri posse censeo. Μαλλον αὐτὸν ἐκπλήττεσθαι σιωπῇ, ἢ ἐπαινεῖν ῥάδιον, ὅθεν ὁ λόγος ταῖς τῷ ἀνδρὶ ἀρεταῖς ἐξισομένους. Facilius multo est tacite ipsum admirari, quam laudare. Nulla enim oratio virtutes eius adsequi posse videtur. Tam enim, si qua in re alia, in describendis certe morborum signis ac euentis est admirabilis, ut, si integra eius monimenta legeris, naturam ipsam, omni deposito velamento, tibi coram intueri videaris.

SECTIO I.

*De Modo, quo veris falsi libri potuerint
immisceri.*

§. II.

*Praecipua causa fuit Ptolomaei et Attali aemulatio, nec non
bibliothecae Alexandrinae deflagratio.*

Sunt quidem haec, quae de librorum Hippocrateorum auctoritate delibauimus, tanta, tum praeclara, tamque imitatione omni digna, nihil ut supra. Interest vero plurimum nosse, a quo quisque profectus est, adeoque non possum non eos cum maxime suspiciendos atque colendos ducere, qui in his diuini senis monumentis collocandis, ordinandis, integritatique reddendis omnem

A 2

suam

c) Sub voc. Ἀστειν.

suam operam, omne studium, omne tempus posuerunt.

Nam cum in tanta apud veteres gloria esset HIPPOCRATES, ut, auctore *Galeno* ^{d)}), ὡς περ Θεῶ Φωνὴ ἢ Ἰπποκράτης λέξις haberetur, eaque in scribendo et experiundo vteretur accurate, qua ante eum usum puto neminem; factum est, ut multi, iique nec illiterati viri hoc nomine ceteris imponerent, et si quos inuita haud raro Minerva aut lucris studio ducti libros conscripserant, eos huius viri gloria et auctoritate tuto delitescere posse arbitrarentur. Id quod vel maxime tum usu venisse *Galenus* ^{e)}) memoriae prodidit, cum *Ptolomaeus Evergetes* ^{f)}), Aegyptiorum rex, et *Attalus* ^{g)}) aemulatione quadam haud illaudabili capti ad instruendas augendasue bibliothecas animum appellerent, et si fors fortuna veterum

d) L. Util. Part. I. 9. p. 291. T. IV. ed. *Chart. Suidas* in Voc. Ἰπποκράτης p. 1269. Vol. I. ed. *Port.*

e) In L. Nat. Hom. Comm. II. Praefat. p. 128. T. III. ed. *Chart.* In L. de Humor. Comment. I. Praef. p. 509. T. VIII. immo vero in III. Epid. Comm. II. 4. p. 248. T. IX. *Aeschyli, Sophoclis, Euripidis*, fabulas magno pretio ab Atheniensibus *Ptolomaeus* redemisse dicitur.

f) *Gal.* in L. III. Epid. Comment. II.

g) *Strabo* Geograph. XII. — conf. L. XIII. — vbi *Eumeni*, ex quo natus hic *Attalus* erat, hanc laudem deberi litteris reliquit consignatum: et l. cit. p. 608. *Aristotelem* primum fuisse perhibet, qui bibliothecam colligeret, eaque re Aegypti regibus exemplo quasi fuisse, in quod intuerentur, quodque imitando exprimerent. *Galeno* vero L. X. Simpl. Medic. Facult. 1. p. 274. T. XIII. ed. *Chart.* plures medicamentorum formas conquississe perhibetur. Conf. *Plutarch.* in Vit. *Sullae* p. 172. edit. Basil. 1554.

terum scriptorum monimenta obtulerat, nec sum-
 tuum parcerent magnitudini, nec operis tanti
 tamque molesti laborem fastidirent. Quid igitur
 mirum, si multi, auri sacra fame compulsi, sese
 ad HIPPOCRATIS mentem doctrinamque com-
 ponerent, et similitudine quadam orationis adhi-
 bita, incautis lectoribus fucum darent, qua in re
 memini me consentientem habere *Th. Bartholi-
 num* ^{h)}? Et bibliotheca alexandrina, cum a *Iulii
 Caesaris* militibus incensa conflagrasset, nonne fa-
 cile fieri potuit, id vero factum esse, cum ex hi-
 storiis patet, tum *Io. Neandri* ⁱ⁾ testimonio con-
 firmatur, vt maliuolorum hominum studio inte-
 gris Hippocrateis libris surrogarentur alieni? Sin
 vero veterum saltem ad nos peruenissent versio-
 nes Hippocraticae, quarum vnus meminit *M.
 Aurel. Cassiodorus* ^{k)}, plura forsitan hoc de argu-
 mento, eaque tutiora commemorari posse vi-
 dentur.

§. III.

*Caussarum inuestigatio, unde tot diuersitates et
 repugnantiae dimanarunt.*

Quicquid tamen difficultatum nobis ex trans-
 uerso quasi fuerit obiectum, tantum abest, vt cum
Barchusenio ^{l)} insignem hanc repugnantiarum mul-
 titudinem HIPPOCRATIS *inconstantiae* tribua-
 mus:

A 3

h) *Diff. II. de libris legend. p. 25.*

i) *Medicin. Natalit. p. 85.*

k) *Divin. Lect. c. 31. Similiter Pelopis studio primum apud
 latinos hac ratione aphorismi innotuerunt HIPPOCRA-
 TIS. v. Auct. Comment. Oribos. Praef. p. 8.*

l) *Hist. Med. Dial. IX. p. 186.*

mus: fuit enim vel in minimis callidus obseruator; Sed si quid video, vel maxime ab incuria eorum, qui libros descripserunt, profectum est, qua in veterum scriptorum monumentis, vt Strabo ^{m)} memorat, nihil frequentius, et, Galeno ⁿ⁾ auctore, scribae non scripturae elegantiae dabant operam, sed celeritati per notas, vnde postea multa, eaque maxima subnata damna sunt. Sic olim Artemidorus Capito et Dioscorides ^{o)} sibi multum licere putarunt, quorum editiones operum Hippocrateorum etsi probabantur Adriano imperatori, tamen sibi in auctoris verbis temere mutandis alienisque insinuandis mirum, quantum licentiae indulserunt. Commentatorum etiam effecit ignorantia, vt, quae ad marginem alii alleuerant illustrationis gratia, in textum temere pro genuinis adoptarentur, aut tandem, vt iamiam monui, hominum debetur malignitati, quicquid errorum et repugnantiarum HIPPOCRATIS magni libros contaminare videtur. Recte enim Galenus ^{p)}:
 Καὶ Φθονεῖσιν τινες ἤτοι κατακρύπτουσιν, ἢ τελείως ἀφανίζουσιν τὰ τῶν πρεσβυτῶν βιβλία. τινὲς δ' ὑπὲρ τῆς λέγειν, ὡς ἴδια τὰ αὐτοῖς γεγραμμένα πράττουσιν τῆτο. Quin etiam inuidi quidam aut supprimunt, aut omnino abolent veterum libros.

m) Geograph. loc. cit.

n) Difficult. Respirat. III. 2. p. 269. sequ. T. VII. ed. Chart.

o) Gal. Gloss. voc. ἀπεβράσσαντο: Comm. I. Nat. Hom. Text. I. p. 97. T. III. ed. Chart. In L. de Humor. Comm. I. 34. p. 581. T. VIII. In L. Epid. VI. Comm. I. Praef. p. 354. T. X. ed. Chart.

p) In L. Nat. Hom. Comm. I. I. p. 98. T. III. ed. Chart.

bro. Sunt, qui id faciant, ut, quae in eis tradita, sua esse dicant. Sed hac in re, ut fieri solet, aliter Soranus ^{q)}: Περὶ δὲ τῶν συγγραμμάτων αὐτῆ πολλὴ γέγονε διαφωνία, ἄλλων ἄλλα δοξασάντων· ὅθεν ἔκ εὐμαρὲς τὸ περὶ αὐτῶν ἀποφύνασθαι, διὰ τὸ πολλὰς αἰτίας ἐπισκοπεῖν τῇ κρίσει. πρῶτον τὴν ἐπωνυμίαν· δεύτερον τὸ δύνασθαι τὸν χαρακτῆρα τῆς φράσεως τηρῆσαι. τρίτον διὰ τὸ ἓνα καὶ τὸν αὐτὸν ποτὲ μὲν ῥωμαλεώτερον, ἄλλοτε ἁδενέστερον διὰ τὴν ἡλικίαν συγγράφειν καὶ ἄλλας δὲ μετὰ τῶν αἰτίας εἶναι εἰπεῖν. *De scriptis ipsius multa dissensio est. Quare fit, ut, cum alii alia opinentur, non facile sit de ipso certum quid pronunciare ob multas praesertim causas, quae iudicii certitudinem offuscant. Veluti est primum quidem cognomen; secundo quod dictionis characterem possibile sit servare; Tertio quod unus et idem modo robustiore, modo remissiore dictione per aetatem utatur; neque desunt etiam aliae praeter has causas, si referre liberet. Quae quam vere et HIPPOCRATI accommodata dicta sint, penes lectorem iudicium esto.*

§. IV.

Dubitationes veterum et recentiorum scriptorum.

Librorum autem, qui HIPPOCRATIS magni nomen gerunt in fronte inscriptum, vix ac ne vix quidem tertiam partem ad eum pertinere, dubium fore, puto, nemini. Plurimorum enim ne

A 4

nomen

^{q)} In Vita HIPPOCR. ad calc. opp. T. II. p. 954. sequ. ed. Lind.

nomen quidem apud *Erotianum* et *Galenum*, cum id argumentum studio dataque opera pertractarent, memorari, quis est, qui nesciat? Et si forte prolata in medium videas nomina, dubii auctoris esse adfirmantur. Neque defuerunt inter scriptores veteres aeque ac recentiores, qui hanc de lubrica librorum Hippocrateorum auctoritate sententiam memoriae proderent. Quasi vero in litteris secularibus, inquit S. *Augustinus* ^{r)}, non fuerint certissimi auctores, sub quorum nominibus postea multa prolata sunt et ideo repudiata, quia vel his, quae ipsorum esse constaret, minime congruerunt, vel eo tempore, quo illi scripserint, nequaquam innotescere, et per ipsos vel familiarissimos eorum in posteros prodi commendarique meruerunt. Nonne, ut alios omittam, sub HIPPOCRATIS, nobilissimi medici, nomine quidam libri prolati, in auctoritatem a medicis recepti non sunt. Nec eos adiuvit nonnulla similitudo rerum atque verborum, quando comparati eis, quos vere HIPPOCRATIS esse constaret, impares iudicati sunt, et quod ab eo tempore, quo et cetera eius scripta, non innotuerunt, quod vere eius essent. Hos autem libros, quibus illi, qui de transverso proferuntur, comparati respuuntur, unde constat esse HIPPOCRATIS; unde si quis hoc neget, nec saltem refellitur, sed ridetur, nisi quia sic eos ab ipso HIPPOCRATIS tempore usque ad hoc tempus et deinceps successionis series commendavit, ut hinc dubitare dementis sit. Quocum patrum memoria, dici vix potest, quam bene consenserit *Herm.*

Conrin-

r) Contra *Faustum* Manichaeum L. XXXIII. 6. p. 493. T. VI. ed. Froben. 1556.

Conringius *): *Scripta, quae hodie HIPPOCRATIS nomine circumferuntur, non unius auctoris sunt. Id quod potissimum patet, quod unus liber alteri saepe aperte contra dicat, immo nonnunquam in uno eodemque libro complures contradictiones inueniantur, quem itaque confutum esse ex variis variorum auctorum centonibus manifestum est. Quod utique certissimo indicio est, opera ista a varia manu esse profecta.*

Quae omnia cum tam certa sint, quam quae certissima, superuacaneam, spero, hanc nostram operam fore in colligendis afferendisque iis locis, qui commentitios id genus libros ad HIPPOCRATEM pertinere satis superque demonstrare posse videantur.

§. V.

Falsae distinctionis confutatio.

At vero apud veteres moris erat, duplici uti scribendi genere; alterum in obuiis quibusque argumentis versabatur, adeoque erat tenue, alterum vero sublimiora spectabat, eaque de caussa subtiliter et magna cum accuratatione pertractabantur omnia. Id prae ceteris apud *A. Gellium* †) fecisse perhibetur

A 5

Aristo-

s) *Introduct. in Vniuers. Art. Medic. C. III. §. VIII. p. 86. ed. Hal.*

t) *Noct. Attic. XX. 4. p. 283. ed. Aldin.* Haec ἐξωτερικά *Cic. L. de Finib. V. 1. sequ.* per populariter scripta explicat, illa vero *Simplicius L. I. de Caelo, voc. σπαραγιότερα*, haec voc. τὸ πολλοῖς προτιθέμενον exprimit. Similiter *Clemens Alexandrin. Strom. V. p. 419. ed. Lugd. Bat. κοινὰ* et ἐσωτερικά sibi opponit. *Aristoteles Meteor. I. 1. — pro ἐξωτερικά* etiam vsus est ἐγκύκλια, et iterum *Oeconom. II. in princ. — nec non Polit. I. 7. — ἐγκύκλια διακονήμα-*

Aristoteles, atque omnia in ἐξωτερικά et ἀκροαματικά distribuisse, quae *Plutarchus* ^{tt)} τὰς ἀπορρήτας καὶ βαθυτέρας διδασκαλίας dixerat, immo vero, auctore *Clemente Alexandrino* ^{u)}, id praeter ceteris apud Pythagoraeos obtinuerat. Nonne igitur HIPPOCRATIS magni auctoritate videtur dignissimum, *tenue* adhibere orationis genus, cum discentium prospiceret emolumentis atque commodis, at *breue ac concisum*, si ad eruditos viros de arduo quodam doctrinae reconditoris argumento differeret?

Scio equidem haec omnia, videnturque aliquo modo ferri posse, immo vero, si quid video, haec certe fuit *Sorani* ^{v)} sententia. Sed non, nisi id vnum ex his conficitur, variam orationis formam haud dedecere virum grauem, adeoque nec Hippocratem. Vnde vero tot argumentorum repugnantiae, tantaque placitorum dissensio, nisi quae HIPPOCRATIS nomine circumferuntur monimenta, ea maximam partem alieno cuidam homini, quisquis demum ille sit, accepta ferenda esse censeas?

SECTIO

τα; denique in L. Art. Poet. — adfert λόγους ἐνδεδομένους. Similis fuit *Democriti* ratio apud *Vitruvium* Architect. IX. 3.

tt) In *Alexandro* Magno.

u) Strom. V. p. 419. ed. Lugd. Bat. discipuli *Pythagorae* distribuuntur in ἀκροαματικὰς et μαθηματικὰς, et *Hipparchum* ea de causa Schola fuisse eiectum prodidit memoriae, quod quaedam praeceptoris placita populariter pronuntiasset.

v) Loc. cit.

SECTIO II.

De notis iis, quibus Hippocrateorum librorum integritas possit internosci.

§. VI.

Breuitas orationis Hippocraticae.

Mira utitur in scribendo breuitate HIPPOCRATES, quare *Galeno* ^{w)} multis in locis dicitur βραχυλόγος, eaque re, si quid video, vel maxime factum putem, ut, qui nullam cum hoc viro summo familiaritatem contraxerant atque usum ^{x)}, eius mentem aut non adsequerentur, aut ea, quae linguae graecae ignoratione praecepti haud adsequi poterant, in rerum obscurissimarum numero ponerent, atque quaedam deficere ^{y)} sibi persuaderent. Sed quam turpiter se dent isti iudices minutuli, vel ex eo colligas, quod HIPPOCRATIS oratio, etsi perbreuis est, et ut *Io. Langio* ^{z)} videtur, laconica, (id quod vnquam usu venisse iure suo negat *Ernestius* ^{a)} V. Cl.) tamen facilis intellectu sit, nisi hominum quorundam aut incuria nonnulla neglecta sint, aut maliuolen-

w) L. de Venaesect. aduers. Erasistratos c. 4. p. 415. T. X. ed. *Chart.* L. Difficult. Respirat. II. 8. p. 256. T. VII.

x) *Galen.* L. aduers. *Lycum* c. 1. p. 359. P. II. T. IX. ed. *Chart.*

y) *Galen.* L. de Iudicationib. III. 11. p. 447. T. IX. ed. *Chart.*

z) L. II. Ep. 50. p. m. 723. Sed haec minus recte, ut multa, *Io. Langius.* Nam, auctore *Aeliano* Var. Hist. XII. 50. p. 240. T. I. ed. *Kretschm.* Si quem Lacedaemonium appellares, idem erat, ac si rudem et artis dicendi ignarum.

a) Init. Rhetor. c. VI. §. 409. p. m. 200.

liuolentia peregrina haud raro et falsa adoptata. Est praeterea solitae veterum breuitati ^{b)} accommodata, habuitque, *Galeno* ^{c)} auctore, temporis et loci rationem HIPPOCRATES. Recte enim ille: Οὐχ ἀπλῶς, ἔδὲ ἀεὶ βραχυλογίαν ἀσκαῖν ἔοικεν ὁ Ἱπποκράτης, ἀλλ' ἐν οἷς μέγα τι τὸ κινδυνεύμενον τῷ ἀμελῶς ἀκροῦντι διδάσκει, λέγειν ἐπὶ τέτων ἔκ ὀκνεῖ ταῦτα ἐνίοτε δις ἢ καὶ τρίς. *Non simpliciter, neque semper seruare breuitatem videtur HIPPOCRATES, sed in quibus magnū aliquod periculum imminet, si negligentius, quod ab ipso docetur, accipiat, in his bis terue repetere eadem non veretur.* O viri magni ingenium! In eorum enim haberi detrectat numero, qui, vt *T. Liuius* apud *M. Senecam* ^{d)} dicere de oratoribus solebat, *verba antiqua et sordida confectantur, et orationis obscuritatem seueritatem putant, sed omnia breuiter, nulla perspicuitati illata iniuria, et accommodata ad rem exprimit, adeoque quid rectius, quid suauius illo Erotiani* ^{e)}? Λελήθασι ταῦτα περὶ τῶ ἀνδρὸς ἐπὶ τῶν μερακίων Φλυαροῦντες, ὡς μᾶλλον καὶ Ἱπποκράτης ταῦτα. ὅσον τὴν αὐτῶν ἀμαθίαν εἰς ὑπαιθρον ἄγουσιν. εἰ μὲν γὰρ μόνος ἢ πρῶτος ἐπιπλάττει τὰς φωνὰς, ἴσως αὐτῶ τὸ περίεργον ἐμέμψατο ἄν τις. ἐπεὶ δὲ

b) *Galen.* L. de Element. I. 9.

c) In L. V. Aph. 64. p. 239. P. II. T. IX. L. de Venaesf. aduers. Erasistrateos c. 4. p. 415. T. X. In L. de Fractur. Comm. III. 4. p. 233. T. XII. ed. *Chart.*

d) *Controuers.* 25. L. IV. p. 196. ed. *Schott.*

e) *Gloss. Praefat.* p. 31. T. I. ed. *Chart.* conf. *Galen.* *Gloss. Praef.* p. 80. T. I.

δὲ πάλα αἱ συνήθειαι ταύτῃ κέχρηνται τῇ πε-
 ρὶ διάλεκτον Φορᾶ, ἐξ ὧν οἱ τε περὶ τὴν ἀρ-
 χαίαν κωμωδίαν καταγινόμενοι ἐμφαίνουσι, καὶ
 τῶν μὲν Φιλοσόφων Δημόκριτος, τῶν δὲ ἱστορι-
 κῶν Θουκυδίδης, καὶ Ἡρόδοτος, καὶ ἁπλῶς ὁ
 σύμπαρ τῶν ἀρχαίων χορὸς συγγραφέων, τὴν
 δὴποτε τὸ πᾶσι τοῖς ἀρχαίοις εἰρημένον συμβε-
 βηκέναι, τῷτο καὶ Ἱπποκράτης νενομίκασι
 μόνον; Ignorarunt, qui ista de magno hoc viro apud
 pueros nugantur, cuiusuis id potius, quam HIPPO-
 CRATIS esse. Quo magis inscitiam illi suam sub
 dium produnt. Si enim solus aut primus voces effingit,
 fortasse ipsius curiositatem iure quis vituperet. Sed quo-
 niam iam pridem consuetudo hoc in loquendo cursu usa
 est, ut et qui e vetere comoedia fuere, ostendunt, et e
 philosophis Democritus, ex historicis autem Thucydides
 et Herodotus, et uniuersus ferme veterum scriptorum
 grex, cur tandem, quod omnibus antiquis dicitur con-
 tigisse, id de solo HIPPOCRATE existimarunt?

§. VII.

C o n t i n u a t i o.

Quare cum id haud neglexerit HIPPOCRA-
 TES, longe sane mihi antecellere videtur Home-
 ro^{f)} ipsi, qui in rebus exprimendis saepenumero
 tam anxius est et operosus, ut vel ὑγρὸν ἔλαιον
 et γάλα λευκὸν, μηδενὸς ἔνεκα διορισμῶ ἀπο-
 κληθῆναι haud erubescat. Attentius tamen versan-
 ti HIPPOCRATIS magni monimenta patebit,
 quam multa et quam bene Homeri poetarumque
 grauita-

f) Galen. L. de Comate, p. 196. T. VII. ed. Chart.

grauitatem imitando adsecutus sit, eaque de
caussa *Erotiano* g) dictus fuisse videtur Ὀμηρικὸς
τὴν Φράσιν.

At multis haec diuini senis breuitas, mirum,
quantum displicuit, iisque, cum querulorum
numerus quotidie succrescat incredibiliter, non
possum non, quin *Galen* h), monitum velim esse
commendatissimum. Εἰ μὲν τὰ σαφῶς ὑφ' Ἱπ-
ποκράτους γεγραμμένα, μὴ νοήσας κατὰ τὴν
πρώτην ἐπιβολὴν, καὶ δις, καὶ τρίς, καὶ πλεο-
νάκις ἀναγνώτῳ προσέχων τὸν νῦν· εἰ γὰρ τῶ-
το ποιήσῃ, πάντως ταῦτ' ἐννοήσῃ σαφῶς ἐρ-
μηνευόμενον. Si quis prima lectione non intelligit,
quae clare ab HIPPOCRATE scribuntur, iterum et
tertio, et saepius diligenti animaduersione relegat. Quod
si fecerit, quae plane ab ipso traduntur, omnino intelli-
get. Sin vero cuius scire interest iustae breuitatis
notas, eum *Caelium Rhodiginum* i) et *Ernestium* k)
legisse non poenitebit. Viam enim inueniet mu-
nitissimam ad perspiciendum, quam presse se ad
iustas leges composuerit HIPPOCRATES, adeo-
que eius in scribendo breuitas non nisi harum re-
rum prorsus ignaro taedio atque oneri esse posse
videtur.

§. VIII.

g) Loc. cit.

h) In L. de Articul. Comm. III. 49.

i) Antiqu. Lect. XIII. 33. p. 693. ed. *Aldin.* vbi iustae
breuitatis dotes praeclare explicantur, exemplorumque
praestantia confirmantur, quae legisse poenitebit, puto,
neminem.

k) Init. Rhetor. c. VI. §. 416. sequ. p. 202.

§. VIII.

Dialectus Ionica at vero nec neglecta ceterarum dialectorum admissione.

Sed breuitatis folius, tantum abest, vt reus agatur HIPPOCRATES, vt etiam multis eius scribendi genus durum et obsoletum esse videatur. Nam quo magis a vernacula nostra, lubrica fane ea et inconstantissima, videtur recedere, orationis forma, quam potissimum secutus est HIPPOCRATES, eo magis operae pretium est videre, quid hac de re sentiendum sit. Alius enim alio hac in re fertur et tantum non rapitur, idque non demum factum est heri et nudius tertius. *Cl.* enim *Aelianus* ¹⁾: Λέγουσι δὲ Δωριέα ὄντα τὸν Ἱπποκράτην, ἀλλ' ἐν καὶ τῷ Δημοκρίτῃ χάριν τῇ Ἰάδι Φωνῇ συγγράψαι τὰ συγγράμματα. *Dicunt enim Hippocratem fuisse Doriensem, sed Democriti gratia Ionica lingua suos conscripsisse libros.* Recte quidem *Aelianus*, eum natione Doriensem, adeoque ex patriae instituto dialectum doricam ei quasi natiuam fuisse adfirmat, qualia passim in Hippocrateis occurrunt monimentis, νοσεῦνται, ἡγεῦμαι, ἀρμύως, ῥυσμός, quae vox, auctore *Suida* ^{m)}, Abderitica est et *Democrito* praesertim familiaris, vt litteris consignatum reliquit *Aristoteles* ⁿ⁾; immo vero ex *Diogene Laërtio* ^{o)} intelligimus,

1) Var. Hist. IV. 20. p. 119. ed. *Kretschmar*.

m) Sub voc. ῥυσμός p. 699. T. II. ed. *Port.* Conf. *Philoponus* in *Aristot.* I. de Anima, et *Menag.* ad *Diogenem Laërt.* IX. Sect. 47. p. 414. sequ.

n) *Metaphys.* I. 43.

o) Sub voc. Δημοκρίτης.

gimus, *Democritum* περὶ διαφερόντων ὁυσμῶν et περὶ ἀμειψιῶν ὁυσμῶν libros conscripsisse. Similis ratio est verborum κίθαρος, τενθρηνιώδης, quod ad *Democritum* referendum censuit *Aelianus* P), et forsā quaedam alia in Hippocrateis monumentis obuia. Sed inde nullo modo id, quod volebat *Aelianus*, confici posse arbitror. Nam ipse ille *Democritus*, cuius caussa haec omnia facta fuisse perhibentur, oporteret, Mileti natus esset, vbi Ionica dialectus obtinuerat, neque Abderis, et si *Iuuenalis* q), communi rumore deceptus, eum Abderitanum videtur habuisse. Sed hac de re alii videant.

§. IX.

Ionica dialecto formaque orationis prae ceteris usus est.

Repetenti enim mihi memoria veterum scriptorum diligentiam, qua quo maiori scribendi dicendiue elegantia inclarescere quidam, aliisque antecellere cuperent, eo magis *Ioniam rationem* adsequi conabantur, dubium nullo modo videtur, HIPPOCRATEM communi eruditorum hominum more hanc omnibus aliis praelatam voluisse. Accedit et illud, quod *atticam* et elegantia et facilitate propius attingebat, vt recte *Mercurialis* r) monuit, atque iuncta felicitati in rebus exprimendis, maiori gaudebat gratia. Hinc ad Ionum similitudinem Φλάσματα pro θλάσματα, μετε-
ξέτερος

p) Hist. Animal. XII. 20.

q) Sat. X. v. 34. sequ.

r) Var. Lect. II. Ep. 18. p. 110.

Ξέτερος pro ἔτερος, χρώς pro σαρκῶδες, vt *Homerus* saepenumero, ναυσίωσες cet. dixisse videtur, eaque de causa *Lindenium* commotum fuisse puto, vt temerario ausu quibuscunque locis Ionicam redderet orationis formam. Fallitur vero vir bonus vehementer. Constat enim inter omnes, miram dialectorum communionem et contagionem quasi plurimis eorum, qui Ionica ratione vsi sunt, fuisse perquam familiarem, quorum in numero facile princeps est *Herodotus*.

§. X.

Continuatio, qua quos imitetur HIPPOCRATES, demonstratur.

Solet praeterea *Hippocrates* *) more *Xenophonis* quasdam figuras orationis singulares confectari, populari tamen nec neglecta aut posthabita, idque frequentius, quam vt hac de re dubitare possis, videturque *Galeno* huc referendum κινκλισμὸς, πλωώδης ἐστὶν cet.

At tam concisa vsus est oratione, vt multis in locis laborem facessat lectoribus, et multus vel maxime est in *decompositis*, vt grammatici loquuntur, id quod ei quasi proprium est, nec nisi *Herodoto* et poetis familiare. Scio, eaque certe re, factum esse *Galenus* †) perhibet, vt veterum multis
ei

s) *Gal.* in L. de Articulis. Comm. I. 69. p. 326. T. XII. ed. Chart.

t) L. Difficult. Respir. II. 7. p. 254. T. VII. ed. Chart. *Thucydides* in orationis forma feliciter *Homerum* expressit, sublimitate vero *Pindarum*, immo vero saepenumero haud dubitauit in poetarum fines grassari, eosque translationi.

ei quaedam in scribendo similitudo cum *Thucydide* videretur intercedere, quem in hoc orationis genere principem fuisse multi sibi persuaferant.

§. XI.

Adhibuit HIPPOCRATES veterem atticam orationis formam.

Quid? quod *vetus atticum orationis genus HIPPOCRATEM* fere expressisse *Galenus* ^{u)} auctor est, quae quo magis probabiliter dixisse videretur, haec addere nullus dubitat: Ἐσὶ γὰρ ἀμέλει καὶ τῷτο σύνηθές τοῖς Ἀττικοῖς, ὧν τῇ διαλέκτῳ χρῆται κατὰ τι καὶ ὁ Ἱπποκράτης, ὡς ἀποφύνασθαι τινὰς αὐτὴν ἀρχαῖαν ἀτλίδαν. *Atticis enim hoc prorsus est usitatum, quorum linguam HIPPOCRATES aliquantum usurpat, ita, ut eius sermo a nonnullis priscus atticus existimetur.* Nec est, quod hac de re vehementer dubitemus. Continentur enim Hippocrateis monimentis multae Atticorum locutiones, qualis, ut vnam addam, πράττειν τὴν ψυχὴν, cet. *Lingua vero vetus attica habet, Henrico Stephano* ^{v)} iudice, multa cum Ionica communia, eaque vti fuere *Thucydides* et *Plato*,

lationibus audacter efformandis imitari, id quod saltem in HIPPOCRATEM nullo modo cadit.

u) In L. de Fractur. Comm. II. 1. p. 153. T. XII. ed. *Chart.* vbi simul libellum περὶ τῆς Ἱπποκράτους διαλέκτου promissit, sed nec a promissis stetit. Conf. in L. de Humor. Comm. I. 2. p. 517. T. VIII. Similiter fecit *Thucydideo* more HIPPOCRATES, et ex *atticae linguae veteris* instituto ζ pro σ vsus est, diphthongo pro forma simplici, αἰαῖ pro αἰαῖ cet.

v) L. de Atticae Linguae Idiomat. p. 235. ad calc. Glossar.

to, vt *Dionysius Halicarnassens* w) memoriae prodidit. Hinc ea ex *Gorgia Leontino*, quem audiuisse apud *Soranum* x) dicitur, facile haurire potuisse videtur.

§. XII.

Ratio, quid sit, quod multis obscurus videatur

HIPPOCRATES.

Neque mirum cuiquam videri posse puto, etsi, *Galeno* y) auctore, iis vocabulis vsus est HIPPOCRATES, quae rhetoribus dicuntur πολιτικά, eum nihilofecius graecis hominibus saepenumero nec intelligi, nec explicari potuisse, cum nec omnes παλαιᾶς ἐρμηνείας z) gnari sint? Similem enim cum *Thucydide* fortunam expertus videtur, qui vt praeter haec et aliam sequitur orationis formam, ita etiam HIPPOCRATES cum atticam, tum ionicam inter se putauit arctissime colligandas. Hinc si attice dicere est tenuiter dicere, vt *Quintiliano* a) multisque aliis visum est, in HIPPOCRATEM certe vel maxime cadere videtur. Temporum praeterea habenda est ratio, si haec omnia rite velis perspicere. Vt enim mira subinde facta est ingeniorum mutatio, prouti aut quaedam res maiori luce collustrarentur, aut nouae prorsus et inusitatae inuenirentur, aut tandem imperii forma a conueta recederet; ita etiam non

B 2

potuit

w) In Vita *Lysiae*.

x) In Vita HIPPOCRATIS. p. 951. T. II. ed. *Lind.*

y) In L. III. Epid. III. 32. p. 268. T. IX. ed. *Chart.*

z) *Gal.* Meth. Med. IV. 4. p. 93. T. X. ed. *Chart.*

a) Instit. Orat. X. l. XII. l.

potuit non fieri, vt ex hac rerum conuerfione fubnaſceretur quaſi defectio a priſco orationis robore, et ſermo ipſe, depoſita veterum ſcriptorum grauitate, nouam quaſi formam, mollem iſtam quidem et eneruatam, at acceptam tamen atque temporibus appoſitam, indueret, quale quid, qui veterum monimenta legerit, factum eſſe, et codicum penuria hodieque fieri, non ibit, ſpero, inficias.

Quare ſi cui HIPPOCRATIS oratio videatur iuſto obſcurior et a ſolita forma multum abhorrens, id et temporum ruditati, ſi Dis placet, velim attribuat, et ſermonis viciffitudinibus, quibus maliuolentiam hominum et ſcribarum incuriam adiici poſſe, quis eſt, qui neſciat? Οὐκ ἐστὶν Ἱπποκράτης συνήθεια, inquit *Galenus* ^{b)} ἀήθεσι καὶ ſπανίοις ὀνόμασι χρῆσθαι. Non eſt HIPPOCRATIS *inſtitutum*, *inuſitatis* et *infrequentibus* *uti nominibus*. Hac igitur rerum conuerfione factum exiſtimem, vt longo illo temporis ſpatio, quod HIPPOCRATEM et recentiores interceſſerat commentatores, quales in primis *Erotianus* et *Galenus* ^{c)} ſunt, et verborum antiquarentur ſignificationes, et voces nouae adoptarentur.

§. XIII.

b) L. cit. conf. Gloſſ. Praefat. p. 80. T. II. ed. *Chart.*

c) Nunquam defuere, qui in HIPPOCRATIS magni monimenta commentarentur. Inter veteres commemoratu digniſſimi videntur *Xenocritus* Grammaticus, qui, *Erotiano* auctore, Gloſſ. Praefat. p. 31. T. II. ed. *Chart.* omnium omnino primus fuit, qui talem operam in vulgus ederet, *Callimachus*, *Bacchius*, *Philinus Empiricus*, *Apollonius Citticus*, *Dioscorides Phacas*, *Apeloni-
nius Coluber*, *Glaucias*, *Empiricus*, *Lyſimachus* *Cous*,
Eupho-

§. XIII.

*Grauitas orationis atque simplicitas. Ratiocinii parum
aut nihil omnino.*

Incidit praeterea HIPPOCRATIS aetas in ea tempora, vbi omnia omnino simplicitate quadam narrabantur naturali rebusque accommodata. Satis enim sibi esse veteres existimabant, naturam scribendo imitari, quae quo simplicior est, eo magis placet, adeoque non possumus non optimum quemque istorum temporum scriptorem antiquum putare, quo minus ab hac naturali orationis forma deflexerit. Id vero quam proprium sit et quasi natium HIPPOCRATI, monimenta eius integra satis superque docuerunt, et omnes iusti rerum arbitri, quorum in numero *Foësius* ^{d)} est, censuerunt.

Recte hinc, si quid video, *Clericus* ^{e)} eos libros omnino omnes prae ceteris iudicauit suppositos, quibus *plurimum* continetur ratiocinii, atque in eo consentientem *Galenum* ^{f)} habet, qui

B 3

a genui-

Euphorion, qui antecessoris sui libros collegit et explicauit, *Aristarchus*, *Parapictelestus* *Cres*, qui *Bacchii* dictionem commentariis illustraret; *Aristocles*, *Antigonus*, *Heraclides Tarentinus*, *Zeuxis*, *Sabinus*, *Sorandus*, *Pelops*, *Rufus*, *Numisianus*, *Lycus*, *Iulianus* cet. sexcenti praeterea alii, quorum opera aut penitus iniuria temporis perierunt, aut saltem non, nisi nomine ad nos peruenerunt, eorumque operas si cuius interest plane perspicere, adeat, quaeso, *Erotianum*. Loc. cit.

d) Praefat. ad L. Epid. p. 4. Sect. VII.

e) Hist. de Medecine P. I. L. III. 30. p. m. 229. ed. 1702.

f) In Praefat. Comm. II. in L. III. Epid. p. 231. T. IX. ed. Chart.

a genuinis HIPPOCRATIS magni monumentis cuncta θεωρήματα procul abesse iusserat. Nam cum HIPPOCRATES, auctore *Celso* g), *primus ex omnibus memoria dignis ab studio sapientiae disciplinam hanc separauerit*, atque cum esset φιλοσοφώτατος τὸ ἥθος h), strenue variis in locis et acriter impugnarit philosophos, qui nouo quodam instituto et a natura perquam alieno medicinam ratiociniorum lenociniis corrumpere et ad θεωρίας leges omnia referre solebant, ad naturae veritatem nihil; facile hinc confici posse censeo, libros illōs in vniuersum omnes, qui eiusmodi pro arbitrio excogitatis qualitatibus aliisque nugis sunt refertissimi, ad HIPPOCRATEM nullo modo perti-

g) Praefat. ad L. I. De Medicina, p. 3. ed. *Kraus*. Nollem equidem haec sic explicari, quasi Empiricorum more HIPPOCRATES omnem reiecerit ratiocinationem. Recte enim, si quid video, *Celsus* l. cit. eum *rerum naturae sibi cognitionem vendicauisse* perhibet, et auctor praeterea, quisquis demum ille sit, L. περὶ εὐχυμοσύνης, §. 4. p. 54. T. I. ed. *Lind*. Δὲ μετὰ γὰρ τὴν σοφίαν εἰς τὴν ἰατρικὴν, καὶ τὴν ἰατρικὴν εἰς τὴν σοφίαν. Ἰατρὸς γὰρ φιλόσοφος ἰσόθεος. Oportet sapientiam transferre ad medicinam, et medicinam ad sapientiam. Medicus enim philosophus Deo aequalis est, in quo consentientes habet *Tullium* *Tuscul. Quaest. IV. 2.* et *A. Gellium* *Noct. Attic. V. 15. p. 86. ed. Aldin.* Empiricus vero reprobabat omne philosophandi studium, id quod non neglexerat HIPPOCRATES multis in locis. At sophistarum genus in primisque *Empedoclem*, aegre fert, qui in argumentorum subtilitate toti fuerant, in obseruando parum aut nihil temporis consumserant, adeoque medicinae integritatem corruperant potius, quam latius eius fines propagarant, talemque ex medicina philosophiam extorrem esse iusserat HIPPOCRATES.

h) *Gal. Method. Medend. VIII. 3. p. 189. T. X. ed. Chart.*

pertinere posse. Hic enim, id genus ineptiis blandimentisque ingenii neglectis, et ad sophistarum greges amandatis, causas morborum sedula observatione cognoscendas indagandasque arbitrabatur. Qua de causa valitudinis aduersae formas atque origines breuiter, vt solet, et naturae accommodate pingit, eaque vtitur orationis grauitate, vt ex tripode omnia dicta esse videantur.

SECTIO III.

De testimoniis veterum recentiorumque scriptorum, quoad hanc librorum Hippocrateorum auctoritatem.

§. XIV.

Librorum Hippocrateorum apud veteres scriptores distributio. Erotiani.

Quare etsi multi, iique longe doctissimi viri in his diuini senis monumentis ordinandis integritatique reddendis allaborarunt; tamen non superuacaneam nostram hanc operam fore putamus, modo ante, quam nostra de hoc argumento perquam arduo sententia proferatur, veterum recentiorumque scriptorum iudicia cum lectore communicamus.

Erotianus enim, cuius aetas in *Neronis* incidit imperium, ad argumenta, quae Hippocrateis libris contineri perspexerat, animum appulit, et suo quemque loco ac ordine aut verum et inte-

grum iudicauit, aut suppositum. En ipsam distributionemⁱ⁾):

Ὅθεν καὶ ἐπεὶ τῶν ἀληθῶν νομιζομένων συνταγμάτων ἔσι μὲν ἃ σημειωτικά, ἃ δὲ φυσικά καὶ αἰτιολογικά, ἔνια δὲ εἰς τὸν περὶ τέχνης συντείνοντα λόγον· καὶ τῶν θεραπευτικῶν ἃ μὲν διαιτητικά, ἃ δὲ χειρουργέμενα καὶ πάντως μικτά, δίκαιον ἡγῶμαι προϊσοῦσας τὸν τῶν βιβλίων ἀριθμὸν, τήνικαῦτα ἐπὶ τὴν τῶν λέξεων ἐξάπλωσιν ἡκεῖν.

Σημειωτικά μὲν ἔν ἐσι ταῦτα.

Προγνωσικόν.

Προρρητικῶν πρῶτον καὶ δεύτερον, ὡς ἔκ ἐσιν Ἱπποκράτης, ἐν ἄλλοις δείζομεν.

Περὶ χυμῶν.

Vnde cum et eorum, quae germana censentur HIPPOCRATIS scripta, alia quidem ad signa pertineant, alia vero naturalia sint et causas explicant, alia ad curationem spectent, quaedam vero ad artis rationem pertineant, et ad curationes spectantium alia quidem rationem victus praecipiant, alia medicamentum operam, alia omnino mista sint; aequum arbitror, ubi librorum ipsius numerum praenarrato, ita demum ad dictionum explicationem accedere.

Ad signa igitur spectantes hi sunt.

Praenotiones.

Praedictionum primum et secundum; at non esse HIPPOCRATIS alibi ostendimus, id quod multis demonstravit Galenus^{k)}.

De Humoribus.

Causa-

i) In Praefat, Gloss. p. 33. T. I. ed. Chart. Dolendum vehementer est, has Erotiani glossas varias iam subiisse mutationes, et in manus male sedulas incidisse. Ipse enim Erotianus nunquam dixit sub voc. τρυφουδίων ἄλλως ὁ Γαληνός.

k) In III. Epid. Praefat. p. 230. T. VIII. ed. Chart.

Ἀιτιολογικά δὲ καὶ φυσικά.

Περὶ Φυσῶν.

Περὶ φύσεως ἀνθρώπου.

Περὶ ἱερᾶς νόσου.

Περὶ φύσεως παιδῶν.

Περὶ τόπων καὶ ὥρῶν.

Causarum autem rationem continentis et naturales.

De Flatibus.

De Natura Hominis.

De sacro Morbo.

De Natura Pueri.

De Locis et anni temporibus.

Θεραπευτικά δὲ, τῶν μὲν εἰς χειρουργίαν ἀνηκόντων.

Περὶ ἀγμῶν.

Περὶ ἄρθρων.

Περὶ ἐλκῶν.

Περὶ τραυμάτων, καὶ βελῶν, καὶ τῶν ἐν κεφαλῇ τραυμάτων.

Ad curationem autem spectantium ii quidem, qui ad manus operam spectant.

De Fracturis.

De Articulis.

De Ulceribus.

De Vulneribus, et telis, et de vulneribus capitis, qui an ille sit, quem Galenus¹⁾ περὶ τῶν ὀλεθρίων τραυμάτων allegat, ignorare me fateor, id vero certus scio, Galenum ipsum, Hippocraticum hunc librum cenferet, nec ne, audacter non affirmasse.

Κατὰ ἱητρείον.

Μοχλικόν.

Περὶ αἰμορροΐδων καὶ συρίγγων.

De Officina Medica.

Vestiarius.

De Haemorrhoidibus et Fistulis.

1) Comm. VI. in L. VI. Aph. 18. p. 258. T. IX. et Method. Medend. VI. 4. p. 142. T. X. ed. Chart.

Ἐἰς διαίταν.

Ad victus rationem pertinent.

Περὶ νόσων πρῶτον καὶ
δεύτερον.

De Morbis I. et II.

Περὶ πτισσάνης.

De Ptisana.

Περὶ τόπων τῶν κατὰ
ἄνθρωπον.

De Locis in Homine.

Γυναικείων πρῶτον καὶ
δεύτερον.

Muliebrium I. et II.

Περὶ τροφῆς.

De Alimento.

Περὶ ἀφώρων.

De Sterilibus.

Περὶ ὑδάτων.

De Aquis.

Ἐπιμικτὰ δὲ ἐς ταῦτα.

Mixta vero haec sunt.

Ἀφορισμοὶ.

Aphorismi.

Ἐπιδημία ζ'.

*Popularium Morborum
VII.*

Τῶν δὲ εἰς τὸν περὶ τέχνης
τεινόντων λόγον.

*Eorum autem, qui ad ar-
tis rationem spectant.*

Ὅρκος.

Iusiurandum.

Νόμος.

Lex.

Περὶ τέχνης.

De Arte.

Περὶ ἀρχαίας ἰατρικῆς.

De Prisca Medicina.

Πρεσβευτικὸς γὰρ καὶ
ἐπιβώμιος φιλόπατρις
μᾶλλον, ἢ ἰατρὸν ἐμφαί-
νῃσι τὸν ἄνδρα. ὥς ἐπὶ
ταύταις τινὰς βεβαίως ἱπ-
ποκράτης εἶναι λέγομεν δι-
δασκαλίας εὐσήμῃ ἐνεκεν.

*Oratio enim HIPPOCRATIS
legati et Ad Aram patriae
amantem magis, quam me-
dicum, virum eum osten-
dunt. Itaque in istis quos-
dam certo scimus esse HIP-
POCRATIS perspicuae do-
ctrinae gratia.*

§. XV.

Galenī librorum Hippocrateorum commemoratio.

Galenus ^m) vero, etsi variis in locis librorum Hippocrateorum auctoritatem vendicarit, id tamen vel maxime tunc temporis egisse videtur, cum in numero suorum librorum constituendo versaretur, et prae ceteris operam et studium, quod in explicandis diuini senis monumentis olim posuerat, commemoraret. Quare hos nominasse sufficiat.

Περὶ κρισίων.

Περὶ κρισίων ἡμέρων.

Ἀφορισμοὶ.

Περὶ ἀγμάτων.

Περὶ ἄρθρων.

Προγνωστικόν.

Περὶ διαίτης ὀξέων.

Περὶ ἐλκῶν.

Περὶ τῶν ἐν κεφαλῇ
τραυμάτων.

De Indicationibus.

De Diebus Indicatoriis,
quippe in hoc labore
se vel maxime ad HIP-
POCRATIS magni au-
ctoritatem composuif-
se auctor est.

Aphorismi.

De Fracturis.

De Articulis.

Praenotiones.

De Victu Acutorum, cu-
ius partem integram
commentariis illustra-
rat, reliqua neglecta
aut saltem leuiter per-
tractata.

De Ulceribus.

De Vulneribus Capitis.

Morbo-

m) De Libris Propr. c. 6. p. 44. T. I. ed. *Chart.* cf. In III. Epid.
Comm. II. Praefat. p. 230. T. X.

Τῶν Ἐπιδημιῶν	α'.	<i>Morborum Popularium</i>	I.
	β'.		II.
	γ'.		III.
	δ'.		VI.

Περὶ χυμῶν.

De Humoribus.

Περὶ τροφῆς.

De Alimento.

Κατ' ἰητροῦ.

De Officina Medici.

Περὶ προρρητικῶν.

De Praedictione.

Κοάκαι προγνώσεις.

Coacae Praenotiones.

Περὶ φύσεως ἀνθρώπου.

De Natura Hominis.

Περὶ τόπων, καὶ αἰθρῶν,
καὶ ὑδάτων.

De Locis, et Aëre, et Aquis;

At vero Galeno sic li-
ber inscribendus vide-
batur, *περὶ οἰκίσεων,*
καὶ ὑδάτων καὶ ὡρῶν,
καὶ χωρῶν.

Reliquos vero, quorum passim meminit, non est, ut operosius anquiram. Suo enim quosque loco et pretio proferre in medium haud cunctabimur.

§. XVI.

Palladii explicatio.

At *Palladius* ⁿ⁾, vbi ad ordinem, quo Hippocratei libri legendi videbantur, deuenerat, sic effatus est.

Τὸ τέταρτον ἐστὶν ἡ τάξις.
δεῖ τοίνυν πρὸ παντὸς ἀνα-
γινώσκειν τὰ καθόλου, τῶν
μερικῶν. διὸ προτετάχθω-
σαν οἱ ἀφορισμοὶ, ὡς λε-
γομένων ἐν αὐτοῖς ἅμα τῶν

Quartum caput est, ordo.
In primis igitur vniuersalia
ante particularia legere o-
portet. Ideo primo ordine,
collocantur *aphorismi*, quip-
pe qui de iis, quae secundum,
et

n) Comment. in L. de Fractur. ap. *Foëf.* Sect. VI. p. 147.
Opp. HIPPOCR. et p. 271. T. XII. ed. *Chart.*

τε κατὰ φύσιν, καὶ τῶν
 παρὰ φύσιν. εἴτα δευτέ-
 ραν ἀπονείμωμεν τάξιν τοῖς
 κατὰ φύσιν. ταῦτα γὰρ
 τῶν παρὰ φύσιν τιμιώτε-
 ρά εἰσι. διὸ πάλιν δεῖ προ-
 λαμβάνειν τό, τε περὶ
 παιδῶν φύσεως, καὶ τὸ
 περὶ φύσεως ἀνθρώπου.
 εἴτα τὸ περὶ χυμῶν, καὶ
 τότε τὰ περὶ τροφῆς. με-
 τὰ δὲ τὰ κατὰ φύσιν,
 δεῖ προσάττειν τὰ παρὰ
 φύσιν. καὶ τότε προτα-
 χθεῖν τὰ ἐνδήμια, καὶ
 ἐν τοῖς ἐνδήμοις τὸ προ-
 γνωστικόν. εἴτα εὐθὺς τὰ
 περὶ διαίτης ὀξέων. καὶ
 εἴθ' ἔτω τὸ προκείμενον
 ἀναγινώσκειν δεῖ βιβλίον.
 λέγω δὲ τὸ περὶ ἀγμῶν,
 καὶ ἄρθρων, καὶ τῆτο γὰρ
 τὸ ἐνδημόν ἐστιν, ἀλλ' ἴσως
 τις ἀπορήσειεν, ὅτι καὶ
 εἰ τῶν παρὰ φύσιν ἐστὶ,
 καὶ ἐνδέμων, διατὶ μὴ προ-
 ετάγη τῷ προγνωστικῷ; καὶ
 λέγομεν, ὅτι ἐπειδὴ ἐκεῖ
 ὁμοιομερῆ νοσήματα παρα-
 δίδοι, ἐνταῦθα δὲ, τὰ ἐν
 λύσει συνεχείας, τιμιώτε-
 ρα δὲ, τὰ ὁμοιομερῆ τῶν
 ἐν λύσει συνεχείας εἰσὶ.
 πάλιν δὲ μετὰ τὸ εἰπεῖν
 τὰ κατὰ φύσιν, καὶ τῶν

et de iis, quae praeter natu-
 ram existunt, differant: de-
 inde secundum ordinem iis,
 quae sunt secundum natu-
 ram, attribuamus. Haec e-
 nim iis, quae praeter natu-
 ram, digniora sunt. Idcirco
 primo sumendus liber *de na-
 tura pueri*, et *de natura ho-*
minis, deinde liber *de humo-*
ribus, et tunc, quae *de vidtus*
ratione scripta sunt. Post illa,
 quae sunt secundum natu-
 ram, ea, quae praeter natu-
 ram, collocanda sunt, tunc-
 que *popularia* praecedant, et
 in iis *prognosticum* primo le-
 gatur: deinde statim sequan-
 tur libri *de ratione vidtus in*
acutis, postea etiam ad hunc
 modum his propositus liber,
 videlicet *de fracturis et arti-*
culis legendus est, cum sit
 ex popularibus. Sed forsan
 dubitauerit aliquis, cum et-
 iam quae praeter naturam
 sunt, et popularia tractet, cur
 non praecessit *prognosticum*?
 Rationem reddimus, quia
 illic similes morbos, hic
 autem illos, qui ad solutio-
 nem continui pertinent, tra-
 dit; digniora autem sunt si-
 milaria iis, quae in continui
 solutione versantur. Rursus
 vero postquam popularia,
 quae

παρὰ φύσιν, τὰ ἐνδύμα,
 δεῖ εἰσεῖν ἡμᾶς ἐπὶ τε τὰ
 σποραδικὰ καὶ τὰ ἐπίδη-
 μα, ἀλλὰ πρῶτον δεῖ τοῖς
 σποραδικὰ ἀναγνῶναι. διό-
 τι πρώτην τάξιν ἔχει τὸ
 περὶ αἰέτων, τόπων, ὑδά-
 των. καὶ εἰδ' ἔτω λοιπὸν
 τὰς ἐπιδημίας δεῖ ἀνα-
 γνῶναι.

quae secundum naturam, et
 quae contra naturam sunt,
 dixerimus, nobis ad morbos
 dispersos et passim vagantes
 accedendum, sed primum
 ad vagantes et palantes, si-
 quidem primo ordine legen-
 dus liber *de aëre, locis et aquis*.
 Ita deinceps ad *popularium*
morborum lectionem erit de-
 ueniendum.

§. XVII.

STEPHANI et SUIDAE iudicia.

STEPHANO ^o) de magni HIPPOCRATIS
 patria differenti dicitur ὁ ἐπιφανέστατος, ὁ καὶ
 θαυμασίας συντάξεις καταλελοιπώς; quos
 vero libros cum nec commemorarit vnquam, nec,
 vt alias solet, auctores attulerit, non est, quod
 in eo iusto diutius versemur. At Suidas ^p) deni-
 que haec de libris Hippocrateis:

Ἄι μὲν γραφεῖσαι παρ'
 Ἱπποκράτους βιβλοὶ πᾶσι
 τοῖς μετερχομένοις τὴν ἰα-
 τρικὴν ἐπιστήμην ἐκδηλοὶ —
 πλὴν δὲ τῶν ἐν πρῶτοις
 καὶ ἡμεῖς ἀπομνημονεύσο-
 μεν. πρώτη μὲν ἔν βιβλος
 ἣ τὸν ὄρκον περιέχουσα.
 δευτέρα δὲ ἣ τὰς προγνώ-
 σεις ἐμφαίνουσα. τρίτη ἣ

Libri autem ab HIP-
 POCRATE scripti omni-
 bus medicinae studiosis sunt
 notissimi — praecipuos
 tamen et ipsi recensebimus.
 Primus igitur liber est il-
 le, qui *medicum iusiuran-*
dum continet. Secundus
 vero, qui *praedictiones*
 explicat. Tertius *apho-*
rismo-

o) De Urbib. voc. Κῶς.

p) In Voc. Ἱπποκράτης p. 1269. T. I. ed. Port.

τῶν ἀφορισμῶν, ἀνδρωπί-
νην ὑπερβαίνουσα σύνεσιν.
τετάρτην τάξιν ἔχέτω ἡ
πολυθρύλητος καὶ πολυ-
θαύματος ἐξηκοντάβιβλος,
ἡ πᾶσαν ἰατρικὴν ἐπισή-
μην τε καὶ σοφίαν ἐμπε-
ριέχουσα.

rismorum, qui superat inge-
nium humanum. Quartum
locum teneat celeberrimum
illud et *valde* admirabile o-
pus, quod a LX. librorum
numero ἐξηκοντάβιβλος di-
citur, quod omnem scien-
tiam et sapientiam continet.

Ex his, si quid video, colligi posse videtur, *Sui-
dae* temporibus eundem, quem nobis supereffe
fati iniuria voluit, librorum Hippocrateorum nu-
merum usu fuisse, et fortasse nonnullos varias ob
causas vno volumine, explicitos, id quod cum
hac inscriptione: Ἡ τὰς προγνώσεις ἐμφαίνουσα,
tum etiam nomine ἐξηκοντάβιβλος videtur de-
monstrasse. Sed missis multis aliis, qui passim
apud veteres huius rei meminerunt, ad recen-
tiora progrediamur tempora, eosque viros appel-
lemus, qui de pretio librorum Hippocrateorum
statuendo cogitandum existimarunt.

§. XVIII.

*Librorum Hippocraticorum apud recentiores distributio
atque auctoritas, in primisque Hieronymi
Mercurialis.*

Patrum memoria non quidem defuere, qui
de librorum Hippocrateorum auctoritate atque
pretio vendicando cogitarent. Attamen prae
ceteris in his ordinandis collocandisque ver-
sati magna cum laude deditaque opera sunt *Lu-
douicus Lemosius* 9) atque *Hieronymus Mercuria-
lis*

9) In *Iudicio Operum HIPPOCR.* Salmantic. 1585. fol. et Venet.
1592. 8.

lis ^{r)}, quorum alter quid boni maliue senserit, ut definiendum mihi non sumam, cum nec ad manus vnquam eius liber venerit, nec apud scriptores alios quaedam praeclara et magna praeter eius nomen reperire mihi licuerit; ita etiam alterum haud omne punctum tulisse constat inter omnes. Hos enim libros omnino omnes, qui magni HIPPOCRATIS nomine solent allegari, sic existimauit diuidendos, ut aut genuinos aliquos censeret, eoque viuo foras datos, aut ab ipso inchoatos quidem et paene affectos, sed qui deinde aliorum cura in vulgus editi fuissent atque interpolati; aut filiorum discipulorumque studiis ad eius doctrinae similitudinem conscriptos; aut denique, qui nec HIPPOCRATIS placitis consentirent, neque adeo veri et integri habendi essent.

Quae distribuendi ratio nec satis respondet dialecticorum regulis, nec librorum Hippocrateorum vim et auctoritatem satis demonstrat, cum, quas sequitur in diuidendo leges, eae multis laborarent difficultatibus, atque χαρὰν ἤρες, quos existimauit adhibendos, lubrici sint atque omnium longe inconstantissimi. Non enim poterat non *Hier. Mercurialis*, tanquam Hippocrateo nomine indignum, reprobare, quicquid, eo viuo, nondum in vulgus dimanarat, ceteraque omnia ab integris monumentis segregare, nisi studio deditaque opera dialecticorum decretis vim inferre vellet. Sed haec haec tenus.

§. XIX.

^{r)} In *Censura et Dispositione Operum* HIPPOCRATIS. Venet. 1583. 4. et Frft. 1585. 8. Cf. Io. Henr. Schulzii *Compend. Hist. Medicin.* L. II. c. 1. §. 245. p. 121.

§. XIX.

HALLERI *librorum Hippocrateorum diuifio.*

Noftra demum aetate accidit, vt *Hallerus*, cuius in omnem litterarum ambitum tanta tamque praeclara funt facinora, veterum medicorum monimenta denuo foras daret, atque *quatuor voluminibus* omnes Hippocrateos libros vellet contineri, neglectis reſectisque graecis verbis. In quo negotio ita verſatus eſt, vt primo loco collocandum putaret, quicquid multis abhinc ſeculis et omnium omnino conſenſu tanto viro dignum fuerit habitum; deinde hos ii libri excipiunt, qui HIPPOCRATE videntur longe recentiores, eiſque repugnare placitis; denique quibus falſitatis nota ſit iure meritoque inuſta. Sed praestat *Hallerum* *) ipſum loquentem inducere, vt, quid hoc ex labore commodorum atque vtilitatis capiendum ſperandumque ſit, omnes intelligant.

Criticam manum non adhibui; Aliis laboribus mea tempora debui, neque ſatis profunde linguam Coi ſum meditatſus, vt meo arbitrio magis crederem, quam FOEſſIO aliisque editoribus. — Praefatiunculas cuique libro addidi, vt praecipuum auctoris ſcopum indicarem, et mea de ea quaefſtione cogitata aperirem, ſitne quiſque liber vere Hippocraticus. In re coniecturis obnoxia, in qua demonſtratio ſperari nequit, conſului veteres, GALENVM etiam potiffimum: Deinde librum ipſum, vt videretur vel aliqua poſteriora inuenta tradere, vel ratiociniis indulgere philoſophicis, quae a medicina HIPPOCRATE

*) In Praefat. ad T. IV. Artis Medic. Princip.

POCRATEM separasse CELSVS idoneus auctor est, vel demum errores et opiniones contineret alienas ab Hippocraticis. In primum tomum collegi, quae ab omni tempore pro Hippocraticis habita fuissent. Et tamen etiam hic, dum haec opera sollicite lego, saepe lecta prius, noua mihi dubia sunt enata. — In secundam classem conieci libros, qui non videantur ipsius esse HIPPOCRATIS, quod vel aliena varia ab ipsius diuini senis placita tradant, vel nuperiora inuenta, vel eiusmodi demum vitia contineant, quae HIPPOCRATES ipse damnauerit, neque ideo videatur commisisse. — In tertiam classem eos conieci, qui manifesto spurii essent, siue mera fuerint aliorum operum Hippocraticorum compendia, siue in ratiociniis solis occupentur, siue indicta fuerint veteribus, siue demum magno viro indigna, quales sunt epistolae. — Eo minus vero nos sollicitos tenuerit, si limites classium non semper firmissime constituerim: Et aliquis enim hic locus est, citra quem error sit innoxius. Totum nempe HIPPOCRATEM medicis trado, etsi paullo aliter dispositum, quam in vulgaribus solet editionibus.

Quae ut eo melius possint intelligi, non superuacaneam spero nostram fore operam, si, quas leges sibi obseruandas sumserit Hallerus, eas quasi per *συναγγραφα* vnoque obtutu possis perpicere.

T.I. continentur legitimi HIPPOCRATIS magni libri, videnturque Hallero esse

- 1) De Aere, aquis et locis.
- 2) De Natura Hominis.
- 3) De Locis in Homine.

4) De

- 4) *De Humoribus.*
- 5) *De Alimento.*
- 6) *De Morbis Popularibus I. et III.*
- 7) *Prognosticon.*
- 8) *Praedictionum II.*
- 9) *De Victu Acutorum.*
- 10) *De Fracturis.*
- 11) *De Articulis.*
- 12) *Mochlicus.*
- 13) *De Vulneribus Capitis.*
- 14) *Officina Medici.*
- 15) *Aphorismi.*

T. II. *occurrunt*

- 1) *De Anatome.*
- 2) *De Principiis, aut Carnibus.*
- 3) *De Ossium Natura.*
- 4) *De Corde.*
- 5) *De Glandulis.*
- 6) *De Genitura.*
- 7) *De Natura Pueri.*
- 8) *De Septimestri Partu et Octimestri.*
- 9) *De Superfetatione.*
- 10) *De Dentitione.*
- 11) *Praedictionum I.*
- 12) *Coacae Praenotiones.*
- 13) *De Iudicationibus.*
- 14) *De Diebus Indicatoriis.*
- 15) *De Morbis Popularibus II.*

IV.

V.

VI.

VII.

16) *De Affectionibus.*

17) *De Internis Affectionibus.*

T. III. eos collocandos putauit libros, qui ob
ratiociniorum subtilitatem aliasque causas Hippocrateo nomine indigni visi sunt,
idque etiam T. IV. factum esse cognouimus. Sunt vero, vt Hallero videtur,

1) *De Morbis* I.

II.

III.

IV.

2) *De Morbis Mulierum* I.

II.

3) *De Natura Muliebri.*

4) *De Sterilibus.*

5) *De Morbis Virginum.*

6) *De Morbo Sacro.*

7) *De Insania.*

8) *De Flatibus.*

9) *De Visu.*

T. IV. excepit, quicquid priori volumine non
continetur.

1) *De Victus Ratione* I.

II.

III.

2) *De Victus Ratione Salubri.*

3) *De Insomniis.*

4) *De Ulceribus.*

5) *De Fistulis.*

6) *De Haemorrhoidibus.*

7) *De*

- 7) *De Veteri Medicina,*
- 8) *De Arte.*
- 9) *De Medico.*
- 10) *De Decenti Ornatu.*
- 11) *Praeceptiones.*
- 12) *De Lege.*
- 13) *De Iureiurando.*
- 14) *De Hominis Structura.*
- 15) *De Natura Hominis.*
- 16) *De Aetate.*
- 17) *De Significatione Vitae et Mortis.*
- 18) *De Liquidorum Vsu.*
- 19) *De Medicamentis Purgantibus,*
- 20) *De Veratri Vsu.*
- 21) *Antidoti.*
- 22) *De Exsectione Fetus.*
- 23) *De Re Veterinaria.*
- 24) *Epistolae.*
- 25) *Vita ex Sorano.*

De Vita et familia scriptisque Hippocraticis testimonia.

Fragmenta et Elogia.

Consentientia, Contra dicta et Defensa.

Sed haec haec tenus. Reliquum est, ut, qua de causa hunc librorum Hippocrateorum ordinem nobis approbare haud liceat, facile possit intelligi. Nam et argumenta, quibus ad quorundam aut auctoritatem confirmandam aut vilitatem demonstrandam usus est, haud raro tam leuia sunt, tam lubrica, tamque pro arbitrio efformata, nihil ut

supra, et omnem orationis Hippocrateae curam deposuisse nec adhibendam duxisse *Hallerus* videtur. Deinde hac in editione fere nihil factum est, nisi ut quaedam denuo ex aduersariis repeterentur, quae dudum *Boerhauui Methodo Studii Medici* fuerant insinuata, pessima *Cornarii* versio adhiberetur, et, sumtuum habenda ratione, cum lectore *quatuor volumina* communicarentur, eaque mutila. Denique quicquid nec HIPPOCRATIS esse constat inter omnes, huic editioni molis augendae ornatusque causa, si Dis placet, putauit adiiciendum is, qui operarum curam habuit; *Hallerum* vero eum esse, quis est, qui hoc sibi possit persuadere? *Consentientia* enim, *Dubia*, *Defensa* et id genus alia hic denuo adferre in medium, magni viri non est, neque *Halleri* V. Cl. sed compilatoris indocti.

§. XX.

Characteres, quibus HIPPOCRATIS libros veros a falsis internosci et posse, et debere nos censuimus.

Sed missis horum virorum aliorumque grammaticorum laboribus (omnes enim enumerare nec temporis angustiae permittunt, nec scriptio- nis limites) libros HIPPOCRATIS veros a falsis, integros a suppositis ea quidem lege optime a se inuicem distinguere posse censeo, ut primo in diiudicanda illorum auctoritate statuendoque pretio breuitatis, quam in scribendo diuinus senex sequitur, grauitatis- que habeamus prae ceteris rationem; deinde ad *ratiociniorum paucitatem*, nec non ad *observatio- num ἀσφαλείαν* animum conferamus, haud ne- glecta

glecta tamen *vetèrum scriptorum auctoritate*, quae quantum quidem hac in re valeat, vel me non monente perspicit optimus quisque.

In quibus igitur libris haec duo inprimis, et si cetera non spernimus, contineri, nec ab iis vllò modo seiungi posse videas, eos vere Hippocraticos esse iudicato. Id vero, nosse haud poenitebit, in horum librorum pretio demonstrando, ad magni alicuius viri auctoritatem me nec composuisse, nec compositurum vnquam, aut veritati hac de causa vim illaturum, sed similiter, vt perbelle *L. Annaeus Seneca* ^{ss)}: *Non me cuiquam emancipavi: Nullius nomen fero. Multum magnorum virorum iudicio credo, aliquid et meo vendico. Nam illi quoque non inuenta, sed quaerenda nobis reliquerunt, et inuenissent forsitan necessaria, nisi et superflua quaesissent. — Multum egerunt, qui ante nos fuerunt, sed non peregerunt; suspiciendi tamen sunt et ritu deorum colendi.*

C A P V T II.

De genuinis HIPPOCRATIS magni libris, in quos breuitas gravitasque orationis atque ratiociniorum paucitas cadere videtur.

§. I.

P r a e f a t i o.

Pensitatis omnibus iis, quorum notitia, tanquam fundamento, reliqua innituntur, allatisque iis notis, quibus veros HIPPOCRATIS magni li-

C 4

bros

ss) Ep. 45. p. m. 126. ed. Lipf. cf. Ep. 64. p. 187.

bro a falsis et interpolatis optime segregari posse censeo, non possum non equidem confiteri, vix ac ne vix quidem tertiam eorum librorum partem, qui tam nobili superbiunt nomine, ad diuinum senem referendam esse, sed aut filiorum alicui et *Polybo* genero deberi, aut ad alienos quosdam pertinere homines, qui lucri studio aurique sacra fame compulsi ceteris imponere studuerunt. Perpauci enim libri iis gaudere videntur dotibus, quibus veros a suppositis internosci posse demonstrauius, atque *brevitatem grauitati argumentorum et ratiociniorum paucitati adiunctam* nullò modo habent, adeoque eo induci non potui, vt eos hoc diuini senis nomine et gloria diutius abuti paterer, sed ad suppositorum numerum putarem amandandum, quicquid librorum hac auctoritate videbatur longe indignissimum.

§. II.

Genuinorum HIPPOCRATIS librorum explicatio.

Sunt vero genuini, vt nobis videtur, nec magnum dedecent HIPPOCRATEM,

- | | |
|------------------------------------|---------------------------------------|
| 1) Ὁρκος. | <i>Iusiurandum.</i> |
| 2) Ἀφορισμοί. | <i>Aphorismi.</i> |
| 3) Περί αἰθέρων, ὑδάτων καὶ τόπων. | <i>De Aere, Aquis et Locis.</i> |
| 4) Προγνωστικόν. | <i>Praenotiones.</i> |
| 5) Προῤῥητικόν β'. | <i>Praedictionum II.</i> |
| 6) Κατ' ἰατρειῶν. | <i>De Officina Medici.</i> |
| 7) Ἐπιδημιῶν α' et γ'. | <i>Popularium Morborum I. et III.</i> |
| 8) Περί διαίτης ὀξέων. | <i>De Vitu Acutorum.</i> |

9) Περὶ τῶν ἐν κεφαλῇ *De Vulneribus Capitis.*

τρωμάτων.

10) Περὶ ἀγμῶν, *De Fracturis.*

In quos libros omnes eos cadere χαρακτῆρας, quibus Hippocratea monimenta gaudere debent integra, quis est, qui negare iure suo audeat? Sed eamus per singulos.

§. III.

Ὅρκος. *Iusiurandum.*

Ed. *Lind.* p. 42. T. I. ed. *Froben.* gr. p. 1. ed. *Foëj.* p. 1.

Seçt. I. Ed. *Mercurial.* Seçt. IV. p. 1. ed. *Chart.* p. 1.

T. II. Verf. *Cornarii* p. 3.

Habet hic liber multa antiquitatis testimonia. Meminerunt enim eius *Erotianus* ^{t)}, *Theodorus Priscianus* ^{u)}, *Soranus Ephesius* ^{v)}, *S. Hieronymus* ^{w)}, *S. Gregorius Nazianzenus* ^{x)}, cui hac de caussa HIPPOCRATES dicitur ὀρκιστῆς, *Suidas* ^{y)}, multique praeterea alii. *Scribonius Largus* ^{z)} vero: HIPPOCRATES, conditor nostrae professionis, inquit, initia disciplinae ab iureiurando tradidit, in quo sanctum est, ne praegnantem quidem medicamentum, quo conceptum excutitur, aut detur, aut demonstretur, a

C 5

quoquam

t) In Praefat. Gloss. HIPPOCR. p. 33. T. I. ed. *Chart.*

u) *Gynaec.* T. I. P. I. p. 13. ed. *Wolf.*

v) In Vita HIPPOCR. §. 2. p. 953. T. II. ed. *Lind.*

w) Ad *Nepotian.* De Vita Clericor. Ep. II. p. 13. T. I. ed. Paris. 1643.

x) Orat. funebr. in *Caesarium fratrem* XII. p. 166. ed. *Colon.* 1690.

y) L. cit.

z) In Ep. ad *C. Iul. Callistum* p. 188. Collect. *Steph. Medicor.* Princip. post HIPPOCR. et *Galen.*

quoquam medico, longe praeformans animos discentium ad humanitatem.

Haud defuere tamen, qui suppositum hoc arbitrarentur iusiurandum, quorum facile princeps *Mercurialis* ^{a)} est, etsi illud quasi per manus traditum et ab HIPPOCRATIS magni filiis editum esse non negat, atque consentire equidem novi *Io. Henr. Schulzium* ^{b)}. Sed recte suo iam tempore monuerunt *Io. Meibomius* ^{c)} atque *Foësius* ^{d)}, nec orationis grauitatem, nec rerum argumenta magnum dedecere HIPPOCRATEM.

At vero *Galenus* huius libri non meminit. Scio, at eadem iisdem paene verbis alio ^{e)} loco expressit, similisque *Luciani* ^{f)} atque *Alexandri Tralliani* ^{g)} fuisse videtur ratio. Neque HIPPOCRATIS repugnat auctoritati; qui cum ex Asclepiadarum gente oriundus esset, quos ex maiorum instituto, iurisiurandi fide interposita, scimus fuisse obstrictos, homines profanos ab artis salutaris arceret mysteriis, quid tandem mirum, si ne latum quidem vnguem ab hac discedere vellet consuetudine, atque iureiurando discipulorum fidem confirmare HIPPOCRATES? Conscriptus praeterea liber est antiqua HIPPOCRATIS magni breuitate, adeoque tanto viro dignissimus. Denique

a) Praelect. Patauin. init. p. 2, ed. Bonon. 1619.

b) Hist. Medicin. Per. I. Sect. III. 4. §. 85. p. 287.

c) Comment. in Iusiurand. HIPPOCR. c. I. p. 8.

d) In Not. ad h. l. Sect. I. p. 31.

e) L. X. Simpl. Medic. Facult. init.

f) In Tragopodagr.

g) L. X. sub fin. p. 178. Vers. Venet.

nique eo continentur multa peregregia, iuniori medico scitu perquam necessaria, omnem vitandam esse impudicitiam, commissa tacenda, quippe, Nasone ^{h)} auctore,

*Exigua est virtus praestare, silentia rebus;
At contra grauis est culpa tacenda loqui,*

similiterque censuit Agamemnon apud Homerum ⁱ⁾:

Οὐ μὲν μῦθον ἅπαντα πιφάυσκεμεν, ὅν
κ' εἶδῃ.

Ἀλλὰ τὸ μὲν φάσθαι, τὸ δέ τοι κεκρύμμε-
νον εἶναι.

*Non temere ore loqui, quod fors sub pectore condat:
Sed quaedam effari, quaedam secreta tenere.*

Porro semper in morbis curandis rationem aegrorum esse habendam, nec danda remedia, quibus partus abigitur, aut venena mortifera cet.

§. IV.

Ἀφορισμοί.

Aphorismi.

Ed. Lind. p. 68. T. I. ed. Frob. gr. p. 389. adiuncta tamen est Sectio octaua septimae: ed. Foëf. Sect. VII. p. 341. Ed. Mercurial. Sect. I. p. 39. Ed. Chart. p. 1. P. II. T. IX. Vers. Cornar. p. 517.

Tantam hac aphorismorum collectione sibi nominis gloriam comparauit HIPPOCRATES vt, vel ceteris omnibus temporum iniuria deperditis, hoc vnum opus eius memoriam ab obliuio-

ne

^{h)} Arte Amand. II. v. 603.

ⁱ⁾ Odyss. λ. Similiter ap. Stobaeum Serm. XXXIII. p. 213. ed. Aurel. Allobrog. 1609. et Plautus Trinum. Act. I. Scen. 2. v. 176. p. 1105. ed. Taubmann.

ne vendicare posse videatur, immo vero *Galenus* ^{k)} ipse illud omnium Hippocraticorum librorum summam et compendium quasi habendum esse putet.

Meminerunt vero huius libri multi, iique grauiissimi auctores, *Erotianus* ^{l)}, *Galenus* ^{m)}, *Palladius* ^{mm)}, et *Suidae* ⁿ⁾ tandem videtur, ἀνθρωπίνην σύνεσιν ὑπερβαίνειν. Conscriptus est solita HIPPOCRATIS magni breuitate, eaque argumentorum grauitate, qua integri eius libri prae ceteris gaudent, atque, mirum, quam accommodata naturae, praesertim quae *de morbis acutis* agunt. Multa enim sedulaque obseruatione cuncta firmanur, nec nisi praemissa singulorum obseruationum auctoritate, placita solent elici, quae vulgo dicunt ἀξιώματα.

Dolendum tamen vehementer est, opus hoc peregregium omnique admiratione dignissimum tanta cum negligentia pertractatum esse veteribus, siue id ab HIPPOCRATE ducat originem, siue aliis

k) In περὶ κρισίων I. 6. T. VIII. p. 383. ed. *Chart.*

l) Gloss. voc. ζυσμῶ. φύσαν-

m) Comm. I. in L. I. Prorrhetic. Text, 4. p. 699. T. VIII. ed. *Chart.*

mm) Comm. in L. de Fractur. ap. *Faëf.* Sect. VI. p. 147. et ap. *Chart.* p. 271. T. XII.

n) In voc. Ἱπποκράτης. Singulorum vero aphorismorum meminerunt *Seneca* L. Breuit. Vit. c. i. p. 310. *Gal.* Simpl. Medic. Facult. VI. praef. p. 143. T. XIII. ed. *Chart.* *Stephanus Atheniensis*, in Explanat. *Galen* L. I. ad *Glaucon.* Sect. I. Aph. i. p. 2. Aph. 10. 11. p. 24. Sect. II. Aph. 13. p. 81. Aph. 27. p. 79. Sect. III. Aph. 2. p. 1. Aph. 4. p. 29.

aliis debeatur, vt *Galeno* °) visum est, vt et vera, et falsa contineat, taediosis lectorem fatiget repetitionibus, et repugnantiarum multitudine haud raro laboret. Qua quidem re, si qua alia, HIPPOCRATIS magni aduersarios commotos fuisse puto, quorum facile dux et coryphaeus est *Henr. Cornel. Agrippa* P), vt plurima diuini senis decreta vana iudicarent atque falsissima, qualis est, si hoc vnum addere fas est, ille aphorismus q): *Τυνὴ δ' ποδαγρία, ἣν μὴ τὰ καταμήνια αὐτῇ ἐκλίπη.* *Mulier non laborat podagra, nisi menses ipsi defecerint.* Ad vero id temporum luxuriae tribuendum esse morumque corruptionibus, non HIPPOCRATIS vitio, suo iam tempore monuit *L. Annaeus Seneca* r), aut etiam varia regionum conditio aerisque vicissitudines, victus exercitiorumque dissimilitudo cet. attendantur necesse est, vt bene litteris consignatum reliquit *Cl. Salmasius* s). *Falluntur non raro, inquit, medici nostrates, dum omnia scita HIPPOCRATIS examissim conuenire censent medicinae ac curationi, quae corporibus nostri caeli*

o) Sic videtur innuisse Comm. VII. ad L. VII. Aph. 53. p. 322. P. II. T. IX. ed. *Chart.* similiterque alio loco: *Ἡμάρτηται φανερώς ὁ ἀφορισμὸς, ἡτοιγεῖ αὐτῇ τῇ Ἱπποκράτης παραδίδόντος ὅλας τῇ λόγῃ τὸ ἡμῖν μέρος, ἢ τῇ πρώτῃ βιβλιογράφῃ παραλιπόντος.* *Certissime in hoc aph. erratum est, siue quod ipse HIPPOCRATES neglexerit alteram integrae sententiae partem adiciere, siue qui primus librum descripsit, eam praetermiserit.*

p) De Vanit. Scient. c. 82.

q) Aph. 29. Sect. VI. p. 100. T. I. ed. *Lind.*

r) Ep. 95. p. m. 409. ed. *Lips.*

s) In *Interpretat. HIPPOCR. Aph. LXXIX. Sect. IV. de calculo* p. 172.

caeli conuenit, et quam natura nostrorum hominum exigat. Quis exactam tertianam medicus hic in aegris suis animaduertit? Omnes sunt spuriae, non ἀκριβείς, quia cum pituita sunt complicatae, non ex pura bile constant. Nec mirum ergo, si non quadrent διαγνωστικὰ et κριτικὰ signa tertianae Hippocrateae cum nostris, quia nullas habemus fere tertianas legitimas.

Quae uero aduersus dies iudicatorios multi in medium putarunt proferenda, nihili facere soleo. Consentunt enim naturae, confirmatique Gale-^tni), Clerici^u), Swietenii^v), Haenii^w) auctoritate sunt. Quare si qui sint, (esse autem scio permultos) qui hanc veterum de iudicandis certo statoque die morbis doctrinam rideant, ii nec eorum naturam rite perspicere, nec cursus perpetuos unquam aut obseruasse, aut obseruare uoluisse videntur. Neque est, quod ipse sibi HIPPOCRATES repugnasse perhibeatur, cum et paribus diebus et imparibus hunc honorem deferat, partim quod multae hac in re difficultates scribarum debentur incuriae,

t) *Dier. Critic.* l. 2. sequ. p. 452. T. VIII. ed. *Chart.* Hic enim hac de causa libros hos conscripisse uidetur, ut HIPPOCRATIS auctoritatem ab aduersariorum iniuriis uendicaret. Cf. *In L. Prognostic.* III. l. p. 661. T. VIII. ubi primus dicitur HIPPOCRATES, qui hanc dierum iudicatoriorum naturam intelligeret.

u) *Hist. de Medec.* P. I. L. III. 5. p. 143. sequ.

v) *Comment. in BOERH. Aph.* p. 51. sequ. et p. 464. sequ. T. II. ed. *Hildburgh.*

w) *Rat. Medend.* P. I. c. 4. p. 38. sequ. ubi multa hac de re dicta sunt commemoratu dignissima, sed ob argumentorum breuitatem, quod uehementer doleo, adeundus simul est *Swietenius* l. c.

curiae, qui literarum decepti similitudine vieto-
rumque exemplorum vitio confirmati litteram
litterae surrogare haud veriti sunt, partim quod
vel maxime se ad naturae inuestigationem contu-
lit HIPPOCRATES, et *dies iudicatorios bonos,*
eosque solitos a minus suetis et raris bene distinguen-
dos censuit, id quod experientia, optima rerum
magistra, edocti certo scimus fieri. Recte hinc,
Galeno x) iudice, Hippocrateae *κρίσεις* non semper
verae κρίσεις sunt, sed λύσεις, idque in iis libris, qui
in popularibus morbis versantur, praesertim in pri-
mo et tertio, haud negligendum videtur.

Ad *Sectiones* quod attinet, quibus hodie a se
inuicem distinguuntur aphorismi, quasque ordi-
nantur, eae HIPPOCRATIS magni auctoritati
nullo modo in acceptis ferendae sunt. *Soranus*
enim, quantum ex *Oribasio y)* licuit colligere,
hos

x) *Dier. Iudicator. II. 4. et 6. p. 482. T. VIII.*

y) In Praefat. Comment. in Aph. HIPPOCR. p. 10. Dubito ta-
men vehementer, hunc in aphorismos Hippocrateos com-
mentarium ab ORIBASIO fuisse profectum. Primum
enim nulla habita fuit temporum ratio, cum *Ptolomaei*
Euergetis iussu conscriptus perhibeatur, p. cit. et nihilo
tamen secius *Iuliani* Imp. aetate vixerit ORIBASIVS.
Deinde multorum opera commemorantur, qui post *Pto-*
lomaei tempora scripserunt, *Terentii* Comoediae, *Vir-*
gilii fabulae p. 81 *Ovidii* versus

Timor addidit alas; p. 79.

Galeni, Pelopis, Lyci scripta, Praefat. p. 8. Tandem
moris leuitici apud veteres p. 236. meminit, sacrosque li-
bros p. 81. inter aegrotandum legi iubet. Quare in eam
ingredior sententiam, a recentiore quodam homine, re-
ligionis christianae mysteriis initiato, fuisse hanc scri-
ptionem conflatam, adsumto nobili ORIBASII nomi-
ne, sed auctorem bene simulandi artem haud calluisse.

Quam

hos aphorismos in *tres partes* censuit distribuendos, *Rufus* in *quatuor*, et *Galenus* ²⁾ tandem in *septem*, *octaua sectione* in *suppositorum numero* habita, etsi multos ex genuinis aphorismis adiectos et intellexerat, et editiones nostrae incredibile, quantum a se dissentiunt. Hanc *Galen*i distributionem hodie plerique sequi solent, qui tamen *quartam sectionem*, si quam aliam, dolo malo inter Hippocratea monimenta locum occupare contendebat, idque, ut mihi videtur, ea de causa, quod nimia sit in remediorum purgantium usu, adeoque doctrinae repugnet Hippocrateae. Denique aphorismos VI. Sect. VIII. *Lind.* et Aph. LXXXVIII. Sect. VII. omiserat *Galenus*, hincque multis censentur suppositi; id quod etiam de nonnullis ^{a)} praeterea aliis videtur intelligendum. Varii va-
rios

Quam enim iis, quae ad probandam meam sententiam attuli, sese dederit turpiter, quis est, qui non videat? Vidit autem optime *Freindius* Hist. Medec. P. I. p. 143. sequ. cf. *Io. Meibom.* Comm. in Iusiur. HIPPOCR. c. I. p. 10. a quo tamen, hisce de causis non possumus non dissentire.

2) Comm. VII. in L. VII. Aph. 79. p. 337. P. II. T. IX. ed. *Chart.*

a) V. C. Aph. 46. Sect. VII. ut *Galen.* ad h. aph. p. 370. Similiter Aph. 36. L. VI. p. 271. P. II. T. IX. ed. *Chart.* Aph. 31. Sect. VI. *Gal.* Method. Medend. III. 2. p. 58. T. X. Aph. 68. Sect. VII. *Gal.* Comm. ad h. l. p. 331. P. II. T. IX. reiicit, cum nec *λέγεις*, nec placita cum Hippocrateis consentiant. Similiter fecit *Lycus Macedo* aduersus Aph. XIV. Sect. I. atque *Oribasius* Comment. in Aph. HIPPOCR. p. 212. id etiam multis de Sectione VI. visum fuisse perhibet. Patrum vero memoria *librum septimum* reiiciendum putauit *Hieronymus Mercurialis* Praelect. Patauin. Sect. VII. p. 713. et maximam partem confarcinatoribus attribuit. De Sectione VIII. nullus dubitat.

ios in hanc aphorismorum collectionem scripserunt commentarios, quorum singulos laudare haud videtur operae pretium, commemorandus tamen prae ceteris est *Cl. Salmasius* ^{b)}; qui Aph. 79. Sect. IV. explicuit; qua in re quam bene se gesserit, alii iudicent.

§. V.

Περὶ αἰέρων, ὑδάτων καὶ τόπων. *De Aëre, Aquis et locis.*

Ed. *Lind.* p. 327. Tom. I. ed. *Frob.* gr. p. 75., sed ab ^{c)} differt multum a *Lindeniana*, id quod lectores incautos facile turbare possit, nec qua de causâ id fecerit *Lindenius*, video; qui vero quaedam ex L. *περὶ τῶν ἐν κεφαλῇ τρωμάτων* p. 451. ed. *Froben.* sumsit, et huic loco putavit insinuanda. Ed. *Mercurial.* Sect. I. p. 16. Ed. *Foëf.* p. 63. Sect. III. Ed. *Chart.* p. 187. T. VI. Vers. *Cornar.* p. 104.

Meminerunt huius libri *Erotianus* ^{c)}, qui eam inscripsit *περὶ τόπων καὶ ὥρων*, *Galenus* ^{d)} *περὶ αἰέρων, ὑδάτων, τόπων, οἰκήσεων, ὥρων καὶ χωρῶν*, *Palladius* ^{dd)}, *Athenaeus* ^{e)} *περὶ ὑδάτων καὶ τόπων*, alii *περὶ αἰέρων, τόπων, ὑδάτων, καιρῶν, ἀνέμων, ἀσέρων*, ex fide codicum alii denique *περὶ ὥρέων, αἰέρων, ὑδάτων, τόπων*, inscribunt. Huc etiam pertinent *Aristophanis*

b) In Interpret. Aph. huius ad *Cl. Beuerovicium*.

c) Gloss. sub voc. *ἐμῆλη*.

d) De Propriis Libris c. 6. p. 44. T. I. ed. *Chart.* In III. Epid. Comm. II. Praef. p. 230. T. X. et Gloss. sub voc. *ἐπὶ τῶν*. L. ad *Thrasylbul.* c. 39. p. 34. T. VII. ed. *Chart.* L. *quod animi mores* cet. c. 8. p. 454. T. V. ed. *Chart.*

dd) Comment. in L. de Fractur. ap. *Foëf.* p. 147. Sect. VI. *Opp. Hipp.* p. 271. T. XII. ed. *Chart.*

e) *Deipnos.* II. 7. p. 46. ed. *Cajaub.*

phanis scholiasta apud Suidam f), multique praeterea alii, quos adferre singulos prohibent temporis angustiae. Nostra demum aetate accidit, ut *Hallerus ff)* de eius auctoritate subdubitaret, eumque Europaeo potius cuidam homini, quam HIPPOCRATI adsignandum existimaret. Sed, ut mihi quidem videtur, iniuria.

Hoc in libro haud desideres breuitatem orationis argumentorumque grauitatem, quibus potissimum a suppositis segregantur monimenta vere Hippocratica, redundatque ille rerum haud spernendarum copia, *varias capitis formas ex gentium moribus repetendas censet HIPPOCRATES, feminarum meatum urinarium esse breuiorem demonstrat, et, mirum, quanta cum accuratatione atque perspicacia docet, quid morborum origines debeant tempestatum iniuriis, quantum et regionum et ventorum vicissitudines, nec non varia aquarum conditio valeant, denique victus ratio quantum ad causas valitudinis aduersae inuestigandas conferat, immo vero morum conformationem hac in re attendendam esse iusserit, id quod similiter apud Clementem Alexandrinum g)* expressit Euripides:

Ὅσοι δ' ἰατρεύειν καλῶς,
Πρὸς τὰς διαίτας τῶν ἐνοικόντων πόλιν,
Τὴν γῆν ἰδόντας, τὰς νόσους σκοπεῖν χρεῶν.

Qui volunt mederier,
Ut unaquaeque poscit urbs et incolae,
Hos terram oportet nosse; sic morbo manus
Demum admouere.

- Atta-

f) Sub voc. Ἀριστοφάνης.

ff) Princip. Art. Medic. Praefat. ad T. IV. p. 6.

g) Strom. VI. p. 452. ed. Lugd. Bat. 1616.

Attamen negari non potest, quaedam aut commentitia in textum dolo malo videri illata, *abortiones fieri, si ver siccum hiemem pluuiam excipiat; ventris profluuium, quod δυσεντερίαν dicunt, esse veris pedissequam* cct. aut iudicii acumen fefellerunt, cum qui non quandoque offendat, nusquam incurrat, sciam neminem; aut tandem ad Graeciam potius, quam aliam quamcunque regionem pertinere videntur. Ipse enim HIPPOCRATES, quantus quantus est, Europam ab Asia longissime differre auctor est. Quod si verum est, minus recte ii mihi in explicandis Hippocrateis monumentis versari videntur, qui quicquid nostris terris haud satis accommodatum est, putent falsissimum. Denique HIPPOCRATES hoc in libro se profitetur *ab omni superstitionis labe alienissimum, Scytharumque morbum popularem (Θήλειαν νόσον) non a deo quodam, ut vulgo existimabatur, et memoriae prodidit Herodotus^h), sed a vitae genere aliisque id genus causis repetendum censet.*

Reliquum est, ut id vnum adiiciamus. Optandum videtur, ut plures nostrae aetatis medici his diuini senis insistant vestigiis, eiusque exemplo compulsi praestantiora de hoc argumento pernecessario et arduo nobiscum communicent. Sed, proh dolor! hoc obseruandi studium, taediosum sane illud multisque obsessum difficultatibus, adhuc intactum prorsus et neglectum relinquitur.

D 2

§. VI.

h) In Clío, p. 28. ed. gr. et p. 20. Vers. ed. Steph. f. Mercurial. Var. Lect. III. 7. p. 64.

§. VI.

Προγνωστικόν. *Praenotiones.*

Ed. *Lind.* p. 447. T. I. Ed. *Froben.* gr. p. 401. Ed. *Mercurial.* Sect. I. p. 73. ed. *Foëf.* p. 3. Sect. II. ed. *Chart.* p. 583. T. VIII. Vers. *Cornar.* p. 533.

Admirabilis est huius libri praestantia, cuius passim facta est mentio apud *Erotianum* ⁱ⁾, *Caelium Aurelianum* ^{k)}, *Galenum* ^{l)}, *Aëtium* ^{m)}, *Palladium* ^{mm)}, *Macrobius* ⁿ⁾, *Paullum* ^{o)}, *Stephanum Atheniensem* ^{p)}, ut multos alios praeteream silentio, eumque non potuerunt non *Foësius* ^{q)} atque *Hallerus* ^{qq)} censere genuinum. Nam si qua in re alia, in hac certe satis superque demonstravit HIPPOCRATES, quanta in praesagiendis morborum euentis vi gaudeat, quantamque sit obseruando consecutus scientiam, adeo, ut legislatoris grauitate omnia omnino longe certissima esse

i) Praefat. Gloss. HIPPOCR. p. 33. T. I. ed. *Chart.*

k) Morb. Diuturn. IV. 8. p. 536. ed. Amstel.

l) L. Placit. *Platon.* et HIPPOCR. IX. 2. p. 250. T. V. edit. *Chart.* L. Vtil. Respirat. c. 3. p. 418. T. V. de Marcore c. 2. p. 179. T. VII. L. Difficult. Ref. I. 23. p. 243. T. VII. L. De indication. I. 5. p. 383. T. VIII. At in III. Epid. Comm. I. 5. p. 211. T. IX. ἐν τοῖς ὁμολογούμενοις Ἱπποκράτης γνησίοις collocatur.

m) Tetrabibl. II. Serm. I. c. 1. p. 190. Coll. *Steph.*

mm) Comment. in L. de Artic. ap. *Foëf.* p. 147. Sect. VI. et p. 271. T. XII. ed. *Chart.*

n) Saturnal. I. 20. p. m. 271. vbi locus quidam, ex h. l. primordio adducitur.

o) L. II. 4. sequ. p. 378. Coll. *Steph.*

p) In Explanat. *Gal.* L. I. ad *Glauc.* p. 5. et 11.

q) In Not. ad h. l. Sect. II. p. 28.

qq) Art. Medicae Princip. p. 166. T. I.

esse iusserit, qua in re *Celsum* ^{r)}, *Galenum* ^{s)}, *Aëtuarium* ^{t)} verosque medicos semper habuit habebitque consentientes.

Tantum tamen abest, ut eius placita tam certa velim, ut immutabilem sempiternamque veritatem contineant, ut potius multa cruda singularibusque innixa esse observationibus facile largiar, quas temporis praeclusus angustiis nondum in ordinem rite potuerat HIPPOCRATES redigere. Sed quicquid eis insit manci atque mutili, recte nihilominus, comico iudice,

Istuc est sapere, non quod ante pedes modo est,
Videre, sed etiam illa, quae futura sunt,
Prospicere,

adeoque bene, ut omnia, *Plato* ^{u)} de medico:
"Αν ὁ θεραπευόμενος ὑπ' αὐτῶ ἀκόντος τελευτῇ, καὶ θάρος ἔσω κατὰ νόμον. Si is, cuius curam habet medicus, moriatur ipso invito, purus secundum legem esto. Similis apud *Diodorum Siculum* ^{v)}, sententia *Bocchoris*, antiquissimi Aegyptiorum legislatoris, fuisse perhibetur. Nulla enim regula, inquit *Cl. Salmasius* ^{w)}, tam generalis est, quin exceptione aliqua infirmetur. Nulla autem in medicina signa sunt, siue illa προγνωσικὰ sint, siue διαγνωσικὰ, siue κριτικὰ, quae tam certa videri queant, ut

D 3 nun-

r) De Medicina L. II. Praefat. p. 41. ed. *Kraus*.

s) L. De Praecognit. ad *Postum*. c. 1. p. 830. T. VIII. et in L. III. Epid. I. 8. p. 217. T. IX. ed. *Chart*.

t) Praevident. ex *Vrin*. II. p. 127. Coll. *Steph*.

u) De Legib. IX.

v) L. I. 862.

w) In Interpret *HIPP*. Aph. 79. Sect. IV. p. 176.

nunquam fallant. — Satis esse debet, si ut plurimum regula vera sit.

Miro conscriptus liber est ordine, et prouti pars corporis alia aliam excipit, ita etiam longius in explicando HIPPOCRATES progreditur, omni verborum adhibita grauitate, qualem a legislatore adhiberi fas erat, nec vlllo fere, praeter pulsum, cuius raro fit in monumentis Hippocrateis mentio, signorum neglecto aut posthabito. Et quid tandem de illa iudicabimus HIPPOCRATEA in praesagiendo ὁσφάλεια, qua ne in Scythia quidem, Lybia et Delo haec morborum signa euentu fallere certus adfirmat? Non enim poterat non id certo pronunciare diuinus senex, cum nec naturae vnquam repugnaret temere agendo, nec peruerso medicamentorum vsu aliquid contra moliretur, id quod aetatis nostrae medici faciunt saepenumero, qui omnia intempestiue praeuertunt, eaque festinatione aegros iugulant: hinc scite apud Euripidem x) Silenus:

’Ουδεις γὰρ μολὼν δεῦρ’ ὅσις ἔ κατεσφάγη.

Nemo huc venit, qui non mactatus sit.

Et quid mirum, si hac scientiae praestantia commoti vel maxime HIPPOCRATIS aduersarii commentarios in hunc librum scripserint, quale quid Herophilum olim fecisse Caelius Aurelianus y) et Galenus z) memoriae prodiderunt, etsi, si di-

cen-

x) In Cyclop. Act. I. v. 128. p. 438. P. II. ed. Paull. Steph.
1002.

y) Morb. Diurn. IV. 8. p. 536. ed. Amstel.

z) In L. Prognostic. Comm. I. 4. p. 588. T. VIII. ed. Chart.

cendum, quod res est, ob *pulsus* ^{a)} *neglectum* potius, quam argumentorum praestantia ductus HIPPOCRATEM monere ausus sit? Μόνην γὰρ τὴν περὶ τὰς σφυγμὸς θεωρίαν ^{b)} Ἰπποκράτης ἔκ ἐξειργήσατο. *Solum pulsum scientiam HIPPOCRATES non explicuit.* At vero HIPPOCRATEM hac scientia medico pernecessaria nec destitutum fuisse, nec penitus eam posthabuisse, multis, si per temporis angustias et argumenti dignitatem liceret, probabiliter demonstrari potuisset. Quare si cuius haec scire interfit, adeat, quaeso, *Haenium* ^{c)}.

Continentur hoc libro multa decreta, praeclara illa quidem et omni exceptione maiora, sed liceat *huius* prae ceteris *praesagii* ^{d)} *veritatem* experientiae confirmare testimoniis. "Ὅσοι ἐν τοις τοτρώπῳ πυρετῷ κεφαλὴν ἀλγέουσιν, ἀντὶ μὲν τῆς ὀφθῶδός τι πρὸ τῶν ὀφθαλμῶν φαίνεσθαι, ἀμβλυοσμός γίνεται, ἢ μαρμαρυγαὶ προφαίνονται· ἀντὶ δὲ τῆς καρδιώσεως, ἐν τῷ ὑποχονδρίῳ ἐπὶ δεξιᾷ ἢ ἐπ' ἀριστερᾷ ξυντείνεται τι, μήτε ξύν ὀδύνῃ, μήτε ξύν φλεγμονῇ, αἷμα διὰ τῶν ῥινῶν τέτοιαι ρυῖται προσδόκιμον ἀντὶ τῆς ἐμετῆς, μᾶλλον δὲ καὶ ἐνταῦθα τοῖσι νέοισι

D 4

τῆς

a) *Plin. Hist. Nat. XXIX. p. 249. T. III. ed. Lugd. cf. Censorin. Dies Natal. c. 12. p. 76. ed. Lindenbrog.*

b) *L. de Praecognit. ad Postum. c. 12. p. 850. T. VIII. ed. Chart. et L. Quod animi mores cet. c. 8. p. 454. T. V. expresse dicitur HIPPOCRATES huic doctrinae viam praemuniisse.*

c) *Rat. Medend. P. XII. l. p. 1. sequ.*

d) *Prognostic. §. 25. p. 469. T. I. ed. Lind. et simile quid occurrit in L. Praedict. II. §. 41. p. 518. T. I. ed. cit.*

τῇ αἵματος τὴν ῥῆξιν προσδέχεσθαι. Quibuscunque in huiusmodi febre caput dolentibus pro eo, quod obscurum quiddam prae oculis appareat, visus hebetudo contingit, aut splendores ob oculos obuersantur, et pro osculi ventris morsu in praecordiorum dextra aut sinistra parte aliquid tenditur, neque cum dolore, neque cum inflammatione, sanguinem de naribus his pro vomitu fluxurum esse expectandum est. Magis tamen et hic in iuuenibus sanguinis eruptionem expectare oportet.

Femina igitur lectissima, A. R. W. XLVIII. annos nata, quae multo abhinc tempore ex uteri strangulatione miraue nervorum debilitate laborarat, incidit cum subita menstrui fluxus defectione in dolorem oris stomachi atque intestinorum vehementissimum; Aluus nihil reddidit; ac ne spiritum quidem, ex quo venter durescebat, et dolor erat, transmisit: reiecta vero cuncta sunt vomitu, qui non, nisi remediis lenissimis ac oleosis, parcoque laudani puri usu decessit, alui prius segnitie lotionibus sublata. Huic feminae die septimo mare undosum obuersatur oculis, florum candidissimorum pulcritudine, mirum, quantum delectans, tantoque luminis splendore coruscans, ut prae gaudio hoc visum saepius sibi optaret accidere, et a meridie, mirabile dictu! hora secunda, crudeli praecordiorum inflatione se remittente, liberata a morbo est sanguinis menstrui profusione. O diuinum HIPPOCRATIS ingenium! Tantum enim tamque praeclarum ducem in arte sequi poenitebit, puto, neminem.

§. VII.

Προῤῥητικόν β'.

Praedictionum II.

Ed. *Lind.* p. 487. T. I. Ed. *Froben.* gr. p. 413. Ed. *Mercurial.* Sect. III. p. 443. Ed. *Foëf.* Sect. II. p. 63. Ed. *Chart.* p. 809, T. VIII. Vers. *Cornar.* p. 549.

Libri huius passim facta est apud veteres mentio, sed tantum non omnes eum, tanquam HIPPOCRATIS magni nomine indignissimum, existimarunt reiiciendum. *Erotianus* ^{e)} enim vtrumque hunc librum ab monumentis his exemit, similiterque *Galenus* ^{f)}, qui: Ἐκ πολλῶν ἔν ὑπονοήσαιεν ἄν τις, inquit, ἔκ εἶναι τῷ Ἱπποκράτῃ σύγγραμμα τὸ βίβλιον τῷτο πολυλογεῖ γὰρ ἐμπειρικῶς αὐτὸ συνθεῖς, μὴ δυνάμενος εἰς τὸ καθόλου λογικῶς ἀναγαγεῖν τὰ θεωρήματα. *Ex multis igitur opus Hippocraticum hunc librum non esse quis existimauerit; multa siquidem loquitur, quae empirice composuit, nec theorematum ad uniuersalem rationabiliter reducere valens. Et iterum* ^{g)}: Τὸ πολλάκις ἤδη καὶ πρόσθεν εἰρημένον ἔρω καὶ νῦν ὁ συνθεῖς τὸ βίβλιον τῷτο φαίνεται μὲν ἀπὸ τῆς αὐτῆς ὧν Ἱπποκράτει τῷ μεγάλῳ τέχνης ἀπολείπεται δ' αὐτῷ πάμπολλα, καὶ διὰ τῷτο ἐνίοις μὲν ἔδοξε τῷ Δράκοντος Ἱπποκράτῃ, ἐνίοις δὲ τῷ Θεσσαλῷ τὸ σύγγραμμα τῷτο εἶναι. — εἴτ' ἔν ὑπὸ θατέρω τέτων, εἴτε καὶ

D 5

ὑπ'

e) In Gloss. Praefat. p. 33. T. I. ed. *Chart.*

f) In L. I. Praediction. Comm. I. 15. p. 711. T. VIII. edit. *Chart.* At vero eius saepe meminit, in Gloss. sub voc. ἀμβλυσεμὸς maioris praedictiui, et sub voc. βδέλλα simul addidit, eum, a nonnullis secundum inscribi.

g) In cit. l. Comm. II. 52. p. 736. Tom. VIII. ed. *Chart.*

ὑπ' ἄλλ' τινὸς ἐγράφη τὸ βιβλίον, εἴτ' ἔφθασεν ὁ γράψας αὐτὸ, πρὶν ἐκδῆναι τοῖς Ἕλλησιν, ἀποθανεῖν, περιτλόν ἐσιν ἔργον τητεῖν. Quod saepius iam et ante dictum est, dicam et nunc. Qui librum hunc composuit, videtur quidem eiusdem cum magno HIPPOCRATE artis esse, sed ipse longe inferior est, atque ob id quidam librum Draconis HIPPOCRATIS, alii Thessali esse putauerunt. — Siue igitur ab horum altero, siue ab alio quodam scriptus sit liber, siue qui scripsit, prius, quam graecis publicaret, obierit, peruestigare superuacuum videtur. Horum virorum vestigia presse secutus Foësius ^{h)} eum ob argumenti leuitatem orationisque dissimilitudinem procul ab Hippocrateis monimentis abesse iussit.

Sed cum aliter sensit Hallerus ^{hh)} ob gravitatem, modestiam, methodum et continuam observationum seriem, tum proloquii ratio sic comparata est, ut vel oscitanter hunc librum versanti appareat, eum cum priori huius nominis cohaerere nullo modo posse, et quicquid contra dicant hi viri clarissimi, HIPPOCRATI magno in acceptis ferendum esse. Ut enim sese argumentorum utilitate atque praestantia commendat incredibiliter, ita etiam orationis Hippocrateae gravitatem prorsus exprimit, sedulaque morborum observatione tanto viro videtur dignissimus. Deinde praesagia, signa et euenta tam admirabilia sunt, ut, si quis diuini senis placitis inbutus ad naturae se contulerit

^{h)} Praefat. ad h. I. Sect. II. p. 43.

^{hh)} Art. Medicæ Princip. p. 193. T. I.

lerit inuestigationem, non possit non hunc librum summis efferre laudibus. Quid enim magni HIPPOCRATIS auctoritate dignius, quid accommodatius, quam quod in praesagiendis morborum euentis cautius versandum esse iubeat, ne, si quid acciderit, conuiciis aliorum et risui exponaris? Leges denique, quas hac in re tam ardua obseruandas velit, ab aliorum medicorum placitis, inprimis Herodici ⁱ⁾, incredibile, quantum dissentiunt, et ad omnium omnino praesagiorum naturam pertinent, nec a singulis ad vniuersa progredi licere medico auctor est HIPPOCRATES.

§. VIII.

κατ' ἰητροῦν. *Officina Medici.*

Ed. Lind. p. 614. T. I. Ed. Froben. gr. p. 502. Ed. Mercurial. Sect. II. p. 335. Ed. Foëf. Sect. VI. p. 5. Ed. Chart. p. 1. T. XII. Vers. Cornar. p. 598.

Meminerunt huius libri Erotianus ^{k)}, Galenus ^{l)}, Palladius ^{m)}, etsi multi ⁿ⁾ cum de nomine

i) Hic Herodicus se ex sophista callido derepente finxerat medicum, et nouae, eiusque suauioris medicinae gloria haud veritus erat multis imponere. Eum igitur §. I. et II. h. l. p. 487. T. I. ed. Lind. videtur carpere fraudesque eius detegere.

k) Gloss. sub voc. πλεονὸς κατ' ἰγν, atque in Praefat. p. 33. T. I. ed. Chart.

l) Sanitat. Tuend. II. 3. p. 71. T. VI. ed. Chart. Comm. in h. l. I. 5. p. 14. T. XII. In L. I. Aph. 1. Comm. I. p. 3. P. II. T. IX. et in VI. Epid. Comm. IV. 9. p. 485. T. cit. Placit. Platon. et HIPPOCR. X. 3. p. 255. T. V.

m) Comment. in L. de Fractur. ap. Foëf. Sect. VI. p. 147. opp. HIPPOCR. et p. 271. T. XII. ed. Chart.

n) Galen. in I. Epid. Comm. I. 17. p. 22. T. IX. ed. Chart. verius inscribi putat κατ' ἰητροῦν per ι et η; alterum significat

ne et inscriptione disceptarunt, tum de eius pretio atque auctoritate °), quorum in numero post veteres etiam est *Io. Henr. Schulzius* p). Sed tam bene hic liber conscriptus est tantoque cum studio, ut vere tibi HIPPOCRATEM observatorem coram audire naturamque coram intueri videaris, id quod multis docuit *Foësius* pp). Orationis forma brevis est facilisque intellectu, argumentorumque praeter haec servata gravitas. Haud enim desideres praeceptorum laudabilium multitudinem, ne omissis quidem minutiis, si quae sint, atque in eo vel maxime versari videtur HIPPOCRATES, ut, *quid et qua ratione efficiendae sint operae, chirurgum edoceat*. Neque hanc accurationem Hippocrateae brevitati repugnare censeo, cum etiam, auctore *Galeno* q), didicerit, consuetam orationis formam negligere, verbosiorque ob periculi discrimen fieri.

§. IX.

ficat τὰ κατὰ τὸ ἰητρικὸν πραττόμενα, alterum τὰ κατὰ τὴν ἰατρικὴν ὅλην. *Palladius* vero l. cit. hic auctores valde a se inuicem dissentire perhibet, et modo coniunctum velle hunc librum cum L. περὶ ἀγμῶν, modo seorsum in vulgus editum.

o) *Galen.* Comm. II. in h. l. 26. p. 62. T. XII. ed. *Chart.* negat hunc librum, aut ab HIPPOCRATE magno, aut eius filiis πρὸς ἑκδοσιν fuisse destinatum: Deinde Comm. III, 2. p. 74. eum iam olim libro περὶ ἀγμῶν adiunctum esse memoriae prodidit; Denique Comm. III. 28. p. 96. post HIPPOCRATIS discessum foras datum, eumque imperfectum.

p) *Hist. Medicin. Per.* I. Sect. III. c. 4. §. 65. p. 283.

pp) In Not. ad h. l. p. 5. Sect. VI.

q) In L. V. Aph. 64. p. 239. P. II. T. IX. et L. περὶ προγινώσκειν ad *Posium*. c. 4. p. 836. T. VIII. ed. *Chart.*

§. IX.

Ἐπιδημιῶν α' et γ'. *Morborum Popularium I. et III.*

Ed. *Lind.* p. 653. sequ. T. I. Ed. *Froben.* gr. I. p. 301. et III. p. 319. Ed. *Mercurial.* I. Sect. I. p. 87. III. p. 121. Ed. *Foëf.* I. p. 11. Sect. VII. et III. p. 143. Ed. *Chart.* I. p. 1. T. IX. et III. p. 193. Vers. *Cornar.* I. p. 397. III. p. 421.

Commemorarunt hos libros prae ceteris *Ero-
tianus* ^r), atque *Galenus* ^s), cuius hac de re ver-
ba adducere liceat. Μόνα δὲ καὶ λοιπὰ τῶν ζ'
τέτων βιβλίων Ἰπποκράτης εἶναι τῇ μεγάλῃ,
κεδὸν, ἅπασιν ὁμολόγηται, τό τε πρῶτον καὶ
τὸ τρίτον. *Solos autem reliquos* (hos enim reie-
cerat *Galenus*) *ex his septem libris, HIPPOCRATIS*
magni esse fere ab omnibus concessum nempe primum et
tertium. Et iterum ^t): Ὡς περ δὲ τὸ πρῶτον καὶ
τὸ τρίτον ἔ μόνον ὑφ' Ἰπποκράτης συγκεῖσθαι
δοκεῖ τοῖς ἄριστα περὶ τέτων ἐγνωκόσιν, ἀλλὰ
καὶ τῇ τῆς θεωρίας οἰκειότητι συνῆφθαι πρὸς
ἄλληλα. — *Quemadmodum autem primus et tertius*
non solum ab HIPPOCRATE compositi esse viden-
tur, iis, qui optime de his iudicant, sed etiam ob spe-
culationis affinitatem mutuo inter se connexi — idque
alio loco ⁿ) sic expresserat: Πρὸς ἑκδοσιν δ' ὁμο-
λογεῖται γεγονέναι τὸ πρῶτόν τε καὶ τρίτον.
Nec mirum est, omnes reliquos medicos, *Ste-*
phanum

r) In Praefat. Gloss. p. 33. T. I. ed. *Chart.*

s) Difficult. Resp. II. 8. p. 255. T. VII. ed. *Chart.*

t) Difficult. Resp. III. 1. p. 268. cf. In I. Praedict. Comm.
III. 95. p. 763. T. VIII. ed. *Chart.*

u) In VI. Epid. Comm. III. Similiter in L. de Articul.
Comm. III.

phanum Atheniensem ^{v)}, *Foësum* ^{w)}, *Freindium* ^{x)} cet. ne latum quidem vnguem ab hac sententia recessisse. Fuit enim ea semper, est, eritque horum librorum auctoritas, ut et perspicaciae Hippocrateae argumento sint, et plenissimi observationum, in quibus callidissimum reperias naturae indagatorem. Conscripti praeterea sunt ea orationis breuitate argumentorumque grauitate satis accurata, cum ex more artificis omnia omnino dicantur breuiter, subtiliter, at vero rei et naturae apposite. Abundant denique rerum, quae ad valitudinem et conseruandam et redintegrandam videntur vlllo modo esse necessariae, copia incredibili, atque praemiis iis, quae ad vniuersam morborum naturam pertineant ad singulorum enarrationes sese contulit HIPPOCRATES, quae cum argumenti veritate et accuratione lectu sunt dignissimae, tum euentorum confessione commendabiles, neglectis tamen omnibus ratiociniorum blandimentis.

At his binis libris eo haud contineri videtur doctrinae accuratio, quae adhibita in ceteris Hippocrateis monimentis fuit. Scio, sed, *Galeno* ^{y)} auctore, reliquos aetate antecedunt, adeoque omnis ab HIPPOCRATE neglectus videtur orationis cultus, ne quid daret precariis enunciationibus.

v) Explanat. in *Gal.* L. I. ad *Glauc.* p. 1. vbi locum ex I. Epid. Sect. III. init. attulit.

w) In Praefat. ad h. l. p. 3. Sect. VII.

x) In Praefat. ad L. Epid. Comment. p. 176.

y) *Dier. Indicator.* I. 3. p. 454. et II. 3. p. 476. T. VIII. ed. *Chart.*

nibus. Nam ὁ θεραπευτικὴν αὐτῷ ^{z)} πρᾶξει-
το ταύτην γὰρ ἄψαλ' πραγματείαν, ἀλλὰ προ-
γνωσικὴν. Hinc suavior auctorque fuit *Galenus* ^{a)},
vt si quis ex horum librorum lectione fructum ve-
lit capere, alios praemittendos censeat.

Sed medicamentorum his in libris aut parum,
meminit, aut nihil prorsus. Scio et illud, at id
genus homines quam in sentiendo temerarii sunt,
quam in iudicando fallaces! Hoc enim ipso pro-
fitentur, hos se Hippocrateos libros aut nunquam
legisse, atque ex aliorum pendere auctoritate, aut
saltem obiter versasse. Vocauit enim in subsidium
HIPPOCRATES *lotiones, fomenta, balnea, san-*
guinis detractiones, purgationes cet. indeque facile
confici posse putem, *morborum iudicationes*, quas
veteres medici sollicite expectabant efferebant-
que summis laudibus, recentiores rident et teme-
rario ausu saepenumero praeuertunt, diuinum se-
nem vnice in votis habuisse, adeoque casu, ne-
scio, quo in eorum incurrisse reprehensionem, qui
quo maiori cum fide confessus euentus morbo-
rum funestissimos fuerat, eo maiori licentia hos
libros *meditationes mortis* appellare ausi sunt, quo-
rum in numero coryphaeum et ducem quasi esse
Asclepiadem Galenus ^{b)} memoriae prodidit. Bene
enim

^{z)} *Galen.* in III. Epid. Comm. III.

^{a)} In I. Epid. Comm. I. p. 3. T. IX. ed. *Chart.* Sunt vero,
quod lectos velit L. *περὶ ἀέρων, περὶ φύσεως ἀνθρώπου, ἀφο-*
ρισμοί, προγνωσικόν, cet. et praeclare, quo modo argu-
menta horum librorum a se dissentiant aut conueniant,
edisserit, id quod legisse, poenitebit, puto, neminem.

^{b)} de Venaesect. aduers. *Erasistratum* c. 5. p. 397. T. X.
ed. *Chart.*

enim illa *Q. Fabii Maximi* apud *Liuium* ^{c)} huc referenda videntur: *Medici plus interdum quiete, quam agendo et monendo proficiunt.* Num quid turpius dici aut cogitari possit indignius medici persona, quam ab iis, quos forte vili pendat meliora edoceri? Nonne his medicis longe praestat *Vegetius* ^{cc)}, qui: *Saepius, inquit, nulla adhibenda medicamina sunt, quod usque adeo naturae beneficio aegroti conualescant, aut longius vitam extrahant, ut eis nocitura sit cura.*

Primo igitur libro multa, eaque praeclarissima continentur monita, medico ad ea, quae coram sunt, praeterierunt aut futura sint, attendendum esse, si ad veram morbi cognitionem peruenire velit; medicum aut iuuare oportere, aut saltem non nocere cet.

Tertius vero liber, ut cum supra ex Galeno ^{d)} eius auctoritatem vidimus, tum priores duodecim aegrorum enarrationes, nec non orationis forma et argumenti similitudo suadent, fuit olim primi libri continuatio; videturque hac de causa eodem iure auctoritatis integritatisque dignissimus.

Quae ad calcem tantum non semper adiecta signa sunt, interdum a nonnullis exemplis afuerunt, aut saltem variae explicationis et loci sunt,
ad

c) Hist. Rom. XXII. 18. p. 213. ed. Gruter.

cc) Art. Veterinar. IV. 7.

d) Cf. L. de Comate c. 2. p. 195. T. VII. ed. Chart. vbi dicitur: ἔγω καὶ Φανερώς γράφοντες Ἱπποκράτης, καὶ ἀμφιδόξω βιβλίῳ, ἅμ' ὡσπερ τις ἄλλος τῶν γνησίων εἶναι πεπιστευμένῳ, τῷ τρίτῳ τῶν Ἐπιδημιῶν.

ad *Mnemonia* ^{dd)} quendam Siditem, tanquam auctorem, referri solent, nec cum alieno debeantur homini, veritus *Freindus* ^{e)} est penitus omittere, partim quod nemini hac ex re damni quid inferatur, partim quod difficillima explicatu et fere nullius usus sint.

§. X.

Περὶ διαίτης ὀξέων. *De Victu Acutorum.*

Ed. *Lind.* p. 268. T. II. Ed. *Froben.* gr. p. 365. sed adiectum est p. 376. Τῶν ἐπομένων τινὰ μὲν, ὡς Γαληνὸς φησὶ, γνήσια Ἱπποκράτους ἐστὶ καὶ τὴν λέξιν ἀμεμπτον ἔχει μετὰ τῆς διανοίας τινὰ δὲ αὐτῶν ἔκ ἀξια, ὡς ὑπονοῶσα παρεγγεγράφθαι τοῖς γνησίοις, idque incipit a §. 34. ed. *Lind.* Ed. *Mercurial.* Sect. I. p. 212. Ed. *Foëf* p. 52. Sect. IV. Ed. *Chart.* p. 1. T. XI. Version. *Cornar.* p. 489.

Meminerunt huius libri *Erotianus* ^{f)}, atque *Palladius* ^{g)}, inprimis vero *Galenus* ^{gg)}: Τῷτο μὲν τὸ σύγγραμμα τὸν ὁμολογούμενων γνησίων ἐστίν, idque

dd) *Galen.* in III. Epid. Comm. I. p. 209. et p. 221. T. IX. et in III. Epid. Comm. II. 4. p. 238. has *Mnemonis* notas explicat. Conf. *Cleric.* Hist. de Medec. P. II. L. I. c. 8. p. 40. sequ.

e) In Praefat. ad L. Epid. Comment. p. 176.

f) In Praefat. Gloss. p. 33. T. I. ed. *Chart.* et Gloss. voc. ζυνιέναι, ὁρῶν πίσεως.

g) Comment. in L. de Fractur. ap. *Foëf.* p. 147. Sect. VI. Opp. HIPPOCR. et ed. *Chart.* p. 271. T. XII.

gg) In L. Prognostic. Comm. I. 4. p. 588. T. VIII. ed. *Chart.* et Placit. *Platon.* et HIPPOCR. IX. 6. p. 260. T. V. συγγραφίαν quasi huius totius libri dedit, quid? quod L. Difficult. Respir. III. 6. p. 276. T. VII. negat quemquam eorum, qui contentionis gratia multos Hippocrateos libros, tanquam non genuinos, putarint reiiciendos, hunc aggredi ausum esse.

idque vsque ad locum, vbi *de balneis* agitur; tunc enim falsa et supposita esse, quae sequantur, auctor est ^{h)}). Continentur enim ea parte *quaedam τῆς ἐρμηνείας* diuersitas et *θεωρήματα* haud pauca, multae tandem ῥήσεις, quae ab genuinis HIPPOCRATIS magni libris quam longissime absunt, etsi negari nullo modo possit, peruetusta ⁱ⁾) haec omnia esse, et *Erasistrati* iam tempore legitimis adsuta.

Sed varia huius libri, quem *Galenus* ^{k)}) HIPPOCRATI tribuit, apud auctores fieri solet mentio; Alii *περὶ διαίτης* inscribunt, vt *Erotianus* ^{l)}), et *Athenaeus* ^{m)}); alii *περὶ ὀξέων νοσημάτων*; alii *περὶ πτισάνης*, vt *Erotianus* ⁿ⁾), *Plinius* ⁿⁿ⁾), *Galenus* ^{o)}), etsi male sic inscribi ait, *Athenaeus* ^{oo)}); alii *περὶ διαίτης ὀξέων*, vt *Dioscorides* ^{p)}), *Galenus*

h) In III. Epid. Comm. II. Praefat. p. 230. T. X. ed. Chart. et Comm. IV. in h. l. Praef. p. 116. Comm. III. in h. l. 39. p. 106.

i) In L. Viét. Acut. Comm. IV. 5. p. 120. T. XI. edit. Chart.

k) In L. h. Comm. I. 17. p. 15. T. XI. ed. Chart.

l) Gloss. cit.

m) Deipnos. II. 7. p. 45. ed. Casaub. cf. *Alexander Aphrodis.* II. Probl. 9.

n) Praef. Gloss. p. 33. T. I. ed. Chart.

nn) Hist. Nat. XXII. 25. p. 798. T. II. ed. Lugd. *Galen.* L. Difficult. Resp. III. 6. p. 276. T. VII. ed. Chart.

o) L. Placit. *Platon.* et HIPPOCR. IX. 6. p. 261. T. V. ed. Chart. In L. Viét. Acut. Comm. I. 17. p. 14. T. XI.

oo) Deipnos. II. 16. p. 57. simulque eius integritatem reddit dubiam. Ἰπποκράτης ἐν τῷ περὶ πτισάνης, ἔ τὰ ἐκ τῆς ἡμίσσε μὲν νοθεύεται ὑπὸ ἐνίων δὲ καὶ ὅλον.

p) Ap. *Galen* in Gloss.

nus ^q), *Pollux* ^r), *Rufus Ephesius* ^s); alii denique πρὸς τὰς Κνίδιας γνῶμας, vt prae ceteris *Caelius Aurelianus* ^t) fecit, etsi, *Galeno* ^u) iudice, hoc nomine indignus liber est, cum non prae ceteris aduersus Cnidiorum medicorum rationem aegros inedia iugulandi, conscriptus fuisse videatur.

Maxima vero veterum medicorum, in primisque HIPPOCRATIS, medendi ratio versatur in *victu ordinando*, qui quantum in morborum acutorum valeat curationibus, probe perspectum habent medici et patrum memoria et nostra aetate clarissimi, iique vere Hippocratici, *Sydenhamii*, *Bagliuii*, *Boerhauui*, *Swietenii*, *Haenii*, *Ludwigii*,
 E 2 alii.

q) In L. Nat. Hom. Comm. I. 1. p. 98. T. III. ed. *Chart.*
 In II. Epid. Comm. II. 12. p. 132. T. IX.

r) Onomastic. sub voc. ὀξύβαρον.

s) Appellat. Part. Corp. L. I.

t) Morb. Acut. I. 12. p. 34. ed. Amstel. III. 4. p. 168. III. 7 et 8. p. 189. sequ. Morb. Diurn. IV. 3. p. 472. V. 1. p. 502. sub nomine *ptisanæ* vero Morb. Acut. I. 12. p. 39. II. 19. p. 123. At L. *Regularis* s. *Diaeteticus*, quem Morb. Acut. II. 19. p. 142. allegat, et ex quo quaedam adfert, hodie desiderari videtur, neque istorum aliquid in libris HIPPOCR. περὶ διαίτης, quantum hodie supersunt, reperire mihi adhuc licuit. Quod si quid occurreret, facile mihi eo nomine libros omnes περὶ διαίτης comprehendi persuaderem, cum iudice *Galeno*, Comm. ad L. VI. Aph. I. p. 248. P. II. T. IX. ed. *Chart.* olim etiam eos Τῆς διαίτης inscribere moris esset.

u) L. Placit. *Platon.* et HIPPOCR. IX. 6. p. 261. T. V. edit. *Chart.* In L. Viñ. Acut. Comm. I. 17. p. 14. T. IX. *Cnidiarum* vero *sententiarum* auctor fuit *Euryphon*, vt *Gal.* in VI. Epid. Comm. I. 42. p. 387. T. IX. memoriae prodidit.

alii. Est autem HIPPOCRATES ^{v)}) omnium medicorum primus, qui de hoc argumento non contemnendo rite quaedam et accommodate naturae scripserit, inutilemque Cnidiorum operam, qua morborum formas temere et incredibiliter augerent, omni, qua par erat, orationis grauitate riserit.

Priori igitur libri parte ptisanæ parandæ modus, eiusque in morbis acutis præstantia incredibilis demonstratur, idque nec omiſſis aliorum medicorum erroribus, qui aegros fame iugulabant, commoneri te videas, quid quantumque valeat victus ex hordeo tenuis.

Alterâ in morbis, quos veteres dixerant acutos, versatur explicandis, inflammationes cerebri, pulmonum, aliarumque partium, quas id genus mala infestare solent, καῦσον, cet. in primis laterum dolorem, quem graeci πλευρίτικον appellant, eiusque curationem describit naturae tam apposite, tam eleganter, nihil vt supra, tuncque prius sanguinem iubet detrahi, quam corporis purgationes fiant, praesertim si ab succorum redundantia morbus natus sit.

Tertia libri particula liberaliorem aquae mulsæ, oxymellis ὕδρογάλακτος, cet. usum in febrium acutarum accessionibus iubet esse commendatissimum.

Vltima

v) In h. l. §. 2. p. 269. T. II. ed. Lind. atque ante eum vi-
ctus non adeo habitam esse rationem Plato Republ. III.
p. 594. ed. Frob. ait, ea tamen lege atque conditione ad-
hibita, vt huius inuenti gloriam ad Herodicum potius,
quam HIPPOCRATEM retulisse videatur.

Ultima tandem, quae uniuerse dicta erant, ea omnia singulis morborum narrationibus confirmantur; habeturque haec Hallero ^w), pro supposita, in quo ei repugnare temere non ausim; Quare non possumus non ex huius libri lectione, qui et orationis breuitate diuino sene videtur dignissimus, et argumentorum grauitate prae ceteris commendabilis, Hippocrateam aegrotationes corporis abigendi viam optime perspicere, illamque imitando felicissime adsequi conari. Summa enim magno huic viro gloria atque honos debetur, debetur modo? immo vero debebitur apud posteros, quod tanta cum argumentorum vi atque pondere eorum errores confutarit, qui, omni alimentorum genere detrahendo, aegros interficerent.

§. XI.

Περὶ τῶν ἐν κεφαλῇ τραυμάτων. De Vulneribus Capitis.

Ed. *Lind.* p. 687. T. II. Ed. *Froben.* gr. p. 445. sed p. 451. post verba: ἀφελὼν δὲ τὰ λοιπὰ, ἰητέρευειν ὥς ἂν δοκῇ συμφέρειν τῷ ἔλκει — adiiciuntur haec: Ταῦτα προσγεγράφθαι τῷ δὲ τῷ βιβλίῳ, Γαληνὸς φησί, atque iterum p. 456. post οἱ λιβιδιώντες πρὸς τὸν γινόμενον ὄργον legitur: Καὶ τὰδε τὰ τελευταῖα ὑπό τινος προσγεγράφθαι δῆλον ἐστίν. Ed. *Mercurial.* Sect. I. p. 242. Ed. *Foëf.* p. 172. Sect. VI. Ed. *Chart.* p. 115. T. XII. Vers. *Coronar.* p. 590.

Visus hic liber est commemoratu dignissimus *Erotiano* ^{ww}), *Galeno* ^x), aliisque perquam mul-

E 3 tis.

^w) Art. Medicae Princip. p. 258. T. I.

^{ww}) In Praefat. Gloss. p. 33. T. I. ed. *Chart.* et Gloss. voc. ἰδρωίως.

^x) Method. Medend. VI. 6. p. 150. T. X. ed. *Chart.*

tis. Continentur hoc libro chirurgiae praecepta tam praeclara, tam copiosa, nihil ut nostra aetate melius, vtiliusque dici posse videatur, cuius generis sunt: *suturas in perforando, quoad eius fieri possit, fugiendas esse, etsi hac de re aliter nostri chirurgi; ulcera nullo humore humectanda; vulnera angustiora esse dilatanda; ossa capitis radi oportere, vulnera vero pura seruari* cet. Anatomes praeterea scientia haud contemnenda videtur, in primis quae ad *ossium naturam* explicandam pertinere videantur. Tandem multus est HIPPOCRATES in variis ossium laesionibus describendis, quales sunt *fracturae, fissurae, contusiones* cet. singulorumque signa, causas et medicationes in medium proferre haud dubitat, idque naturae apposite.

Neque de huius libri vetustate atque pretio quis sit, qui iure suo dubitet, non video. Genus enim scribendi breue est atque concisum, omni resecta verborum redundantia, adeoque haud indignus liber videtur magni HIPPOCRATIS nomine, etsi suo iam tempore peregrina quaedam adiecta fuisse Galenus y) auctor est, et inter legendum facile intelligi posse censeo.

y) In Gloss. voc. ἐκτέλειω, σφάκερος, et in L. Vict. Acut. Comm. IV.

§. XII.

Περὶ ἄγμων. *De Fracturis.*

Ed. Lind. p. 708. T. II. Ed. Froben. gr. p. 456. Ed. Mercurial. Sect. I. p. 259. Ed. Foëf. p. 15. Sect. VI. Ed. Chart. p. 151. V. XII. Vers. Cornar. p. 602.

Facta huius libri mentio est apud *Erotianum*^{z)}, *Galenum*^{a)}, *Palladium*^{aa)}, aliosque plurimos, quos piget adducere. Sed et de eius auctoritate atque pretio aestimando multi dubitant, et inscriptionis ratio adhuc sub iudice est.

Galenus^{b)} enim hunc olim libro κατ' ἡγεσίον adiunctum, deinde autem ab alio separatum hoc περὶ ἄγμων nomine fuisse memoriae prodidit, idque eò vltus argumento probare annisus est, quod liber κατ' ἡγεσίον prisci sit HIPPOCRATIS, *Gnosidici* filii; sed, vt solet, sibi non constat, et in vtramque partem ferri videtur. *Palladius*^{c)} vero, eum in eo explicando versaretur, eum ab aliis κατ' ἡγεσίον inscribi perhibet; aliis vero primam libri περὶ ἄγμων partem, alteram περὶ ἄρθρων videri, quæ quidem inscriptio ei maxime arridet, ea tamen adhibita lege atque conditione, vt περὶ ἄγμάτων appellari hunc librum mallet.

E 4

De

z) In Praef. Gloss. p. 33. T. I. ed. Chart. et Gloss. voc. δίκαιον, κατατεῖναι, σπληνὸς κατ' ἴξιν.

a) Method. Medend. VI. 5. p. 144. T. X. ed. Chart.

aa) Comment. in L. h. de Fractur. ap. Foëf. p. 147. Sect. VI. Opp. HIPPOCR. et ed. Chart. p. 271. T. XII.

b) In h. l. Comm. L. 1. p. 153. T. XII. ed. Chart. et L. Placit. Platon. et HIPPOCR. IX. 5. p. 258. T. V. et c. 6. p. 263.

c) L. cit.

De auctoritate vero cur dubius haeream, non video. Etsi enim eum aliis ad HIPPOCRATEM Coum, *Heraclidis* filium, aliis ad HIPPOCRATIS auum referendum videri litteris *Galenus* ^{d)} prodiderit, idque cum multis aliis confirmandum existimarit *Io. Albert. Fabricius* ^{e)}, nimis tamen temere, si quid video, et indicta causa id factum esse videtur. Demtis enim quibusdam paradoxis, quae alieno homini accepta ferenda sunt, eo conscriptus est ordine, accuratione orationis argumentorumque dignitate, qua Hippocratea monumenta integra a suppositis et commentitiis solent segregari. Aui autem eam ob causam, si vel alia omnia me deficerent, (haberem certe multa, si verbosior esse vellem,) esse nego atque pernego, partim quod, *Galeno* ^{f)} teste, nihil omnino a nonnullis scripsisse perhiberetur, partim quod chirurgorum operae sint longe curatius elegantiusque expressae, quam ut in ea, quibus ille vixit, tempora cadere ullo modo posse videatur. Dolendum id vnum est, quod temporum iniuria finis desideretur operis, ex quo multa sane, eaque praeclarissima, fuisse deperdita certe auguramur.

Verfa-

d) In L. Viët. Acut. Comm. I. 17. p. 15. T. XI. ed. *Chart.* vbi simul libri *περί ἁγῶν* auctorem HIPPOCRATEM, *Gnosidici* filium, esse litteris reliquit consignatum.

e) *Biblioth. Gr.* II. 24. p. 895.

f) In L. Viët. Acut. Comm. I. 17. p. 15. T. XI. ed. *Chart.* addit tamen, quosdam ei libros *περί ἀγῶν καὶ ἁγῶν* attribuere.

Versatur autem hoc libro vel maxime in eo HIPPOCRATES, vt et victus rationem haberi iubeat, et peccata veterum medicorum acriter confutet, qui etsi sibi acutioris naris esse videbantur, ceterisque multum antecellere, tamen nec in fracturis firmandis, nec in luxationibus reponendis sese gerebant naturae accommodatae, id quod qua via melius effici debeat, bene docuit. Deinde iusta suffultus ossium cognitione ex mutatione membrorum varia varias etiam musculorum ossiumque formas censet esse repetendas. Denique multa hoc in libro continentur praecepta haud spernenda, ex nimia compressione *Φλεβῶν, αἰμορροῶν πελίωσεις, ναυσώσεις*, oriri posse; graues fracturas raro esse deligandas; in febre, quae, vulnere inflicto, solet infestare, aceto, mulsa, et abstinencia a cibis esse vtendum; curationes alias ab aliis longe discrepare, et naturas corporum a se inuicem incredibiliter cet. Sed haec haecenus.

C A P V T III.

De suppositis HIPPOCRATIS magni libris, qui et subtilius, quam par erat, scripti sunt, et reliquis Hippocrateis monimentis repugnant.

§. I.

Notae illae, quibus libri integri gaudent, non respondent suppositis.

Praemissis iis, quae de HIPPOCRATIS magni libris integris adhuc dicenda putauimus, breuioribus nobis in reliquorum leuitate demon-

stranda esse liceat. Qui cum nec ea conscripti sint orationis breuitate doctrinaeque similitudine, qua diuinum senem vsum fuisse inter omnes constat, nec argumentorum veritate se commendent; deinde cum et *Erotiano* et *Galeno* maximam partem silentio sint praeteriti, id quod certo est indicio, eos tunc temporis aut nondum fuisse monimentis Hippocrateis adfutos, aut saltem pro suppositis habitos, adeoque penitus neglectos; denique cum fere redundant ratiociniorum multitudine atque subtilitate, quam, auctore *Galeno* g), ab obseruatore medico procul abesse iusserat HIPPOCRATES; confici ex his facile posse putem, libros hos, cuius tandem cunque nominis sint, aliorum virorum studio elaboratos esse, nec sua quidem vtilitate destitutos, at nobili tamen diuini senis nomine indignissimos; qui cum sic vellent tuto delitescere, hominum doctorum industria et perspicaciae ministerio a veris et integris segregarentur opus erat.

§. II.

Suppositorum Librorum Recensio.

Qui libri, quorum in numerum etiam *Thesali*, *Polybi*, *Euryphontis*, lucubrationes referendas, easque explicatu dignissimas *Galenus* h) censuit, quippe viderentur esse saltem artis Hippocraticae, qui, inquam, libri cum tertiam fere partem monimentorum Hippocrateorum constituent,

g) In L. de Articul. Comm. I. 3. p. 291. T. XII. ed. *Chart.*

h) *Difficult. Respirat.* III. 13. p. 291. T. VII. ed. *Chart.*

tuant, operae pretium existimaui, suo quemque loco et ordine adferre ante, quam ad singulorum explicationem progrederer. Sunt vero omnes omnino suppositi, et Hippocratea auctoritate indignissimi.

- | | |
|---|--|
| 1) Περὶ τέχνης. | <i>De Arte.</i> |
| 2) Περὶ ἀρχαίας ἱτρικῆς. | <i>De Prisca Medicina.</i> |
| 3) Νόμος. | <i>Lex.</i> |
| 4) Περὶ ἱτρῆ. | <i>De Medico.</i> |
| 5) Περὶ εὐσχυμοσύνης. | <i>De Decenti Ornatu.</i> |
| 6) Παραγγελία. | <i>Praeceptiones.</i> |
| 7) Περὶ ἀρχῶν ἢ σαρκῶν. | <i>De Principiis aut Carnibus.</i> |
| 8) Περὶ γονῆς. | <i>De Genitura.</i> |
| 9) Περὶ φύσιος παιδῆς. | <i>De Natura Pueri.</i> |
| 10) Περὶ ἑπταμήνης et
περὶ ὀκταμήνης. | <i>De Partu Septimestri et
 Octimestri.</i> |
| 11) Περὶ διαίτης α΄. | <i>De Victus Ratione I.</i> |
| β΄. | <i>II.</i> |
| γ΄. | <i>III.</i> |
| 12) Περὶ φύσεος ἀνθρώ-
που. | <i>De Natura Hominis.</i> |
| 13) <i>De Structura Hominis.</i> | |
| 14) Περὶ ἀνατομῆς. | <i>De Resectione.</i> |
| 15) Περὶ καρδίας. | <i>De Corde.</i> |
| 16) Περὶ ὀστέων φύσιος. | <i>De Ossium Natura.</i> |
| 17) Περὶ φλεβῶν. | <i>De Venis.</i> |
| 18) Περὶ αἰῶνος. | <i>De Aetate.</i> |
| 19) Περὶ χυμῶν. | <i>De Humoribus.</i> |
| 20) Περὶ τόπων τῶν κατ’
ἀνθρώπον. | <i>De Locis in Homine.</i> |
| 21) Περὶ φουσῶν. | <i>De Flatibus.</i> |
| 22) Περὶ ἀδένων. | <i>De Glandulis.</i> |
| 23) <i>De Significatione Vitae et Mortis.</i> | |
| 24) Περὶ κρισίμων. | <i>De Diebus Indicatoriis.</i> |
| 25) Περὶ κρίσιων. | <i>De Iudicationibus.</i> |
| 26) Περὶ | |

- 26) Προρρητικόν α'. *Praedictorum I.*
- 27) Κωάκαι προγνώσεις. *Coacae Praenotiones.*
- 28) Περί ὀδοντοφυΐης. *De Dentitione.*
- 29) Περί τροφῆς. *De Alimento.*
- 30) Περί ὑγρῶν χρήσιος. *De Humidorum Vsu.*
- 31) Περί Φαρμάκων. *De Purgantibus.*
- 32) Περί ἐμβρυορισμῶ. *De Veratri Vsu.*
- 33) Περί διαίτης ὑγιεινῆς. *De Salubri Victus Ratione.*
- 34) Περί ἐνυπνίων. *De Insomniis.*
- 35) Ὑγιεινόν πρὸς Δημή- *De Sanitate Tuenda ad De-*
τριον. *metrium.*
- 36) *De Sanitate Tuenda ad Antiochum.*
- 37) *De Sanitate Tuenda ad Maecenatem.*
- 38) Ἐπιδημιῶν β'. *Morborum Popularium II.*
δ'. *IV.*
ε'. *V.*
ς'. *VI.*
ζ'. *VII.*
- 39) Περί νέσων α'. *De Morbis I.*
β'. *II.*
γ'. *III.*
δ'. *IV.*
- 40) Περί παθῶν. *De Affectionibus.*
- 41) Περί τῶν ἐντὸς πα- *De Internis Affectionibus.*
θῶν.
- 42) Περί ἱερῆς νέσος. *De Morbo Sacro.*
- 43) Περί μανίης. *De Insania.*
- 44) Περί αἰμορροΐδων. *De Haemorrhoidibus.*
- 45) Περί ὀψιός. *De Visu.*
- 46) Περί παρθενίων. *De Virginum Morbis.*
- 47) Περί γυναικείας φύ- *De Natura Muliebri.*
σιος.
- 48) Περί γυναικείων α'. *De Morbis Mulierum I.*
β'. *II.*
- 49) Περί ἀφόρων. *De Sterilibus.*
- 50) Περί ἐπικυήσιος. *De Superfoetatione.*
- 51) Περί

- 51) Περὶ ἐγκυατατομῆς *De Exsectione*
 ἐμβρύου. *Foetus.*
 52) Περὶ ἐλκῶν. *De Ulceribus.*
 53) Περὶ συρίγγων. *De Fistulis.*
 54) Περὶ ἄρθρων. *De Articulis.*
 55) Μεχλικός. *Vediciarius.*
 56) Ἱππιατρικά. *Veterinaria.*
 57) Ἐπιστολαί. *Epistolae.*

Reliquum igitur est, vt singulatim hos libros percurramus, et quid boni maliue illis contineatur, anquiramus quam diligentissime, partim quod hac ratione lectori se offerant eorum male facta, qui labores tam futiles tamque proletarios Hippocrateis inferre monumentis ausi sint, partim quod inde perspiciat optimus quisque, nullum librum esse tam leuem adeoque parui momenti, quin exinde fructus capere vberrimos possit, modo dilectus et iudicii vis pectus quasi praemunierit.

§. III.

Περὶ τέχνης. *De Arte.*

Ed. *Lind.* p. 1. T. I. Ed. *Froben.* gr. p. 1. Ed. *Mercurial.*
 Sect. IV. p. 10. Ed. *Foëf.* p. 2. Sect. I. Ed. *Chart.*
 p. 146. T. II. Version. *Cornar.* p. 5.

Libri huius quidem meminit *Erotianus* ⁱ⁾; *Suidas* ^{k)} vero, vt multis videtur, HIPPOCRATI,
Gnosti-

i) In Praef. Gloss. p. 33. T. I. ed. *Chart.* . Miror itaque sane, quid sit, quod *Hallerus* Princip. Art. Medic. p. 155. T. IV. auctoritate, nescio, qua compulsus huius libri non, nisi *auctorem definitionum* meminisse perhibeat.

k) In voc. Ἱπποκράτης, p. 1269. Vol. I. ed. *Port.*

Gnosidici filio, adsignavit, atque *Hieron. Mercurialis* ^{kk}) multis de caussis compulsus *HIPPOCRATIS* nomine iudicavit indignissimum, et in quartam classem reiiciendum. Qui liber etsi subtilius, quam diuini senis persona dignum erat, elucubratum sit, et ratiociniorum labore multitudinem, multa tamen eo continentur praeclara, quae magnum virum haud dedecent, et cum *ad medici auctoritatem conseruandam, tum scientiae praestantiam aduersus calumniatores confirmandam* pertinere villo modo posse videantur, si qua morbi vehementia omnem remediorum usum atque virtutem eludat, aegrumque iugulet. Recte hinc poeta:

Non est in medico semper, releuetur ut aeger;

Interdum docta plus valet arte malum;

quodsi simul inueterauit, bene sane *Claudianus* ^{l)}):

Veteri post obruta morbo

Corpora, paeonias nequicquam admoueris herbas.

Distinguuntur praeterea morborum formae, quibus, sanarine aeger possit, nec ne, rite intelligas. Accedit denique, quod quaedam de natura habeat, non, nisi ratiociniorum ministerio detegenda, qualis est *musculi notio et anatomes scientia* haud spernenda; *manifestae excretionum qualitates, ventres multi, tela cellulosa* cet.

§. IV.

kk) In Censura Opp. *HIPP.* p. 18.

l) In *Eutropium* L. II. II. sequ.

§. IV.

Περὶ ἀρχαίων ἰητρικῆς. *De Prisca Medicina.*

Ed. Lind. p. 14. T. I. Ed. Froben. gr. p. 4. Ed. Mercurial. Sect. IV. p. 18. Ed. Foëf. p. 9. Sect. I. Ed. Chart. p. 153. T. II. Vers. Cornar. p. 10.

Mentio huius libri apud *Erotianum* ^{m)} facta est, multis vero de causis prohibemur, quò minus eum vere Hippocraticum censeamus, adeoque recte, quantum equidem video, *Mercuriali* in suppositorum numero collocatur, quicquid contradicat, *Io. Henr. Schulzius* ^{mm)}. Nam cum rationiorum auctor vsus sit multitudine, scientiam anatomes, quae hoc libello continetur praestantior Hippocratica, solis pictoribus relinquendam, et, Empiricorum more, aegrotationum corporis causas censeat negligendas, primigenias *Alcmaeonis* ⁿ⁾ et Peripateticorum qualitates confutet, praeterea quaedam alia, ab Hippocrateae doctrinae auctoritate alienissima, pro veris et probabilibus habeat, qualis haec est, omnes omnino morbos ἀπὸ δυνάμεων et ἀπὸ σχημάτων nasci, non ab humoribus; nonnulla denique ex libro περὶ διαίτης repetat, quem HIPPOCRATI magno icimus non in acceptis ferendum esse, atque

m) L. cit. et Gloss. voc. ἀρχαίη, ἀρχαίως, φύσαν cet.

mm) Compend. Hist. Medecin. L. II. 1. §. 249. p. 123.

n) L. cit. περὶ ἀρχαίων ἰητρικῆς §. 24. p. 27. T. I. ed. Lind. auctor hominis naturae ingeneratam quasi et insitam esse putat illam amari et salsi, dulcis et acidi austerive, humidi et sicci, calidi et frigidi conspirationem, quae doctrina cum, auctore *Plutarcho* Placit. Philos. IV. 30. *Alcmaeoni* debeatur, exinde patet, auctorem huius libri, quisquis sit, vetustatis specie fucum dare voluisse.

que in his omnibus demonstrandis *mira* versetur *subtilitate*; colligi exinde facile posse puto, ab recentiore quodam homine, quisquis demum ille sit, siue *Aeron*, vt *Conringio* ^o) videtur, siue alius ex Empiricorum schola, quorum decreta exprimit, originem suam duxisse putandus est, etsi in aliam sententiam pedibus ire videatur *Schelhammerus* ^p).

Praecipua sunt, *medicinam ex usu ac experientia rerum earum, quae aut iuuarant, aut nocuerant, originem duxisse*; ab arte hac omnes *precarias enunciationes procul abesse oportere*; ex humorum mutatione morborum cateruam vix subnasci posse cet.

§. V.

Nómos. Lex.

Ed. *Lind.* p. 40. T. I. Ed. *Froben.* gr. p. 21. Ed. *Mercurial.* Sect. IV. p. 3. Ed. *Foëf.* p. 2. Sect. I. Ed. *Chart.* p. 145. T. II. Vers. *Cornar.* I. p. 4.

Commemorandus hic libellus visus *Erotiano* ^q) est, tanquam fuisset ab HIPPOCRATE magno profectus; *Mercurialis* vero eum, idque recte, si quid video, multis de causis ex Hippocrateis monimentis putauit eximendum.

Com-

o) In Praefat. ad *Salmuthi* Obseruat. et Introduct. in Medicin. c. II. §. II. p. 46. ed. Halens. cf. *Hermet. Medicin.* II. 2. p. 180.

p) In Additament. ad *Conring.* Introduct. l. cit. p. 61. Negat tamen eum ab HIPPOCRATE fuisse profectum, etsi de vetustatis gloria cum reliquis quibusque contendere posse videatur.

q) In Praef. Gloss. p. 33. T. I. ed. *Chart.*

Compendium quasi earum virtutum est, quas a medico iure tuo expectare possis, aliarumque praeterea rerum, quae ad medicinae fata pertinere vlllo modo videantur, neque suis destituitur bonis. Quicquid enim damnorum ex peruerso medicamentorum usu proficiscatur, ex eo repetendum auctor censuit, quisquis demum ille sit, quod *cuiunque medicum se professo*, vt perbelle *Plinius* ^r), *statim credatur, cum sit periculum in nullo mendacio maius*, nec cui nefaria hac de re poena irrogetur. Deinde hoc libro continentur illae doctes, quibus bonus medicus ornatus esse debeat, *Φύσις, διδασκαλίη, τρόπος ἐνϕυῆς, παιδομαθίη, Φιλοπονίη, χρόνος*. Hinc artis exercendae gratia vrbes adire iubentur omnes medici, quos *Plato* ^s) dixerat *περιτρέχοντας*. Tandem medicos, modo ex artis placitis omnia peregissent, hominum conuicia nec curare, nec *plausus* appetere oportere, auctor suavit. Bene enim *Terentius* ^t):

*Si illum obiurges, vitae qui auxilium tulit,
Quid facias illi, qui dedit damnum aut malum?*

§. VI.

r) Hist. Nat. XXIX. 1. p. 253. T. III. ed. Lugd. Bat.

s) L. de Legib. IV. ad fin. Erat, *Platone auctore*, alterum medicorum genus *seruorum*, qui proprie sunt οἱ περιτρέχοντες, alterum *ingenuorum*, qui in causarum inuestigatione versabantur, adeoque ceteris, qui in Empiricorum similitudinem ad usum et experientiam omnia referebant, quam longissime antecellere videbantur.

t) Andria Aët. I. Sc. 1. v. 115.

§. VI.

Hesl. 1778.

De Medico.

Ed. Lind. p. 44. T. I. Ed. Froben. gr. p. 12. Ed. Mercu-
 rial. Sect. IV. p. 53. Ed. Foëf. p. 20. Sect. I. Ed.
 Chart. p. 348. T. II. Vers. Cornarii p. 20.

Silentio hunc librum *Erotianus* ^{u)} praeteriit, *Galenus*que haesisse videtur ambiguus, quem saepius alucinari, nec temere ei fidem semper habendam esse, quis est, qui nesciat? Non enim, quae ille *HIPPOCRATI* tribuit, inquit *Conringius* ^{v)}, genuina semper sunt *HIPPOCRATIS* placita, sed saepe ipsiusmet *Galeni*, *Hippocratico* nomine duntaxat maioris auctoritatis captandae gratia fucata. Unde vera et genuina *HIPPOCRATIS* interpretatio a *Galeno* semper non est petenda. — Multa scilicet a *Galeno* ex *HIPPOCRATE* in alium sensum trahuntur. At *Foësius* ^{w)}, quo iure, non video, eum *HIPPOCRATIS* auctoritati vindicare haud veritus est.

Est vero hic liber et monitorum multitudine commendabilis, quibus medici mores accommodandi sunt, et praeceptorum chirurgicorum utilitate suspiciendus, immo vero omnia, quae vilo modo huc spectare videantur, qualia sunt de cucurbitulis variisque ulcerum generibus, magna cum diligentia et accurate auctor pertractavit, quisquis demum ille sit; *HIPPOCRATEM* saltem nec esse, nec esse posse perluasissimum habeo. Primum enim orationis forma

u) L. cit.

v) Introduct. in Medicin. c. 2. §. 16. p. 48. ed. Halens. Cf. *Schelhammer* in Additament. ad l. c. p. 63.

w) In Not. ad h. l. p. 39. Sect. I.

forma sic ab Hippocratea recedit, vt amplius, huius magni viri sit, nec ne, dubitare nequeas. Deinde mirum, quantum ineptiis friuolis verbisque sesquipedalibus, HIPPOCRATIS auctoritate sane indignissimis, plebeiorum hominum gratiam aucupari suadet, *unguentis odoratis medicum oportere diffluere* cet. Denique sui non adeo immemor fuisse videtur HIPPOCRATES, vt, si qua alias, tanquam optima, commendarit, ea iam per negligentiam summam omittenda putet. Nam cum HIPPOCRATIS aetas in ea inciderit tempora, quibus bellis haud raro infestabatur Graecia, ecquis tandem sui sic obliuiscatur, vt chirurgiae studiosis nullam castra sequendi copiam dari vehementer doleat?

Id vnum tamen nosse haud pigeat, medicos ex *Lycurgi* instituto x) in exercitibus versari solitos, idque cuius *Homerum* lecturo facile occurreret. Erat vero istorum temporum medicina simplicissima, sequebaturque morum castitatem minor aegrotationum corporis caterua et cohors. Hinc vt *Plato* y) memoriae prodidit, *inflationes et destillationes* cet. inaudita habebantur nomina.

x) *Xenoph.* De Republ. Lacedaemon.

y) De Republ. III. p. 594. ed. *Frob.* 1561.

§. VII.

Περὶ εὐσχυμοσύνης.

De Decenti Ornatu.

Ed. *Lind.* p. 52. T. I. Ed. *Froben.* gr. p. 14. Ed. *Mercurial.* Sect. IV. p. 40. Ed. *Foëf.* p. 24. Sect. I. Ed. *Chart.* p. 352. T. II. Vers. *Cornar.* p. 23.

Liber hicce, si argumenta spectes, quae auctor sibi sumsit pertractanda, omni laude videtur dignissimus. Sin vero HIPPOCRATIS auctoritatem, penitus cadit, neque vestigium eius apud *Erotianum* et *Galenum* legere me memini. Nec enim orationis forma, nec argumentorum leuitas respondent viro tanti nominis, qualis sine dubio fuit HIPPOCRATES, omniaque fere remedia auctor, qui demum cunque ille sit, ita parari iubet, ut in iis istorum temporum facile desideres simplicitatem.

Versatur tamen pereleganter in enumerandis medici virtutibus, varia medicamentorum suppellectile ordinanda, nec non instrumentorum, quae chirurgus videantur necessaria, numero et usu constituendo, neque negligendum esse putat philosophiae studium, cum cuncta hac in rerum vniuersitate gigni fierique ratione soleant, recteque hinc ARISTOTELES²⁾:

Φυσικῶς δὲ, καὶ ὑγίειας καὶ νόσος τὰς πρῶτας ἰδεῖν ἀρχὰς· ἔτε γὰρ ὑγίειαν, ἔτε νόσον οἰόντε γίνεσθαι τοῖς ἐξερημένοις ζωῆς· διὸ σχεδὸν τῶν τὲ περὶ Φύσεως οἱ πλεῖστοι καὶ τῶν ἰατρῶν οἱ Φιλοσοφώτερός τὴν τέχνην μετρίοντες, οἱ μὲν τελευτῶσιν εἰς τὰ περὶ ἰητρικῆς, οἱ δ' ἐκ τῶν περὶ Φύσεως ἀρχονταί, περὶ ἰατρικῆς.

Ceterum

2) L. de Sensu et Sensilit. c. 1. p. 60. T. II. ed. *Du Vall.*

terum ad naturalem quoque spectat, prima sanitatis et aegritudinis principia cognoscere. Etenim fieri non potest, ut quae vita destituta sint, sana sint et aegra. Idcirco fere tam naturalium plurimi, quam medicorum ii, qui doctiuscule artem ipsam persequi ac tractare student, alteri in iis, quae ad artem medicinalem pertinent, suae considerationi finem imponunt, alteri iis, quae ad contemplationem naturae spectant, medendi scientiam auspicantur.

At vero si quae ad curiositatem et rixas pertineant, ab medicina procul abesse, et recta salutaris artis scientia morumque suauitate medicos veros a pharmacopolis segregari iussit. Quam enim egregia, quanto tollenda opere, amabo, illa medicinae ^{a)} laus: "Εν τὰ πρὸς σοφίην ἐν ἱητρικῇ πάντα, ἀφιλαργυρίη, ἐντροπή, ἐρυθρίησις, καταβολή, δόξα, κρίσις, ἡσυχίη, ἀπάντησις, καθαριότης. γνωμολογίη, εἰδήσις τῶν πρὸς βίον χρησῶν καὶ ἀναγκαίων καθαρσίων, ἀπεμπόλησις, ἀδεισιδαιμονίη, ὑπεροχὴ θεία. Insunt in medicina omnia, quae ad sapientiam requiruntur, argenti contentio, verecundia, pudor, modestia in vestitu, dignitas, iudicium, quies, humanitas, mundities, doctrina, cognitio earum purgationum, quae ad vitam utiles atque necessariae sunt, abstinentia ab lucro iniusto et superstitione, eminentia diuina cet.

a) §. V. p. 55. T. I. ed. Lind.

§. VIII.

Παραγγελία.

Praeceptiones.

Ed. Lind. p. 60. T. I. Ed. Froben. gr. p. 17. Ed. Mercurial. Sect. IV. p. 2. Ed. Foëf. p. 27. Sect. I. Ed. Chart. p. 165. T. II. Vers. Cornar. p. 27.

Nulla huius libri cum apud *Erotianum*, tum *Galenum* facta est mentio, adeoque, si quid video, post horum virorum fata demum libris Hippocrateis adiectus videtur, et a quodam profectus empirico. Si enim verum est, nec est, quod de *Galen*^{b)} hac in re fide dubitemus, *Empedoclem*, eodem, quo HIPPOCRATEM, modo fecisse medicinam, omni neglecto lucri studio, hunc certe librum magnam diuini senis auctoritatem dedecere, quis est, qui non videat? Suadet enim auctor medico ab ostro initium facere, id quod, ut modo diximus, cum ab HIPPOCRATIS grauitate alienissimum est, tum virum probum dedecet, etsi hoc tandem verborum lenociniis molire cupit. Quod si de iis medicis dixisset, qui in aulis principum aut urbibus celebritate hominum insignibus versantur, facile haec mihi persuaderi paterer, quippe, ut litteris consignatum reliquit *Xenophon*^{c)}, hoc diu iam obtinuerat, nec de *Democede Crotoniensi* negari possit, cum eum stipendiis sustentatum esse memoriae prodiderit *Herodotus*^{cc)}. Deinde ridetur in hocce libello rationis adiumentum, cum fallax sit atque lubrica,

b) L. Placit. *Platon*. HIPPOCR. IX. 5. p. 258. T. V. ed. Chart.

c) *Cyropaed*. I. p. 20.

cc) In *Thalia* III.

brica, at experientia et usu vel maxime firmari medicinam.

Quae vero libri primordio et fine proferuntur in medium, ea omnia auctor commentitius aut ex integris diuini senis monumentis sumsisse videtur, aut saltem orationis breuitatem grauitatemque argumentorum imitando feliciter expressisse. Quare in eam ingredior sententiam, *Foësum* d) hac similitudine deceptum hunc librum HIPPOCRATIS auctoritate vendicare haud veritum esse. Cetera vero *praecepta, in prudentia medici gubernanda plurimum valere posse censeo, siue aegrum, cuius curam habet, spectes, siue cum aliis medicis consuetudinem artisque colligationem*, quos in morborum vehementia et discrimine, ne quid temere factum esse videatur, adiutores iubet conuocari.

Liceat hoc vnum saltem commemorasse, quod, spero, lectorem intelligere nec pigeat, nec poeniteat, fuisse moris eo tempore, in primisque Athenis, medicum aduentitium, ad populum habere concionem, idque non sine legibus quibusdam adhibitis, cum, quantum ex *Xenophonte* e) licuit colligere, a magistratibus tantum artis exercendae potestatem peterent. Quae res ut fieret omni verborum ornatu fucoque oratorum neglecto, is, a quo liber profectus hic est, in votis habuisse videtur.

F 4

§. IX.

d) In Not. ad h. l. p. 43. Sect. I.

e) Memorabil. IV. p. 498.

§. IX.

Περὶ ἀρχῶν ἢ σαρκῶν. *De Principiis et Carnibus.*

Ed. *Lind.* p. 112. T. I. Ed. *Froben.* gr. p. 39. Ed. *Mercurial.* Sect. III. p. 1. Ed. *Foëf.* p. 29. Sect. III. Ed. *Chart.* p. 302. T. V. Vers. *Cornar.* p. 55.

Liber hic, qui in multis exemplis *περὶ σαρκῶν* inscribitur, HIPPOCRATI nullo modo in acceptis ferendus est, partim quod *Erotianus* eius ne meminit quidem, *Galenoque* ^{f)} modo verus, modo suppositus habeatur, partim quod *Aristoteles* ^{g)} eum *Polybo* tribuere haud dubitet.

Conscriptus magna cum subtilitate fuit atque acumine, quae, ut satis suo loco diximus, ab Hippocratea simplicitate vel maxime abhorrent. Accedit et illud, quod ex *Heracleti* ^{h)} principiis placitisque Peripateticorum omnia omnino auctor, qui demum cunque ille sit, repetiisse videtur, adeoque ex calore ac elementis corpus oriundum, ex frigore vero et pinguitudine ossa, ex glutine tandem nervos et viscera singula gigni arbitratur. Denique corporis humani vasa in arterias venasque distribuuntur, aliter ut tunc temporis fieri mos erat, immo vero omnia, quae ad anatomen pertinent, aetatem Hippocraticam longe antecellunt accurate.

f) In II. Epid. Comm. III. 29. p. 175. T. IX. et text. 33. p. 178.

g) Hist. Animal. III. 3. p. 241. T. II. ed. *Du Vall.*

h) *Heraclitus* ex igne omnia putarat repetenda: qua de causa cum hic liber non sit ab HIPPOCRATE profectus, *Gundlingio* sane (v. Otia. c. III. et Declarat. suae de Atheismo HIPPOCRATIS sententiae Vol. III. Biblioth. Nou. p. 802. sequ.) littera videtur inurenda.

tionē. *Doctrina* enim *auditus* nec spernenda est, quippe etiam *membranae tympani* facta est mentio, nec quae de *oculorum nervis*, *tunicis et humoribus*, de *lienis fibris*, *osse cribroso*, adferuntur, indigna sunt magni alicuius viri nomine, qui vero post *Herophili* tempora vixisse censendus est.

Sed quo iure *Conringius* ⁱ⁾ et *Hallerus* ^{k)}, hunc librum *Democrito* attribuant, iuxta cum ignarissimis ignoro. *Diogenes enim Laërtius* ^{l)} non, nisi librum, huius nominis a *Democrito* elucubratum esse auctor est. Huc accedit, quod hac scriptione multa continentur, quae libro *περὶ ἑπταμῆ-
ν* iterum legas, aut ei ex transuerso videntur posita; hunc vero suppositum esse, fugere, puto, neminem.

§. X.

Περὶ γονῆς. De Genitura.

Ed. *Lind.* p. 124. T. I. Ed. *Froben.* gr. p. 28. Ed. *Mercurial.* Sect. III. p. 10. Ed. *Foëf.* p. 11. Sect. III. Ed. *Chart.* p. 180. T. III. Version. *Cornar.* p. 39.

Mira huius libri auctor, quem recentiorem esse exinde colligimus, quod ab *Erotiano* praetermissus silentio sit, et passim ad *Polybum* ^{m)} referatur, utitur ingenii subtilitate ad modum demonstrandum, quo corpus humanum fabrefactum sit, omnia ex duplici semine quatuorque humoribus, sanguine, bile, aqua, pituita repetiturus, adeoque vel maxime ab

F 5

HIP-

i) *Introduct. in Medicin.* c. 3. §. 9. p. 88. ed. *Halenf.*

k) In *Boerh.* *Method. Stud. Med.* P. I. c. 3. p. 594.

l) L. IX. sub voc. *Δημόκριτος*.

m) *Fabric.* B. Gr. II. 24. p. 801.

HIPPOCRATIS monumentis quam longissime abesse iussimus, partim quod orationis grauitatem in eo desideres Hippocraticam, partim quod refertissimus sit ineptiis, taediosis repetitionibus ratiociniorumque laboret multitudinc, et anatomes scientia aetatem Hippocrateam longe superet acuratione. Hinc certe, si quid video, factum est, vt *Foësius* ⁿ⁾ cum magnam huic libro cum illo *περὶ Φύσεως παιδὸς* intercedere cognouisset similitudinem et argumenti et scribendi generis, vtrumque ad eundem auctorem referre haud vereretur.

Negare tamen nullo modo ausim, hanc scriptionem suis bonis destitui, quales sunt prae ceteris *vesiculae seminis* cet.

§. XI.

Περὶ Φύσεως παιδὸς. De Natura Pueri.

Ed. *Lind.* p. 133. T. I. Ed. *Froben.* gr. p. 30. Ed. *Mercurial.* Sect. III. p. 17. Ed. *Foëf.* p. 3. Sect. III. Ed. *Chart.* p. 310. T. V. Version. *Cornar.* p. 43.

Mentionem huius libri passim apud *Erotianum* ^{o)}, *Galenum* ^{p)}, *Palladium* ^{pp)}, *Macrobius* ^{q)}, aliosque fieri, memini me legere, et nisi me
omnia

n) In Not. ad h. l. p. 100.

o) In Praefat. Gloss. p. 33. T. I. ed. *Chart.* et Gloss. voc. *οἰκείης*.

p) L. de Semine I. 4. p. 189. II. 1. p. 212. T. III. ed. *Chart.* In II. Epid. Comm. III. 30. p. 175. T. IX. In Gloss. vero *περὶ παιδίου φύσεως* inscribi auctor est.

pp) Comment. in L. de Fractur. ap. *Foëf.* p. 147. Sect. VI. et ed. *Chart.* p. 271. T. XII.

q) In *Sonin. Scip.* I. 6. p. m. 41.

omnia fallunt, videtur esse libri *περὶ γυνῆς* continuatio, quocum multa habet communia. Hinc factum esse putem, vt *Foësius* ^{r)} eum apud veteres eodem nomine comprehendi, *Hallerus* ^{rr)} vero in suppositorum numero collocandum esse arbitrentur.

Subtilius, quam solet HIPPOCRATES, auctor versatur in explicanda corporis structura, et ingenio, incredibile, quantum dat, adeoque reprobandum eum, tanquam magni HIPPOCRATIS grauitate indignissimum, censeo. Primum enim tam lubrica est huius libri auctoritas, nihil vt magis esse possit. *Galenus* ^{s)} enim modo HIPPOCRATI tribuit, modo, qua erat mentis inconstantia, ad *Polybum* ^{t)} pertinere putat. Certe auctor, quisquis demum ille sit, *Alcmaeonis* doctrinam amplexus videtur, qua pullum ex oui luteo nasci et albumine nutriri adfirmabat; id quod *Alcmaeon* sensisse, memoriae prodidit *Aristoteles* ^{u)}. Deinde descriptio haec eo laborat sermonis vitio, quod *ταυτολογία* dicunt. Tum ratiocinandi modus, inquit *Theodorus Zuingerus* ^{v)}, crebras ἀναλήψεις et ἀνακεφαλαιώσεις, repetitiones item et collectiones ratiociniorum continens, longioribus digressionibus interiectis,

r) In Not. ad h. l. p. 101. Sect. III.

rr) *Medicae Art. Princip.* p. 60. T. II.

s) L. cit. et Comment. ad Aph. 37. Sect. V. p. 217. P. II. T. IX, ed. *Chart.*

t) L. de Format. Foet. c. I. p. 236. et in II. Epid. Comm. III. 31, p. 176. T. IX. ed. *Chart.*

u) *Generat. Animal.* III. 2. p. 641. T. II. ed. *Du Vall.*

v) In Comm. ad Iusiur. HIPPOCR., cf. *Io. Meibom.* Comm. in eund. l. p. 144.

terietis, ab HIPPOCRATIS breuitate est alienus, tum vero illud, quod longa admodum digressionem physicam disputationem de terrae calore et frigore, interii-
cit; et si ἀπρὸς διόνυσον non sit, ἐξώτερον tamen est. Tertio tempora partus, vt recte monuit Io. Meibomius ^w), ex mensibus solaribus deducuntur, quae in libro περὶ ἑπταμήνου ex mensibus lunari-
bus videbantur repetenda. En noua repugnantia horum HIPPOCRATIS magni monumentorum! Denique scriptioni huic ea de causa infamiae ma-
cula sit iniusta, quod praeuaricatorum more li-
bros eos, qui ad mulierum morbos pertinent, ap-
pellare haud erubescat; qui cum sint sine dubio
suppositi, huic etiam eadem poena videtur irro-
ganda.

Neque tamen suis destituitur bonis, crebri-
orem partum minus doloris atque molestiae creare; foe-
tum naturaliter capite nasci solere; variam esse aqua-
rum naturam atque conditionem, ex solis vicinitate
calorisque virtute repetendam cet. Commemoratu
etiam digna sunt, quae de ouo humano habet, etsi,
si tempus spectes atque molis magnitudinem,
non satis vera sunt.

§. XII.

w) L. c. Lapsus igitur Memoria Hallerus Method. Stud.
Med. Boerh. P. I. c. 13. p. 464. est, cum haec etiam de li-
bris περὶ γονῆς, περὶ ἀρχῶν ἢ σαρκῶν, valere putet, et in
suas partes trahat Meibomium l. c. Sed temere. Non
enim, nisi libri περὶ φύσεως παιδὸς meminit, quo illa
de psaltria enarratio continetur, eamque partim ob illud
sermonis vitium, quod graeci ταυτολογεῖν dicunt, par-
tim alia multa diuini senis auctoritate indignissima, cen-
suit reprobandum.

§. XII.

Περὶ ἑπταμήνης. *De Partu Septimestri.*

Ed. Lind. p. 167. T. I. Ed. Froben. gr. p. 44. Ed. Mercurial. Sect. II. p. 32. Ed. Foëf. p. 36. Sect. III. Ed. Chart. p. 342. T. V. Version. Cornar. p. 61.

Περὶ ὀκταμήνης. *De Partu Octimestri.*

Ed. Lind. p. 175. T. I. Ed. Froben. gr. p. 46. Ed. Mercurial. Sect. II. p. 37. Ed. Foëf. p. 39. Sect. III. Ed. Chart. p. 351. T. V. Version. Cornar. p. 64.

In horum librorum vilitate demonstranda cur multus sim, non video. Lectori enim vel oscitanter eos euoluenti libros obscurissimos absurda quaeuis mouent stomachum, adeoque recte, si quid video, illos, tanquam HIPPOCRATIS auctoritate indignos, ab monumentis his procul abesse iussit Trillerus ^x), V. Cl. etsi Galeno altera libri περὶ ἑπταμήνης pars vera visa est atque integra, in quo Foëfium ^y) plane consentientem habet, isque etiam illum περὶ ὀκταμήνης a superiore non seiungendum esse putat, cum ad eundem auctorem pertineant. *Usus enim, inquit, et rerum tractatio satis indicant.* At vero Erotianus, cum in hoc argumento versaretur, eorum ne meminit quidem, estque id praeterea indicio, eos HIPPOCRATI acceptos ferendos non esse, quod auctor, qui demum cunque ille sit, numerum septenarium Pythagoraeorum more, quorum etiam quasdam orationis formas imitatur, σκῆνος σώματος cet.

x) In L. περὶ ἀνατομῆς Comment. De Noua HIPPOCR. Opp. Ed. p. 5. 13. no. 2.

y) In Not. ad h. l. p. 110. Sect. III.

cet. magni aestimet et ad eorum similitudinem quandam effingat conspirationem quaque contagionem, quam ἀρμονίαν ²⁾ dicit, ad cuius leges omnia hac in rerum vniuersitate soleant gubernari. Tandem in libro περὶ ἑπταμῆνης repetita verba sunt κίθαρος, qua voce apud Dorientes thoracem exprimi *Erotianus* ^{a)} auctor est, ὀυσμός et ὀυσμῶσθαι septies, cet. Quare hi libri multis, iisque longe doctissimis viris videntur haud inepte aut *Democrito* tribuendi, aut saltem cum rerum redundant subtilitate, tanquam ab *Hippocratis* magni abhorrentes, sine dubio reiiciendi. Commemorabilis tamen dierum iudicatoriorum doctrina est, quae libro περὶ ἑπταμῆνης ^{b)} continetur. Ceterum de partus temporibus variaque mensium natura, si cuius plura scire interfit, adeat, quaeso, *A. Gellium* ^{c)}, *Censorinum* ^{d)} et *Caelium Rhodiginum* ^{e)}.

§. XIII.

Περὶ διαίτης α'.

De Vitæ ratione I.

Ed. *Lind.* p. 179. T. I. Ed. *Froben.* gr. p. 81. Ed. *Mercurial.* Sect. III. p. 179. Ed. *Foëf.* p. 6. Sect. IV. Ed. *Chart.* p. 447. T. VI. Vers. *Cornar.* p. 124.

Περὶ

2) L. περὶ ἑπταμῆνης §. VIII. p. 173. et L. II. Epid. Sect. VI. p. 708. T. I. ed. *Lind.* quaedam leguntur huic argumento accommodatissima.

a) In Gloss. sub voc. κίθαρος.

b) §. VIII. p. 173. T. I. ed. *Lind.*

c) Noct. Attic. III. 16. p. 58. ed. *Aldin.*

d) De Die Natali c. VII. p. 44. sequ. ed. *Lindenbrog.*

e) Antiqu. Lect. XI. 1. p. 551. ed. *Aldin.* XII. 12. et 13. p. 622. sequ.

Περὶ διαίτης β'. *De Viētus Ratione II.*

Ed. *Lind.* p. 210. T. I. Ed. *Froben.* gr. p. 90. Ed. *Mercurial.* Sect. III. p. 390. Ed. *Foëf.* p. 20. Sect. IV. Ed. *Chart.* p. 463. T. VI. Vers. *Cornar.* p. 136.

Περὶ διαίτης γ'. *De Viētus Ratione III.*

Ed. *Lind.* p. 241. Ed. *Froben.* gr. p. 99. Ed. *Mercurial.* Sect. III. p. 107. Ed. *Foëf.* p. 34. Sect. IV. Ed. *Chart.* p. 478. T. VI. Vers. *Cornar.* p. 148.

Varii varia de horum librorum pretio et auctoritate, nec non de inscriptionis forma sentiunt. Omisſos enim ab *Erotiano Galenus* modo περὶ διαίτης ὑγιαίνης ^{f)} inscribit, aliisque dissentientibus HIPPOCRATIS nomini vendicat, modo per ὑγιαίνον διαιτητικόν ^{g)} exprimit, modo denique, vt hodie fieri solet, περὶ διαίτης ^{h)}.

Etsi enim *Strabo* ⁱ⁾ in gubernanda victus ratione, quam *Asclepiadae* ^{k)}, incredibile, quantum neglexerant, HIPPOCRATEM principatum tenuisse prodidit memoriae, multis tamen abhinc seculis horum librorum auctoritas visa est dubia, cum argumenta ipsa tantopere a se inuicem abhorreant, et *Galenus* ^{l)} ipse huc illuc ferri videatur. Magna enim his in libris continetur principiorum dissentio, cum hic ^{m)} ex aqua et igne, alio

f) In L. Viēt. Acut. Comm. I. 17. p. 15. T. XI. ed. *Chart.*

g) Comm. ad L. VI. Aph. 1. p. 248. P. II. T. IX. ed. *Chart.*

b) L. Aliment. Facult. I. 6. p. 314. T. VI. ed. *Chart.* et cit. l. c. 28. p. 329.

i) Georg. XIV. p. m. 657.

k) *Plato* ap. *Galen.* in L. ad *Thrasylbul.* c. 33. p. 30. T. V. ed. *Chart.*

l) L. cit.

m) L. I. §. 4. p. 132. ed. *Lind.* T. I.

alio ⁿ⁾ vero loco ex pluribus omnia repetantur. Sed hi libri quia iam olim in tres partes diuisi sunt, vt auctor *Galenus* ^{o)} est, eamus per singulos.

Primo igitur libro cum multa aliena leguntur et maximam partem ex *Heracleti* philosophia petita, tum solita *HIPPOCRATIS* magni ἀρχιβεία desideratur. Cuius tamen scriptionis, quae multis de causis est commendabilis, commentarium quasi nostra aetate dedit *Io. Matth. Gesnerus* ^{p)}, miraque cum doctrinae copia demonstrauit, eius auctori perspectam fuisse *seminum perennitatem aeternamque de corpore alio in aliud migrationem* cet.

Alter, Galeno ^{q)} iudice, nec indignus est *HIPPOCRATIS* auctoritate, quippe initium libri attulit, qui in editione *Lindeniana* §. VII. est, neque negat, alios, sic, vt nostrae editiones, a verbis, χωρίων δὲ τῶν, initium facere, eumque olim seiunctum cum inscriptione περὶ διαίτης aut περὶ φύσεως ἀνθρώπου καὶ διαίτης in omnium manibus fuisse. Nihilo tamen secius eum modo *Philistioni Locro*, modo *Euryphonti Aristoniue*, denique *Philethae*, nescio, cui, attribui

ⁿ⁾ In L. περὶ σαρκῶν init. p. 112. T. I. ed. *Lind.* et L. περὶ φύσεως ἀνθρώπου §. 5. p. 266. T. I. omnis corporis compages, si diem homo suum obiisset, in *humidum et siccum, calidum et frigidum*, quibus eius natura continetur, de nouo arctissima deuinciri colligatione perhibetur, *simileque simili* se adiungere.

^{o)} L. Aliment. Facult. I. 1. p. 306. ed. *Chart.*

^{p)} In L. Ψυχῆς Ἱπποκράτης *Goetting.* 1734. 4.

^{q)} L. Alim. Facult. I. 1. p. 306. T. VI. ed. *Chart.*

bui auctor est, quorum plurimos constat inter omnes vixisse ante HIPPOCRATEM. Est vero huic libro cum priori quaedam quasi principiorum conspiratio, alimentorum vires atque naturae ex dulci, aquoso, acri, pingui repetuntur, variaque edulia, quae apud Graecos usu recepta erant, accurate explicantur, hinc tandem sequuntur artis gymnasticae praecepta.

Tertius tandem liber, quem, tanquam vere Hippocraticum Galenus ^{r)} censuit, exceptis iis particulis, quae τὰ προσκείμενα τῷ περὶ διαίτης appellat, et Foësius ^{s)} de eo intelligendam esse putat, qui περὶ διαίτης ὁξέων inscribitur, at quo iure, alii videant, cum multus sit in morbis describendis, qui ex motu corporis aut nimio, aut iusto remissiori gigni et aggravescere soleant, cum frictiones, unctiones, balnea, cursus, aliaque gymnasiorum exercitia incredibiliter commendet; factum est, ut Clericus ^{t)} multique viri haud contemnendi hunc potissimum librum ad Herodicum referendum esse sibi persuaderent. Reperias praeter haec etiam multa in his libris consilia perridicula et ab medi-

r) L. cit. et Gloss. voc. ἀκρόνῃ, quocum etiam consentiunt Plato ap. Galen. L. Placit. Platon. et HIPPOCR. VI. 3. p. 186. T. V. ed. Chart. et Plutarchus L. De sera Numin. Vindicta p. 359. dicitur μίλλας πρῶτος ἀθρόων γυμνασικὴν ἱατρικὴν.

s) L. cit. ad h. l. p. 110. Sect. IV.

t) Hist. de Medecin. P. I. L. III. 13. p. 177. cf. Plato Republ. III. d. 594. ed. Froben. Gymnasticam vero Homeri aetate gloriam artis non adfectasse, sed paulo ante Platonem exortam esse Galenus L. ad Thrasybul. c. 33. p. 30. T. VI. ed. Chart. auctor est.

medicina Hippocratica, mirum, quantum abhorrentia, *carnem catulorum ad debilitatem ventriculi auferendam valere plurimum; vini nigri haustus in quacunque voluuli forma praestare ceteris; largiorem vini puri* ^{u)} *usum esse accommodatissimum, id quod, si quid aliud, a veterum consuetudine penitus alienum est.*

Negari tamen non potest, libros istos *περὶ διαίτης* ad ordinis iusti leges fuisse conscriptos et accommodate ad rem. Omnia enim, si pauca exceperis, bene pertractantur, in primis quae ad *viētus rationem* pertinere posse videantur. Deinde auctor, qui demum cunque ille sit, *ratiocinia in medicina* haud contemnendi *usus esse docuit; omnia fato subiici, vires alimentorum rite distinguere oportere, cet.*

Varia autem motus genera, *ἀκροχέρησις, χαρνονομία, κωρυκομαχία, ἀλίνδησις*, quorum ne vestigium quidem apud *Erotianum, Herodotum et Galenum* legere me memini, si cuius intellexisse interest, consulat, quaeso, *Io. Langium* ^{v)}, *Hieron. Mercurialem* ^{w)} et *Io. Henr. Schulzium* ^{x)}.

§. XIV.

u) Ad fin. L. III. §. 30. p. 263. T. I. ed. *Lind.* voc. *μεθυνηται* usus est, id quod semper de *largiori vini puri usu* dicitur, *nulla aqua admista*, videbaturque sobrios homines dedecere. Cf. *Aelian. Var. Hist. II. 37. p. 56.* Locrensis interdictum esse *οἶνον ἀκρατον* bibere et mortis supplicium constitutum, nisi medicus iusserit, et iterum *Var. Hist. II. 41. p. 59. sequ.* ed. *Kretschm.* vbi apud Scythas moris esse perhibetur *πίνειν τὸ ἀκρατον*.

v) *Ep. Medicinal. L. I. Ep. 52. p. m. 240. sequ.*

w) *Art. Gymnastic. Amstel. 1675. 4.*

x) *Diff. de Athletis veterum, eorum diaeta et habitu, Hal. 1717. 4.* Vesciebantur autem Alexandriae vulgo *asinina et camelina carne*, *Gal. L. Alim. Facult. I. 2. p. 310. T. VI. ed.*

§. XIV.

Περὶ Φύσιος ἀνθρώπου. *De Natura Hominis.*

Ed. Lind. p. 263. T. I. Ed. Froben. gr. p. 21. Ed. *Mercurial.* Sect. I. p. 4. Ed. *Foëf.* p. 3. Sect. III. Ed. *Chart.* p. 91. T. III. Versf. *Cornar.* p. 30.

In huius libri pretio statuendo, cuius *Erotianus* ^y), *Galenus* ^z), *Palladius* ^a), *Macrobius* ^{aa}) meminerunt, dici vix potest, quam auctores a se inuicem dissentiant. *Galenus* ^b) enim sibi, ut solet, non constat, eumque modo verum iudicat, eosque, qui dubitant, iis particulis, quas fraude nefaria scimus adiectas, in errorem coniectos esse perhibet, in qua integritatis sententia

G 2

fuisse

ed. *Chart.* athletae autem sumebant τροφὰς ἐνχυμοτάτας, παχῆς καὶ γλιχρᾶς, quales sunt *caro suilla*, et praeter haec ἄρτες σκευαστῆς, *Galen.* L. et cap. cit. p. 311. T. VI.

y) In Praefat. Gloss. p. 33. T. I. ed. *Chart.*

z) L. *Placit. Plat.* et *HIPP.* VIII. 4. p. 233. T. V. ed. *Chart.* L. *Element.* I. 8. 9. p. 15. sequ. T. III.

a) *Comment.* in L. de *Fractur.* ap. *Foëf.* p. 247. Sect. VI. et ed. *Chart.* p. 271. T. XII.

aa) *Saturnal.* VII. 5. p. m. 521. Locus, quem in medium protulerat *Eustathius*, legas §. II. p. 265. T. I. ed. *Lind.* hac ratione: Ἐγὼ δὲ φημί, εἰ ἐν ἦν ὁ ἀνθρώπος, εἰ ποτ' ἀν' ἤλγειν· εἰ δὲ γὰρ ἀν' ἦν, ὑπὸ τῆς ἀλγῆσαι ἐν εἶν. At vero sic apud *Macrobius*: Ἐν ἐν ἦν ὁ ἀνθρώπος, καὶ ἀν' ἤλγειν, ἀλγῆ δὲ, καὶ ἄρα ἐν εἶν. Varietas lectionis vnde perfecta sit, et quae praestantior sit, alii iudicent.

b) De *Libr. Propr.* p. 44. T. I. ed. *Chart.* eius integritatem contra calumniatores vendicatam esse contendit: In h. l. *Comm.* I. p. 95. T. III. L. *Placit. Plat.* et *HIPP.* VI. 3. p. 184. T. V. cf. *Plato* in *Phaedro*, ubi quaedam ex hoc libro adferuntur, eademque illa *Galenus* *Comm.* II. in h. l. p. 146. T. III. repetiit. Hinc patet, hunc librum esse perantiquum.

fuisse videtur etiam *Macrobius* ^{c)}, modo in suppositorum numero collocat, et aut ad *Polybum* ^{d)} et *Theffalum* ^{e)} ab *Dioscoride* referri, aut etiam *Sophistae* ac veteratori ^{f)} recentiori deberi auctor est, cum hoc libro *σύννοχος* et *ἔργματα* contineantur, idque a veterum more penitus abhorreat. *Mercurialis* priorem libri partem in classe prima putavit collocandam, *Foësius* ^{g)} vero illum, quo iure, non video, *HIPPOCRATIS* auctoritate vendicari et posse et debere affirmat.

Recte tamen, si quid video, id fieri posse *Hallerus* ^{h)} negat, etsi, ut fert ingenii humani imbecillitas, eum denuo ^{hh)} integrum esse censuit. Multum enim auctor, qui demum cunque ille sit, versatur in explicanda febrium origine, eaque ex varia bilis natura repetenda; quatuor esse humores primigenios contendit, quos tamen alio loco ⁱ⁾ duobus conti-

c) L. cit.

d) Comm. II. ad h. l. 19. p. 146. T. III. ed. *Chart.* eum ob voc. *ἔργματα* ἀντὶ τῶν ἔργων negat esse *HIPPOCRATIS* aut *Polybi*, etsi ab eorum opinione, qui omnem librum censabant reiiciendum, quam longissime alienus est. At vero Comm. II. in h. l. ait, hunc librum iam pridem multis visum fuisse a *Polybo* profectum, idque saltem certum est, apud *Aristotelem* Hist. Anim. III. 3. p. 241. T. II. ed. *Du Vall.* quaedam adferri nomine *Polybi de venarum origine*, quae hodie in h. l. et iisdem paene verbis libro *περὶ φύσιος ὀστέων* occurrunt.

e) In L. *περὶ φύσιος ἀνδρῶν* Comm. II. 1. p. 129. T. III. ed. *Chart.*

f) In h. l. Comm. II. 22. p. 149. T. III. ed. *Chart.*

g) In Not. ad h. l. p. 9. Sect. IV.

h) In *Boerh.* Method. Stud. Med. P. I. c. 3. p. 594.

hh) Art. *Medicae Principes* T. I. p. 33.

i) In L. *περὶ διαίτης α'*.

contineri voluit, immo vero reliquos confutandos censuit medicos, qui ex vno omnia omnino repetere conarentur. Deinde mirum in modum vsus est *rationum subtilitate* ad id genus doctrinas confirmandas, qualis est *doctrina de generatione*, dissentiens quidem ab illa, quam alias propositam esse cognouimus, et a genuinis HIPPOCRATIS monimentis receditur quam longissime. Adfert tandem plurima ex libro *περὶ φύσεως τῶν ὀστέων*, cui cum falsitatis macula inusta sit, id et huic accidere necesse est.

Negare tamen non ausim, multis eum bonis excellere, qualis est *venarum descriptio*, quae etsi vitiosa est et *Galeno* ^{k)} in suppositis collocatur, tamen non temere spernenda est, multo minus vero Chinenfium libros sapere censenda, vt *Haller* ^{kk)} visum est. Similiter *de ouo humano*, eoque *septimo die foras dato* narratio, quae quatenus a vero dissentiat, omnes intellecturos esse spero; *morbos contrariis curandos esse*, nec non *ad varias tempestatum vicissitudines attendendum*, *aegrotationes corporis*,

G 3

k) In L. *περὶ φύσεως ἀνθρώπου* Comm. I. p. 94. T. III. edit. *Chart.* eum vel maxime reprobandum censuit, quia non penitus cum *Epid. II.* consentire videatur, id quod tamen sic explicat *Aristoteles Hist. Anim. l. cit.* vt hanc venarum descriptionem ex hominum morbo confectorum corporibus sumtam repetitamque esse contenderet. At vero ulterius progressus *Galenus* est, et L. *Placit. Platon.* et *HIPP. VI. 3. p. 186. T. V. ed. Chart.* non modo hunc, verum etiam omnes omnino libros, quibus haec doctrina contineatur, suppositos esse, atque neque HIPPOCRATI, nec *Polybo* tribui villo modo posse auctor est.

kk) *Art. Medic. Princip. T. I. p. 34.*

ris, quae populariter inuadant, ab aere repetendas esse. Huc accedunt varia signa, quorum beneficio medicus omnia rite possit discernere cet.

Reliquus vero liber περὶ Φύσιος ἀνθρώπων, cum vulgo attribuitur *Democrito*, non est, quod in explicanda eius vilitate multus sim atque iusto verbosior. Dubito tamen vehementer, fore, ut quis hanc scriptionem philosophi auctoritate possit exornare. Non enim, nisi talem inscriptionem apud *Diogenem Laërtium* ¹⁾ legere me memini, reliqua vero, quae in bilis atque lienis natura versantur, recentiora videntur *Democrito*. Deinde auctor totus est in figurarum studio, et incredibile, quantum his consuetandis delectatur ineptiis.

Ecquid vero tam graui tantoque philosopho indignius, quam verba pueriliter aucupari, et calamistratum orationis genus adhibere? Ecquid veritati magis aduersum, quam aliquem virum, quem *Cicero tenuiter et perspicue scripsisse pronunciarat*, tanquam sophistam loquentem inducere?

§. XV.

De Structura Hominis.

Ed. *Lind.* p. 284. T. I. ad *Perdiccam*, Macedonum Regem.
Ed. *Chart.* p. 705. T. IV.

Librum hunc esse suppositum, vel ex eo colligas, quod in recentiorum medicorum similitudinem, qui post *HIPPOCRATIS* magni fata in anatomen incubuerant, arteriae, venae, nerui, sedulo distinguantur, arteriae sanguinem et spiritum simul a corde per omnia vasa dicantur distribuere, triplex ali-

mento-

¹⁾ L. IX. sub voc. Δημόκριτος.

mentorū digestio statuatur cet. adeoque, vt recte venerabilis senex, Trillerus ^{m)}, monuit, HIPPOCRATE videtur longe recentior, etfi negare nullo modo aſim, magni huius viri aetatem, vt Eusebius ⁿ⁾ auctor est, in Perdiccae, Macedonum regis, imperium incidere potuisse.

Continentur praeterea hac scriptiōe illa de quatuor humoribus doctrina, spina dorsi ex viginti quatuor vertebriſ composita, intestinorum dimensio cet.

§. XVI.

Περὶ ἀνατομῆς. De Resectione.

Ed. Lind. p. 287. T. I. Ed. Froben. gr. p. 54. Ed. Mercurial. Sect. IV. p. 47. Ed. Foëſ. p. 194. Sect. VI. Ed. Chart. p. 552. T. XII. Version. Cornar. p. 75.

Huius libri nec Erotianus meminit, neque Galenus ^{o)}, etfi hic paſſim quaedam ex hoc libro ad veram neruorum notionem demonstrandam in medium attulisse videatur. Censuit enim ea, cum HIPPOCRATIS auctoritate indignissima, tum ſolum ὑπομνηματικῶς conſcripta iudicat, non συγγραφοικῶς. Quare id non possumus non vehementer dolere, quod eius libri περὶ τῆς Ἰνποκράτης ἀνατομῆς ^{p)}, modo a promissis ſtetit, de quo vehementer dubito, magno cum disciplinae huius damno perierunt; Qui cum hisce de cauſis non, niſi Ἐπιδημιῶν α'. et γ'. HIPPOCRATI deberi voluerit, id quod etiam hac exem-

G 4

pli

m) Comm. De Noua Opp. HIPPOCR. Edit. §. 4. p. 5.

n) Chronic. Can. p. 174. ed. Scalig.

o) In Comm. ad L. περὶ ἀφθῶν. cf. In L. II. Epid. Sect. IV.

p) Administrat. Anatom. I. 1. p. 26. T. IV. ed. Chart.

pli praestantia commotus nostra aetate *Freindus* q) faciendum existimavit, haec etiam *περὶ ἀνατομῆς* particula in suppositorum numero habenda est, tum variis de causis, tum quod ex commentitio quodam *HIPPOCRATIS* libro r) sumta sit. Huc accedit, quod eo variae continentur voces Abderitanae, *δυσμὸς* cet. quae, auctore *Aristotele* s) propria quasi et familiaris fuit *Democrito*, et hinc factum esse putem, ut hanc scriptionem ad magnum hunc referre philosophum *Trillerus* t) haud dubitaret. Qui senex venerabilis cum in hunc libellum olim scripserit commentationem, egregiam certe illam omnibusque numeris absolutissimam, non possum non cum optimo quoque in votis habere, ut omnia *HIPPOCRATIS* opera eadem doctrinae praestantia fuissent elaborata et in vulgus edita. Sed, cheu:

Fugit interea, fugit irreparabile tempus,

neque licuit nobis fato, nescio, quo ex tantis tamque praeclaris laboribus emolumentum quid doctorum hominum studiis augurari.

§. XVII.

q) In *Epid.* L. *Comm.* I. p. 4.

r) Ex *Επιδημ.* β'.

s) *Metaphys.* I. 4. p. 268. T. IV. ed. *Du Vall.* Liceat nobis hic paucis monuisse, *Democriti* scribendi genus, ut *Cicero* *Divinat.* II. 13. sequ. memoriae prodidit, nullo modo fuisse obscurum, ut vulgo creditur, sed tenue atque perspicuum.

t) *Comment.* in L. *περὶ ἀνατομῆς*, not. 2. p. 13.

§. XVII.

Περὶ καρδίας, De Corde.

Ed. Lind. p. 289. T. I. Ed. Froben. gr. p. 54. Ed. Mercurial. Sect. IV. p. 48. Ed. Foëf. p. 50. Sect. III. Ed. Chart p. 269. T. IV. Vers. Cornar. p. 75.

Silentio hunc libellum *Erotianus* atque *Galenus* praeterierunt, id quod certo est indicio, si vel alia nos deficerent, recentiori demum aetate conscriptum eum esse. Repudiatus hic *Mercuriali* liber *Foëfio* v) saltem, tanquam libri περὶ σαρκῶν particula, habendus videtur arctissimaque colligatione deuinciendus, etsi eum negat esse HIPPOCRATIS, cum neruorum originem et animi praecipuam facultatem in corde constituat. Accedit, quod hac in scriptione nulla sit temporum ratio habita, quia quae tunc temporis tantum non omnes fugiebant medicos, et *Erasistrati* demum tempore innotuerunt, ea certe cuncta maiori luce collustret, miraque confirmet ἀσφαλεία. Nam cum ad *Aristotelem* demum, tanquam inuentorem, aortae laudes *Galenus* w) referendas esse censeat, quem tandem horum errasse putabimus, cum ipse huius libri auctor aortae iam meminert?

Porro desideres facile inter legendum breuitatem HIPPOCRATIS summamque accuratationem, et praeter obscura multa et incerta, qualis est absurda illa veterum sententia de potus per asperam arteriam ingressum, cuius dux atque coryphaeus, au-

G 5

ctore

v) In Not. ad h. l. p. 119. Sect. III.

w) L. De Arter. et Venar. Dissect. c. 9. T. IV. ed. Chart.

ctore *A. Gellio* ^{x)} *Alcaeus* fuit, qui in poëmatibus scripserat:

Τὸν τε πνεῦμονα οἶνω, τὸ γὰρ ἄκρον περι-
σέλλεται,

similiterque senserant *Philistion Locrus*, *Dioxippus Hippocraticus* alii, continentur hac descriptione *auriculæ cordis, valvulae venosae et arteriosae, latex pericardii atque ventriculorum* cet. ex quo id confici posse censeo, satis accuratam videri anatomes scientiam.

Quare cum communem illam veterum *de potus per asperam arteriam delapsu* doctrinam, a qua ne *Plato* ^{y)} quidem immunis est, amplexus auctor libelli huius sit, quisquis demum ille sit, ad veterum scriptorum mentem et similitudinem composuisse se videtur, ut, ab *HIPPOCRATE* profectus sit, nec ne, difficile esset explicatu. *Ge. Segeri* *Diff. De HIPPOCR. L. περὶ καρδίας* ortu legitimo, quam *Hallerus* ^{z)} adfert, cum nunquam in manus venerit, qua ratione quibusue argumentis eius integritatem confirmarit, prorsus ignoramus. At vero *Io. Nardius* ^{a)} in hoc libello explicando melius et maiori cum accurate videtur versatus, quam cum simile quid in librum *περὶ ὑγρῶν χρῆσις* moliretur, etsi, si dicen-

^{x)} Noët. Attic. XVII. 12. p. 246. seq. ed. Aldin. et Macrob. Saturnal. VII. 15. p. m. 559. sequ. ubi conuersionem quandam verba videntur subiisse.

^{y)} *Gellius* l. cit. eamque *Platonem* ex *HIPPOCRATE* hausisse memoriae prodidit *Plutarch.* Sympos. VII. 1. cf. *Clerc* Hist. de Medec. P. I. L. III. 3. p. 117.

^{z)} In *Boerh.* Method. Stud. Med. P. I. c. 2. p. 373.

^{a)} Noët. Genial. X. p. 685. sequ.

dicendum, quod res est, non adeo magni momenti vterque labor habendus est,

§. XVIII.

Περὶ ὀστέων φύσιος. *De Ossium Natura.*

Ed. Lind. p. 294. T. I. Ed. Froben. gr. p. 58. In hac ed. initium libri finis ap. Linden. est, et a verbis: Τὸ δὲ σπέρμα οἷον κήριον — nouum librum περὶ φλεβῶν Lindenius confluendum censuit. Foësius vero orditur ab verb.: ὀστέα χερὸς ἀκασιεπτὰ, eiusque Μοχλικός, cuius initium a verbis: Ὅσέον φύσις fit, et cum verb. ἐκ μέσων ἐκπέφυκε καὶ παραίνεται definit, est ap. Linden. L. περὶ Ὅσέων φύσιος. Ed. Mercurial. Sect. II. p. 40. Ed. Foëf. p. 56. Sect. III. Ed. Chart. p. 1. T. IV. quae similiter, vt Frobeniana, incipit, et tandem p. 5. post verba: Τὰ ὀστέα τῷ σώματι εἰσὶν, denuo pergit, a qua tamen part. L. περὶ φλεβῶν abrumpitur; Hinc si cuius haec penitus intelligere interfit, ipsum *Charterium* adeat: Version. Cornar. p. 81. qui etiam videtur Foësum secutus. Hinc dici vix potest, quanta difficultatum multitudine hic liber laboret.

Librum hunc sua haud destitui antiquitate nullus dubito, idque vel maxime hinc confici posse censeo, quod veterem illam doctrinam, qua potus per asperam arteriam defluere putabatur, contineat. At vero cum eius nec *Erotianus*, nec *Galenus* ^{b)} meminerint, nisi, vt nobis quidem videtur, vno τῷ Μοχλικῷ nomine complectantur, conficitur, hanc περὶ ὀστέων φύσιος eorum temporibus Hippocrateis monumentis aut nondum adie-

b) L. Placit. *Platon.* et HIPPOCR. VI. 3. p. 187. T. V. edit. Chart. vbi illam de venarum origine et distributione doctrinam neque ad HIPPOCRATEM, neque ad *Polybum* pertinere auctor est, et Gloss. voc. κοτυλίδα h. l. nomine τῶν προκειμένων τῷ μοχλικῷ videtur protulisse.

adiectum fuisse, aut saltem pro commentitio habitum, adeoque nec commemoratum. Huc accedit, quod mira hanc scriptionem cum illis *περὶ γυνῆς* et *περὶ φύσιος παιδὸς* similitudo videtur intercedere, iisque de causis, nisi me omnia fallunt, commotus *Foësius* ^{c)} hos libros a communi auctore repetere non veritus est.

At *Aristoteles* ^{d)} huius libri meminit. Scio, neque tamen, tanquam ab *HIPPOCRATE* sit profectus, sed a *Polybo*, neque perfugio eo, quo usus est *Clericus* ^{e)}, opus esse existimo. *Aristoteles* enim quo propius ab magni *HIPPOCRATIS* aetate abest, quippe, auctore *DIONYSIO Halicarnasseo* ^{f)}, Olymp. XCIX. anno i. natus est, quo quidem tempore diuinus senex adhuc in vis commemorabatur, eo maior ei data fuit copia veri auctoris indagandi.

Neque repetitiones, aliis in libris obuias, ad hanc auctoritatem demonstrandam argumenti loco

c) In Not. ad h. l. p. 128. Sect. III.

d) Hist. Animal. III. 3. p. 241. T. II. ed. *Du Vall.*

e) Hist. de Medecin. P. I. L. III. 3. p. 113. Videtur *Clerico Aristoteles* commotus invidia hunc librum *Polybo* potius, quam *HIPPOCRATI* attribuisse, immo vero eam ob causam non, nisi semel *Polit. VII. p. 575. T. III. ed. Du Vall.* *HIPPOCRATIS* meminisse, idque tantum *ὡς ἐν παρόδῳ*. Quod cum proprium quasi sit *ARISTOTELI* atque familiare, nisi cui dicam scribat, commemorare neminem, idque prae primis fecerit *Alcmaeoni Crotoniensi*, *Empedocli* atque *Democrito*, quorum scripta passim acriter perstringenda censuit; quare *HIPPOCRATIS* nomini parceret, eique *Polybum* succenturiaret, non video.

f) Ep. ad *Ammaeum* p. 121. P. II. ed. *Lips.*

co adhiberi posse censeo. Callida enim semper fuerunt hominum ingenia ad alios fallendos, adhibueruntque, quoad eius fieri potuit, maximam rerum atque verborum similitudinem.

Est vero, quicquid *ad anatomes cognitionem* spectare videatur, mancum atque confusum, continetque pleraque falsa, et hinc vix ac ne vix quidem digna, quae legantur. Deinde non satis respondet argumentis inscriptio, videturque nata ex libri principio. Denique grauitas orationis Hippocraticae, dici vix potest, quantopere desideretur.

Negari quidem non potest, hanc scriptionem suis gaudere bonis, iisque nec spernendis, ex quorum numero sunt *vesiculae seminis*, quae tamen videntur iusto obscurius expressae cet. at vero repugnant tamen sibi saepenumero argumenta, nec raro fallitur auctor in ossium numero.

§. XIX.

Περὶ φλεβῶν. *De Venis.*

Ed. *Lind.* p. 297. T.I. Ed. *Froben.* gr. continetur praegressa scriptione, similiterque factum est in ed. *Foëf.* et *Chart.* et *Verf. Cornar.* Ed. *Mercurial.* hab. Sect. II. p. 40.

Liber hic, quem *Erotianus, Galenus, ceterique omnes* silentio praeterierunt, primis Hippocrateorum monumentorum editionibus habitus est scriptionis *περὶ ὀστέων φύσιος* continuatio, et praepositus libello, qui *Μοχλικὸς* inscribitur, vt *Galenus* §) memoriae prodidit. Sed cum certa
fiat

§) In Gloss. voc. *παραστάται.*

fiat arteriarum a venis segregatio, atque rerum absurdissimarum plenus sit, venis, mirum, quantum paradoxo tribuat, quippe in quatuor venarum origine demonstranda versatur operosius, quam bis hodie memini me legere cum hac in scriptio-
ne, tum libello *περὶ φύσεως ἀνθρώπου*, olim vero, Galeno ^{h)} auctore, etiam in *περὶ διαίτης β'*. cet. facile ad perspiciendum est, eum ab integris H I P-
P O C R A T I S magni monumentis esse eximendum.

Admissa tamen his ineptiis quaedam magni momenti, sunt, ut cellulosa lienis fabrica; reciproca venarum repletio et inanitio; conspiratio venarum epigastricarum cum iis, quae ad mammas pertinent; vena sine pari, vena caua, venae artuum. Similiter de nervo intercostali atque octavo pare quaedam haud contemnenda; vesiculae seminis, quae in faui similitudinem vesicae adiectae sint; potus per asperam arteriam delapsus fieri nullo modo posse; singularis vena, quae αἰμόρροος dicitur, et subtilioris anatomes testis est, quam non, nisi post Herophilum commemorari videas cet.

§. XX.

Περὶ αἰῶνος. De Aetate.

Ed. Lind. p. 312. T. I. Ed. Froben. gr. p. 43. ibique finem libri *περὶ σαρκῶν* constituit, id quod etiam fecit Foëf. p. 34. Sect. III.

Libellus et perbrevis est, et ab Hippocratica orationis grauitate alienissimus. Quare non possumus

^{h)} L. Placit. Platon. et HIPP. VI. 3. p. 186. T. V. edit. Chart.

sumus non eum in suppositorum numero collocare, in primis cum illa *de ouo humano* doctrina, quam alias *περὶ παιδὸς φύσεως* in medium allatam vidimus, hic denuo recoquatur, meretricumque usu et auctoritate confirmetur. His igitur aliisque rebus compulsi multi, iique longe doctissimi viri haud veriti sunt in eam ingredi sententiam, ut hanc scriptionem veluti particulam libri *περὶ ἀρχῶν ἢ σαρκῶν* ultimam habendam esse iudicarent. *Philonis* vero testimonio nihil, si quid video, concedendum est, cum ex hoc *περὶ αἰῶνος* sua repetiisse censendus sit. Mihi quidem idem ille liber videtur, cuius *Galenus* ⁱ⁾ et *Aëtius* ^{k)} nomine *περὶ ἐβδομάδος* meminerunt; cui numero *septenario* quae et quanta vis insita quasi sit ac ingenerata, multis *Varro* apud *A. Gellium* ^{l)}, *Clemens Alexandrinus* ^{m)}, *Alexander Aphrodisieus* ⁿ⁾, *Macrobius* ^{o)} et *Caelius Rhodiginus* ^{p)} sibi sumserunt demonstrandum. Quare *septenarii* huius numeri commemoratione eo adducor, ut hunc librum a philosopho quodam Pythagoraeo profectum potius

i) In Gloss. voc. *αὐτόδομον* et Comm. III. in L. de Aëre, p. 202. T. VI. ed. *Chart.* ubi eum in suppositorum numero collocare haud veretur. cf. In VI. Epid. Comm. V. 5. p. 517. T. IX. et in L. II. Aph. 34. Comm. II. P. II. T. IX.

k) *Tetrabibl.* II. Serm. I. 83. p. 213. Coll. *Steph. Censorin.* De Die Natali c. 14. p. 91. *Pollux Onomast.* II. 1.

l) Noct. Attic. III. 10. p. 54. sequ. ed. *Aldin.*

m) *Strom.* VI. p. 473. ed. Lugd. Bat.

n) L. II. Probl. 47.

o) In *Somn. Scip.* c. 5. p. 24. sequ.

p) *Lect. Antiqu.* II. 54. p. 102. ed. *Aldin.* X. 61. 62. p. 544. sequ. cf. de numerorum vi et praestantia L. XII. 7. p. 619. sequ.

tius esse mihi persuadeam, quos constat inter omnes in medicinae et sapientiae studiis omnem operam omneque tempus collocasse.

Continentur tamen, ut id vnum addamus, hac scriptione *horror, calor, torpor, nausea, convulsio, aliaque multa, quae feminae, accepto semine, solent accidere, anatomes scientiâ haud contemnenda* cet.

§. XXI.

Περὶ χυμῶν. De Humoribus.

Ed. Lind. p. 315. T. I. Ed. Froben. gr. p. 100. sed simul adiicitur: Πλὴν ἐστὶν εὐρεῖν, τινὰ μὲν ἐς ἰσχυρολογίαν ἐσχάτην ἐσφυγμένα, τινὰ δὲ ἐκτεταγμένα τῇ συναιμέτρῃ πλείον. Ed. Mercurial. Sect. I. p. 358. Ed. Foëf. p. 14. Sect. II. Ed. Chart. p. 508. T. VIII. Vers. Cornar. p. 167.

Commemoratu dignissimum hunc librum existimarunt *Erotianus* ^{q)}, atque *Palladius* ^{qq)}, praeter ceteris vero *Galenus* ^{r)}, qui, dici vix potest, quanto-pere in huius auctoritate demonstranda a seipso dissentiat. Modo enim HIPPOCRATI ferendum in acceptis esse perhibet ^{s)}, in quo consentientes *Foësium* ^{t)} et *Hallerum* ^{u)} habet, modo ^{v)} multos

q) In Praefat. Gloss. p. 33. T. I. ed. Chart. et voc. φύσαν.

qq) Comment. in L. de Fractur. ap. Foëf. p. 147. Sect. VI. et ed. Chart. p. 271. T. XII.

r) In Gloss. voc. θήριον, et in L. I. Aph. 20. Comm. p. 37. In II. Epid. Comm. II. 9. p. 130. P. II. T. IX. ed. Chart.

s) In VI. Epid. Comm. III. 44. p. 472. et init. Comm. IV. p. 475. P. II. T. IX. ed. Chart.

t) In Not. ad h. l. p. 83. Sect. II.

u) In Boerh. Method. Stud. Med. T. II. P. IX. p. 6. et Medicæ Art. Princip. p. 89. T. I.

v) In L. περὶ χυμῶν Comm. I. Praefat. p. 508. T. VIII. ed. Chart.

tos adfert in vtramque partem disceptantes, quorum alii negant esse hanc scriptionem HIPPOCRATIS, alii vero, vt *Glaucias*, ad alium referunt HIPPOCRATEM, alii *Theffalo Polyboue* tribuunt, alii denique de libri solliciti principio magnam sibi dissensionem reperisse persuadent, et *Ptolomaeorum* tempore multa molis gratia fuisse adiecta litteris reliquerunt consignatum. Quid? quod hunc commentariis *Galenus* ^{w)} non modo sumit illustrandum, verum etiam sua omnia *Platonem*, *Aristotelem*, *Theophrastum*, ceterosque philosophos, nec non veteres medicos, *Dioclem*, *Pliftonicum*, *Mnesitheum*, *Praxagoram*, *Herophilum* cet. si quid boni de humorum natura docuerint, ex hac HIPPOCRATIS magni scriptione repetiisse prodidit memoriae.

Sed prohibent nos, quo minus magnis his viris adsentiamus, et *Hier. Mercurialis* auctoritas, qui eum secundae classi adsignauit, et argumentorum subtilitas atque taediosa plurimorum aphorismorum repetitio, quae consuetudo fidem sibi faciendi olim impostoribus communis quasi fuit atque propria, Repetuntur deinde cuncta magno cum ingenii acumine à *varia bilis sanguinisque natura*. Denique conscriptus liber est Hippocratea breuitate, sed sic, vt propter inepte imitandi studium obscuritatem potius reperias, atque neglecto omni penitus ordine, in morborum signis causisque explicandis ad similitudinem *Ἐπιδημιῶν*

w) L. Natural. Facult. II. §. et L. Placit. *Platon*, et HIPPOCR. VIII. 5.

δημιῶν α'. quem fere ad verbum exprimit, effinxisse auctor, qui demum cunque ille sit, se vel maxime videatur. Hinc in eam ingredior sententiam, hunc περὶ χυμῶν librum ad virum eundem, cui liber περὶ φύσιος ἀνδρώπῃς debetur, esse referendum.

Lectū vero est dignissimus, cum suis bonis non destituatur, in caussis valitudinis aduersae indagandis tempestatum vicissitudines, regionum situs, vitusque rationem attendi oportere cet,

§. XXII.

Περὶ τόπων τῶν κατ' ἀνδρῶπον. *De Locis in Homine.*

Ed. Lind. p. 363. T. I. Ed. Froben. gr. p. 63. Ed. Chart. p. 357. T. VII. Sed harum binarum editionum finis τὰ γυναικῆα νοσήματα καλέμενα καὶ ὑστέρα constituit initium libri secundi de morbis mulierum in ed. Lind. Ed. Mercurial. Sect. II. p. 1. Ed. Foëf. p. 78. Sect. IV. Vers. Cornar. p. 88.

Laborat hic liber similiter, ut ille περὶ χυμῶν, ratiociniorum multitudine, referunturque omnia omnino ad *destillationum doctrinam*, id quod et praesertim in scriptione illa περὶ ἀδένων factum est. Qua de re hi bini libri aut ab eodem auctore videntur compositi, aut a quoquam alio huius doctrinae studioso fuisse profecti.

Sed, mirum, quantum in eius pretio statuendo dissentiant scriptores cum veteres tum recentiores. *Erotianus* ^{x)} enim, *Caelius Aurelianus* ^{y)},
Gale-

x) In Praef. Gloss. p. 33. T. I. ed. Chart. et Gloss. voc. ἀτραινέως, γονοειδές.

y) Morb. Diut. V. 1. p. 556. ed. Amstel.

Galenus ²⁾, *Ruffus* ^{a)}, *Athenaeus*, nostra vero aetate in primis *Clericus* ^{b)} et *Hallerus* ^{c)}, cum et HIPPOCRATIS nomine allegant, et tanti viri grauitate dignissimum iudicant. At vero hanc auctoritatem prae ceteris reprobendam censuerunt *Hier. Mercurialis*, qui eum in secundam classem putauit referendum, in primis vero *Duretus* atque *Reinesius* ^{d)}, quorum alter repugnantiarum commotus multitudine, quas ei cum libro, qui *Κοάκας Προγνώσεις* inscribitur, et paene solus HIPPOCRATIS esse existimatur, videbantur intercedere, alter vero propter *septem costarum vitium* ab integris diuini senis monimentis quam longissime abesse iusserat, et post *Aristotelis* demum fata compositum esse voluerat. Accedit, quod in venarum origine demonstranda magna facta est defectio a ceteris HIPPOCRATIS magni doctrinis, *destillationesque capitis septem* dari, ex *Cnidiorum* instituto perhibentur.

Quae vero spectant ad *anatomes scientiam*, videntur non abs re esse, *auditus atque visus ratio*, nec non *membrae oculorum et cerebri* praeclare explicantur, exceptis iis, quae de *malleoli sectione*, tanquam *impotentiae virorum causa*, versantur; por-

H 2

ro

2) In Gloss. voc. *ὑπὸν κρημνοί*, et L. Natural. Facult. II. quaedam ex hoc libro videtur explicasse.

a) De Corp. Human. Part. Appellat. alter. L. I. c. 1. p. III, Coll. *Steph.*

b) Hist. de Medec. P. I. L. III. 3. p. 120.

c) In *Boerh.* Meth. Stud. Med. P. IX. T. II. p. 7. et Medic. Art. Princip. T. I. p. 51.

d) Var. Lect. p. 75.

ro nervorum quaedam scientia, articulorum latex; inflammationes pulmonum habentur periculossimae, laterumque morbi, quem graeci dicunt πλευριτικόν, curatio haud multum a verae medicinae praeceptis abhorrens commendatur. Porro alienissimus ab nimio gymnasticae artis studio et consuetudine auctor est; medicinam contra firmis inniti placitis, adeoque scientiae nomine dignissimam videri; morbi natura nondum cognita, ab vehementium remediorum usu abstinendum esse, medicum fortunam haud vereri, cum, vt Celsus ^{e)} memoriae prodidit, adeo in medicina, etiam ubi perpetuum est, quod fieri debet, non tamen perpetuum sit, quod sequi convenit cet.

§. XXIII.

Περὶ Φυσῶν.

De Flatibus.

Ed. Lind. p. 299. T. I. Ed. Froben. gr. p. 117. Ed. Mercurial. Sect. II. p. 23. Ed. Foëf. p. 78. Sect. III. Ed. Chart. p. 213. T. VI. Version. Cornar. p. 117.

Librum hunc ad HIPPOCRATEM referre non dubitarunt, Erotianus ^{f)} atque Galenus; At vero negat et pernegat Clericus ^{g)}, idque, si quid video, iure suo. Conscriptus enim summa eloquentiae vi lucidoque ordine est, atque tanta ingenii acumine, nihil vt supra. Hinc commotum

Halle-

e) De Medicina L. VII. 12. p. 446. ed. Kraus. cf. Prognost. HIPPOCR. §. I. p. 447. T. I. ed. Lind. et recte, auctore Tulio L. de Invention. I. 5. inter finem artificis et officium distinguendum est.

f) In Praef. Gloss. p. 33. T. I. ed. Chart. et Gloss. voc. φύσας.

g) Hist. de Medecine P. I. L. III. 4. p. 137.

Hallerum ^{h)}) fuisse cenſeo, vt eum aut ad aliquem ex *Anaximenis* ſchola progreſſum remitteret, aut medico Pneumatico, nescio, cui, deberi ſibi haberet perſuaſiſſimum.

IN HIPPOCRATEM enim nec ea ſingularis cadit ſubtilitas, qua *uniuerſa aegrotationum corporis caterua repeti a flatibus ſolet*, quippe *hi et deſtillationes*, vt *Plato* ⁱ⁾) litteris reliquit conſignatum, tunc temporis erant nomina noua, atque ex morum corruptione, veluti foccunda id genus malorum in matre, prognatae, nec orationis ad probabilitatem conciliandam vis tanti viri gloria digna eſt.

Attamen cum variis gaudeat decretis, iisque haud contemnendis, eum legiſſe, credo, poenitebit pigebitue neminem. Sunt vero prae ceteris commemoratu digniſſima, *medicum*, quo magis ſponte ſua in vitae diſcrimen incurrat aliis opem allaturus, eo pluris aeſtimandum eſſe; *ratiociniorum vim experientiae vſuique eſſe adiungendam*; *cauſſas morborum in primis indagandas*; *contraria contrariis perſananda eſſe*; *ex flatibus omnes omnino aegrotationes corporis profluere* cet. Quod cum patrum memoria multi perſpicerent, quanto nouarum rerum deſiderio teneantur hominum animi, non deſuerunt, qui hanc *de flatibus* doctrinam denuo recoquerent, miraue in ea demonſtranda vterentur ſubtilitate. Sed haec obiter.

H 3

§. XXIV.

h) In *Boerh. Method. Stud. Med. P. IX. T. II. p. 7. conf. Princip. Art. Medic. p. 433. T. III.*

i) De *Republ. III. p. 594. ed. Frob.*

§. XXIV.

Περὶ ἀδένων. De Glandulis.

Ed. Lind. p. 414. T. I. Ed. Froben. gr. p. 56. Ed. Mercurial. Sect. IV. p. 51. Ed. Foëf. p. 52. Sect. III. Ed. Chart. p. 271. T. IV. Version. Cornar. p. 78.

Hic liber, qui in omnibus editionibus *περὶ ἀδένων* inscribitur, alias ^{k)} *Περὶ ἀδένων ἑλομελῆς* in fronte gerit, iisdemque fere verbis incipit. Qui cum ab *Erotiano* praeteritus silentio sit, *Galeno* ^{l)} contra in suppositorum numero habitus iuniorique addictus medico, partim quod scribendi genus et argumentum plane a genuinis *HIPOCRATIS* magni monumentis dissentiat, partim quod nullus veterum huius scriptionis meminerit; non est, quod in eius auctoritate aduersus istos viros defendenda iusto sim verbosior, in primis cum ob doctrinae similitudinem, qua *singulae aegrotationum corporis formae destillationibus deberi* perhibentur, ab eodem, cuius liber *περὶ τόπων τῶν κατ' ἀνθρώπον* est, auctore profectus esse atque in eo praeter haec et Hippocrateae orationis breuitas, et doctrinae conspiratio desiderari posse videatur.

Neque tamen suis destituitur praeclare dictis, quorum in numero sunt *quaedam glandularum mesenterii vestigia, glandulae renum atque articulorum; muci natura et usus; cerebri naturam a glandularum similitudine propius abesse; glandulas ad pilos procreandos*

k) In L. *περὶ ἀθρών* §. XII. p. 768. T. II. ed. Lind.

l) In L. de Articul. Comment. I. 46. p. 134. T. XII. edit. Chart.

dos videri vel maxime appositas; inflammationes glandularum ab humorum quiete atque mora repeti oportere; miram inter mammas et uterum conspirationem et contagionem quasi intercedere, mammarumque amputationem varios pectoris morbos excipere; sanguinem album ex glandula laesa profluere, vnde id confici posse videtur, auctorem huius scriptionis, qui deum cunque ille sit, in vas quoddam lymphaticum incidisse; sanguinem vero album diis ab Homero^{m)} tribui, latebit, puto, neminem.

§. XXV.

De Significatione Vitae et Mortis.

Ed. Lind. p. 422. T. I.

In eandem, quam ille *De Structura Hominis ad Perdiccam, Macedonum Regem*, incurrere videtur reprehensionem, adeoque iure suo, tamquam HIPPOCRATIS magni nomine, indignissimum, cum Trillerusⁿ⁾ reprobandum censuit. Desideres enim hac in scriptione vel maxime diuini senis auctoritatem argumentorumque grauitatem, nihilque magis fluxum est atque mutabile, quam *ex astrorum vicissitudinibus valitudinis aduersae signa* repetere, adeoque, me iudice, ad astrologum potius nugatorem, quam HIPPOCRATEM obseruatorem referenda videtur, cuius *de tempestastum caelique mutationibus* doctrinam si tua scire intersit, optime omnium praeclaro illo quidem libro, et summis efferendo laudibus *περὶ ἀέρων, ὕδα-*

H 4

m) Il. ε'. v. 340. 416.

n) Comment. de noua Opp. HIP P. edit. §. IV. p. 5.

ὑδάτων καὶ τόπων, contineri commemorarique videas.

§. XXVI.

Περὶ κρίσεων.

De Diebus Indicatoriis.

Ed. *Lind.* p. 432. T. I. Ed. *Froben.* gr. p. 388. Ed. *Mercurial.* Sect. I. p. 431. Ed. *Foëf.* p. 24. Sect. II. Ed. *Chart.* p. 373. T. VIII. Vers. *Cornar.* p. 514.

Ne nominis quidem vestigium apud *Erotianum* reperire me memini, etsi *Galenus* °) hos potissimum libros in demonstranda *dierum indicatoriorum* doctrina secutus esse dicitur, maximamque partem ex veris et integris diuini senis monumentis exscriptus videtur, ut suo iam tempore praesentat *Foësius* p), et eodem, quo ille *περὶ κρίσεων*, integritatis iure priuandum esse dixerat. Quidni igitur suspicionem moueat, ne forte, multo temporis spatio interiecto, Hippocrateis libris dolo malo fuerit adfutus? Idque cum primis exinde patet, quod fere ad verbum illam *περὶ τῶν ἐν-τὸς παθῶν* scriptionem referat. Quam cum et ob vagas notiones, et nomina morborum temeraria Cnidiorum cuidam medico deberi omnes omnino consentiant, facile intellectu est, hanc quoque infamiae notam prae ceteris huic libello esse inurendam. Coaceruantur enim similiter temere, nec rei accommodate *morborum formae*, quorum in numero sunt *tres tetani* species, idque *Galeno* q) auctore, Cnidiorum est.

Eorum

o) De Libr. Propr. c. 6. p. 44. T. I. ed. *Chart.*

p) In Not. ad h. l. p. 39. Sect. II.

q) In L. de Aliment. Comm. III. 34. p. 282. T. IV. edit. *Chart.* et in L. Viêt. Acut. Comment. I. 7. p. 5. T. XI.

Eorum vero, quae prae reliquis^r commemoratu digna videantur, praecipua est *inflammationis pulmonum* enarratio, quae, dici vix potest, quam bene naturae respondeat; *acutos morbos a bile profluere*; *coxarum morbum a solis, madorem articulorum diffantis calore esse repetendum*; *febres acutas, si sexagesimum diem exceßerint, in longorum morborum numero collocari oportere* cet.

§. XXVII.

Περὶ κρίσεων. De Iudicationibus.

Ed. Lind. p. 438. T. I. Ed. Froben. gr. p. 385. Ed. Mercurial. Sect. III. p. 425. Ed. Foëf. p. 20. Sect. II. Ed. Chart. p. 368. T. VIII. Vers. Cornar. p. 510.

Exsplendescit hic liber, cuius ne meminit quidem *Erotianus*, Hippocratea orationis breuitate, at vero, diuini senis grauitas et accuratio insit, nec ne, aliis iudicandum relinquimus. Recte saltem sensisse videtur *Foësius*^r), cum eum *parum integrum, sed varie ex aphorismis, praenotionibus aliisque Hippocrateis libris consarcinatum* existimaret. Aphorismorum enim multitudine auctor, quisquis tandem ille sit, conciliare sibi audet probabilitatem, atque loca, dici vix potest, quam multa ex libro *περὶ τόπων τῶν κατ' ἀνθρώπων*, quem inter suppositos retulimus, adferre soleat. Huc accedit, quod *vini puri haustus ad somnum usque in voluulo* commendatur. Quod cum et turpe apud graecos haberetur et Cnidiis medicis proprium quasi esset atque familiare; probabiliter hinc con-

H 5

fici

r) In Not. ad h. l. p. 37. Sect. II.

fici posse arbitror, hoc scriptum ab aliquo huius scholae discipulo profectum elucubratumque esse, collectis vndiquaque iis omnibus, quae huc villo modo pertinere videantur.

Commemoranda est *iusta dierum iudicatoriorum doctrina*, morbos acutos in quatuordecim dies iudicari, varia sudoris, urinae, alui, signa morbiue prioris in alium migrationem attendi oportere cet.

§. XXVIII.

Προβητικὸν α'. *Praedictionum I.*

Ed. Lind. p. 471. T. I. Ed. Froben. gr. p. 409. Ed. Mercurial. Sect. III. p. 435. Ed. Foëf. p. 44. Sect. II. Ed. Chart. p. 692. T. VIII. Version. Cornar. p. 542.

HIPPOCRATI hunc librum acceptum ferendum esse negat et pernegat *Erotianus* ^{s)}, atque *Caelius Aurelianus* ^{t)} non, nisi vnus meminit, id quod, etiam *Galenus* ^{tt)} fecit, et si quid video de priori hoc videtur intelligendum. Sed aliter *Foësius* ^{u)}: *Verborum pondere, sententiarum gravitate, stili magnitudine, et breuitatis conscriptione tam facile HIPPOCRATIS maiestatem testatur, ut minime abdicari queat. Quin etiam doctrinae genere et dictionis nouitate ac tractationis serie cum coacis praesagiis tam aperte conspirat, ut ex iisdem ducantur fontibus, et utriusque idem auctor esse videatur. Quod si verum est, Foësius saltem sibi non constituisse censendus est,*

s) In Praefat. Gloss. p. 33. T. I. ed. Chart.

t) Morb. Acut. I. 12. p. 39. III. 15. p. 227. ed. Amstel.

tt) L. De Comate c. 1. p. 192. T. VII. ed. Chart. vbi principium huius libelli primi adfertur. cf. c. 3. p. 198.

u) In Praefat. ad h. l. p. 43. Sect. II.

est, cum easdem illas alio loco ^{v)}) multis de causis existimarit reprobandas, adeoque haec scriptio in eorum ponenda videtur numero, qui, quadam argumentorum adhibita similitudine, monimenta Hippocratea integra cupiunt imitando adsequi, at vero nec orationis formam bene callent exprimere, nec ad eius doctrinam se rite componunt. Conscriptus enim hic liber est vocibus obsoletis et barbaris, quas frustra apud HIPPOCRATEM quaeri *Galenus* ^{w)}) auctor est, morborum notiones incredibiliter inter se miscentur, obscuritatis videtur consilio deditaque opera haberi ratio, iisque de causis compulsi perquam multi eum iam priscis temporibus HIPPOCRATIS magni auctoritate putarunt indignissimum. Deinde auctor, qui demum cunque ille sit, male versatur in praesagiendo, nec Hippocrateam praestantiam et acumen, cuius beneficio a rebus singulis ad vniuersas progrediendum est, nullo modo attigisse putandus est, sed potius, omni neglecta perspicuitate, incertus dicam, an mutabilis haeret in singulis observationibus exindeque eliciendis decretis iis, quae Graeci dicunt ἀξιώματα. Denique *Galenus* ^{x)}), cui qua de causa fidem recusemus, non video, hanc scriptionem ab HIPPOCRATE

pro-

v) In Praef. ad Coac. Praenot. p. 97. Sect. II.

w) In III. Epid. Comm. III. 32. p. 268. T. IX. ed. *Chart.* Continentur enim hac scriptione σολοικώδεις κατὰ τὴν λέξιν ῥήσεις et mirae verborum compositiones, *Gal.* in L. I. Praediēt. Comm. I. 4. p. 699. T. VIII. cf. Comm. III. in h. l. 95. p. 764.

x) In L. I. Praediēt. Comm. I. 34. p. 722. T. VIII. et in II. Epid. Comm. III. 9. p. 161. T. IX. ed. *Chart.*

profectam esse negat. Innumeris enim scatet erroribus, qui medici gloriae, si imprudentius eis fidat, detrimento esse possint, eumque aliorum exponere ludibrio, et quicquid praeclari hic continetur, maximam partem ex Ἐπιδημιῶν α' et β' repetitum est, id quod iis, qui HIPPOCRATIS vsu et consuetudine vtuntur, facili perspectu est. Id vnum dolendum esse censeo, quod Galenus y) hac in rerum inconstantia haereat ambiguus, eumque modo ad *Thessalum*, modo ad *Draconem* referat, quem secutus *Io. Neander* z) fuisse videtur.

Scitu digna sunt, *cuncta in morbi natura et eventis cognoscendis adhiberi signa oportere; conuulsiones, quae ab uteri strangulatione nascantur, sine febre esse, nec adeo pertimescendas; larga sanguinis profluvia, et saepius corpus reddere conuulsionibus obnoxium, et venae sectione leuari, cet.*

§. XXIX.

Κόκκος προγνώσεις.

Coacae Praenotiones.

Ed. Lind. p. 522. T. I. Ed. Froben. gr. p. 424. Ed. Mercurial. Sect. III. p. 463. Ed. Foëf. p. 96. Sect. II. Ed. Chart. p. 853. T. VIII. Verf. Cornar. p. 563.

Has ad HIPPOCRATEM nullo modo pertinere posse, etsi maximam partem ex libris, qui προγνώσεων et προρρητικών dicuntur, originem duxisse videantur, vel ex eo licet colligere, quod

y) In L. I. Praedict. Comm. II. 52. p. 736. T. VIII. edit. Chart.

z) Natalit. Medicin. p. 37.

quod veteres paene omnes aut hanc scriptionem silentio praetereant, vt *Erotianus*, aut in *Galen* ^{a)} similitudinem non, nisi obiter eius meminerint. Patrum vero memoria *Foësius* ^{b)}, dici vix potest, quam praeclare, quam grauitè in eius vilitate demonstranda versatus sit. Quotusquisque est, qui coacta haec praesagia ad HIPPOCRATIS Coi foetus aut clarissimam Asclepiadarum familiam referat? Cum et multa sint toto genere dissidentanea, plurima temere adsumpta, nonnulla dictionis quadam ubertate redundantia, nouata quaedam et ipso dicendi genere insolentia, ad summum, ex multis genuinis HIPPOCRATIS scriptis confarcinata quaedam fartura, et velut ex aduersariis pugillaribus in memoriae subsidium comparatis, nullo delectu aut ordine, quasi in promptuarium quoddam centones, tumultuarie conditi. Nam et in his, vt in plerisque Hippocrateis monumentis, genera etiam falsa sunt, et velut ad plebem transitiones plurimae, cum homines humiliores in alienum eiusdem nominis infunduntur genus, quo facilius tantae familiae claritas nobis imponeret, et animorum nostrorum aciem nominis splendor perstringeret. Ad haec non rara rerum ac verborum insolentia, ambiguitas, scribendi nouitas, tam crebrae fortuitorum euentorum concursiones, ex quibus, tanquam ex obseruatione quadam, praesagiorum decreta

a) In Gloss. voc. *ἀνθρώπων*. et in II. Epid. Comm. II. 3. p. 126. et Comm. III. 7. p. 158. 160. nec non in III. Epid. Comm. I. 4. p. 201. HIPPOCRATIS esse negauit. Comm. I. 29. p. 227. T. IX. ed. *Chart.*

b) In Praefat. ad Coac. Praenot. p. 97. Sect. II. Hinc eum aut alicui ex HIPPOCRATIS familia, aut ipsi illi, qui *προβήτης* *κόν* composuit, ob orationis similitudinem attribuit.

ta eruuntur, ac iisdem de rebus saepe quasi dicta redduntur, ut vel ex iisdem paene verborum praestigiis limata quaedam rerum et verborum tenuitas existat, quae tantam interdum obscuritatem parit, ut fors ipsa ad sortes paene referenda sit.

Neque tamen defuere, qui quiduis potius, quam huius libri auctoritatem eripi sibi paterentur, sed pro eius integritate, tanquam pro aris et focis contenderent. *Duretum* enim, quantus quantus est, hac in re aliter sensisse, ac suo aduersus hanc scriptionem amoris dedisse omnia, veritati nihil, quis est, qui nesciat? Nonne ad tanti viri grauitatem compositus *Th. Bartholinus* ^{c)}: *Coacae praenotiones*, inquit, ex HIPPOCRATE seliguntur? Sed temere, nec rei apposite. Desideres enim, modo in hoc libro legendo verseris attentius, et Hippocrateam accurationem, et ἀσφαλείαν. Deinde miro inter se modo confunduntur praesagia, quorum ita comparata est ratio, ut vix ac ne vix quidem in aegrotationibus corporis similiter accidant, aut ad eas observationum leges, quas tuto sequi liceat, conscripta videantur, in quo (fateor enim) nobiscum stare nec *Galenus* ^{d)} veretur. Non enim, nisi lubrico morborum singulorum, nec rite perspectorum fundamento innituntur, adeoque non tam temere, tam imprudenter efformanda videntur placita, quae dicunt ἀξιώματα. Accedit, quod multis in locis adeo
textus

c) Diff. III. De Libris Legendis p. 66.

d) In III. Epid. Comment. II. Praefat. p. 230. T. IX.

textus laborat mendarum vitiis, vt eis frustra criticam manum admouere velle videaris.

Neque tamen omni destituitur vtilitate. Si quis enim animo firmo beneque munito pectore ad huius libri lectionem accesserit, facile erit a malis bona segregare, cum reliquis Hippocrateis monumentis accepta ferenda sint optima quaeuis. Praecipua haec sunt, *febres quartanas, quae hieme infestant, facile morborum acutorum naturam induere; tabes ante trigesimum aetatis annum accedentem esse longe periculosissimam* cet.

§. XXX.

Περὶ ὀδοντοφυΐης. *De Dentitione.*

Ed. Lind. p. 590. T. I. Ed. Froben. gr. p. 53. Ed. Mercurial. Sect. IV. p. 55. Ed. Foëf. p. 49. Sect. III. Ed. Chart. p. 871. T. VII. Vers. Cornar. p. 74.

Libellus hic, si molem spectes, perbreuis est; sin vero argumenti dignitatem, conscriptus probabiliter. At vero ab HIPPOCRATE profectum eum esse nego atque pernego, neque ab *Erotiano Galenoque* commemorari scio. Nam etsi propriam diuini senis breuitatem hac scriptione contineri haud negare ausim; tamen facile ad perspicendum est, quam temere multa, quam minus accurate reiue apposite dicta sint.

Commemoratu dignissima sunt, *in dentitione alius si respondeat, infantes non conuelli; non omnes inter dentiendum conuulsione correptos perire; ulcera ἐν παριδμίοις, quae Hallero^{dd}) aphthae videntur,*
cum

^{dd}) Art. Medicæ Princip. p. 123. T. II.

cum sine febre sunt, haud pertimescenda esse, alias autem periculi plenissima, cet.

§. XXXI.

Περὶ τροφῆς. De Alimento.

Ed. Lind. p. 592. T. I. Ed. Froben. gr. p. 100. cui vero statim adiicitur, hunc librum, auctore Galeno, non esse HIPPOCRATIS, sed aut Theffali, aut vt alii mallent, Herophili. Ed. Mercurial. Sect. I. p. 353. Ed. Foëf. p. 49. Sect. IV. Ed. Chart. p. 238. T. VI. Vers. Cornarii p. 161.

Meminerunt huius libri Erotianus ^{e)}, Galenus ^{f)}, A. Gellius ^{g)}, Palladius ^{gg)}, Stephanus Atheniensis ^{h)}, multique praeter hos alii. Sed de vero eius pretio atque integritate sub iudice adhuc lis est. Galenus enim, vt solet, sibi non constat, etsi commentaria in eum scribere haud dubitauit; alii passim ab Theffalo, Philotino, Philistioni, Herophilo profectum eum esse adfirmarunt; aliis quorum in numero Hier. Mercurialis est, integer videtur atque HIPPOCRATIS auctoritate dignissimus, Io. Albert. Fabricius ⁱ⁾ Pherecydi, nescio, cui attribui auctor est, et Conringio ^{k)} multorum scripto-

e) In Praefat. Gloss. p. 33. T. I. ed. Chart.

f) In II. Epid. Comm. II. 13. p. 134. T. IX. ed. Chart.

g) Noct. Attic. III. 16. p. 59. ed. Aldin.

gg) Comment. in L. de Fractur. ap. Foëf. p. 147. Sect. VI. Opp. HIPP. et ed. Chart. p. 271. T. XII. Videtur vero Palladius omnes de victus ratione libros comprehendisse hoc περὶ τροφῆς nomine.

h) Explanat. in L. I. Galeni ad Glaucon. p. 64.

i) B. Gr. L. II. 24. p. 807. in fin.

k) Introduct. in Art. Med. c. XIII. §. 6. p. 408. ed. Hal. At Schelhammero in Additament. p. 421. ab eodem, cuius

Scriptorum opera conflatus fuisse dicitur, cum argumenta nusquam se excipiant, id quod ab HIPPOCRATIS magni grauitate est alienissimum; *Clericus* ^{l)} vero omnium omnino consensu eum HIPPOCRATI deberi prodidit memoriae, tandem in vtramque partem ferri *Hallerus* ^{m)} videtur. *Foësius* ⁿ⁾ vero quid hac de re senserit, si cuius scire interfit, ipsum adeat.

Gaudet quidem hic liber Hippocratea orationis breuitate, at vero omni destituitur ordine, quae de caussa eum ex diuini senis monimentis *Casp. Hofmannus* ^{o)} censuit eximendum. Deinde auctor, mirum, quantum delectatur verborum lusibus, et paene totus est in antithetis, vt grammatici loquuntur, qualis est πύον τροφή ἑλκεος, πύον τροφή φλεβός, ἀρτηρίης, δύναμις μίη καὶ ἡ μίη, γλυκὺ καὶ ἡ γλυκὺ, τὸ ξύμφωνον διάφωνον, τὸ διάφωνον ξύμφωνον, cet. quae sophistae potius ineptias, quam HIPPOCRATIS grauitatem decere puto. Tertio genus scribendi, illud, quod libro περὶ χυμῶν occurrit, penitus exprimit, eumque esse in suppositorum numero, quis est, qui nesciat? Denique is, qui eum conscripsit,

ius est περὶ χυμῶν liber, profectus videtur, multisque de caussis magni HIPPOCRATIS nomine indignus.

l) Hist. de Medec. P. I. L. III. 2. p. 207.

m) In *Boerh.* Method. Stud. Med. T. I. c. 3. p. 594. et Princip. Art. Medic. Praefat. ad T. IV. p. 7. videtur ei ad *Erasistrati tempora* referendus.

n) In Not. ad h. l. p. 115. Sect. IV.

o) Var. Lect. VI. 17. p. 300. sequ. at quo iure *Herophilo* assignet, non video.

scripsit, turpiter se dedit, et immemor, quousque anatomes scientia HIPPOCRATIS aetate progrediatur, accurate satis, *arterias et venas* a se inuicem suevit distinguere. Dedecet vero virum grauem, a se ipso tanto dissentire opere, et quod alio loco affirmarat, alio negare.

Attamen si dicendum, quod res est, et *Galenus* P) atque *A. Gellii* q) testimoniis confirmatur, scribarum negligentia dicam, an inscitia multas textus subiisse videtur corruptiones. *Glaucias* enim apud *Galenum* verba quaedam sic legit: 'Ουκ ἔστι δὲ, καὶ ἔστι, τὸ ὀκτάμηνον βρέφος. *Sabinus* vero apud *A. Gellium* hoc modo: 'Εστὶ δὲ καὶ ἔκ ἑστὶν ὀκτάμηνος γένησις, quae in nostris editionibus sic explicari video: 'Ουκ ἔστι καὶ ἔστι. In tanta igitur lectionum varietate miraque dissensione *Sabini* medici attulisse liceat nobis commentarium: 'Εστὶ μὲν Φαινόμενα ὡς ζῶα μετὰ τὴν ἔκτροσιν, ἔκ ἑστὶ δὲ ὡς θνήσκοντα μετὰ ταῦτα, καὶ ἑστὶν ἔν Φαντασία μὲν παραυτίκα ὄντα, δυνάμει δὲ ἔκ ἑστὶ. Attamen haec verba denuo apud *Galenum* differunt: Ταῦτα φαίνεσθαι μὲν μετὰ τὴν ἔκτροσιν. καὶ ἔτι εἶναι, ὡς ζῶα· ἔκ εἶναι δὲ, ὡς ἐνθὺς θνήσκοντα, ὡς τέκτεσθαι μὲν, ἔ περγίεσθαι δὲ.

Reliquum est, ut, si qua hoc libello contineantur praeclare dicta, paucis proferamus. Commemoratu vero prae ceteris digna sunt, quae de *offium natura, de transpirationis natura et indole* habet;

natu-

p) In L. de Aliment. Comm. IV. 56. p. 297. T. VI. ed. *Chart.*

q) L. cit. et ap. *HIPP.* §. IX. p. 597. T. I. ed. *Lind.*

naturam tantum non semper sibi solam sufficere ad morborum vim auferendam; omnia in rerum natura et prodesse et obesse posse; morborum formas cum primis ex loco, quem infestare solent, repetendas esse; venas ab hepate tanquam fonte, arterias vero a corde dimanare; habitum athletarum nullo modo esse naturae accommodatum; nutritionem corporis partium aggestioni deberi cet.

§. XXXII.

Περὶ ὑγρῶν χεήσιος. *De Humidorum Vsu.*

Ed. Lind. p. 599. T. I. Ed. Froben. gr. p. 112. Ed. Mercurial. Sect. III. p. 419. Ed. Foëf. p. 96. Sect. IV. Ed. Chart. p. 443. T. VI. Vers. Cornar. p. 164.

Libellus hic, cuius nec *Erotianus* meminit, neque *Galenus* ^r), si paucas voculas exceperis, exigui momenti est atque mutilus, maximamque partem ex Hippocrateis aphorismis, quos fere ad verbum exprimit, profluxisse censendus est, id quod attentius perlegenti omnia facile patebit, perspexitque sua aetate *Foësius* ^s), eum ex multis membranis consarcinatum inter aduersaria et ὑπομνήματα reponendum esse. Hinc equidem nullus dubito, fore, ut a quoquam rerum intelligente ad HIPPOCRATEM, sed ad hominem quendam potius referatur, qui quae in scholis didicerat, memoriae gratiae fuerat in aphorismorum similitudinem chartis mandare solitus, quicquid contra dicat *Io. Nardius* ^t), auctoritatem huius scriptio-

I 2

pro-

^r) In VI. Epid. Comm. III. 14. p. 445. T. IX. ed. Chart.

^s) In Not. ad h. l. p. 33. Sect. IV.

^t) Noët. Genial. I. p. 5. sequ. ubi in h. l. elucubrauit commenta-

propugnaturus. Desideres enim facile argumentorum grauitatem, magnamque sane huic cum reliquis diuini senis monimentis dissensionem intercedere, latebit, puto, neminem. Huc accedit, quod libelli inscriptio argumentis haud satis respondere videtur.

Memoratu digna sunt, *aegros, quorum pedes frigore adusti sunt, calida non fouendos esse, nisi hinc harum partium mortem velis inferre; calidam aquam membrorum laxationem et mollitiem, neruorum debilitatem progenerare, frigidam vero conuulsiones, rigores atque febrim; a consuetudine vitae et usu non temere recedendum esse, ne quid noxae inde subnascatur; frigidae affusionem animi deliquia tollere, aquam marinam ulceribus mederi cet.*

§. XXXIII.

Περὶ Φαρμάκων. *De Purgantibus.*

Ed. Lind. p. 607. T. I. Ed. Chart. p. 460. T. X. Ed. Mercurial. Sect. IV. p. 93.

Eodem, quo is, qui praecessit, laborare videtur vitio. Plurima enim ex aphorismis repetita sunt, eoque praeterea singularis illa doctrina continetur, qua *quatuor humores, bilem et atram bilem, aquam et pituitam purgari* auctor velit, quisquis

mentarium, quo vt ei omnes integritatis notas attribueret, incredibiliter omnem mouit lapidem, at infeliciter tamen. Nam et leuiter omnia attigit, nec pro rei dignitate, et *Galen*i testimonio p. 19. paene abutitur. Immo vero ipse *Nardius* in eam ingredi sententiam videtur, p. 39. hunc librum aut aphorismis deberi, aut ab alio quodam fuisse profectum.

quis demum ille sit, *eaque in re naturam aiat esse consulendam*. At vero huius doctrinae ne vestigium quidem in monumentis vere Hippocraticis reparias, exindeque factum esse puto, vt collectio praeceptorum, quae discipulorum aliquis conscripserat, hicce libellus *Clerico*^{u)} videretur. Nec, quantum equidem video, iniuria. Perlegenti enim eum curatius moles rerum indigesta facile occurret mouebitque stomachum, cum HIPPOCRATIS magni grauitatem dedeceat tam leuiter in re perquam ardua versari.

Ceterum habet hoc singulare, *cauendum esse, ne aegrum idque inconsulto pharmacis iugulasse videamur; medicamenta haec naturae cuiusquam accommodari oportere, nisi saepe velis ea esse irrita; nec in febris accessione propinari, sed lotiones potius in usum vocandas esse cet.*

§. XXXIV.

Περὶ ἰκτερίου, *De Veratri Usu.*

Ed. Lind. p. 610. T. I. Ed. Froben. gr. p. 27. Ed. Mercurial. Sect. IV. p. 78. Ed. Chart. p. 27. T. I. Vers. Cornar. p. 686.

Indignissimus magni HIPPOCRATIS gloria et nomine hic liber est, etsi eius in *Ep. ad Democritum* facta est mentio. Non enim, nisi ex *aphorismis*, *praenotionibus*, *praedictionibus* et libro *περὶ πτισάνης*, quos omnes ipse auctor appellat, et quorum se auctoritate munire voluit, conflatus consarcinatusque videtur. Porro cum libros *πε-*

I 3

ρι

u) Hist. de Medecin. P. I. L. III. 31. p. m. 237.

ῥὶ γυναικείων a se profectos esse audacter profiteatur, paenes lectorem esto iudicium, quanti hic liber habendus sit. Nemo enim veterum medicorum, quorum facile princeps est HIPPOCRATES, tam impudens fuit tamque prae fractae frontis, vt hoc omnia vnde quaque compilandi mutatoque nomine inclarescendi artificium seculo nostro praereptum voluerit.

Attamen haec scriptio *cautionum* quarundam dilectu in veratri usu, quibus et quo tempore dandum videatur, mirifice se commendat. Perbelle enim *Persius* v):

*Helleborum frustra, cum iam aegra cutis tumescit,
Poscentes videas; venienti occurrite morbo.*

§. XXXV.

Περὶ διαίτης ὑγιαίνης. *De Salubri Viçtus Ratione.*

Ed. *Lind.* p. 626. T. I. Ed. *Froben.* gr. p. 25. adiectusque est περὶ φύσιος ἀνδρώπας. Ed. *Mercurial.* Sect. III. p. 366. Ed. *Foëf.* p. 3. Sect. IV. Ed. *Chart.* p. 447. T. VI. Vers. *Cornar.* p. 37.

Varie hunc librum, cuius nec *Erotianus* meminit, inscribi solitum esse apud veteres, ex *Galeno* licet colligere. Modo enim nomine περὶ ὑγιαίνης διαίτης πρὸς τὰς ιδιώτας w), quorum in numero omnes omnino praeter athletas collocandos putauit, modo περὶ ὑγιαίνόντων διαίτης x), modo denique ἐν τῷ διαιτητικῷ ὑγιαίνῳ

v) *Satyr.* III. v. 63.

w) In *L. Nat. Hom. Comm.* I. T. III. ed. *Chart.* idque videtur a primis libelli verbis duxisse originem.

x) In *L. Nat. Hom. Comm.* II. p. 128. T. III. ed. *Chart.*

νῶ y), adferre atque commemorare solet. Quae inscribendi ratio vt apud varios varia est, ita etiam de libelli integritate dubitant plurimi, iique longe doctissimi viri. *Galenus* z) enim, cum in explicandis Hippocrateis monimentis vnice versari videretur, et in hanc scriptionem elucubra- ret commentarium, quam longissime ab HIPPOCRATIS auctoritate abesse iussit, *Polybo*que po- tius attribuendum esse censuit, in quo multos ve- terum et recentiorum consentientes habet, eoque etiam nomine in vulgus olim edi curauit *Albinus Torinus* a). Sed, dici vix potest, quantum hac in re a se inuicem dissentiant scriptores veteres. Nam eidem illi *Galeno* b), qui *Polybo* hanc adsigna- rat scriptionem, ea modo ab *Euryphonte* profecta videtur, qui, si quid video, HIPPOCRATI aut aequalis est, aut saltem paullulum aetate superior, cum eius nomine per ἀντρονομίασιν pro medico vsus sit *Plato* Comicus, modo ad *Phaonta* *Aristo- nem*que refertur, modo *Philistionis* aut *Pherecydis* esse putatur, alii denique *Acroni* acceptam eam ferre non verebantur, quem id genus librum elu- cubrasse *Suidas* c) memoriae prodidit.

I 4

At

y) In L. VI. Aph. I. p. 248. T. IX. ed. *Chart.*

z) In L. Nat. Hom. Comm. II. Praefat. p. 128. T. III. edit. *Chart.* simulque docuit, hunc librum olim, cum *Attalus* et *Ptolomaeus* de comparandis bibliothecis vnice cogita- rent, illi περὶ φύσιος ἀνθρώπου molis augendae gratia fuisse adiectum.

a) Basil. 1544. 4.

b) In L. Viēt. Acut. Comm. I. 17. p. 15. T. XI. ed. *Chart.*

c) V. Ἄνευ.

At vero vel obiter huius libelli argumentum perlegenti satis superque patere censeo, maximam eum partem eidem homini, qui *περὶ διαίτης* scripserat, deberi, cum varia motus genera haustusque vini purioris, quod *ἀκρητέσερον* dicitur, praeprimis commendentur, immo vero, quantum ex *Galeno* ^{e)} licuit coniectando adsequi, aut libri secundi *περὶ διαίτης* particula fuisse olim videtur, aut saltem ei adiectus.

Operae tamen pretium est, si qua praeclaro dicta sint et naturae apposite, ea sibi reddere cognita quasi atque perspecta. Ecquid enim, ut alia omittamus, elegantius illo monito ^{e)}, aut magni probique viri persona dignius: *Ἄνδρα δὲ χρὴ, ὅς ἐστι συνετὸς, λογισάμενον, ὅτι τοῖσιν ἀνθρώποισιν πλείους ἀξιὸν ἐσιν ἢ ὑγίαιη, ἐπίσασθαι ἐκ τῆς ἐωυτῆς γνώμης ἐν τοῖσι νόσοιςιν ὠφελέεσθαι.* *Virum prudentem id secum oportet reputare, sanitatem rem esse pretiosissimam, proindeque scire, ut ex suo ipsius consilio in morbis utilitatem capiat? Porro victus rationem variam in variis adhibendam esse, aliter viro, aliter mulieri viuendum, aliter aestate, aliter vero hieme; motus corporis nec negligendos esse, nec modum debere excedere; balnea et lotiones ad validitatem conseruandam conferre plurimum cet.*

§. XXXVI.

d) Aliment. Facult. I. 2. p. 306. T. VI. ed. *Chart.*

e) L. cit. §. XIV. p. 632. T. I. ed. *Lind.*

§. XXXVI.

Περὶ ἐνυπνίων. De Insomniis.

Ed. *Lind.* p. 633. T. I. Ed. *Froben.* gr. p. 106. Ed. *Mercurial.* Sect. III. p. 496. Ed. *Foëf.* p. 44. Sect. IV. Ed. *Chart.* p. 511. T. VI. Vers. *Cornar.* p. 156.

Libro huic, qui *Foëfio* ^{f)} ob argumenti orationisque similitudinem tanquam illorum *περὶ διαίτης* particula habendus videtur, ea inuri et debet et potest infamiae nota, qua librorum, qui HIPPOCRATIS magni nomine cupiunt delitescere, plurimi, *Clerico* ^{g)} iudice, notandi sunt. Redundat enim, si quis alius, ratiociniorum multitudine, eoque conscriptus est ingenii acumine, quo, nescio, an ullus. Deinde ex recentiorum Platoniorum instituto nihil certi statuitur, animi nostri ἄρδεν dicuntur, ut Platonici loqui solebant, et in primis ea orationis forma usus est *Xenophon* ^{h)}; denique omnia omnino, quae ad somniorum doctrinam aut explicandam, aut illustrandam certe pertinere posse videantur, ex causarum naturalium concentu quasi et conspiratione repetuntur, idque nec vlla dei cuiusdam, ut vulgo fieri solebat, habita ratione. Ex quo conficitur, auctorem huius scriptionis, quisquis demum ille sit, fuisse a superstitionis labe alienissimum, veraeque medicinae studiosissimum, adeoque haec scriptio

I 5

digna

f) In Not. ad h. l. p. 113. Sect. IV.

g) Hist. de Medecin. P. I. L. III. 13. p. 177.

h) Sympos. c. 2. p. 127. ed. *Boerh.*

digna erat, quae *Iul. Caesar. Scaligeri*ⁱ⁾, viri clarissimi, collustraretur eruditione.

Mira enim hoc libro continetur *viētus ratio*: porro *ualitudinem aduersam iusta ciborum detractiōe anteuertendam esse, corpus vero cursibus, deambulationibus et id genus exercitiis firmandum atque sustinendum; sanguinis circuitum augeri et minui; insomnia, si ab humorum redundantia proficiantur, vasa vacuefacienda esse cet.* Deinde in fiderum vicissitudinibus mul-

- i) Amstel. 1658. 12. Elaboratus hic commentarius est magna cum subtilitate eaque argumentorum accuratione, quae ceteris antecelluisse scimus *Iul. Caesar. Scaligerum*, eamque scriptionem legisse nos nunquam poenituit. Praeter alia enim multa praeclare dicta *Apotelesm.* XII. p. 53. sequ. cum in *ἀντίστροφον* sermo incidisset, in eam vagatur disquisitionem, multis abhinc seculis agitatam sic, ut pro aris et focis videretur esse contentio, *utrum iis, qui laterum dolore infestantur, eodem latere, an contrario sanguis detrahendus sit*, et, mirabile dictu! in Arabum recentiorumque medicorum partes, transfugarum more, relictæque HIPPOCRATIS et *Galen*i auctoritate, transendum sibi esse censuit. Sed nec geometrica demonstratio, qua nihil prius existimabat, nihil praestabilius, eo me adducere potuit, ut sanguinis missionem in remotiori parte praeferrere oportere mihi persuaderem. Neminem enim latere posse arbitror, quo propius ab impedimento illo, quod sanguinis in orbem fluxui ex transuerso quasi obiectum videbatur, afueris, eo facilius quoque maiori-que cum commodo aegrorum illud superari et posse, et debere. Conf. *Renat. Moreau De Sanguin. Mission* in *pleuritide* p. 41. ad calc. *Compend. Hist. Medicin.* Io. *Henr. Schulzii*: Quatenus vero et quam diu sanguis in eiusmodi morbis inflammatoriis detrahendus sit, nostri iam non est amplius anquirere. Id vnum scio, nos naturae vestigiis strenue insistentes decies et amplius secasse venam praeclarosque, ubi alii iam animum et hastam abiecerant, euentus magna cum laetitia votis nostris respondisse.

multus est, idque, vt in hac praefagiendi arte fieri solet, non abs re. Denique similiter, vt alias in libris *περὶ διαίτης*, se in ordinanda victus ratione primum fuisse temere profitetur, in quo, nisi me omnia fallunt, ad commenta retulit omnia, ad veritatis leges nihil, adeoque hic liber nec approbatione dignus est.

§. XXXVII.

Υγιεινὸν πρὸς Δημήτριον. De Sanitate Tuenda ad Demetrium.

Ed. Lind. p. 646. T. I. Ed. Froben. gr. p. 523. Ed. Mercurial. Sect. IV. p. 81. Ed. Foëf. p. 23. Sect. VIII. Ed. Chart. p. 30. T. I. Vers. Cornar. p. 688.

Vel obiter has scriptiones, cum *ὕγιεινόν*, tum litteras huius nominis intuenti patebit, quam indignae sint magni HIPPOCRATIS auctoritate atque gloria. Nullius enim *Demetrii* regis, quantum equidem scio, in historia vnquam ante HIPPOCRATEM facta est mentio, omniaque illa, quae ad *anatomē* spectant, rudia sunt, nec adeo magni momenti habenda, aut saltem ex reliquis diuini senis monumentis petita.

Id vnum commemorasse sufficiat, illum, a quo liber profectus est, quis vero ille sit, non curo, duo statuisse morborum genera, alterum *κατὰ γένος*, alterum *κατὰ πάθος*, omnes omnino valitudinis aduersae formas ex capite repetendas censuisse cet. At vero sententiolae, caput omnium omnino morborum sedem esse atque in cucurbitae similitudinem corpori esse impositum, quae cuncta similiter attrahat, sapientiam longe praestare opibus, et si quae id genus sunt aliae, partim diuini senis dedecent grauitatem, partim

partim delicatulo cuidam ex grege sophistarum, vt omnis fere epistolarum cohors, acceptae ferendae sunt, adeoque id genus scriptionum in luxuriantis ingenii commentis videtur esse collocandum.

§. XXXVIII.

De Sanitate Tuenda ad Antiochum Regem.

Ed. Lind. p. 646. T. I.

Hanc scriptionem, quam ad HIPPOCRATEM referre *Marcellus* ^{k)} non veritus est, esse suppositam, quis est, qui non intelligat? Primum enim nulla fuit ratio temporum habita, verborumque crepundiis, mirum, quantum auctor delectatur, quae sane, si quid aliud, indignissima sunt magni HIPPOCRATIS gloria. Deinde desideres inter legendum diuini senis breuitatem, quam, vt lectori eo facilius fucum daret, interpret studio dataque opera neglectam esse prodidit memoriae. Denique multus est temere *in explicanda siderum vi atque virtute, quando et quo modo medicamenta sumenda videantur.* O indignum Hippocratei nomine facinus! Absit igitur quam longissime, tantamque gloriam aucupari desinat.

§. XXXIX.

De Sanitate Tuenda ad Maecenatem.

Ed. Lind. p. 650. T. I.

Libellus hicce, qui similiter ab *Marcello* ^{l)} HIPPOCRATIS esse perhibebatur, multis de caus-

k) L. De Medicament. p. 245. sequ. Coll. Steph.

l) De Medicament. p. 245. sequ. Coll. Steph.

cauffis dedecet Hippocrateam grauitatem, videturque profectus a quodam homine male feriato, qui cum fallere vellet, fallendi artem haud fatis perspectam habebat atque cognitam. Quis enim ille *Maecenas* fit, ad quem datae perhibentur litterae, iuxta cum ignarissimis ignoro. Id vnum scio, HIPPOCRATIS aetate nec *Maecenatem* quendam, nec *Caesarem*, nec *Augustum* in viuis fuisse. Deinde scatet rebus, iisque absurdissimis, omnium brutorum animantium atque hominum naturam calido et frigido, humido et sicco contineri; principes valitudinis aduersae sedes caput atque thoracem, ventrem ac vesicam esse; aduersus omnium aegrotationum corporis impetus duo dari remedia, eaque certissima, quorum alterum est, decimo quouis die a cibo et potu abstinere, alterum uti lotionibus nouoque cibo vires redintegrare; cerebra hominum lunae vicissitudines experiri, atque modo augeri solere, modo minui cet.

Terentius vero ille *Velpistus* et HIPPOCRATEM latuit, et nos latebit perpetuo, cum inane sine dubio nomen sit, et pro lubitu efformatum. *Enelpis* saltem, chirurgus ille medicusque ocularius, cuius *Celsus* ^{m)} meminit, eumque sua aetate maximum fuisse perhibet, nec est, nec esse potest, quicquid contra nuper nobis quis in aurem infusurrare voluerit.

m) De Medicina L. V. 6. p. 352. ed. *Kraus*.

§. XL.

Ἐπιδημιῶν β'.	<i>Morborum Popularium II.</i>
δ'.	<i>IV.</i>
ε'.	<i>V.</i>
ς'.	<i>VI.</i>
ζ'.	<i>VII.</i>

Tantopere in horum librorum pretio statuen-
do cum a se inuicem scriptores et veteres, et re-
centiores discedant atque dissentiant, sane super-
vacuum videbatur prius *Galen* n) hac de re sen-
tentiam atque auctoritatem in medium protulisse,
quam ad singulorum vim ac grauitatem nos accin-
xerimus. En ipsa verba: Ἐπεὶ δ' ἑπτὰ μὲν ἐσιν
ἅπαντα τὰ τῶν ἐπιδημιῶν βιβλία, τέττων δὲ
τὸ μὲν ἑβδομον σαφῶς νόθον εἶναι πᾶσι δοκεῖ,
καὶ νεώτερον διεσκευασμένον. τὸ δὲ πέμπτον ἔ-
τῃ μεγάλῃ Ἱπποκράτης τῇ Ἡρακλείδης υἱέος,
ἀλλὰ τῇ νεώτερος τῇ Δρακόντος. τὸ δὲ δεύτε-
ρον, καὶ τὸ τέταρτον, καὶ τὸ ἕκτον, ἐστὶ μὲν
οἷς τῇ Ἱπποκράτης υἱέος, ἐστὶ δ' οἷς καὶ αὐτῇ
Ἱπποκράτης ἔδοξεν, ἔ μὴν συγγράμματά γε,
ἔδ' ὥς διαδοθῆναι τοῖς Ἕλλησι μέλλοντα, ἀλλ'
ὑπομνήματα εἶναι. τισὶ δὲ οἷπερ καὶ ἀκριβέσε-
ρά μοι δοκῶσι καταμαθεῖν τῶν βιβλίων τὴν δύ-
ναμιν, ὑπὸ μὲν τῇ Θεσσάλῃ γεγραφθῆναι δοκεῖ
τὰ Ε'. δύο δ' εἶναι τῇ μεγάλῃ Ἱπποκράτης,
καὶ ἐπιγεγραφθῆναι γέ πῃ διὰ τῆτο, τὰ ἐκ τῇ
μικρῇ πινακιδίῃ, δηλονότι τῇ Θεσσάλῃ πάν-
τα, ὅσαπερ ὁ πατὴρ αὐτῇ γεγραφῶς ἔτυχεν
ἀθροῖσαι σπευδάντων ἐς ταυτὸν, ὥς μηδὲν
ἀπόλλοιτο. Quoniam vero septem sunt in uniuersum
morbo-

n) L. Difficult. Respir. II. 8. p. 255. T. VII. ed. Chart.

morborum popularium libri, et ex his septimus manifeste spurius esse omnibus videtur, immo et recentior ac interpolatus; quintus vero non magni HIPPOCRATIS, Heraclidæ filii, sed iunioris filii Draconis; secundus vero ac quartus, et sextus ab aliquibus HIPPOCRATIS filii, ab aliis vero ipsius HIPPOCRATIS esse putantur; non tamen opera, neque graecis divulganda, sed commentarii potius esse; quibusdam vero, qui mihi accuratius librorum vim expendisse videntur, a Thessalo conscriptos esse quinque libros coniectura est, duos autem esse magni HIPPOCRATIS, et ob id sane inscriptos esse libros: Ex parua Tabella; Thessalo videlicet omnia, quae pater suus scripserat, in idem coaceruare studente, quo nihil deperiret. Atque iterum °): "Ωσπερ — τὸν αὐτὸν οἶμαι τρόπον ἔχειν καὶ τὰ κατὰ τὸ ΔΕΥΤΕΡΟΝ καὶ τὸ Δ. καὶ τὸ ἕκτον· ὡμολόγηται γάρ ἔν ἤδη καὶ ταῦτα συνθεῖναι Θεσσαλὸν τὸν Ἰπποκράτους υἱὸν, τὰ μὲν αὐτῶ τῶ πατρὸς ἐν διφθέραις τισὶν ἢ δέλτοις εὐρόντα ὑπομνήματα, προθέντα δέ τινα καὶ αὐτὸν ἔκ ὀλίγα. τό γε μὴν ΠΕΜΠΤΟΝ τε καὶ ἙΒΔΟΜΟΝ τῶν ἐπιδημιῶν ἔκ αὐτῶ μοι δοκεῖ τῶς Ἰπποκράτους γνώμης οἰκείας ἀξιῶσαι. κατ' ἐμὴν δὲ γνώμην ἔδὲ τὸ ΤΕΤΑΡΤΟΝ, αἰ καί τισιν ἔδοξε καὶ τῶ ὑπὸ Θεσσαλῶ συντεθεῖναι. Quemadmodum autem — eodem modo, opinor, habent ea, quae in secundo, quarto et sexto habentur. Concedunt enim iam etiam hos Thessalum, HIPPOCRATIS filium, composuisse, tum in parentis membranis quibusdam aut tabulis commentarios

ο) L. Diff. Respir. III. 1. p. 268. T. VII. ed. Chart.

rios natum, tum etiam aliqua, eaque non pauca de suo addentem. At quintum et septimum epidemiorum non videtur mihi quispiam genuina HIPPOCRATIS doctrina dignos censurus, nec ut ego sentio, quartum, quamuis quidam etiam hunc a Thessalo compositum esse putent. Denique et illud p) de horum librorum pretio: Τὰ ἐν διφθέραις, ἢ χάρταις, ἢ δέλτοις ὑφ' Ἱπποκράτει γεγραμμένα, τὸν υἱὸν αὐτοῦ Θεσσαλὸν ἀθροίσαντα φασὶ ταυτὶ τὰ δύο βιβλία συνθεῖναι, τότε ΔΕΥΤΕΡΟΝ καὶ τὸ ἕκτον, ἔνιοι δὲ καὶ τὰ ΤΕΤΑΡΤΟΝ φασι. Quicquid in membranis aut chartis, aut tabulis ab HIPPOCRATE scriptum inuenerat filius eius Thessalus, coaceruasse dicunt omnia, eaque ratione hos duo libros composuisse, secundum puta et sextum, alii autem et quartum dicunt.

Praemissis igitur iis, quae, Galeno iudice, veteres de horum librorum auctoritate statuerant, reliquum est, ut per singulos eamus, et si qua videantur aut prae ceteris commemoranda, aut maiori luce collustranda, addere ea non recusabimus.

I. Ἐπιδημιῶν β'. Morborum Popularium II.

Ed. Lind. p. 684. T. I. Ed. Froben. gr. p. 311. Ed. Mercurial. Sect. I. p. 105. Ed. Foëf. p. 73. Sect. VII. Ed. Chart. p. 118. T. IX. Vers. Cornar. p. 410.

Meminerunt huius libri Erotianus q), Caelius Aurelianus r), Galenus s), et sexcenti alii, et, ut supra

p) Comm. III. in VI. Epid. similiterque in Praefat. h. l.

q) In Praef. Gloss. p. 33. T. I. ed. Chart. et Gloss. voc. σπληνὸς κατ' ἕξιν.

r) Morb. Acut. III. 17. p. 240. ed. Amstel.

s) In Gloss. voc. κατάστημα. σωμαργε, L. Placit. Platon. et

supra ^t) vidimus, ad *Theſſalum* pertinere patrisque pugillaribus acceptus, ferendus eſſe putabatur. Ex ceteris certe Hippocrateis monumentis, in primisque *aphoriſmis*, opimam praedam abſtulit. Quid igitur mirum, ſi hac in ſcriptione praeclara illa et ſummis efferenda laudibus doctrina *de morborum iudicationibus* contineatur ad iuſtas ordinis leges reique naturae appoſite deſcripta? Quid mirum, ſi, quicquid hoc de argumento aliis in locis legeris, huic ſane praefantia ſua longe videatur concedere?

Admiſta tamen huic libello eſt *perridicula illa venarum deſcriptio*, quam alias *περὶ ὀσέων Φύσιος* et *περὶ Φύσιος ἀνδρώπῃς* contineri ſcio, differt vero, vt *Galeno* ^u) videtur, ſic, vt *κοίλη φλέψ* dicatur *ἡπατίτις*, adeoque non veritus eſt hoc veſani cuiuſdam hominis ſomnium reputare, qui cum fallere vellet, rudis ab hac arte fuerit. Neque illa *de anatome* particula, huc referenda videtur,

HIPP. V. 8. p. 201. T. V. ed. *Chart.* L. De Partu Septim. p. 347. T. V. In L. *περὶ τροφῆς* Comm. III. 29. p. 276. T. VI. L. Loc. Affect. IV. 6. p. 459. T. VII.

t) In Epid. III. Comm. II. Fuit vero *Theſſalus*, auctore *Galeno*, Comm. I. in L. Nat. Hom. Praefat. p. 94. T. III. ed. *Chart.* ἀνὴρ θαυμαſίος, et L. III. Epid. Comm. II. init. dicitur ἀκριβῶς ἀκολοθῆσας τῇ γνώμῃ τῆς πατρὸς. Quae ſane, ſi eos libros, quorum auctor eſſe dicitur, ſpeciet, multum a veritate deſlectunt, ſed qua eſt mentis inconstantia *Galenus*, iterum Comm. II. in II. Epid. I. p. 124. T. IX. ob rerum obſcuritatem, brevitatem neglectumque ordinis, nec ad *Theſſalum* hunc libellum pertinere prodidit memoriae, nec πρὸς ἐκδοσιν conſcriptum videri. Cf. L. *Dier. Critic.* II. 4. p. 480. T. VIII. ed. *Chart.*

u) In Nat. Hom. Comm. II. 6. p. 137. T. III. ed. *Chart.*

tur, etsi, quantum ex *Galen* v) colligitur commentario, tunc temporis iam temere Hippocrateis monimentis adfuta est. Quo iure enim hunc locum obtineat, iuxta cum ignarissimis ignoro, adeoque nec dubium est, quin alieno debeatur homini. Nihil enim rationi et consilio dedisse auctor videtur, qui demum cunque ille sit, tumultuariæ vero cuidam rerum aggestioni omnia. Accedit, quod hac in scriptione magna medicamentorum multitudo allegatur, id quod non facile in aliis, iisque integris HIPPOCRATIS magni περὶ ἐπιδημιῶν libris legere me memini, arteriæ vero, venæ, nervi, operose a se inuicem segregantur. Denique multa hic occurrunt loca, quæ denuo in sexto w), vix ac ne vix quidem mutato verbulo, legas necesse est, adeoque ex his omnibus, si quid video, rite conficitur, eum ab *Theffalo* aut quocunque alio esse compilatum, et sine dilectu editum.

II. Ἐπιδημιῶν δ'. *Morborum Popularium. IV.*

Ed. *Lind.* p. 742. T. I. Ed. *Froben.* gr. p. 328. Ed. *Mercurial.* Sect. IV. p. 138. Ed. *Foëf.* p. 208. Sect. VII. Ed. *Chart.* p. 312. T. IX. Version. *Cornar.* p. 434.

Facta fuit huius libri mentio apud *Erotianum* x), *Galenum* y), alios; sed ad diuinum senem,

v) In II. Epid. Comment. II. 1. p. 124. T. IX. ed. *Chart.* At vero L. Placit. *Platon.* et HIPPOCR. VI. 3. p. 187. T. V. ed. *Chart.* non, nisi hic loci et L. περὶ ἀρτηρίων vera venarum doctrina contineri perhibet.

w) Cf. *Galen.* L. Diff. Respir. III. 2. p. 268. sequ. T. VII. ed. *Chart.*

x) In Praefat. Gloss. p. 33. T. I. ed. *Chart.* et Gloss. voc. ἄλυσμόν, ὁμαλῶς.

y) In Gloss. voc. σπόγγοι.

nem, si quis alius, nullo modo pertinere posse videtur, partim quod in morborum enarrationibus et ordinem rerum, et argumenti veritatem desideres, partim quod aphorismi temere, nec naturae accommodatae fuerint conflati. Observationes enim mancae sunt, lubricae quasque obiter factae, orationis vero ea forma est, quam in *secundo* et *sexto* horum librorum adhibitam esse intelleximus. Ex qua re factum esse existimo, ut *Thessalo Galenus* ²⁾ cum attribueret, atque tanquam magni HIPPOCRATIS nomine indignum, reiiciendum arbitraretur. *Hallerus* ²⁾ saltem ob Cynici cuiusdam mentionem, cum haec schola sit multo recentior, similiter virga usus est censoria. Commemoratu dignissimum est, quod in hunc libellum olim commentarios scripserit *Heraclides Tarentinus*, ut *Erotianus* auctor est.

III. Ἐπισημιῶν ἑ. Morborum Popularium. V.

Ed. Lind. p. 766. T. I. Ed. Froben. gr. p. 334. Ed. Mercurial. Sect. I. p. 151. Ed. Foëf. p. 223. Sect. VII. Ed. Chart. p. 332. T. VIII. Vers. Cornar. p. 444.

Commemorarunt hunc librum *Erotianus* ^{aa)}, *Caelius Aurelianus* ^{b)}, *Galenus* ^{c)}, qui eum HIPPOCRATI iuniori vendicare haud dubitavit; At vero recentiori demum aetate *Hieron. Mercurialis* et

K 2

Le-

2) L. Diff. Resp. III. 1. p. 268. T. VII. ed. Chart.

a) Art. Med. Princip. T. II. in Praefat. ad h. l.

aa) L. cit. et Gloss. voc. κλέπτεται ἢ ῥαφή.

b) Morb. Acut. III. 21. p. 259. et Amstel.

c) In Gloss. voc. ἀπεβοάσσειτο, et L. Diff. Resp. II. 8. p. 255. T. VII. ed. Chart.

Lemosius eum ab Hippocrateis monumentis quam longissime abesse iusserunt. Continentur hac scriptione multa praeclare quidem dicta et facta, nec indigna diuini senis auctoritate, at vero eius desiderari cum orationis breuitatem, tum argumentorum ordinem, quis est, qui inter legendum non intelligat? Accedit et illud, quod taediosis fatigat lectorem repetitionibus, arterias a venis rite segregat, id quod Hippocratea aetate nunquam factum esse, nec fieri potuisse, compertum habeo, aphorismis praeterea falsis, lubricis et a naturae via abhorrentibus redundat, et multus denique in purgationum vehementissimarum usu est. Quare equidem satis mirari nequeo, quid sit, quod *Hallerus* ^{d)} iisdem, quibus alios damnauit, tanquam HIPPOCRATIS auctoritate indignissimos, indiciis sibi persuaderi haud passus sit, ut hunc prae ceteris censeret reprobandum.

Sua interim laus atque honos eius auctori debetur, quod mira in describendis *diebus iudicatoriis* usus sit accuratatione, hisque de causis commotus *Galenus* ^{e)} multa exinde exempla censuerit repetenda ad doctrinae huius veritatem confirmandam, in primis vero quod, cum in chirurgia versatus fuisse videatur, proprios errores confiteri non erubuerit, idque, *Celso* ^{f)} iudice, *more magnorum virorum et fiduciam magnarum rerum habentium.*

d) In *Boerh.* Meth. Stud. Med. P. II. p. 8. et Art. Medic. Princip. p. 293. T. II.

e) In L. Dier. Critic. II. et Diff. Respir. II. 8. p. 255. T. VII. sequ. ed. *Chart.*

f) De Medicina L. VIII. 4. p. 515. ed. *Kraus.*

tium. Nam leuia ingenia, quia nihil habent, nihil sibi detrahunt. Magno ingenio multaque nihilominus habituro conuenit etiam simplex veri erroris confessio, praecipueque in eo ministerio, quod utilitatis causa posteris traditur, ne qui decipiantur eadem ratione, qua quis ante deceptus est. Ecquid enim probitate dignius medici persona? Eaque de causa, credo, huius libelli auctorem, quisquis demum ille sit, maximi fecerunt *Plutarchus* g), *Quintilianus* h) aliique perquam multi. Legisse autem eum poenitebit saltem, puto, neminem.

IV. Ἐπιδημιῶν ε'. Morborum Popularium VI.

Ed. Lind. p. 796. T. I. Ed. Froben. gr. p. 343. Ed. Mercurial. Sect. I. p. 166. Ed. Foëf. p. 256. Sect. VII. Ed. Chart. p. 353. T. VIII. Vers. Cornar. p. 455.

Meminere huius libri *Erotianus* i), *Galenus* k), praetereaque loca quaedam exinde sumsit *Stephanus Atheniensis* l). Sed laborat iisdem vitiis, quibus ad ceteros reiiciendos fuimus compulsi. Et si enim hac scriptione multa continentur, eaque nec spernenda, nihil temere adfirmandum in medicina esse, nihil contemnendum, transpirationi et inspirationi omne corpus patere, naturam saepe nume-

K 3

ro

g) De Profect. in Virtut. p. m. 82.

h) Institut. Orat. III. p. 45.

i) L. cit. et Gloss. voc. ὄμματα ἐνδεδημημένα.

k) In Gloss. Voc. ἄνδρα, σύναγμα; L. de Humor. p. 152. T. III. L. Sanit. Tuend. II. 2. p. 67. T. VII. In L. Vict. Salubr. Comm. Text. 31. p. 236. T. VI. L. Loc. Affect. III. 10. p. 439. T. VII. L. Different. Febr. I. 1. p. 107. T. VII. L. De Marcore c. 3. p. 198. T. VII. ed. Chart.

l) Explanat. in Galen. L. I. ad Glaucon. Sect. V. init. p. 1. et Sect. VIII. p. 14.

ro morbis mederi, tempestatum vicissitudines attendendas aetatunque in valitudinis aduersae cura habendam esse rationem, neque victum negligendum cet. tamen plurima, omni posthabito ordine, conscripta sunt, et fere ex aliis HIPPOCRATIS magni monumentis, immo vero ex iis ipsis, qui in popularibus morbis versantur, ad verbum expressa. Porro orationis forma, incredibile, quantum ab ea dissentiat, qua in *Ἐπιδημιῶν α'.* et *γ'.* vsus erat HIPPOCRATES.

Quare etsi in eum *Galenus* olim extitere commentarii, tamen ipse non dubitauit aliorum vestigia sequi, eumque attribuere *Thessalo* ^{m)}, patris aduersaria depraedanti, et prouti placuerat, bonis mala admiscenti, idque cum maxime iis de causis, partim quod a multis non, nisi *primus* et *tertius* horum librorum scripti *πρὸς ἔκδοσιν* putarentur, reliqui vero cuncti aut suppositi, aut saltem consarcinati, partim quod hoc *sexto* multa continerentur quidem doctrina Hippocratea dignissima, multa vero etiam *Thessalus*, nec omni, vt fas erat adhibita cura et attentione, ad lacunas explendas adiecerit. Deinde maximam partem aphorismis, quos forsan leuiter adumbrarat HIPPOCRATES, *Galeno* ⁿ⁾ videtur in acceptis ferendus, et tantum non omnia ex *aphorismis integris, praedictionibus*, cet. repetuntur. Hinc cum nar-

ratio-

m) In VI. Epid. Comm. I. Praef. p. 354. et Comm. II. 15. p. 402. Comm. III. 19. p. 453. T. IX. ed. *Chart.* At vero Method. Medend. VIII. 3. p. 187. T. X. dubitat, HIPPOCRATIS sit, an *Thessali*,

n) L. cit.

rationes aegrorum variae ut hic, ita etiam aliis in locis *Abderis* factae fuisse perhibeantur, usu euenisse crediderim, ut quidam ex sophistarum grege ab HIPPOCRATE philosophum persanatum esse fingerent aliisque imponerent. At vero auctor, qui demum cunque ille sit, viam, qua in curandis febribus usus erat *Herodicus*, aegrosque variis exercitiorum generibus diuexatos iugularat, tanquam improbam et exitialem reicere haud veritus est.

V. Ἐπιδημιῶν ζ. *Morborum Popularium VII.*

Ed. Lind. p. 824. T. I. Ed. Froben. gr. p. 351. Ed. Mercurial. Sect. I. p. 183. Ed. Foëf. p. 302. Sect. VII. Ed. Chart. p. 552. T. IX. Vers. Cornar. p. 467.

Liber hic, si quid video, propter orationis argumentique similitudinem, quam ei cum *secundo* cognouimus intercedere, videtur eidem *Hippocrati* iuniori ferendus in acceptis esse. Laborat enim multis, iisque taediosis repetitionibus, qualis est illa de gibbositate ex *phrenitide* narratiuncula, quam Ἐπιδημιῶν ε'. memini me ad verbum legere. Nihilo tamen secius suis haud destituitur bonis, quae et ad morborum curationes et chirurgiae cognitionem pertinere posse videantur, eaque conscriptus est verborum luxurie, ut rerum multitudine, si Dis placet, fere opprimaris.

§. XLI.

Περὶ νόσων α'.	<i>De Morbis I.</i>
β'.	<i>II.</i>
γ'.	<i>III.</i>
δ'.	<i>IV.</i>

Ed. *Lind.* p. 1. sequ. T. II. Ed. *Froben.* gr. p. 129. sequ. cui adiicitur: πρώτον Ἱπποκράτης γνήσιον ἦ. Ed. *Mercurial.* Sect. III. p. 96. sequ. Ed. *Foëf.* p. 3. sequ. Sect. V. Ed. *Chart.* p. 531. sequ. T. VII. Vers. *Cornar.* p. 180. sequ.

Meminere horum librorum apud veteres non pauci, *Erotianus* ^o), *Caelius Aurelianus* ^p), *Galenus* ^q), qui eos scriptos esse, veluti ὑπομνήματα καὶ ὡς ἐν τύπῳ, non tanquam συγγράμματα, atque modo *Theffalo*, modo *Polybo* attribui auctor est. Sed quemadmodum hoc in rerum lubrico ac inconstantia fieri solet, ut alter alteri repugnet, et modo aiat, modo neget; ita etiam hic accidit. *Erotianus* ^r) enim non, nisi *primum* et *secundum* commemoratu dignissimos censuit, ceterorum ne mentione quidem facta; *Caelius Aurelianus* ^s) *secundi* meminit, et *Galenus* ^t) denique, praeterquam quod *duo magna* et *duo parva* commemorarat, aut *secundum* περὶ νόσων, eumque *minorem* ^u) adduxit, aut etiam *secundum maiorem* ^v),
aut

^o) In Praef. Gloss. p. 33. T. I. ed. *Chart.*

^p) *Morb. Acut.* III. 17. p. 240. ed. *Amstel.*

^q) L. de Humor. p. 153. T. III. ed. *Chart.* et in VI. *Epid.* Comm. I. 29. p. 387. T. IX. *Dioscoridem* librum hunc HIPPOCRATI *Theffali* filio, tribuisse prodidit memoriae.

^r) L. cit.

^s) L. cit.

^t) *Fabric.* B. Gr. L. II. 24. p. 805.

^u) In Gloss. voc. ἀθήρ.

^v) In Gloss. voc. ἀλφίτα, ἀνδίνην δινον, ἀνασρασμένον, ἀορτρων.

aut etiam tantum ἐν τῷ περὶ νύκτων^{w)}). Sed audiamus hac de re *Foësius* ^{x)}): Quinam de morbis minor primus ei dicatur, cum nusquam extent in eo editiones a Galeno in exegesi adductae, ut earum totam descriptionem et doctrinam valde vitiata et corruptam esse multis argumentis mihi persuadeam. Adde, quod etiam multa, quae ab antiquis scriptoribus ex his libris adducuntur, desiderari et nusquam extare videantur, velut quod a Caelio Aureliano de sanguinis missione in sanguinis fluore ex libro de morbis adfertur c. 13. L. II. Tard. Pass. et quod Galenus initio commentarii I. in *Prorrh.* τυφλίην ex libris HIPPOCRATIS de morbis citat, cum ne ulla quidem eius affectionis mentio extet; ibique de ea altum sit silentium.

Quicquid igitur sit, libros hos ab HIPPOCRATE magno profectos esse multis de causis nego atque pernego, partim quod veteres aeque ac recentiores scriptores maximam partem in suppositorum numero habendam existimarunt, quorum facile princeps *Caelius Aurelianus* ^{y)} est, partim quod Hippocratea doctrina hic desideratur ac lucidus ordo. Huc accedit subtilitas orationis et magna ratiociniorum cohors. Quare in eam sen-

K 5 ten-

w) In II. Epid. Comm. III. 21. p. 170. T. IX. ed. *Chart.*

x) In h. I. p. 258. Sect. V.

y) Morb. Acut. II. 6. p. 84. ed. Amstel. negat. HIPPOCRATEM phrenitidis curationem dedisse, quem tamen περὶ νύκτων γ'. §. 9. p. 101. T. II. ed. *Lind.* legimus. Similiter de *lethargo*, qui nihilo secius L. II. §. 63. p. 87. occurrit Cf. Morb. Acut. III. 4. p. 191. et III. 17. p. 240. ubi *Caelius* ipsum librum secundum allegat. Attamen si dicendum, quod res est, haec loca aut libro III. editiones nostrae insinuatam habent, aut penitus abesse videntur.

tentiam ingressus videtur *Foësius* ²⁾, vt hos omnino omnes libros eidem, cui ille *περὶ γυναικείων*, eique simul Cnidio medico deberi sibi persuaderet, qui morbos ex nominum diuersitate et accidentibus distinguat, idque in Cnidiis reprehendat *HIPPOCRATES*. Sed haec haecenus. Eamus per singulos.

Libro igitur primo, vt vulgo nominatur, et *Galenus* ^{a)} ipse fecerat, at denuo perperam sic dici, nec nisi praefationem esse, librum ipsum autem incipere a verbis: *Καὶ ἐρωτώμενος ἀποκρίνεσθαι*, auctor est, omnes omnino morborum caussae ex pituita et bile repetuntur; quarto vero libro ex sanguine, bile, pituita et aqua, quorum omnium fons et scaturigo esset ventriculus. En auctoris inconstantiam summam, aut si mauis, diuersitatem! Qua ex re factum esse existimo, vt multi, quorum in numero *Foësius* ^{b)} est, tollendae tantae difficultatis gratia ultimum hunc de morbis librum ad *Polybum*, quem si nihil certi sit, quod dici possit, tanquam deum ex machina, aduocant, referre haud dubitarent. *Secundi libri* primordia his verbis fecit *Galenus* ^{c)}: *Ὁν ᾔεταί πολλόν*, eiusque auctorem *Thessalum* ex *Dioscoridis* sententia. Sed vt saepius dixi, sibi non constat, eumque haud raro nomine *μείζονος περὶ νόσων* allegat. *Tertius* vero ei fuisse videtur, *secundus minor*, et *Caelio* ^{d)} *Aureliano* similiter *secundus*. De quarto cum iam, quae

2) In Not. ad h. l. p. 258. Sect. V.

a) In *περὶ ἁγῶν* Comment. III.

b) In Not. ad h. l. p. 275. Sect. V.

c) In VI. Epid. Comm. I. 18.

d) *Morb. Acut.* III. 4. p. 191. ed. Amstel. III. 17. p. 240.

quae sentiam, dixerim, non est, quod multus sim. Id vnum adduxisse sufficiat, omnia ad ratiociniorum subtilitatem referri enunciationesque precarias.

Ad Cnidiorum vero medicum aliquem hos libros referri et posse, et debere, recte, vt mihi videtur, *Hallerus* ^{e)} ait. Is enim, qui *περὶ νόσων* quaedam conscripserat, illos *περὶ γυναικείων* libros a se elucubratos esse profitetur, quos Cnidiis deberi nullus sane dubito. Deinde morborum notiones tam vagae sunt et ex arbitrio efformatae, vt nec accuratiōni in obseruando Hippocraticae fatis respondeant, nec a natura propius abhorreant. Tandem nimius auctor in temerario ridiculoque remediorum vsu est, qualis *sanguinis in lingua detractio ad morbum regium auferendum, flores aeris, argenti* cet. formasque valitudinis aduersae, dici vix potest, quam operose ac temere augendas esse adfirmavit, idque praesertim apud Cnidios vsu venisse *Galenus* ^{f)} memoriae prodidit. Accidit id quoque nostra aetate cum *Nietzkio* ^{g)},
tum

e) In *Boerh. Method. Stud. Med. P. II. p. 9. et Princip. Art. Medic. p. 1. T. III.*

f) In *L. de Aliment. Comm. III. 34. p. 282. T. VI. ed. Chart.*

g) In *Element. Pathologiae, Hal. 1766. 8. ibique prae ceteris ridendus furor poëticus §. 375. L. I c. 6, p. 130. est, qui si morbus est, quid tandem sit, nescire me profiteor. At furor uteri morbus est. Recte, nam phantasiae laesae multa, eaque grauissima corporis mala adiuncta sunt, quae non, nisi magna adhibita cura tollere possis. Sed in furore poëtico vix ac ne vix quidem phantasia videtur ad tempus neque semper perturbari posse, visque eius facile evanescere, immo vero, dum poëta canit:*

tum prae ceteris *Francisco Boissier de Sauvages* ^{h)}), Gallo medico haud contemnendo, qui herbarum studio ductus ad genera et species refert omnia, ad naturae viam nihil, eodemque, quo vetus hic auctor, fere modo febribus crepat symptomatiscis. Quid enim stultius dici, quid absurdius cogitari potest, quam *pulmo densus et plenus, febris singultiens, febris interficiens, morbus, qui ἀνάντη dicitur, morbus ructuosus, pituitosus, liuidus, niger, Φροντῖς*, quam valitudinis aduersae formam censuit *difficilem, innumera doloris laterum cohors, πλευρίτις ἀπτυσος, πλευρίτιδες ξηραί, πλευρίτις ἐν νότῳ, πλευρίτις αἱματώδης*, et sexcenta alia, quae afferre nec lubet, nec fas est? Odi enim et arceo profanum medicorum vulgus, qui naturae viis insistere recusant, et in morborum causis hospites atque peregrini, in remediorum formulis aniliter docti et paene toti sunt, atque in votis id vnum est, ut tantum non semper in simillimos *Aristoteli* viros incidant, quorum non est nomen morbi nosse, sed causas, earumque inuestigationem solum medicum facere habent cognitum atque persuasum.

Continentur vero his libris curationes morborum non adeo ab natura abhorrentes, simulque confutatio veteris illius doctrinae, quam apud *Platonem*

Est Deus in nobis, agitante calescimus illo,
haud raro et loquitur et sentit, ut ex plebe infimus quisque.

h) In Nosologia Medica.

tonem ⁱ⁾), *Plutarchum* ^{k)}), *A. Gellium* ^{l)}), *Macro-
bium* ^{m)}) multosque praeterea alios legere me me-
mini, potum per asperam arteriam descendere, et ni-
hilo secius eandem illam doctrinam alias *περὶ τῶν
ἐντὸς παθῶν, περὶ καρδίας, περὶ ὀστέων φύ-
σιος*, tanquam veram suisque fundamentis intel-
leximus esse stabilitam. Deinde aetatis nostrae
medicis viam quasi muniisse videtur is, qui hos
libros conscripserat, ad explicandos secretionum mo-
dos, cum in iis segregandis et ad vasorum vim at-
que virtutem, et ad humorum indolem animum
doceat esse applicandum. Denique admirabilem
lactis equini apud Scythas parandi rationem feliciter
descripsit. Sed liceat nobis id vnum adiecisse,
tanquam commemoratu dignissimum, *Sylphium* ⁿ⁾)
nec in Ionia, nec in Peloponeso vnquam proger-
minasse, quicquid operae fuerit impendi soli-
tum, cum contra eadem illa planta in Lybia sua
sponte magnaue copia laete succresceret. In
Auctoris vero hac de re sententiam quo minus pe-
dibus ire possimus, multis de causis prohibe-
mur.

i) In *Timaeo*.

k) *Sympos. VII. 1.* — vbi huius doctrinae dux et auctor
perhibetur esse HIPPOCRATES.

l) *Noct. Attic. XVII. 12. p. 247. ed. Aldin.*

m) *Saturnal. VII. 15. p. m. 558.*

n) *L. περὶ ὀστέων IV. §. 4. p. 122. T. II. ed. Lind.*

§. XLII.

Περὶ παθῶν. *De Affectionibus.*

Ed. *Lind.* p. 161. T. II. Ed. *Froben.* gr. p. 179. sed adiicitur: Τῷτο δὲ ὁ Γαληνὸς τῷ Πολύβῳ λέγει εἶναι: Ed. *Mercurial.* Sect. III. p. 35. Ed. *Foëf.* p. 75. Sect. V. Ed. *Chart.* p. 619. T. VII. Vers. *Cornar.* p. 245.

Meminit huius libri *Galenus* ^{o)}, idque nomine *μεϊζονος περὶ παθῶν* ^{p)}, cuius initium a verbis: Ἦν τῷ πνεύμονος αἱ ἀρτηρίαι fiat; At in editionibus nostris sic ille περὶ τῶν ἐντὸς παθῶν, exorditur, quem alii περὶ ἐμπύων inscriberent. Est vero hicce liber, mirum, quantum ad doctrinae Hippocraticae similitudinem elaboratus, eamque auctor adhibuit orationis breuitatem, qua HIPPOCRATI videtur nihil prius fuisse, nihil magis consentaneum, immo vero adeo sese abdicauit ratiociniorum blanditiis, ut iure suo magno huic viro comparandus et adsignandus videatur, nisi et indignum HIPPOCRATE veteres iudicassent, et a *Polybo*, ut memoriae *Galenus* ^{q)} prodidit, profectum, cuius nomine etiam in vulgus olim edidit *Albanus Torinus* ^{r)}. Deinde versatur praeclare in euentis morborum obseruandis, magnam habet victus rationem, eiusque vtilitatem perbelle demonstrat, et Hippocrateo more curationes addere negligit.

At vero in eorum librorum similitudinem, quos diuini senis gloria et auctoritate censuimus indi-

^{o)} In Gloss. voc. Τελῶν.

^{p)} In L. VI. Aph. 27. Comm. VI. p. 263. P. II. T. IX. ed. *Chart.*

^{q)} In L. Vict. Acut. Comm. II. 38. p. 63. T. XI. ed. *Chart.*

^{r)} Basil. 1544. 4.

indignissimos, omnes omnino valitudinis aduersae causas ex bile pituitaque repetendas existimauit is, a quo liber profectus est, librum *περὶ Φαρμακίτιδος* et *περὶ Φαρμάκων* allegat, quem scimus esse suppositum, aut si velis a Schulzii stare partibus, qui quadam veri similitudine commotus librum *περὶ ὕψων δ'*, hic intelligendum esse arbitratus est, per me quidem liceat. Id saltem meminisse placet, non, nisi hoc loco eius factam mentionem fuisse, Galenoque auctore, vt suo iam tempore monuit Dan. Clericus *), ea seorsim remediorum pertractandorum ratio plane ab istorum temporum abhorret consuetudine, neque, cum *liber secundus morborum populariter grassantium* similiter in suppositorum numero habendus sit, approbationis aliquid de singulari HIPPOCRATIS hac in re scientia videatur adferri commemorarique posse.

Praecipua scituque digna sunt, *qualitates viresque alimentorum; caussarum brevis nec absona explicatio; a pharmacis, si morbus iam inueterarit, abstinendum esse; ne quid accadat in dentium dolore, modo iam erosi sint, praestare eos eximere; in inflammationibus pectoris, lateris, cerebri et ardente febre vocandas in subsidium esse lotiones, potiones acidas; in morbos acutos haud raro febres mutari, nec si mali magnitudine victus aeger pereat, medicum accusandum esse; a viscerum labe aquam nasci intercutem, ab humorum vero vitiis omnia ea mala, quae cutim deturpare solent; cet.*

§. XLIII.

s) Hist. de Medec. P. I. L. III. 24. p. 205. sequ.

§. XLIII.

Περὶ τῶν ἐντὸς παθῶν. *De Internis Affectionibus.*

Ed. *Lind.* p. 196. T. II. Ed. *Froben.* gr. p. 189. Ed. *Mercurial.* Sect. III. p. 35. Ed. *Foëf.* p. 91. Sect. V. Ed. *Chart.* p. 638. T. VII. Vers. *Cornar.* p. 258.

Prostant apud veteres multi huius nominis libri, videturque haec nostra scriptio *Galeno* ^{t)} inscribi *περὶ ἐμπύων*. Sed, ut solet, sibi non constat, et huc illuc fertur. Hunc vero libellum, quem *Euryphontis* esse *Foësius* ^{u)} auguratur, medico ex schola Cnidia progresso attribuere non veritus est *Jo. Henr. Schulzius* ^{v)}, idque iis de causis commotus, quod nimium ubique morborum ex symptomatis effingendorum pruritum persentisceret. Erant enim, ut *Galenus* ^{w)} memoriae prodidit, Cnidiis bilis morbi septem, vesicae duodecim, femoris duo, pedis quinque, difficultatis urinae quatuor, tetani tres, faucium inflammationes, quas *κυνάγχας* dicunt, multas, quatuor morbi regii formae, quinque splenis, tres tabis, quatuor renes infestantis, et id genus intestinorum morbi perquam multi, quos omnes enumerare nec lubet, nec licet, et, si cuius haec scire intersit, hoc libro satis superque descriptos legat. Cnidii enim medici cum symptomatum singulorum ab iis, quibus natura morbi conti-

t) In L. VI. Aph. 27. Comm. p. 263. P. II. T. IX. et in L. de Artic. Comment. II.

u) In Not. ad h. l. p. 282. Sect. V.

v) Compend. Hist. Medicin. L. I. 9. §. 133. p. 61. Cf. Hist. Medicin. Per. I. Sect. III. c. 4. §. 28. p. 267.

w) In L. de Aliment. Comm. III. 34. p. 282. T. VI. ed. *Chart.* et in L. Viét. Acut. Comm. I. 7. p. 5. T. XI. Cf. *Clerc.* Hist. de Medecin. P. I. L. III. II. p. 173.

continetur, rite segregandorum artem prorsus ignorarent, factum est, vt incredibiliter augeretur morborum multitudo, idque temere, neque naturae apposite. Quis enim nostrum vnquam in integris HIPPOCRATIS magni libris legerit illum morbum, qui hic *παχὺ νόσημα* dicitur? Quis innumeras eius formas, cui *τύφος* nomen est? Quis illam *pituitae* ferat, distributionem, vt sit et *ἐπιδήμιος* et *νεώτατος*?

Redundat praeterea rebus absurdis, ex *pluuiæ* odore homines morbo corripì, ad quandam *tabis* speciem profligandam *carnes suillas* valere plurimum, *nocere porcinas* x) cet. Quare cum huic scriptioni mira cum libro *περὶ νόσων γ'* intercedat similitudo et orationis, et argumenti, iure nostro videmur eas aut ad vnum eundemque auctorem referre posse, aut saltem alicui attribuere, iisdem scholae Cnidiae praeceptis imbuto. Huc accedit, quod *acrium medicamentorum* vsum Cnidiis proprium et quasi natium esse *Galenus* litteris reliquit consignatum, quorum facile princeps illud est *ex floribus aeris cypri, cneorum, granum cnidium, hippophaes succus* cet.

Est tamen, cur paucis eum censeam lectu commemoratuque dignissimum. *Aquam* enim *intercutem*, ex *pulmonum tuberculis* oriundam auctor, qui demum cunque ille sit, demonstraturus ex-

em-

x) Hanc diuersitatem *carnis suillae et porcinae* a veteribus obseruatam si cuius scire intersit, *Jo. Langium* L. I. Ep. 61. p. 293. adiisse, puto, haud poenitebit.

emplis iis existimavit confirmandum, quae in *boum caniumque pulmonibus* repererat, eaque cuncta sagaciter.

§. XLIV.

Περὶ ἱερῆς νόσου. *De Morbo Sacro.*

Ed. *Lind.* p. 324. T. II. Ed. *Froben.* gr. p. 122. cui statim subiicitur: Ὁ γνησίῃς Ἱπποκράτης, ἀξιολόγῃς δὲ ἀνδρὺς φησὶ ὁ Γαληνὸς, καὶ κατὰ τὴν ἑρμηνείαν, καὶ κατὰ τὴν διάνοιαν. Ἱπποκράτης δὲ ἄδὲν ἐν αὐτῷ, ἔτε κατὰ τὸν τρόπον τῆς ἑρμηνείας, ἔτε κατὰ τὸ τῆς διανοίας ἀκριβὲς. Ed. *Mercurial.* Sect. III. p. 344. Ed. *Foëf.* p. 84. Sect. III. Ed. *Chart.* p. 475. T. X. Vers. *Cornar.* p. 172.

Librum hunc, cuius inter Hippocrateos meminere *Erotianus* ^{xx}), *Caelius Aurelianus* ^y), qui eum *de epilepsia* putavit inscribendum, atque similiter *Galenus* ^z), ad HIPPOCRATEM nullo modo pertinere posse, vel ex eo colligas, quod ubique cum orationis Hippocrateae breuitas desideretur, et adhibita sit oratio fusa et Asiatica, tum ex ratiociniorum subtilitate vehementer laborare videatur.

Admirabilis tamen auctoris, quisquis ille sit, laus est atque honos, qui a superstitionis vanitate alienissimus nihil morborum ad deum quendam referendum, sed omnia ex corporis structura iisque, quae ei extrinsecus accidunt, repetenda censuit, comparandis cum cerebro humano brutis animantibus, et cum maxime ouium et caprarum cerebris. En optimum *anatomes practicae* apud veteres

xx) In Praef. Gloss. p. 33. T. I. ed. *Chart.*

y) Morb. Diurn. I. 4. p. 219. ed. Amstel.

z) In Prognott. Comm. I. 4. p. 588. T. VIII. et in VI. Epid. Comment. VI. 7. p. 559. T. IX. ed. *Chart.*

teres argumentum! Ecquid enim hac sententia ^{a)} praestabilius aut viri probi persona dignius: 'Ου μέντοι ἔγωγε ἀξιῶ ὑπὸ θεῶ ἀνθρώπου σῶμα μιάνεσθαι, τὸ ὑποκηρότατον ὑπὸ τῶ ἀγνοτάτῃ. ἀλλὰ κῆν τυγχάνη ὑπὸ ἐτέρου μεμιασμένον ἢ τι πεπονθὸς, ἐθέλοι ἂν ὑπὸ τῶ θεῶ καθάρσεσθαι καὶ ἀγνίσεσθαι μᾶλλον, ἢ μιάνεσθαι. τὰ γὰρ μέγιστα τῶν ἀμαρτημάτων καὶ ἀνοσιώτατα τὸ θεῖόν ἐστι τὸ καθάρειν καὶ ἀγνίσειν, καὶ ἔρυσθαι γενόμενον ἡμῖν — Neque tamen ego puto, hominis corpus a deo inquinari, sordidissimum scilicet a purissimo. Verum etiamsi contingat ab alio inquinari aut quid perpeti, cupierit utique a deo purgari ac purificari magis, quam inquinari. Deus itaque est, qui maxima ac sceleratissima peccata purgat ac purificat, et liberatio nostra existit — Ex quo conficitur, eum, qui librum hunc conscripserat, deum morborum auctorem ex plebis more accusare turpissimum iudicasse, nec nisi impostoribus dignissimum.

Monuit praeterea, *septum transversum*, quod graeci *Φρένας* ^{b)} appellant, quasi ibi sedes prudentiae esset collocata, nomine illo videri prorsus indignum. Denique continetur hoc libro anatomes scientia haud contemnenda, *cerebrum hominis duplex esse mediaque membrana diuisum; vasa per omnem corporis compagem deduci; venas temporum pone aures in internum externumque ramum diuasicari; morbum sacrum non, nisi pituita laborantes inuadere; capris hoc malo affectis, si cultro subiiciantur, cerebrum esse hu-*

midum

L 2

a) §. IV. p. 329. T. II. ed. Lind.

b) §. XVIII. p. 343. T. II. ed. Lind.

midum et aqua foetida refertissimum; ab austro vinum et liquores, quicunque vasis contineantur, mutari, venasque corporis quasi laxari; omnes omnino animi perturbationes et iucundas et aduersas e cerebro esse repetendas, immo vero insaniam ipsam; sedem sapientiae esse cerebrum, reliquosque sensus pro instrumentis habendos, quorum ministerio cuncta peragantur cet.

Quibus tam praeclare peractis, libellum sic auctori, qui certe HIPPOCRATE longe recentior est, finire ^{c)} placuit, medicosque commonefacere, quorum est ut in omnibus valitudinis aduersae formis, ita in hac prae primis ad causarum inuestigationem se componere: Τῷτο ἔν δει τὸν ἰητρὸν ἐπίσασθαι, καὶ τὸν καιρὸν διαγινώσκειν ἐκάσθ, ὡς ἂν τὸ μὲν ἀποδῶ τῇ τροφῇ καὶ αὐξήσῃ, τὸ δὲ ἀφαιρέσῃ καὶ μειώσῃ. Χρὴ δὲ καὶ ἐν ταύτῃ τῇ νόσῳ καὶ ἐν τῇσιν ἄλλῃσιν ἀπάσῃσι μὴ αὐξάνειν τὰ νοσήματα, ἀλλὰ σπεύδειν τρύχειν προσφέροντας τῇ νόσῳ τὸ πολεμιώτατον ἐκάσῃ, καὶ μὴ τὸ φίλον καὶ σύννηδες —
Hoc itaque medicum nosse oportet et temporis occasionem in singulis pernoscere, quod alterum quidem per alimentum absoluet et augebit, alterum vero detrahet et minuet. Oportet autem tum in hoc morbo, tum in reliquis omnibus non augere morbos, sed festinare, ut ipsos exteramus, id, quod aduersissimum est morbo, exhibendo, non quod amicum et familiare —

c) §. cit. p. 344. T. II. ed. Lind.

§. XLV.

Περὶ μανίης. *De Insania.*

Ed. Lind. p. 345. T. II. Ed. Froben. gr. p. 535. Ed. Mercurial. Sect. IV. p. 77. Ed. Foëf. p. 19. Sect. VIII. Ed. Chart. p. 26. T. I. Vers. Cornar. p. 685.

Scriptiōnem hanc cuius non, nisi litterae HIPPOCRATIS ^{d)} ad *Damagetum* meminerunt, nec esse HIPPOCRATIS, nec esse posse, vel ex eo colligas, quod eius auctor se *de morbo sacro* quaedam conscripisse, audacter adfirmet, nec non Ἐπιδημιῶν ε'. appellet. Qui cum doctorum hominum iudicio diu iam in suppositorum numero habiti sint, (desideres enim facile doctrinam Hippocraticam) hunc etiam auctoritate sua cadere necesse est. Eadem enim, quam in libro περὶ νόσων α'. vidimus adhibitam, ratione morborum causas atque originem a bile pituitaque censuit repetendas, adeoque prouti eorum alteri valitudo debeat aduersa, eo grauius mitiusue ingrauescere. Voces ex libro περὶ ἰεργῆς νόσος repetuntur haud paucae, atque prae ceteris haec commemoranda sunt, corruptionem cerebri a bile ac pituita esse repetendam, quorum prior melancholiam inferat ferocientem, posterior placidam; ad insaniam tollendam facere sanguinis detractionem, haustus aquae, aqua mulsa, veratri pocula cet.

d) p. 916. sequ. T. II. ed. Lind.

§. XLVI.

Περὶ αἱμορροΐδων. *De Haemorrhoidibus.*

Ed. *Lind.* p. 347. T. II. Ed. *Froben.* gr. p. 520. Ed. *Mercurial.* Sect. III. p. 358. Ed. *Foëf.* p. 168. Sect. VI. Ed. *Chart.* p. 147. T. XII. Version. *Cornar.* p. 667.

Meminerunt huius libelli *Erotianus* ^{e)} atque *Galenus* ^{f)} fuitque olim illi *περὶ συρίγγων* adiunctus, vt apud *Erotianum* vidimus, sed nullo tamen iure *HIPPOCRATIS* magni gloria dignus, etsi hac in re aliter sentiat *Foësius* ^{g)}, eumque ob *argumenta et tractationis connexionem, Erotiani et Galeni testimonia exinde petita* cet. ab *HIPPOCRATE* profectum esse perhibeat. Repugnat enim, ab orationis forma si discessero, reliquis diuini senis placitis, qui cum in aphorismis ^{h)} quaecunque sanguinis profluvia omnibus iis praelata velit, quae per ani vasa proiici soleant, aut saltem non, nisi vnā profluere cupiat, id quod, *Paullo* ⁱ⁾ iudice, praeceptum erat *HIPPOCRATI*, etsi plane dissentire videatur *Aëtius* ^{k)}; hoc in libro omnes omnino extirpare atque persanare iubemur. Accedit et illud, quod *flores aeris, argenti spuma, aerugo, chal-*

e) In Praefat. Gloss. p. 33. T. I. ed. *Chart.* et Gloss. voc. *θαμνός*.

f) In Gloss. voc. *πήγναι*. Cf. *Fabric.* B. Gr. L. II. 24. p. 799.

g) In Not. ad h. l. p. 168. Sect. VI.

h) Sic iusserat *HIPPOCRATES* Aph. 12. Sect. VI. p. 99. T. I. ed. *Lind.* Interim vehementer dubito, fore, vt quisquam per *αἱμορροΐδας* magno huic viro semper intelligi argumentis idoneis doceat illud *sanguinis profluvium, quod ex intestinis nascitur*. Promiscue enim hac voce quaecunque sanguinis profusionem exprimit.

i) L. VI. 79. p. 586. Coll. *Steph.* et ed. *Basil.* gr. p. 207.

k) *Tetrabibl.* IV. Serm. II. 5. p. 688.

chalcitis, alumen aegyptiacum, incredibiliter commendantur, quorum vsum scimus apud Cnidios fuisse longe frequentissimum. Denique omnes morborum causae a bile et pituita repetuntur.

Neque tamen sua destituitur utilitate, *haemorrhoidum causam principem ex sanguinis mora et quiete repetendam esse, locumque in venis interanei obtinere; signa, quibus cognosci possint, recte attendi oportere, eaque sunt apposite ad naturam, lotiones hoc in morbo magnae utilitatis esse cet.*

§. XLVII.

Περὶ ὀφθαλμοῦ. *De Visu.*

Ed. *Lind.* p. 351. T. II. Ed. *Froben.* gr. p. 521. Ed. *Mercurial.* Sect. IV. p. 56. Ed. *Foëf.* p. 256. Sect. V. Vers. *Cornar.* p. 669.

Libellus hicce ad illius *περὶ παθῶν* similitudinem elucubratus videtur, cum ibidem auctor se de oculorum morbis seorsim acturum esse profitetur. Qui tamen an idem sit, vehementer dubito. Id vnum certo scio, eum in illorum collocandum esse numero, quos tuto magni HIPPOCRATIS gloria delitescere posse negauimus. Manifesta enim falsitatis indicia, quae diuino seni deberi nullo modo possint, vel me non monente lectoribus occurrant necesse est, omnesque notiones morborum, quibus oculi solent infestari, vagae sunt, neque naturae satis respondent. Quare si famosam illam exceperis *oculorum scarificationem* ^{kk}), rem sane peregregiam et seculi nostri

L 4

lau-

kk) Huius auctor atque inuentrix capra dicitur *Plin. Hist. Nat. VIII. 50. et Aelian. Hist. Anim. VII. 14. Cf. Tril. leri*

laudibus, in primis vero *Woolthousii* et *Platneri* optimi studiis dignissimam, non adeo magni haec scriptio habenda videtur.

Hinc nullus dubito, quin a medico quodam, qui in vitiis oculorum persanandis vnice versabatur, eoque Alexandrino quos passim *Galenus* hac de re appellat, conscripta sit. Scimus enim, auctore *Herodoto* ¹⁾, apud Aegyptios morbis singulis singulos medicos praefuisse: Ἡ δὲ ἰητρικὴ κατὰ τὰςδε σφὶ δέδασα. μίης νῆσθ ἕκασος ἰητροῦ ἐστὶ, καὶ ἡ πλειόνων. πάντα δ' ἰητρῶν ἐστὶ πλέα. οἱ μὲν γὰρ ὀφθαλμῶν ἰητροὶ κατεσεάσι, οἱ δὲ κεφαλῆς, οἱ δὲ ὀδόντων, οἱ δὲ κατὰ νηδὺν, οἱ δὲ ἀφανέων νῆσθων. *Medicina apud eos sic distributa est, ut morborum singulorum singuli sint medici, neque plurium. Sunt autem omnia medicis refertissima. Alii enim oculorum medici sunt, alii capitis, alii dentium, alii alui reliquarumque partium, alii denique occultorum morborum. Quae res cum suis haud destitueretur commodis, et quo quis maiorem operam et studium in quadam artis parte posuerat, eo plus ceteris antecelleret, qui omnem medicinae ambitum emetiri cupiebant; factum est, ut sensim pedetentimque haec consuetudo ad alias transfret nationes, miraue se commendaret utilitate. Meminerunt enim id genus medicorum Celsus ^{m)}, Mar-*

leri Progr. de scarificationis oculorum historia, antiquitate et origine, Vitemb. 1754.

- 1) In *Euterpe* et *Thalia* init. meminit medici ocularii, qui omnium, quotquot in Aegypto erant, ab *Amasi* iudicatus esset praestantissimus. Cf. *Homer. Odys. δ. 231.* — ubi omnes omnino Aegyptii medici esse perhibentur.

m) *De Medicina* L. V. 6. p. 352. ed. *Krausf.*

Martialis ⁿ⁾, *Galenus*, multique praeter hos alii. At vero *M. Tullius Cicero* ^{o)}: *An tu existimas*, inquit, *cum esset HIPPOCRATES ille Cous, fuisse tum alios medicos, qui morbis, alios, qui vulneribus, alios, qui oculis mederentur. Scio equidem haec omnia, et summi huius viri auctoritate commotus, si vel quaeuis alia me deficerent, hanc περὶ ὀφθάλμου opellam reiiciendam existimarem.*

Praecipua, quae commemoratu videntur digna, sunt, in variis oculorum vitiis sanguinem esse detrahendum; ulcera ad depulsandam humorum prauitatem inuri oportere; oculumque radi, donec nihil sanguinis puri profluat; scarificationem occipitis corporisque purgationes haud negligendas esse cet.

L 5

§. XLVIII.

n) L. VIII. Epigr. 74. et L. X. Epigr. 56. vbi varii variorum morborum medici adferuntur. Cf. L. XI. Epigr. 85. unde suo tempore *medicos oculosarios* Romae fuisse patet, idque deinde magis magisque vsu euenit. Id tamen addere nobis liceat, id genus medicos tantum non semper fuisse empiricos, qui quae longo vsu et experientia didicerant, ea interdum magna cum felicitate exercebant, interdum magno cum aegrorum damno, adeoque medicis vere Hippocraticis et viris probis erant prae ceteris exosi. Hinc ap. HIPPOCR. Iusiur. §. 2. p. 43. T. I. ed. Lind. ἐργάται dicuntur, qui in *calculo secando*, versabantur, id quod Pollux Onomast. I. Sect. I. 5. per χειρτέχνας, et Hesych. Lexic. p. 372. ed. Schrevel. per ἐργασίης et μιδωτής exprimit. Huc accedit, quod Plato L. de Legib. IV. ad fin. vt supra iam monuimus, *duo medicorum genera* describit, alterum *seruorum*, alterum *ingenuorum*. Locum ipsum integrum legisse poenitebit, puto, neminem, exindeque facile colligi posse censeo, quare id genus medici operarii omnia experientiae accepta ferenda clamitarent, rationi nihil concederent.

o) De Orator. III. 33.

§. XLVIII.

Περὶ παρθενίων. *De Virginum Morbis.*

Ed. Lind. p. 355. T. II. Ed. Froben. gr. p. 213. Ed. Mercurial. Sect. III. p. 343. Ed. Foëf. p. 124. Sect. V. Ed. Chart. p. 679. T. VII. Versf. Cornar. p. 286.

Nulla huius scriptionis apud veteres facta est mentio, videturque *Foëfio* P) particula manca esse, ex reliquis *περὶ γυναικείων* libris maximam partem excerpta, adeoque ab magni HIPPOCRATIS auctoritate vel maxime aliena. Equidem, si dicendum, quod sentio, hunc libellum homini eidem, a quo ille *περὶ ἱερῆς νόσος* profectus est, attribuere haud dubitarem. Suadent enim id cum orationis similitudo summa, tum quod morborum causas in deum quendam transferri iure videat.

Praeclara dicta haec sunt, non, nisi natura singulorum hominum perspecta morborum causas inuestigandas esse; signa ad viuum expressa naturaeque apposita, quibus virgines in menstrui fluxus defectione solent infestari, eorumque facile princeps est furor uteri, per venerem auferendus; fluxus vero menstruus a sanguinis redundantia repetitur cet.

§. XLIX.

Περὶ γυναικείης φύσεως. *De Natura Muliebri.*

Ed. Lind. p. 358. T. II. Ed. Froben. gr. p. 213. Ed. Mercurial. Sect. III. p. 187. Ed. Foëf. p. 126. Sect. V. Ed. Chart. p. 681. T. VII. Versf. Cornar. p. 287.

Meminit huius libri *Galenus* q), et ab illo *περὶ παρθενίων*, dici vix potest, quantum dissensiat.

p) In Not. ad h. I. p. 291. Sect. V.

q) In II. Epid. Comm. II. 20. p. 140. T. IX. ed. Chart.

tiat. Cuius auctor cum morborum muliebrium origines et causas a deo quodam repetendos audacter pernegasset, hac in scriptione contra et numen vel maxime accusatur, et in feminarum naturam culpa transfertur temere. Deinde magnus HIPPOCRATES, sacramenti fide interposita, medicos adstrinxerat, ne forte mulieri partum medicamentis abigerent, et is, qui hunc librum conscripsit, haud veritus est, quicquid tanto tamque foedo sceleri perpetrando esset accommodatissimum, legentium insinuare animis. Tertio labe ista, qua ceteri omnes *de mulierum morbis* laborat, quod nimius sit in acrium vehementissimorumque medicamentorum usu, quales sunt *cantharides*, *buprestis demto capite*, *alis et pedibus*, *colocynthis*, *grana cnidia*, *cneorum*, *hippophaes succus*, *alumen aegyptiacum*, *misy*, *lapis magnesia*, quorum vix ac ne vix quidem alias facta est mentio. Tandem, ab orationis dissensione si discessero, mira ratiociniorum multitudine redundat, et in vniuersum omnia dialecticorum more putat auctor explicanda, id quod sane, si quid aliud, ab diuini senis simplicitate alienissimum est.

Quare ex his omnibus conficitur, hunc et qui eum sequuntur libri, ad Cnidiorum aliquem pertinere, quos scimus et contentiosos fuisse, et in tentandis acribus remediis longe audacissimos.

Nihilo tamen secius hac scriptione *morborum muliebrium signa* ita pertractantur, vt in iis aliquo modo acquiescere posse videaris. Prae ceteris commemoratu digna sunt, *hydrops*, *prolapsus et strangulatio uteri*, quae *castorei usu* et *graue olentium*

reme-

remediorum beneficio bene feliciterque curari posse dicitur; inflammationes uteri; perversus oris uteri positus,isque varie a naturali abhorrens cet.

§. L.

Περὶ γυναικείων α'. De Morbis Mulierum I.
β'. II.

Ed. *Lind.* p. 415. sequ. T. II. Ed. *Froben.* gr. p. 231. sed alter videtur ordiri a verbis: Ἦν ῥόος ἐν τῇσι μητρῴσι. Nam a §. 108. p. 500. Ed. *Lind.* deficit quaedam particula in *Cornarii* versione, similiterque *Foëfiana* haud satis respondet editioni *Frobenianae* et *Lindenianae*. Ed. *Mercurial.* Sect. III. p. 217. sequ. Ed. *Foëf.* p. 152. sequ. Sect. V. Ed. *Chart.* p. 728. T. VII. Secundus vero p. 794. a verbis incipit: ῥόος λευκὸς ἐν ταῖσι γαστρατέρεσι, quae ap. *Lind.* efficiunt §. VI. Sed huius editionis initium ap. *Lind.* occurrit p. 529. T. II. Sed haec obiter, cetera lectori relicturus dixi: Vers. *Cornar.* p. 309. sequ.

Facta passim horum librorum est mentio apud *Erotianum* ^r), *Galenum* ^s), nec non in libris περὶ ἐμβολισμῶν, περὶ γονῆς, περὶ ἀφόρων, et pertinent, ut auctor ipse profitetur, ad eundem, qui περὶ φύσιος παιδὸς scripserat, medicum. Qui cum mira in morbis curandis utatur subtilitate, Cnidiorumque medicorum more vagas notiones formasque longe plures, quam *Hippocrates*, effingat; (argumento enim possunt *multiplices et absurdæ*

r) In Praef. Gloss. p. 33. T. I. ed. *Chart.* et Gloss. ἡδύσμασι, ἀτρεκέως.

s) In Gloss. voc. ἀλφίτα, κυάμυ καρπὸν prioris meminit; posterioris vero voc. ἀνθεα λίπα et aliisque locis plurimis. At in II. Epid. Comment. III. 95. p. 179. T. IX. ed. *Chart.* videtur in eorum ingredi sententiam, qui hos libros *Hippocrateæ* gloria et auctoritate haud dignos arbitrabantur.

surdae fluoris albi species, quas iam alio loco scimus esse confutatas,) immo vero ex remediorum acrium multitudine vehementer laboret; conficitur, ad diuinum senem hos libros nullo modo referendos esse, in quo consentientes habemus *Foësum* ^{t)} etque *Io. Henr. Schulzium* ^{u)}. Id tamen negare non ausim, antiquitatis laude, qua hac in re nihil maius, nihil prius est, fraudandos nullo modo hos libros videri.

Libro enim primo variae oris uteri ipsiusque uteri conuersiones adumbrantur, *purgamenta partus* et quae forte sequantur *noxae*, demonstrantur, *ulcerumque natura* ad viuum quasi exprimitur. Similiter eo continentur *uterum gravidum*, cum humores eo confluant, *densiorem fieri*, porro quaedam *de foetus conuersione*, *exsectione* cet. haud contemnenda.

Liber secundus, qui multa prioris libri ad verbum fere expressit, paene omnis versatur in explicandis *uteri strangulationibus*, earumque variis formis. Omnia enim, quae *de moto utero* proferuntur in medium, *de conuulsionibus* explicanda esse nuper ^{v)} iam monuimus. Deinde *variae fluxus menstrui* causae

t) In Not. ad h. l. p. 307. Sect. V. Attribuit eidem, a quo libri *περὶ νόσων*, *περὶ γενῆς*, *περὶ ἐμβρυοποιήσεως*, profecti sunt, auctori.

u) Hist. Medicin. Per. I. Sect. III. c. 4. §. 28. p. 267. et Compend. Hist. Medic. L. II. 3. §. 312. p. 155. Eo in primis utitur argumento ad horum librorum futilitatem demonstrandam, (de antiquitate nihil dicam) quod nusquam facta sit *aloes* mentio, quam demum, Alexandria exstructa, scimus a graecis medicis vocatam in usum esse.

v) Diss. de causis sterilitatis in jexu sequiori ex doctrina HIPPOCRATIS veterumque medicorum, Hal. 1769. 4. §. 17. p. 22. sequi.

fae occurrunt, *eiusque species tres sunt, ῥοὸς λευκὸς, πυρρὸς, ἐρυθρὸς.* Tandem *columellae nomine clitoris mulierum* exprimi multis videtur, at quo iure, non video; *cancrum uteri, si inueterarit, omnes sanationis expertam esse, prolapsum uteri tantum non semper ex partus nasci iniuriis cet.*

§. LI.

Περὶ ἀφόρων. *De Sterilibus.*

Ed. Lind. p. 615. T. II. Ed. Froben. gr. p. 290. cui ad calcem adiac. νόθα, τῇ τελευτῇ τῶ πρώτῃ περὶ γυναικείων βιβλίας προσκείμενα. Ed. Mercurial. Sect. III. p. 318. Ed. Foëf. p. 242. Sect. V. Ed. Chart. p. 843. T. VII. Verf. Cornar. p. 386.

Meminere huius libri *Erotianus* ^{w)} et *Galenus* ^{x)} sed nullius momenti est, videturque, iudice *Jo. Alb. Fabricio* ^{y)}, priorum appendix quasi habendus, quippe is, qui hunc conscripsit, illos etiam περὶ γυναικείων sibi deberi profitetur. Quorum librorum auctoritas cum multis de caussis ceciderit, quid tandem huic faciendum existimabimus, qui quicquid boni maliue habet, illis maximam partem in acceptis fert? Neque sane libelli inscriptio respondet argumento, atque rerum praeterea inanum titulumque multitudine redundat. Omnes enim sterilitatis caussae non, nisi vitiis oris uteri deberi putantur, remedia hic occurrunt *acria, cantharides, aerugo aeris, colocynthis, flores*

w) In Praef. Gloss. p. 33. T. I. ed. Chart.

x) In Gloss. voc. ἐκλάεθω, ἐκμαγμᾶ, ἐκμάζαι, et in II. Epid. Comm. III. 35. p. 179. T. IX.

y) Bibl. Gr. L. II. 24. p. 801.

flores aeris cct. At vero quid hac sententia ²⁾ dignius magno viro, quid medico appositius? Πειρω δὲ Φυσικὸς εἶναι πρὸς τῆς ἀνθρώπου τὴν ἕξιν καὶ τὴν ἰχὺν ὁρῶν: τέτων γὰρ ἔδεις ἀσαθμός ἐστιν, ἀλλ' ἐξ αὐτέων τεκμαιρόμενος πειρῶ ὅλη τῷ σώματος, κεφαλῆς καὶ θάλασσεσι, Φαρμακείῃσι καὶ πυρίῃσι τῆς ὑσέξης, καὶ προώδετοισε χρῆσθαι — ἡ δὲ θεραπεία τέτων ἐστὶ ἐν μέρει ἐκάστω. Conare autem, ut physicus sis, ad hominis habitum & robur respiciens. Ex his enim nullus est, qui non ad amissum faciat. Proinde ex his ipsis coniecturam faciens totius corporis et capitis purgationibus, medicamentis et uteri fomentis ac apposititiis uti conare — Medela autem horum unicuique particularis est.

§. LII.

Περὶ ἐπικυήσιος. De Superfoetatione.

Ed. *Lind.* p. 645. T. II. Ed. *Froben.* gr. p. 48. Ed. *Mercurial.* Sect. III. p. 333. Ed. *Foëf.* p. 41. Sect. III. Ed. *Chart.* p. 860. T. VII. Vers. *Cornar.* p. 66.

Solet hic liber sic in omnibus inscribi editionibus, at mauult *Hier. Mercurialis*, *περὶ κυήσιος καὶ ἐπικυήσιος*. Neque iniuria. Vtrumque enim hic pertractatur, et cum huius libri apud veteres nulla facta sit mentio, videtur esse longe recentior, atque, aut ab eodem, qui libros *περὶ γυναικείων* conscripserat, auctore profectus, aut saltem ad eorum similitudinem expressus, etsi *Galenus* ⁿ⁾, ut solet, hos omnes omnino libros HIPPOCRATI magno deberi litteris reliquit consignatum. Est enim

ana-

²⁾ §. XVIII. p. 635. T. II. ed. *Lind.*

^{a)} L. De Format. Foetus c. 1. p. 285. T. V. ed. *Chart.*

anatomes scientia, quae hic occurrit, non adeo magni momenti, facileque iudicari potest, hanc descriptionem, etsi nec HIPPOCRATIS gloria digna sit, tamen perantiquam esse, cum ex brutorum animantium structura partiumque positu diiudicentur omnia atque duo cornua ad explicandam superfoetationis viam adhibeantur. Continentur vero haec scitu digna, *foetus mortuos immisso ori digito, extrahendos esse; feminam parturientem sellae, quam λάσανον dicunt, committendam, omnemque hac in re vim et crudelitatem esse fugiendam; oris uteri vitia prae primis attendi oportere; causasque valitudinis aduersae iis profligari remediis, quae iis solent resistere cet.*

§. LIII.

Περὶ ἐγκατατομῆς ἐμβρύου. *De Exsectione Foetus.*

Ed. Lind. p. 662. T. II. Ed. Froben. gr. p. 53. Ed. Mercurial. Sect. IV. p. 45. Ed. Foëf. p. 193. Sect. VI. Ed. Chart. p. 550. T. XII. Vers. Cornar. p. 72.

Libellus hic, cuius nec *Erotianus*, nec *Galenus* meminerunt, perbrevis est atque mutilus, neque spernendus tamen, si istorum temporum spectes artis obstetriciae scientiam; at vero argumenti orationisque habita ratione, HIPPOCRATIS auctoritate nullo modo dignus. Est autem, quod in eo videatur memorandum, cum *foetus, naturae beneficio non nascendi, sed frustillatim disseccandi atque extrahendi modum feliciter explicet; prima conuersionis rudimenta doceat; partum, si purgamenta citius, quam par est, profluant, et cum dolore esse, et difficilem cet.*

§. LIV.

Περὶ ἐλκῶν. *De Ulceribus.*

Ed. Lind. p. 664. T. II. Ed. Froben. gr. p. 512. Ed. Mercurial. Sect. I. p. 365. Ed. Foëf. p. 145. Sect. VI. Ed. Chart. p. 130. T. XII. Vers. Cornar. p. 658.

Etsi multis abhinc seculis hic liber punctum tulisse visus est, ab *Erotiano* ^{b)} et *Galeno* ^{c)} Hippocrateis monumentis adscitus, *Foëfioque* ^{d)} dignus prae ceteris habitus, cui diuini senis nomine liceat tuto delitescere; tamen non possum non, quin ei personam detraham, eumque in medicum Cnidium transferam. Opprimaris enim inter legendum medicamentorum absurdorum et acrium multitudine, quorum vix ac ne vix quidem nomen in integris diuini senis monumentis reperire me memini, quale est *arsenicum*, *veratrum nigrum*, *cantharides* similiter, vt in *περὶ γυναικείων* factum erat. Praeceptis tamen non destituitur praeclaris et magno viro dignis, nec non in *ulceribus persanandis* vtilissimis, *olea nimiumque madorem in ulcerum curatione plus saepenumero obesse, quam prodesse; ulcera impura, quamdiu inflammata sunt, coalescere nec posse*

b) In Praef. Gloss. p. 33. T. I. ed. Chart.

c) In Gloss. voc. μέλανι φαρμάκῳ; In VI. Aph. 3. Comm. VI. p. 252. P. II. T. IX. et Method. Medend. IV. 6. p. 98. T. X. ed. Chart. Sed liceat hic paucis commemorasse, ἔλκος in h. l. et alias vel maxime de *recenti vulnere* esse explicandum idque ex more *Homeri*, qui Il. π'. 29. et innumbris in locis ea orationis forma vsus est.

d) In Not. ad h. l. p. 146. Sect. VI.

posse, nec debere; distentiones neruorum plerumque in altera corporis parte nasci, eamque, quam vidimus, a morbo infestatam, esse immunem cet. Similiter commemoranda videtur plantarum descriptio, quas παρθένιον μικρόφυλλον et λαγόπυρον appellat.

§. LV.

Περὶ συρίγγων. De Fistulis.

Ed. Lind. p. 680. T. II. Ed. Froben. gr. p. 517. Ed. Mercurial. Sect. III. p. 361. Ed. Foëf. p. 159. Sect. VI. Ed. Chart. p. 141. T. XII. Version. Cornar. p. 665.

In numero Hippocrateorum librorum eum collocandum censuit *Erotianus* ^{c)}, eoque videtur prae ceteris dignus *Foëfio* ^{f)}, cum insit celebrata illa per linum fistulae ani curatio, quam *Isagoges* auctor et *Paullus HIPPOCRATI* in primis acceptam ferunt. *Celsus* quoque, etsi tacito HIPPOCRATIS nomine, in usum transfert, eoque nomine hunc librum quidam de fistulis ani inscripserunt. Eo quoque accedit fidelissimum *Erotiani* testimonium, qui hunc librum in Hippocraticorum librorum recensione inter Σεραπευτικά accenset. Sed quicquid sit, auctor huius libri, ut sagaciter *Hallerus* ^{g)} coniecit, iisdem, quae libro περὶ νύκτων docentur, innititur ratiociniis, omnesque omnino aduersae valitudinis causas ex bile pituita-

c) In Praef. Gloss. p. 33. T. I. ed. Chart.

f) In Not. ad h. l. p. 160. Sect. VI.

g) In Boerh. Method. Stud. Medic. P. II. p. 176. Sed Princip. Art. Medic. p. 115. T. IV. similitudinem quandam argumenti et orationis cum illis, qui in morbis mulierum versantur, intercedere auctor est.

tuitaque censet repetendas. Quare aut ab communi viro hi libri profecti videntur, aut ad discipulum aliquem, qui his ratiociniorum blanditiis allectus quasque fasciatus, mirifice sibi indulfit, certissime referendi. Ad HIPPOCRATEM saltem non pertinere nullus dubito, qui, eiurato inepte philosophandi studio, se totum ad naturae contulerat inuestigationem. Accedit et illud, quod orationis forma ab Hippocratea multum videtur abhorrere, morborum imagines caussarumque simplex enarratio tantum non semper desiderantur, atque legentium animi medicamentorum multitudine fere opprimuntur, id quod quam longissime a diuini senis instituto et ratione alienum est.

Memoratu dignissima sunt, *fistulas ex contusionibus aliisque id genus laesionibus oriri, cum sanguis, suorum vasorum carceribus liberatus et prope sedem accumulatus putrescit, molles partes inflammat, erodit, et sinus format; abscessus ani, quam primum fieri possit, aperiendos esse, ne in fistulas transeant; ulcera frequentius eluenda; ad ani prolapsum medicamenta, quae natura sua adstringunt, esse adhibenda* cet.

§. LVI.

Περὶ ἄρθρων. *De Articulis.*

Ed. Lind. p. 756. T. II. Ed. Froben. gr. p. 472. Ed. Mercurial. Sect. I. p. 285. Ed. Foëf. p. 47. Sect. VI. Ed. Chart. p. 287. T. XII. Vers. Cornar. p. 621.

Commemorarunt hunc librum *Erotianus* ^{h)},
M 2 *Gale-*

^{h)} In Praef. Gloss. p. 33. T. I. ed. Chart. et Gloss. voc. ἀνακώχης, κοιλίη, ἀνακώχης.

Galenus ⁱ), *Palladius* ^k), qui eum olim in duas partes diuisum esse prodidit memoriae, quorum alter erat ille *περὶ ἀγμῶν*, alter vero *περὶ ἄρθρων*; a Galeno autem in septem distribui sic, ut primus tribus, posterior vero quatuor contineatur, et communi nomine *κατ' ἡγεῖαν* comprehendatur. Hinc factum est, ut *Palladio* ἐκ τῆς κάλλους τῆς φράσεως genuinus videretur; deinde quia in integris *HIPPOCRATIS* magni monimentis occurreret, omnesque in eo consentirent interpretes. Sed quis ille sit *HIPPOCRATES*, num *Gnosidici*, *Heraclidæ* aut *Draconis* filii, id est, de quo sub iudice lis est, etsi *Palladio* videtur eiusdem, cuius *aphorismi*, *praedictiones*, et liber *de vitæ ratione* sunt, *HIPPOCRATIS* esse, in qua sententia etiam fuisse videtur *Hieronimus Mercurialis* ^{kk}).

Sed quis est tam stolidus tamque baro, ut eum eodem, quo ceteri id genus libri, vitio laborare non intelligat? Nam etsi magna huius scriptionis sit praestantia, partim quod et orationis concinnitate se commendat, et argumenti dignitate, lectorum animos suauiter afficiat, partim

i) In Gloss. voc. *σφενδόνην*: L. Placit. *Platon.* et *HIPP.* IX. 4. p. 255. T. V. ed. *Chart.* L. Difficult. Resp. III. 7. p. 279. T. VII. et in L. *περὶ ἄρθρων* Comm. I. Praefat. p. 280. T. XII. nec non Comin. IV. 47. p. 457. eum libro *περὶ ἀγμῶν* adiungendum ait, idque ea lege, ut seorsim quidem inscribi possint, commune vero nomen sit *κατ' ἡγεῖαν*.

k) Ap. *Foëf.* p. 197. Sect. VI. et ed. *Chart.* p. 271. T. XII.

kk) In *Censura Opp. HIPP.* p. 7.

tim quod vetustatis laude exsplendescat, cum ex istorum seculorum more *Homeri* ¹⁾ versibus:

Ὡς δ' ὅπ' ὅτ' ἀσπασίον ἔαρ ἦλυθε βᾶσιν
ἔλιν.

*Haud secus ac bobus nigris gratissima veris
Tempora proueniunt.*

auctoritatem sibi is, qui librum hunc conscripserat, conciliare voluerit; id vnum tamen certo scio persuasumque mihi habeo, HIPPOCRATEM eum nec esse, nec esse posse. Primum enim hic locorum facta est libri *περὶ ἀδένων* mentio, qui cum indignissimus sit diuini senis gloria, quid tandem huic existimabimus faciendum, ad cuius auctoritatem tanquam ad anchoram sacram, multi confugiunt? Deinde scientia et cognitio anatomes Hippocratea tempora cum accuratione, tum argumentorum dignitate longe antecellunt, neque non arteriarum venarumque certa fit segregatio. Tandem narratiunculas illas de *Amazonidum*

M 3

natu-

1) §. VI. et VII. p. 763. T. II. ed. *Lind.* At vero hic versus, qui *Galeno* Comm. I. ad h. l. 27. p. 306. T. XI ed. *Chart.* ne remoram quidem posuit, cum in verbo *σάγκαν* explicando paene totus esset, hodie solet in nostris editionibus desiderari. De verbis autem paucis videamus, quae esse Homerica certum mihi atque persuasum est. Sic enim *Iliad.* ο'. v. 633. occurrit ἔλικος βοός, et iterum *Iliad.* ι'. v. 462. ἄλιποδας ἔλικας βᾶς. Interpretes ἔλικες per ἐλικοαδῆ τὰ κέρατα ἔχοντας, καὶ ἐλικοκεράτης explicant, et ap. *Aelian.* Var. Hist. IX. 5. p. 177. T. I. ed. *Kretschm.* occurrunt σκίπωνα χρυσᾶς ἔλικας ἔχοντα περιεπῆσας. Cf. *Phauorin.* Lexic. p. 178.

natura viuendique ratione, quas HIPPOCRATES iam libro περὶ αἰσθῶν καὶ τόπων verissimas censuerat, in fabularum numero collocavit, nulla istius sententiae, quam alias sibi animo efformarat, facta prorsus mentione. En noua hominis repugnantia, qui cum fallere vellet, minus iuste hanc aliis imponendi artem callere videbatur!

Continentur hac scriptione *vesiculae seminis; arteriarum venarumque conspirationes; plurimae chirurgorum operae, in primis quae in luxationibus et fracturis versantur; ossium natura et coagmentationis modus naturae legibus accommodatus; Prae ceteris tamen lectu dignae sunt variae humeri luxationes et viae, quibus in sedem suam compellendus est; naturas alias ab aliis incredibiliter dissentire, adeoque in medicina id in primis obseruandum esse; a glandulis cauere oportere, cum magnum inferre possint periculum; ignem neruis esse insensissimum; musculum quendam ex iugulo prognasce solere, vnde Hallerus ^{m)} sibi sumsit demonstrandum, at quo iure, nescio, HIPPOCRATEM magnum corpora humana disseccuisse. Sed de his paullo post.*

Quae vero aduersus modum, quo ad *luxationes femoris tollendas* vsus erat HIPPOCRATES, monue-

^{m)} In *Boerh. Praelect. Academ. Proleg. n. 7. p. 24. Vol. I.* et maiori cum doctrinae copia in *Progr. quod corpora humana secuerit HIPPOCRATES* Gotting. 1737. Cf. *Traug. Balthas. Christ. Stentzel Diss. de HIPPOCR. studio anatomico singulari, Viteb. 1754. Sect. I. p. 13. sequ.*

monuerint olim HEROPHILVS atque Ctesias ⁿ⁾), constare inter omnes arbitror. Ad eorum autem, qui rerum nouitate delectantur, palatum fore puto *varia calceamentorum genera*, αἱ χῖαι κρηπίδες, quae, Galeno ^{o)}) auctore, HIPPOCRATIS iam tempore in desuetudinem abierant; ἀρβύλαι πηλοπαιτίδας, quod *cauum calceamenti genus* ^{p)}) fuit, omnique pedi ad talos vsque artiffime sedens; ὁ κρητικὸς τρόπος τῶν ὑποδημάτων, qui qualis fuerit, si cuius intersit perspexisse, Galenum ^{q)}) quaeso, adeat. Συρμαῖσμον vero, qui hoc etiam libro legitur, explicatum iterum apud Galenum ^{r)}) et Io. Langium ^{s)}) inueniet.

Ecquid vero felicius in exprimendis medici boni dotibus, ecquid ad rem accommodatius illo ^{t)}) eloquio: Χρὴ δὲ περὶ πλείους μὲν ποιέεσθαι ἐν πάσῃ τῇ τέχνῃ, ὅπως ὑγιὲς μὲν ποιήσης τὸ νοσέον. εἰ δὲ πολλοῖσι τρόποισιν οἷόν τε εἴη ὑγιέας ποιέαιν, τὸν ἀσχετότατον χρὴ αἰρεέσθαι. καὶ γὰρ ἀνδραγαδικώτερον τῆτο καὶ τεχνικώτερον, ὅσις μὴ ἐπιθυμέει δημοιδέος κιβδηλίας. *At vero in uniuerfa arte hoc plurimi facere prae ceteris oportet, ut id, quod aegrotat, sanum facias. Sin vero multis modis fieri possit sanatio, ut*

M 4 eum,

n) In L. περὶ ἄρθρων Comm. IV. 48. p. 452. T. XII. ed. Chart.

o) In eund. libr. Comm. IV. 11. p. 434. T. XII. ed. Chart.

p) Gal. l. cit. Text. 12. p. cit.

q) L. cit. Text. 14. p. 435.

r) In h. l. Comm. II. 51. p. 362. T. XII. ed. Chart.

s) Epist. Medicinal. L. II. Ep. 48. p. m. 710. sequ.

t) §. 89. p. 844. T. II. ed. Lind.

eum, qui minime molestus est, eligas. Nam et virum bonum et artis peritum hoc declarat, qui populo imponere non studeat.

§. LVII.

De Anatome HIPPOCRATIS, et corpora humana secuerit, nec ne.

Saepius iam inter medicos disceptatum fuit, HIPPOCRATES corpora humana diffecuerit, nec ne, et, dici vix potest, quanta contentio omnium animos tenuerit. Alii enim, qui praeiudicatae opinionis vanitate abrepti in veterum monimentis verae doctrinae sapientiaeque semina sparsa esse habebant sibi persuasissimum, non veriti sunt, HIPPOCRATEM, tanquam promum condum, venerari, ex quo, quicquid velles, petere liceret, eumque tanta anatomes scientia praeditum esse existimarunt, nihil ut supra dici cogitariue posse videatur. Alii vero, quibus antiqua quaevis sordent, quique in nugis recentiorum hominum inanibus sane iis haud raro atque friuolis toti sunt, et veteres omnes risui exponendos putant, sibiloque excipiendos, et HIPPOCRATEM prae ceteris, barbatum illum et vaniloquum nugatorem, omni malorum genere afficiendum. Quorum ratio ut ridicula est, nec homine docto digna, cui assensum sustinendo nihil temere, nihil imprudenter nec ex partium studio peragendum est, ita etiam illorum nec laudanda est propensio, qui, caeco quasi impetu in antiquos quosque scriptores vagantur, eorumque helluo-

nes

nes sunt. Media via, o cara lepidaque capita! incedendum est, eaque tutissima, quam si presse secuti fueritis, nusquam offendetis, nusquam incurretis.

Nam etsi *Aristodemus* apud *Pausaniam* ^{u)}, cum a quodam homine male feriato filiam vitiasse diceretur, eam iugularit, excissoque vtero innocentiam rectique conscientiam declararit, facileque tunc temporis fieri potuerit, vt Messeniorum aliquis naturae studiosior interiores has corporis humani partes sibi redderet cognitatas, quod eius per temporis angustias liceret; deinde etsi apud eundem auctorem ^{v)} aerea hominis tabe confecti occurrat effigies, quae *Apollini* Delphico HIPPOCRATES medicus dedicasse putabatur; denique etsi hunc sceletorum parandorum morem Alexandriae olim obtinuisse *Galenus* ^{w)} memoriae

M 5

pro-

u) Messen. IV. p. 120. gr. et vers. p. 104. ed. Frf. 1583.

v) Phocic. p. 328. gr. et vers. p. 278. Videtur hic mos apud veteres obtinuisse, quantum ex *Luciani Philopseud.* p. m. 483. licuit nobis colligere, vt singulis aedibus aeneam HIPPOCRATIS imagunculam colerent, eique valitudinis gratia quotannis offerrent hostias. Hinc forte facillimo negotio ille *Pausaniae* locus luce sua collustrandus est et rite explicandus.

w) Administrat. Anatom. I. 2. p. 27. T. IV. ed. *Chart.* et L. De Ossib. Praefat. p. 2. T. IV. suo tempore id vsu euenisse perhibet, vt multi libros, qui in ossibus versarentur, *περι σκελετῶν* et *ὀσσεολογίας* inscriberent. Huc accedit, quod *σκελετὸς*, qualis apud Aegyptios conuiuuiis inferri mos erat, vt prodiderunt litteris *Herodot.* L. II. p. 60. ed. *Camer.* *Diodor.* *Siculus* *Biblioth.* L. I. *Plutarch.* *Sympos.* — p. 148. et praesertim L. de Osirid. et Iside, non, nisi lignea mortuorum hominum, simulacra fuerunt.

Hinc

prodidit; multis tamen de caussis prohibemur, quin *Hallero* ceterisque huius doctrinae patronis assentiamus. Neque enim id genus dissectiones per leges sacras summamque superstitionem fieri licebat a graecis hominibus, magnumque sane incurrisset periculum, si quid tanti facinoris rumore ad plebis aures peruenisset, siue id ab exercitus duce factum fuisset, siue a priuato quodam homine temerario ausu susceptum; certissime enim capite poenas dedissent, id quod *Atarbae*, cum passerem *Aesculapio* sacrum ad necem usque verberasset, accidisse, nec ullam insaniae aut impudentiae habitam rationem esse *Aelianus* ^{x)} auctor est. Accedit et illud, quod *Aristoteles* ^{xx)}, quem aetate scimus *HIPPOCRATE* inferiorem aut saltem ex parte aequalem, adfirmare non veritus est, structuram humani corporis interiorum minus perspectam esse atque cognitam, nec nisi comparandis brutorum animantium cadaueribus probabiliter colligendam. Immo vero *Galenus* ^{y)}, ipse haud raro anatomes studiosis sepulcra et monimen-

Hinc more suo *Lucianus* Dial. de Luctu, — hunc ritum acriter perstrinxit.

x) Var. Hist. V. 17. p. 133. T. I. ed. *Kretschm.*

xx) L. Part. Animal. I. 5. p. 481. T. II. ed. *Du Vall.* extispicia humana perhibet esse detestanda, etsi h. l. multis aliter explicari scio. Optime autem omnium et vel maxime cum perspicuitate haec adfirmavit Hist. Animal. I. 16. p. 208. T. II. ed. *Du Vall.* Cf. *Ruffus Ephesius* Appellat. Part. Corp. I. 2, p. 102. Coll. *Steph.* ubi se externas corporis partes in seruo monstrare velle auctor est, interiores non posse.

y) Administrat. Anatom. I. 2. p. 27. T. IV. ed. *Chart.*

nimenta fluvii impetu diruta, nec non latronum corpora, quae ob sceleris foeditatem relinquebantur insepulta, perspicienda, aut denique ad finiarum dissectionem in tanta humanorum corporum raritate confugiendum esse memoriae prodidit. Quod cum *Galen*i aetate haud raro fieret, quid, amabo! in HIPPOCRATE nihil ad casum fortuitum referre dedignabimur?

At vero HIPPOCRATES ipse corporis humani exempla protulit in medium, iisque illatas sibi iniurias, quasi veram anatomes scientiam non, nisi bestiarum dissectionibus deberet, existimavit propulsandas. Scio, neque curo, quod HIPPOCRATES, cum ex gente Asclepiadarum esset oriundus, qui, vt *Galenus* ²⁾ auctor est, domi sermones de dissecandi ratione atque via haberent, quaedam de ossium natura edoctus perspiceret; manca enim illa fuissent, nec anatomes nomine digna. Scio praeterea, in Hippocrateis libris multa id genus contineri loca. Sed (fatebor enim) fere in vniuersum omnia eiusmodi libris accepta ferenda sunt, quorum auctoritas dubia prae ceteris est atque lubrica. Primus est, quem adferre huius doctrinae auctores et vindices ex libro *περὶ σαρκῶν ἢ ἀρχῶν* ^{a)} solent, de humore crystallino cum in hominum, tum brutorum animantium oculis reperiundo agit. Sed hunc librum vt in suppositorum numero collocaremus, multae nos caussae impu-

2) Administrat. Anatom. II. i. p. 46. T. IV. ed. *Chart.*

a) §. XVIII. p. 123. T. I. ed. *Lind.*

impulerunt, quare huius loci etiam cadit auctoritas. Deinde libro *περὶ καρδίας* ^{b)} *veterem cordis mortui eximendi morem*, (*τὴν καρδίην ἀποθανόντος*) video commemorari et in argumenti loco poni, HIPPOCRATEM corpora humana dissecuisse. At vero mihi non tanti habendus videtur, quanti multis aliis. Nam similiter aut ex Aegypto corporum condiendorum more repeti poterit, aut etiam de quouis explicari extispicio. Idque nec iniuria. Huc accedit, quod huic libello, vnde haec omnia hausta sunt, omnes infamiae notae diu sint iniustae. Tertio librum *περὶ ὀσέων φύσιος* ^{c)} appellant, vbi *ossium naturam ex homine didicisse* auctor perhibetur. At vero hanc scriptiorem esse prae ceteris dignam, quae reprobetur ob ratiociniorum multitudinem, quis est, qui non videat? Fac vero, de eius integritate nullo modo dubitari posse, nondum inde conficitur, HIPPOCRATEM magnum humana corpora dissecuisse. Nonne ei chirurgiae studioso licuit obuia maleficorum ossa maiori cum diligentia lustrare, vtilitatisque plurimum exinde capere? Quarto in libris *περὶ Φλεβῶν* ^{d)} et *περὶ ἐπιδημιῶν* ^{e)} *intestina crassa homini maiora, quam canina natura data fuisse* dicuntur. At vero hos libros esse suppositos, latere, puto, neminem. Et quid tunc videbitur faciundum, si in quibuscunque

b) §. VIII. p. 292. T. I. ed. Lind.

c) §. V. p. 297. T. I. ed. Lind.

d) §. VI. p. 297. T. I. ed. Lind.

e) Sect. IV. p. 808. T. I. ed. Lind.

que fere editionibus, quas adhuc videre licuit, excepta Charteriana, non *κυνὸς*, sed *κοινῶς* occurrat, idque pro *ἐπιπολὺ* hic explicari et possit et debeat? Quinto multi ad *Ἐπιδημιῶν* ε'. f) confugiunt ad demonstrandum, quanta HIPPOCRATIS fuerit cognitio, ex corporis humani dissectionibus comparata. Sed hic locus partim libro debetur, quem *Galenus* procul a diuini senis auctoritate abesse iusserat, partim non, nisi chirurgiae gratia nouimus auctorem, quisquis ille sit, vulneris tentasse amplitudinem, maligne sedem tam alte haerentem obseruasse, vt nullum medicinae locum esse facile perspiceret.

Denique supersunt duo loca ex libro *περὶ ἄρ-θρων* g), quorum vtrumque, si vel ipsi HIPPOCRATI acceptum ferendum videretur, non, nisi casu fortuito, nec opinato acciderat. Hinc ex iis omnibus, quae vulgo ab huius doctrinae patronis proferri solent, satis patere arbitror, HIPPOCRATEM nec corpora humana disseccuisse vnquam, nec ei per gentis suae superstitionem licuisse, se ad penitiorem machinae nostrae tam eleganter efformatae, conferre inuestigationem, nisi in vitae famaeque discrimen vellet incurrere. Sed haec de Hippocratea anatomes scientia haecenus. Restat, vt reliquorum librorum vilitatem explicemus.

f) §. XIII. p. 778. T. I. ed. *Lind.*

g) §. I. p. 756. et §. XIII. p. 769. T. II. ed. *Lind.*

§. LVIII.

Μοχλικός. *Vetitiarius.*

Ed. *Lind.* p. 851. T. II. Ed. *Froben.* gr. p. 506. Ed. *Chart.* p. 536. T. XII. In vtraque hac editione idem initium est, sed in *Linden.* efficit librum *περὶ ὀστέων Φύσιος*, et post verba: *Ἐκ μέσων ἐκπέφυκε καὶ περσίνει*, tandem incipit sic: *Πὺς κατεαγῆσα*, et definit verbis; *Ὁμοιότατα ἐκπίπτειν*: Ed. *Foëf.* p. 114. Sect. VI. Sed editiones variae varie se habent, quare haec inter se conferenda a quouis harum rerum cupido videntur.

Meminerunt huius libri *Erotianus* g) atque *Galenus* h), qui eum, partim quod mutilus sit difficilisque ob breuitatem i) explicatu indignum iudicauit HIPPOCRATIS nomine atque gloria, partim vero, ut solet, tanquam compendium k) libri *περὶ ἄρθρων* habendum esse. Quid? quod *Foësius* l) eum omnium omnino iudicio Hippocraticum esse docuit, quia *Galenus* genuinum ac omnibus receptum HIPPOCRATIS foetum *μοχλικὸν* palam profitetur. Quod etiam pressa ac brevis scribendi ratio, tum etiam eorum, quae libris de fracturis et articulis continentur, concisa et subtilis comprehensio testatur. Hic enim, quae illis in libris late sparsa diffusiolem cognitionem habent, ad memoriae subsidium in angustos fines, ac veluti pugillares contrahuntur. Ad eam quoque existimationis censuram accedet, quod

g) In Praefat. Gloss. p. 33. T. I. ed. *Chart.* et Gloss. voc. *ἐδοξαίως*.

h) In Praedi&, I. Comm. I. 4. p. 699. T. VIII. ed. *Chart.*

i) L. cit.

k) In L. *περὶ ἀγμῶν* Comm. I. 1. p. 154. T. XII. ed. *Chart.*

l) In Not. ad h. l. p. 116. Sect. VI.

quod praeter earum dictionum explicationem, quae a Galeno et Erotiano ex hoc libello proprie quodammodo petuntur, ipse quoque Erotianus *μοχλικὸν* in librorum Hippocraticorum recensione ἐν τοῖς Θεραπευτικοῖς nominatim suo loco, hoc est, post libros de fracturis et articulis, et κατ' ἰητρῆον ponit.

Praeclara illa quidem sunt, nec a veritate multum abhorrentia; sed cum multa, quae ad eius auctoritatem confirmandam congefisse videntur, infirmant eam potius atque destruunt, quam ut eam vendicent, tum libelli praecipue tenuitas et dura verborum compositio eo nos impulit, ut crederemus, eum a tyrone quodam medico ad chirurgiae praecepta animo repetenda et suo quaeque loco explicanda fuisse compositum. Quicquid enim boni eo continetur, non, nisi libris περὶ ἀγμῶν, περὶ ἄρθρων et κατ' ἰητρῆον acceptum ferendum est. Deinde desideres in eo HIPPOCRATIS magni auctoritatem gravitatemque orationis eam, quae χαρακτῆρα eius quasi efficit. Habet praeterea plurima, quae alias occurrunt, corii carthagenensis usum in nasi fracturis, similiterque illum de bobus apud Homerum ^{m)} locum:

Καὶ διότι λεπτότατοι βόες τηνικαῦτα,

quem etiam libro περὶ ἄρθρων ⁿ⁾ memini me legere. Tandem redundat argumentis absurdis et

m) §. VII. p. 853. T. II. ed. Lind. Hunc etiam versum ab editionibus Homeri exulare cognouimus.

n) §. VI. et VII. p. 763. T. II. ed. Lind.

et admirabilibus iisque magni HIPPOCRATIS persona indignissimis. Quid enim magis a diuini senis abhorret grauitate, quam quod *in ulceribus persanandis medicamenta sicca et humida, fulua et nigra, alba* cet. *adhiberi iubeat?*

§. LIX.

Ἱπποκρινὰ. *Veterinaria.*

Ed. *Lind.* p. 875. T. II. Ceteras enim editiones adferre non placuit, cum aut deficient, aut saltem incredibiliter dissentiant.

Desideres in hoc libello, cuius apud veteres ne mentio quidem facta est, Hippocrateam grauitatem, qui, quantum scimus, nunquam sui tam immemor fuit, nunquam tam abiectae mentis, vt se brutorum animantium immisceret curationibus. Sed HIPPOCRATIS esse cuiusdam veterinarii, eiusque recentioris, et ob nominis similitudinem integris libris insinuatum non nego. Luxuriat vero haec scriptio ea remediorum absurdorum, immo vero et turpium superstitiosa multitudine, quorum vix ac ne vix quidem nomina reliquis, iisque integris diuini senis libris continentur, ex quo grege sunt *ranae palustres in iecinoris dolore.*

Hinc si varia gummi species, quorum hoc in libro vsus commendatur, σμύρι, γαλβάνη, κηρός ἀμμωνιακός, κολοφωνία, ὀποπάναξ, τραγακάνθα, βδέλλιον cet. videtur nobis HIPPOCRATE longe recentior, adeoque
tan-

tanquam hac auctoritate indignus, iure suo reprobandus,

Commemorandum id vnum videtur, *ad cancrum debellandum cicutae usum, adiectis gummi variis, commendari, morbum a scoris morfu oriundum describi cet.*

§. LX.

³Επιστολαί. *Epistolarum Collectio.*

Ed. *Lind.* p. 896. T. II. Ed. *Mercurial.* Sect. IV.

p. 59. sequ.

Hanc epistolarum collectionem, quam vulgo magni HIPPOCRATIS operibus adiectam esse intelleximus, ad diuinum senem referri nec debere, nec posse, sed attribui potius alicui ex sophistarum grege oportere, qui ingenio concede-
bant omnia, veritati nihil, dubium fore, puto, nemini. Desideres enim in iis Hippocrateam animi modestiam, qua is ceteris longe antecelluisse censendus est; porro argumenti veritatem atque grauitatem; denique eam orationis accurationem, qua, si fallere velis, temporum saltem et probabilitatis habenda est ratio, id quod iam suo tempore perspexerunt *Iosephus Scaliger* °), *Casaubonus*, *Reinesius*, *Ex. Spanhemius* p), *Menagius*, *Clericus*, aliique praeter hos multi, etsi, vt in tanta

ta

o) Ep. 406. Cf. *Fabric.* B. Gr. II. 10. p. 422.

p) In Not. ad *Aristophanis Plutum* v. 638.

ta rerum inconstantia fieri solet, alii aliter sentiant.

At vero perantiquas eas plurimam partem esse, negare equidem non ausim, cum nec fabula illa de *Democriti* insania heri et nudius tertius efformata sit, nec multae epistolarum fugerint *Catonem Censorium*, quem acerbe atque duriter in graecos medicos perorantem induxit *Plinius* ^q). *Plutarchi* ^r) praeterea tempore iam ad HIPPOCRATEM relatae videntur, etsi id genus litteras, magnis viris adsignatas, non dubitat habere pro suppositis atque suspectis. Sed eamus per singulas.

I. Ἐπιβώμιος, Ψήφισμα Ἀθηναίων καὶ Πρεσβευτικὸς Θεσσαλῶν,
Ἰπποκράτης υἱῶν.

Oratio ad Aram, Decretum Atheniensium, et Theffali,
HIPPOCRATIS filii, Oratio.

Ed. *Lind.* p. 935. sq. T. II. Ed. *Froben.* gr. p. 536. sequ.
Ed. *Mercurial.* Sect. IV. p. 83. Ed. *Foëf.* p. 24. sequ.
Sect. VIII. Ed. *Chart.* p. 2. T. I. Vers. *Cornar.* p. 689.
sequ.

Exorditur ab his *Clericus* ^s), neque, si quid video, iniuria. Habent enim, si qua alia, et antiquitatis notas, et quandam HIPPOCRATIS aucto-

q) *Hist. Natural.* XXIX. I. p. 252. T. III. ed. Lugd. Bat.

r) In Vita *Lycurgi*.

s) *Hist. de Medecin.* P. I. L. III. 31. p. 232. sequ. vbi docte et fuse, ut solet, omnia explicuit.

auctoritatem, cum earum *Erotianus* ^{t)} meminerit, quasi argumento esse possint, quanta eius et quam praeclara aduersus hominum cuiusque salutem facinora fuerint. Sed suspicionem nobis et stomachum ea de causa mouent, quod ab eius animi modestia penitus abhorreant, quippe magnus hic vir non ex *Galenus* more laudum suarum praeco esse videtur. Accedit, quod veritati vim et iniuriam hae litterae inferunt, et pestilentiae curationem accensurorum rogorum ministerio senī diuino tribuunt, id quod et multi veterum fecerant, *Varro* ^{u)}, *Plinius* ^{v)}, *Galenus* ^{w)} atque *Aëtius* ^{x)}.

Negari enim non potest, morem hunc ignis beneficio putrorem aeris auferendi esse perantiquum, idque vel ex eo colligas, quod *Iacches* Aegyptius, cuius aetas longe anteceffit Hippocra-

N 2

ticam

t) In Praefat. Gloss. p. 33. T. I. ed. *Chart.*

u) De Re Rustic. I. 4.

v) Hist. Nat. VII. 37. p. 443. T. I. ed. Lugd.

w) L. De Theriac. ad *Pison.* c. 16. quem multi ad *Galenum* pertinere audacter negant, nec, ut mihi quidem videtur, iniuria. In primis vero *Gal.* in VI. Epid. Comm. III. Praefat. h. l. — hanc Atheniensium pestilentiam bene descriptam esse prodidit memoriae. Sed vehementer fallitur. Nam vbi L. Symptom. Caus. II. 7. p. 81. T. VII. ed. *Chart.* quosdam, morbo superato, in omnium omnino artium, quas ante coluerant, obliuionem incidisse docuerat, idque, auctore *Thucydide*, praesertim in pestilentia Atheniensi usu euenisse; ne HIPPOCRATIS quidem in re tam ardua meminit. Cf. L. Different. Caus. L. 6. p. 112. T. VII. ed. *Chart.*

x) Tetrabibl. II. Sermon. I. 94. p. 223. Coll. *Steph.*

ticam, hac consuetudine cum apud *Aelianum* ^{y)}, tum apud *Suidam* ^{z)} vsus fuisse perhibetur. Similiter fecit *Empedocles* apud *Plutarchum* ^{a)}; *Achilles* vero Homericus ^{b)} sulphuris accensi vapore Ioui dicatum rarique vsus poculum lustrandum esse censuit, et *Vlysses* ^{c)} redux, procis iugulatis, omnibusque caede ac cruore manantibus, sulphure accenso domum expiauit:

Ὅϊσε θεῖον, γρηῦν, κακῶν ἄκος, οἷσε δέ μοι
πῦρ,

Ὅφρα θειώσω μέγαρον.

*Fer sulphur, anus, malorum medelam ferque mihi
ignem,*

Vt suffiam domum.

Fallitur porro harum scriptionum auctor in eo cum maxime, quod aliter, quam res est, pestilentiam illam, Atheniensibus olim infestam, ex Illyria ortum duxisse censeat, cum, auctore *Thucydide* ^{d)}, Aethiopiae accepta ferenda sit, adeoque

y) Var. Hist. Fragment. sub voc. ἐνάθεν, p. 327. T. I. ed. *Kretschmar*.

z) Sub voc. ἰάχιμ. — ἱερογραμματῆς.

a) L. de Curiositat. init. T. II. p. 515. et L. ad Colotem. I. ad fin. p. 1126. Clem. Alexandr. VI. p. 454. ed. Lugd. Bat.

b) Il. XVI. v. 228.

c) Odyss. XXII. v. 481.

d) Hist. Bell. Pelopones. II. p. 63. gr. et vers. p. 44. ed. *Henr. Steph.* 1564. Repugnantia etiam magna exinde nascitur, quod *Thessali* oratio nouem annos post recitata dicitur, et

que temporum ordo tollatur necesse sit, si tunc temporis tanta tamque praeclara fuissent HIPPOCRATIS facinora. HIPPOCRATES enim, quantum ex *Sorano* ^{e)} intelleximus, olympiadis LXXX. anno I. natus est, eumque olympiade LXXXVI. demum vixisse auctor est *Eusebius* ^{f)}, qui qua ratione inter se conferendi sint, alii videant. Pestilentiae vero ortus in olymp. LXXXVII. incidit, annumque belli Peloponnesiaci secundum, proindeque, ut recte monuit *Io. Henr. Schulzius* ^{g)}, cum eo tempore paucis annis ante natus esset HIPPOCRATES, neque filios medicinae exercendae idoneos habuisse videtur, nec tantam nominis gloriam consecutus, ut omnibus reliquis palmam praeripere putaretur. Tandem itineris Scythici mentionem fecit HIPPOCRATES, quid, amabo, facturum fuisse existimabimus, si Graeciae vniuersae, in primisque Atheniensium reipublicae in re tam pestilentiali atque exitiosa utilitati fuisset? Adeone *Thucydidem* magni huius viri nomen et bene facta latuisse, ut eius in describenda pestilentiae huius immanitate ne meminerit quidem, ut potius omnem medicorum artem

N 3

mali

et tamen eius non, nisi recentiores scriptores meminerrunt.

e) In Vita HIPPOCR. ad calc. opp. T. II. ed. *Lind.*

f) *Chronic. Can.* p. 170. ed. *Scalig.* cf. *Plin. Hist. Nat.* XXIX. 1.

g) *Hist. Medecin. Per. I. Sect. III. c. 1. §. 13.* et *Compend. Hist. Medecin. L. II. 1. §. 243. p. 119.* Cf. *Clerc. Medecine P. I. L. III. 31. p. 233. sequ.*

mali magnitudine elusam fuisse perhibeat? "Ουτε γὰρ ἰατροὶ, inquit ^{h)}), ἦρχεν τὸ πρῶτον θεραπεύοντες ἀγνοία (ἀλλ' αὐτοὶ μάλιστα ἐδνησκον, ὅσω καὶ μάλιστα προσήεσαν,) ἕτε ἄλλη ἀνδροπεία τέχνη ἐδεμία. "Οσατε πρὸς ἱεροῖς ἰκέτευσαν, ἢ μαντείοις, καὶ τοῖς τοιέτοις ἐχρήσαντο, πάντα ἀνωφελῆ ἦν. Τελευτῶντές τε αὐτῶν ἀπέσκησαν ὑπὸ τῇ κακῇ νικώμενοι. *Nec enim medici propter morbi ignorantiam initio aegris mederi poterant, sed ipsi potissimum eo magis interibant, quo magis ad aegrotos accedebant, nec ulla alia hominum ars illis opem ac salutem ferre poterat. Omnes etiam supplicationes ad deorum templa facta et omnis opera, qua aut in oraculis sciscitandis aut in aliis huiusmodi rebus usi fuerant, haec omnia nullius usus erant, tandemque victi magnitudine mali haec missa fecerunt.* Nonne denique rectius hanc rogorum accensorum gloriam, vt *Plutarchus* ⁱ⁾) et *Paullus* ^{k)}) memoriae prodiderunt, aut *Acroni*, empiricae sectae conditori, attribuamus necesse est, cum hac in re vel inuiti consentire videantur *Aëtius* ^{l)}) et *Oribasius* ^{m)}), aut potius, auctore *Luciano* ⁿ⁾), *Toxari* Scythae beneficium abactae huius pestilentiae acceptum ferendum est, qui cum per quietem

h) L. cit. c. 47.

i) L. de *Iside* et *Osiride*, ad fin. T. II. p. 383.

k) L. II. 35. p. 44. ed. Basil. gr. 1538. et Verf. Basil. p. 84. ed. 1532.

l) L. cit. et ἔδ — p. 91. ed. graec.

m) Morbor. Curat. ad *Eunap.* III. i. p. 619.

n) In *Πρόξενος*.

tem *Architelis* vxori visus esset; quid hac in re tam exitiosa et pernicie capitali faciundum esset, et quanti vsus habenda rogorum accensorum lustratio, non potuit non eam reddere certiore? Id quod ne vanum fuisse diceretur, factum est, vt beneficii magnitudine perculsi Athenienses *Toxari* non tantum sacrificium ordinarent annuum, sed etiam columnae ministerio, cui inscriptum erat: *Ξένω λατρεῖν*! heroum in similitudinem nominis memoriam posteritati tradere voluerunt?

II. *Epistolae, quae de HIPPOCRATIS ad Persas itinere agunt.*

Ed. *Liud.* p. 896. sequ. T. II. Ed. *Foëf.* p. 3. sequ. Sect. VIII. Ed. *Froben.* gr. p. 522. sequ. Ed. *Mercuriat.* Sect. IV. p. 59. Ed. *Chart.* p. 9. sequ. T. I. Verf. *Cornar.* p. 671.

Sunt eiusdem, cuius ceterae omnes, futilitatis. Nimius enim auctor est in laudibus suis enarrandis, praetereaque et illud accedit, quod partim a Cois, quos pridem valere iusserat in Thessaliam commigraturus, mittendus postulatur, partim quod rei tantae ne meminit quidem quisquam veterum, neque *Thessalus*, nisi obiter. Ex quo conficitur, hoc certe beneficium, cum tam praeclarum in Athenienses esset, si vnquam a veritatis legibus propius afuisset, merito commemorari et potuisse et debuisse. Quod cum non factum sit, nonne illae epistolae censendae sunt inscio eo tempore non-

dum conscriptae, adeoque pro commentis habendae?

III. *Epistolae, quibus et Abderitarum ad HIPPOCRATEM legatio describitur, et Democriti insania viuis adumbratur coloribus,*

Ed. *Lind.* p. 901. sequ. T. II. Ed. *Froben.* gr. p. 524. sequ.
Ed. *Mercurial.* Sect. IV. p. 60. sequ. Ed. *Foëf.* p. 5.
sequ. Sect. VIII. Ed. *Chart.* p. 12. sequ. T. I. Vers.
Cornar. p. 673. seq.

Res illa ut perridicula est, nec ab HIPPOCRATE et qui eum proxime sequebantur, unquam vere commemorata, sic hominis recentioris ingenio deberi videtur, quicquid litterarum ea in re versatur. Qui cum Abderitarum stultitiam ab optimo quoque rideri exagitarique cerneret, non inepte se facturum existimauit, si, adsumto nobili HIPPOCRATIS nomine, ad eius se similitudinem componeret, et quaedam ex libro *περὶ ἰερῆς νόσου* admisceret, id quod pluribus illorum temporum impostoribus usu euenisse intelleximus, sibi quae re alia, hac certe fidem omnem derogasse.

Ecquis enim tam demens atque baro est, ut oppiduli incolas X. talentis Hippocrateum beneficium remuneratos et esse, et potuisse sibi persuadeat? Scimus enim, quicquid de *Philippi*, Macedonum regis, liberalitate gloriatur *Aelianus* °),
atque

°) Var. Hist. IV. 19. p. 118. T. I. ed. *Kretschm.*

atque de octingentis talentis *Aristoteli* ad conscribendam animalium historiam datis *Athenaeus* p) blateret, nihilo tamen secius, quantum ex *Plutarcho* licuit alicubi perspicere, omne militare aerarium vix LXX talenta tunc temporis aequasse, reliqua vero mutua fuisse sumpta. Quod si verum est, ut est, multo minus tanta numorum vis in misellos sane Abderitanos cadere posse censenda est. Quid denique HIPPOCRATIS magni grauitate indignius, quam graeculi more sententiolis festiuis, tanquam stellulis, orationem interstinguere? *Vtinam*, inquit q), *in auaritia persananda, qua nihil foedius, nihil intolerabilius, omnes omnino medici unice versarentur! Misera enim vita humana est, cum in tempestatis hibernae similitudinem auaritiae procellis huc illuc feratur et tantum non rapiatur.*

Ἀνάληψις τῆς ράβδου vero quid sit, cuius HIPPOCRATES r) aut auctor potius litterarum illarum meminisse videtur, adhuc sub iudice lis est. Propius saltem a veritate afuisse putandus est *Io. Henr. Schulzius* s), cui videbatur dies festus esse annuus, cum summus *Aesculapii* pontifex dignitatem deponeret, aliusque, prout ordo ferebat, in eius locum surrogaretur, id-

N 5

que

p) Deipnos. IX. 13. p. 398. ed. *Casaub.*

q) Ep. HIPPOCR. ad *Abderit.* p. 905. T. II. ed. *Lind.*

r) Ep. cit. p. 904.

s) Compend. Hist. Medic. L. I. c. VIII. §. 133. p. 50, et Hist. Medic. Per. I. Sect. II. c. 4. §. 26. p. 137.

que in *Aesculapii* memoriam baculi beneficio et signo, cui anguis aut draco erat circumdatus. Neque repugnat haec explicatio graecae linguae consuetudini, cuius est ἀναλαμβάνειν σκήπτρον, i. e. imperium capeffere, quam, si aliorum auctorum locis confirmare vellem, magna sane caterua suppeteret.

IV. *Epistolae ad PHILOPOEMENA.*

Ed. *Lind.* p. 906. sequ. T. II. Ed. *Froben.* gr. p. 525. sequ.

Ed. *Mercurial.* Sect. IV. p. 64. Ed. *Foëf.* p. 7. sequ.

Sect. VIII. Ed. *Chart.* p. 14. sequ. T. I. Vers. *Cornar.*

p. 675. sequ.

Praeter itineris narrationem Abderitarumque mores haud ita multa inesse videntur egregia, adeoque Hippocratea gloria et nomine vel maxime indignae hae epistolae. Quae vero ad *visum* pertinent, quod ei per quietem accidisse perhibetur, dici vix potest, quam presse ad illam *Procli* apud *Xenophontem* ^{t)} similitudinem efformata sit, vt, mutatis nominibus, eandem audire fabulam videaris, earumque mulierum altera, quae *veritatis* specie obuersabatur oculis, ad amussim illam *castitatis* Xenophonteam imaginem exprimeret, altera et immodestior et effrenior, ita etiam *voluptatis* *deae* similior opinio. De origine *insaniae* quae ibi proferuntur in medium, non contemnenda saltem videntur.

V. *Epi-*

t) Memorabil. *Socratis* II. 1. p. 63. sequ. ed. *Ernest.*

V. *Epistola ad DIONYSIVM.*

Ed. *Lind.* p. 910. T. II. Ed. *Froben.* gr. p. 526. Ed. *Mercurial.* Sect. IV. p. 65. Ed. *Foëf.* p. 8. Sect. VIII. Ed. *Chart.* p. 14. T. I. Vers. *Cornar.* p. 675.

Referendae hae litterae in earum sunt numerum, quae nec Graeciae instituta curant, cum illarum auctor, quisquis demum ille sit, vxoris curam et consuetudinem, patre superstite, alieno viro committendam esse putet, nec HIPPOCRATIS magni grauitatem verentur, cum hic sententiarum suauitati, mirum, quantum datum sit. Adeone HIPPOCRATEM lepidum atque festiuum, vt in arborum similitudinem voluptatem illecebras ressecari velit?

VI. *Epistolae ad DAMAGETVM.*

Ed. *Lind.* p. 911. sequ. T. II. Ed. *Froben.* gr. p. 526. sequ. Ed. *Mercurial.* Sect. IV. p. 66. sequ. Ed. *Foëf.* p. 9. sequ. Sect. VIII. Ed. *Chart.* p. 16. sequ. T. I. Vers. *Cornar.* p. 676. sequ.

Vanae sunt et superfluae itineris ad *Democritum* repetitiones, et sine dubio ab homine quodam, vt rumore narratiunculas id genus lepidas acceperat, ita etiam raptim et oscitanter conscriptae videntur. Desideres enim HIPPOCRATIS grauitatem, argumenti dignitatem accurationemque orationis:

VII. *Epistola ad CRATEVAM.*

Ed. *Lind.* p. 928. T. II. Ed. *Froben.* gr. p. 527. Ed. *Mercurial.* Sect. IV. p. 68. Ed. *Foëf.* p. 10. Sect. VIII. Ed. *Chart.* p. 16. T. I. Vers. *Cornar.* p. 677.

In demonstranda harum litterarum vanitate non est, quod multus sim. *Crateuam* enim ῥιζοτόμον,

τόμον, cuius et *Dioscorides* ^{u)} et *Galenus* ^{v)} magna cum laude meminerunt, *Mithridatis* demum et *Pompeii* temporibus vixisse constat inter omnes. Et quam indignum est HIPPOCRATE, omnes omnino herbas, quaecunque tandem sint, lectas seruatasque eum voluisse, nulla ordinis viriumque habita ratione! Quam aliena ista de funditus exstirpanda auaritiae radice sententia est ab HIPPOCRATIS grauitate, cuius proprium quasi et familiare est βραχυλογεῖν! Ex his facile colligi posse censeo, has litteras in suppositarum numero esse collocandas.

VIII. *Epistola ad THESSALVM filium.*

Ed. *Lind.* p. 934. T. II. Ed. *Froben.* gr. p. 535. Ed. *Mercurial.* Sect. IV. p. 79. Ed. *Foëf.* p. 21. Sect. VIII. Ed. *Chart.* p. 28. T. I. Vers. *Cornar.* p. 687.

Suppositas has esse litteras, vt mihi persuadeam, hisce de causis adducor, quod HIPPOCRATES, quem primum medicinam a sapientiae studio segregasse *Celsus* ^{w)} ait, filium ad percolendam grometriae numerorumque scientiam commonefaciat, idque ita, vt alterum magnae in offium negotio rite obeundo utilitati sit, alterum vero in explicandis febrium circuitibus, id quod *Pythagorae* doctrinam sapit, a qua tam alienus fuit HIPPOCRATES, vt *Heracliti* potius et *Democriti* adsecla esse videatur.

§. LXI.

Conclusio Operis.

Peractis igitur iis, quae de librorum Hippocraticorum auctoritate atque vi in medium proferenda
du-

u) *Mater. Medic.* L. I. Praefat. p. 1. ed. *Parif.* 1549.

v) *L. Simpl. Medic. Facult.* VI. Praef. p. 144. T. XIII. ed. *Chart.*

w) *De Medicina* L. I. Praefat. p. 3. ed. *Krausf.*

duximus, facile confici hinc posse existimo, perperam sane facere, id quod et ipsi nuper ^{x)} fecisse videmur temporis praeclusi angustiiis, qui quicquid HIPPOCRATIS magni nomine circumferri acceperint, verum et integrum esse arbitrantur, nec exemplorum praestantia ab ista se opinionum vanitate aut deterreri patiuntur, aut persuasionum lenociniis, auocari, idque, auctore *Horatio* ^{y)},

*Vel quia turpe putant parere minoribus, et quae
Imberbi didicere, senes perdenda fateri,*

vel quia magni viri persona videtur indignissimum, ad umbratilem illam nugarum ineptiarumque humilitatem descendere. Sed, bone deus! quantae difficultatum cohorti implicantur, quantae repugnantiarum, nisi se transfugarum more ad eorum partes conferant, qui *Hippocrateos libros veros a falsis, integros a suppositis* studia deditaque opera segregandos censent. Nam non potest non a se ipso dissentire HIPPOCRATES, si omnia omnino haec monimenta putes verissima, cum a multis, iisque longe diuersissimis auctoribus profecta et sint et videantur.

Cui rei tam arduae tamque praeclarae si quid lucis opera nostra fuerit affusum, nec omni viro-
rum doctorum destituamur approbatione in his Hippocrateis ordinandis collocandisque libris; spero, fore, ut, in quo litterarum graecarum veterisque medicinae studio sumus adhuc laxamenti gratia versati, in eo certe longius progrediamur, atque

x) Dissert. Inaug. cit.

y) L. II. Ep. I. v. 84.

que tandem *veterum medicorum fragmenta collecta, illustrata, emendata*, in vulgus demus. Sin vero aliter, coepti saltem laboris nostri nec poenitebit vnquam, neque pigebit, cum humaniorum litterarum studiis a teneris, quod aiunt, vnguiculis ducamur et tantum non rapiamur, nec si quis nobis bellum inferat Hippocraticorum librorum auctoritatem propugnaturus, arma capere animus est. Non enim

Bella geri placuit nullos habitura triumphos,
omnesque eos, quibus fortasse ob animi candorem dignus videar odio, rogatos velim meminerint, illius apud *Euripidem* ²⁾:

Ἄνδρὸς ἔ κακῆ τρόποι
Τοιοῖδε, χρῆσθαι τοῖσι βελτίστοις αἰεὶ.

Boni viri mos est
Ille, semper optima sententia uti.

2) Iphigen. in Aulide v. 502. P. II. p. 94. ed. *Paull. Steph.* 1602.



NOMENCLATURA RERVM ATQVE VERBORVM

IN
CENSURA LIBROR. HIPPOCRAT.
OCCVRRENTIVM.

A.

Abderitarum stultitia, et de X. talentis iudicium. p. 201	Aortae inuentio laus cui de- beatur. 105
Abderarum mentio fabulae de Democrito occasio. 151	Ἀρβύλα πηλοπαιτίδες quid 183
Achilles Homericus sulphu- re vititur ad poculum pur- gandum. 196	Ariston, quando vixit. 96
Acron auctor accensorum rogorum in pestilentia Atheniensi. 198	Aristotelis de anatome iudi- cium. 186
Aegyptiorum medicina. 168	— — sententia de medi- co philosopho. 84
Agrippae, Henr. Corn. Iudi- cium de libris Hipp. 45	— — sententia de l. περὶ ὁσέων φύσιος auctore. 108
Αἰμόρροος quid. 166	Ἀρμονία Pythagoraeor. 94
Ἀεροχέρισις. 98	Artemidori Capitonis edit. Opp. Hipp. 6
Alcmaeonis doctrina de pul- lo ex oui luteo nascen- do. 91	Asclepiadis Iudicium de Hipp. l. ἐπιδημιῶν. 63
Alcaeus auctor sententiae de potus per asperam arte- riam descensu. 106	Athletarum cibus. 98
Ἀλίνδησις. 98	Attica vetus lingua quid. 18
Aloes vsus in medicina. 173	Augustini testimonium de librorum Hipp. auctori- tate. 8
Ἀνάληψις τῆς ῥάβδου quid. 201	
Anatome Hipp. qualis, et an corpora hum. secuerit. 184	

B.

Breuitas Hipp. II

C.

Caelii Aurel. L. Regularis f.
Diaeteticus, quid. 67

O

Cha-

Foëfii Iudicium de l. <i>περὶ καρδίας.</i>	105	Herodici vitae adumbratio.	59
— — <i>περὶ κρίσεων.</i>	121	Herophili Comment. in Prae-	
— — <i>προρρητικῶν.</i>	122	not. Hipp.	54
— — Coac. Praenot.	125	Hippocratis laus.	1
— — Mochlic.	190	— libri genuini.	40
Freind Iudicium de l. <i>ἐπι-</i>		— Iusiurandum.	41
<i>δημιῶν α΄. et γ΄.</i>	104	— Aphorismi.	43
G,		— de aere, aquis et locis.	49
Galenii Index librorum Hip-		— Praenotiones.	52
pocr.	27	— Praedictionum II.	57
— L. <i>περὶ τῆς Ἰπποκρά-</i>		— Officina medici.	59
<i>της ἀνατομῆς.</i>	103	— Morborum populari-	
— sententia de doctrina		um I. et III.	61
Hipp. de venar. origine		— De Victu Acutorum.	65
et distribut.	107	— De Vulneribus Capi-	
— Iudic. de L. <i>Ἐπιδημ.</i>	142	tis.	69
— de anatome iudic.	186	— De Fracturis.	71
Gesneri <i>ψύχαι Ἰπποκρά-</i>		— Libri suppositi.	75
<i>της.</i>	96	— De Arte.	77
Glaucias, cui attribuat l. <i>πε-</i>		— De Prisca Medicina.	79
<i>ρὶ χυμῶν.</i>	113	— Lex.	80
— eius comment. in verba		— De Medico.	82
quaed. l. <i>περὶ τροφῆς.</i>	130	— De Decenti Ornatu.	84
Gundlingius calumniator.	88	— Praeceptiones.	86
Gymnastica qualis ante Ho-		— De Principiis et Car-	
mer.	97	nibus.	88
H.		— De Genitura.	89
Halleri Index libror. Hipp.		— De Natura Pueri.	90
genuinor.	38	— De Partu Septimestri	
— Iudicium de l. <i>περὶ</i>		et Octimestri.	93
<i>φυσῶν.</i>	116	— De Victus Ratione I.	
Heracliti sententia de rerum		II. et III.	94
origine.	88	— De Natura Hominis.	
Herodici febres curandi via.			99
	151	O 2	Hip-

NOMENCLATURA

Hippocr. De Structura Hominis.	102	Hippocr. Morborum Popularium II. IV – VII.	142
— De Refectione.	103	— De Morbis I – IV.	152
— De Corde.	105	— De Affectionibus.	158
— De Ossium Natura.	107	— De Internis Affectionibus.	160
— De Venis.	109	— De Morbo Sacro.	162
— De Aetate.	110	— De Infania.	165
— De Humoribus.	112	— De Haemorrhoidibus.	166
— De Locis in Homine.	114	— De Visu.	167
— De Flatibus.	116	— De Virginum Morbis.	170
— De Glandulis.	118	— De Natura Muliebri. ib.	
— De Significatione Vitae et Mortis.	119	— De Morbis Mulier.	172
— De Diebus Iudicatoriis.	120	— De Sterilibus.	174
— L. De Iudicationibus.	121	— De Superfoetatione.	175
— — Praedictionum I.	122	— De Exsectione Foetus.	176
— Coacae Praenotiones.	124	— De Ulceribus.	177
— De Dentitione.	127	— De Fistulis.	178
— De Alimento.	128	— De Articulis.	179
— De Humidorum Vsu.	131	— Vectarius.	190
— De Purgantibus.	132	— Veterinaria.	192
— De Veratri Vsu.	133	— Epistolae.	193
— De Salubri Victus Ratione.	134	— cultus.	185
— De Infomniis.	137	— praestantia in praefaciendo.	52
— De Sanitate Tuenda ad Demetrium.	139	Hofmanni, Casp. suppositum iudic. I. περί τροφῆς.	129
— De Sanitate Tuenda ad Antiochum Regem.	140	Homerus imitatione expressus Hipp.	13
— De Sanitate Tuenda ad Maecenatem.	ib.	— versiculi eius, qui nusquam, nisi hic extant.	181, 191
		I. Iac.	

I.

Iacches Aegyptius inuentor
rogorum accensorum ad-
vers. aeris putrorem. 195
Inflatio Platonis aetate no-
va. 83

K.

Κρητικὸς τρόπος τῶν ὑποδη-
μάτων. 183
Κωρυκομαχίη. 98

L.

Lactis equini ap. Scythas
usus. 157
Lemosii, Lud. Iudicium opp.
Hipp. 31
Luciani Iudicium de pesti-
lencia Atheniens. 198
Lycurgi institutum quoad
medicos. 83

M.

Macrobian locus ex l. περὶ
φύσεως ἀνθρώπου. 99
Medicinae laus. 85
Medici boni dotes. 81
Meibom. Iudicium de l. πε-
ρὶ παιδὸς φύσεως. 92
Mercurialis, Hier. Iudicium
Opp. Hipp. 31
Mnemonis signa in calce li-
br. Epidem. III. 65

N.

Nardii, Io. Comment. in L.
περὶ καρδίας qualis. 106

Nardii, Io. Comm. in l. περὶ
ὑγρῶν χρήσιος. ib. et 131
Nietzkii opera in fingendis
temere morborum for-
mis confutatur. 155
Numeri septenarii vis. 111

O.

Obscuritas Hipp. 19
Ocularii medici quales ap.
vett. 169
Oculorum scarificatio. 167
Ὄϊος ἀκράτος quid. 98
Oribasii Comment. in Aph.
Hipp. an genuina. 48
— Iudicium de pestilen-
tia Atheniens. 198
Ὀυρέματα voc. nouitas. 100
Ὁσεολογία ap. vett. quid. 185

P.

Palladii Index libror. Hip-
pocr. 28
Paulli de pestilentia Athe-
niens. Iudicium. 198
Περὶ Φαρμακίτιδος et περὶ
Φαρμάκων quis. 159
Pestilentiae Atheniens. aba-
ctae laus cui debeatur. 195
Philistion Locrus quando vi-
xit. 96
Φρένες non sedes sapientiae.
163

Platonis sententia de medi-
co, cuius aeger moritur. 53
— distributio medicor. 81

Πλευρίτιδες quot Cnidiis.	156	Sylphii prouentus.	157
Plutarchi Iudicium de Pestilentia Atheniens.	198	Σύνοχος voc. nouitas.	100
		Συρμαϊσμός vbi explicatur.	183

R.

Ratiocinatur Hipp. sed parce.	22
Reinesii Iudicium l. περὶ τόπων τῶν κατ' ἄνδρα πον.	115
Ruffi Iudicium de anatom.	186
Ῥυσμός vox Abderitica et Democrit.	104

S.

Sabini Comm. in verba quaedam l. περὶ τροφῆς.	130
Salmasii Iudicium de placitis Hipp.	45
Sanguis albus deorum.	119
Scytharum morbus popularis.	50
Secretionum explicandarum modus ap. vett.	157
Segeri Diss. de l. Hipp. περὶ καρδίας.	106
Simplicitas orationis Hipp.	21
Σκελετός ap. vett. et in primis Aegyptios quid.	185
Stephani Iudicium de libr. Hipp.	30
Suidae Index libr. Hipp. ib.	

T.

Terentius Velpistius quis.	141
Thessali adumbratio.	145
Thucydides quos imitetur	17
— eius Iudicium de pestilentia Athen.	196
Toxaris auctor abactae pestilentiae Atheniens.	198

V.

Venarum descriptio.	101
— 4. origo in quibus libris occurrat.	110
Venaesectionis in dolore laterum historia et vsus.	138
Vlysses sulphure accenso domum lustrat.	196

X.

Xenophon de medicis aulicis.	86
— de medicorum oratione ad populum artis causa,	87
— comparatio fictionis eius cum Hipp.	202

Z.

Zuingeri, Theod. Iudicium de l. περὶ παιδὸς φύσεως.	91
---	----



V I T I A

O P E R A R V M.

- Cap. I. §. I. not. a. l. 9. p. 2. ἀήθη, leg. αἰδή.
- Sect. I. §. II. p. 3. l. 2. *tum*, leg. *tam*.
- — — p. 5. not. k. *Oribos*, leg. *Oribas*.
- — §. III. p. 6. not. o. ἀπεβράσσατο, leg. ἀπεβράσ-
σετο.
- Sect. II. §. VI. p. 13. l. 9. χαδόν, leg. χαιδόν.
- — §. XII. p. 20. not. c. l. 7. *Citticus*, leg. *Cittieus*;
Apelonius, leg. *Apollonius*, atq. p. 21. ead.
not. l. 4. *Sorando*, leg. *Soranus*.
- Sect. III. §. XIV. p. 24. l. 17. *praenarrato*, leg. *praenar-
raro*.
- Cap. II. §. IV. p. 44. not. mm. *Faëf*, leg. *Foëf*. et p. 45. l. 12. *Ad*.
leg. *at*. et p. cit. not. o. l. 3. ἡτοίγα, leg. ἡτοίγε.
- §. V. p. 50. l. 21. *iusserit*, leg. *iussit*. et p. 51. not. h. *f*.
leg. *cf*.
- §. VI. p. 52. not. l. *indication*. leg. *Iudication*.
- §. VII. p. 58. l. 3. τητῶν, leg. ζητῶν.
- §. IX. p. 62. l. 21. *eo*, leg. *ea*; et p. 63. not. a. *quod*, leg.
quos; denique p. 64. l. 3. *monendo*, leg. *mo-
uendo*.
- §. XI. p. 70. l. 18. del. *non*.
- §. XII. p. 71. l. 5. *V*. leg. *T*.
- Cap. III. §. XII. p. 94. l. 12. post, *magni*, adde, *auctoritate*.
- §. XIII. p. 95. l. 6. post, p. 241, adde, *T. I*. et l. 24.
dissentio. leg. *dissensio*; p. 96. not. o. post.
p. 306. adde, *T. VI*. denique p. 97. not. r.
l. 4. ἀνθρώπων, leg. ἀνθρώπων.
- §. XV. p. 102. post, *De Structura Hom*. leg. *ad Perdic-
cam, Macedonum Regem*.
- §. XXII. p. 115. l. 23. *de*, leg. *in*; et p. 116. l. 1. *quae-
dam*, leg. *quaedam*.
- §. XXVIII. p. 124. l. 7. *facili*, leg. *facile*.
- §. XXXI. p. 128. l. 16. *Philotino*, leg. *Philotimo*; et p.
130. l. 18. et 23. ἐκτροσιν, leg. ἐκτρωσιν.
- §. XXXVI. p. 137. not. h. *Boerb*. leg. *Bach*.
- §. XXXVII. p. 139. l. 17. *alterm*, leg. *alterum*; et l. 21.
del. *esse*.
- §. XXXIX. p. 141. l. 22. *Euelpis*, leg. *Euelpides*.
- §. XL. p. 142. l. 3. post, *sane*, adde, *non*; et l. 6. post,
gravitatem, adde, *dilucidandam*.

Cap. III. §. XLI. p. 156. l. 8. ἀνάγνη, leg. ἀνάγνη.

— §. XLII. p. 159. l. 22. post, *accidat*, adde, ;.

— §. XLIV. p. 162. not. z. *Prognott*. leg. *Prognost*.

— §. XLV. p. 165. l. 20. *aqua mulsa*, leg. *aquam mulsam*.

— §. XLVIII. p. 170. l. 10. *videat*, leg. *videat*.

— §. XLIX. p. 171. l. 9. *et*, leg. *at*.

— §. L. p. 172. l. 9. γεραυτέρησι, leg. γεραυτέρησι, et p. 174.
l. 5. *omnes*, leg. *omnis*, *expertam*, leg. *expertem*.

— §. LVII. p. 185. l. 11. *quod*, leg. *quoad*; et p. 186. l. 13.
impudentiae, leg. *imprudentiae*; at p. 187.
l. 24. post, *solent*, adde *et*; denique p. 189.
l. 11. *maligne*, leg. *malique*.

— §. LIX. p. 192. l. 16. σμύρνι, leg. σμύρνη.

— §. LX. p. 197. not. g. l. 2. post, *Clerc*, add. *Hist. de*, et
p. 198. l. 3. ἔδνησκον. leg. ἔδνησκον: Porro p.
199. l. vlt. del. *in scio*, et p. 202. l. 24. *et*, leg.
ut: Tandem p. 204. l. 20. *grometriae*, leg.
geometriae, et p. 203. l. 9. *voluptatem*, leg.
voluptatum.

— §. LXI. p. 205. l. 17. *studia*, leg. *studio*.

Quae operarum vitia vt sibi lectores fumant suo quacque
loco emendanda, etiam atque etiam rogo.



